

# SABUURRADII

## Kitaabka Kowaad

### *Sabuurrada 1-41*

- 1** <sup>1</sup> Waxaa barakaysan ninkii aan ku socon talada kuwa sharka leh,  
Oo aan istaagin jidka dembilayaasha,  
Oo aan ku fadhiisan kursiga kuwa wax quudhsada.  
<sup>2</sup> Laakiinse waxaa isaga ka farxiya sharciga Rabbiga,  
Oo habeen iyo maalinba sharcigiisuu ka fikiraa.  
<sup>3</sup> Oo wuxuu ahaan doonaa sida geed lagu beeray durdurrada biyaha agtooda,  
Oo midhihiisa dhala xilligooda,  
Oo aan caleentiisuna engegin.  
Oo wax alla wuxuu sameeyoba wuu ku liibaani doonaa.  
<sup>4</sup> Laakiinse kuwa sharka lahu sidaas ma aha,  
Iyaguse waxay la mid yihiin buunshaha dabayshu kaxayso.  
<sup>5</sup> Sidaas daraaddeed kuwa sharka lahu isma dhex taagi doonaan xukunka,  
Dembilayaashuna sooma dhex geli doonaan kuwa xaqaa ah ururkooda.

<sup>6</sup> Waayo, Rabbigu waa yaqaan kuwa xaqaa ah jidkooda, Laakiinse kuwa sharka ah jidkoodu waa baabbi'i doonaa.

- 2** <sup>1</sup> Bal quruumuhu maxay u cadhoodaan,  
Dadkuna maxay ugu fikiraan wax aan waxba ahayn?  
<sup>2</sup> Boqorrada dhulku col bay u taagan yihiin,  
Taliyayaashuna waxay u wada tashadaan  
Rabbiga iyo Masiixiisa, iyagoo leh,  
<sup>3</sup> Silsiladahooda aan gooyno  
Oo xadhkahoodana aan iska fogayno.  
<sup>4</sup> Kan samada fadhiyaa wuu qosli doonaa,  
Oo Sayidku iyaga wuu ku majaajiloon doonaa.  
<sup>5</sup> Markaasuu isagoo cadhaysan iyaga la hadli doonaa,  
Oo wuxuu iyaga ku dhibi doonaa dhirifkiisa isagoo leh,  
<sup>6</sup> Anigu boqorkaygii waxaan fadhiisiyey Buurtayda quduuska ah oo Siyoon.  
<sup>7</sup> Amarkii ayaan wax ka sheegi doonaa,

Rabbigu wuxuu igu yidhi, Adigu  
waxaad tahay wiilkayga,

Maantaan ku dhalay.

<sup>8</sup> I bari oo waxaan dhaxal  
ahaan kuu siin doonaa  
quruumaha,

Oo dunida meelaha ugu  
fogfogna hanti ahaan  
baan kuu siin doonaa.

<sup>9</sup> Waxediyaga ku jejebin  
doontaa ul bir ah,

Oo waxaad u burburin  
doontaa sida weelka  
dheryasameeyaha.

<sup>10</sup> Haddaba sidaas daraaddeed,  
Boqoradow, caqli  
yeesha,

Oo xaakinnada dhulkow, edeb  
yeesha.

<sup>11</sup> Rabbiga cabsi ugu adeega,

Oo reyreeya idinkoo gariiraya.

<sup>12</sup> Wiilka dhunkada, waaba  
intaasoo uu idiin  
cadhoodaa oo aad jidka  
ku baabba'daane.

Waayo, cadhadiisu haddiiba  
way kululaan doontaa.

Waxaa barakaysan kuwa isaga  
isku halleeya oo dhan.

*Kanu waa sabuur Daa'udd  
tirihey markuu wiilkiisa  
Absaaloom ka cararay.*

**3** <sup>1</sup> Rabbiyow,  
cadaawayaaashaydu  
fara badanaa!

Kuwa igu kacaa aad bay u  
badan yihii.

<sup>2</sup> Way badan yihii kuwa  
naftayda wax ka  
sheegaa, iyagoo leh,  
Ilaah isaga caawin maayo.  
(Selaah)

<sup>3</sup> Laakiinse, Rabbiyow, adigu  
waxaad tahay gaashaan  
igu wareegsan,  
Iyo sharaftayda, iyo kan  
madaxayga kor u qaada.

<sup>4</sup> Codkayga ayaan Rabbiga ugu  
qayliyaa,

Oo isaguna wuxuu iiga  
jawaabaa buurtiisa  
quduuska ah. (Selaah)

<sup>5</sup> Anigu waan jiifsaday oo waan  
iska seexday,

Oo haddana waan soo toosay,  
waayo, Rabbiga ayaa i  
xannaaneeyaa.

<sup>6</sup> Ka baqi maayo dadka  
kumanyaalkaa,

Oo gees kasta iga hareereeyey.

<sup>7</sup> Kac, Rabbiyow, oo i badbaadi,  
Ilaahayow,

Waayo, cadaawayaaashaydii  
oo dhan waxaad ku  
dhufatay dhabanka,

Oo kuwa sharka leh  
ilkahoodiina waad  
jejebisay.

<sup>8</sup> Badbaado waxaa leh Rabbiga,  
Barakadaadu dadkaaga ha ku  
soo degto. (Selaah)

*Kanu waa sabuur Daa'eed  
u tirihey madaxdii  
muusikaystayaasha, oo  
waxaa lagu qaadaa alaab  
xadhko leh oo muusiko ah.*

- 4** <sup>1</sup> Ilaaha xaqnimadidaydow,  
markii aan ku baryo i  
maqal,  
Markii aan cidhiidhi ku jirayba  
meel baad ii bannaysay,  
Ii naxariiso oo baryadayda  
maqal.  
<sup>2</sup> Binu-aadmigow, ilaa goormaa  
sharaftaydu sharafjab u  
rogmanaysaa?  
Ilaa goormaad wax aan micne  
lahayn jeelaanaysaan?  
Oo ilaa goormaad been  
doondoonaanaysaan?  
(Selaah)  
<sup>3</sup> Laakiinse ogaada in Rabbigu  
gooni ahaan isugu  
soocay kii cibaado leh,  
Rabbigu wuu maqli doonaa  
markii aan u yeedho  
isaga.  
<sup>4</sup> Cadhooda oo ha dembaabina,  
Qalbiinna la hadla markii aad  
sariirtiinna ku jiiftaan,  
oo aamusa. (Selaah)
- <sup>5</sup> Bixiya allabaryadii xaqnimada,  
Oo Rabbiga isku halleeya.  
<sup>6</sup> Waxaa jira kuwo badan oo  
yidhaahda, Bal yaa  
wanaag na tusaya?  
Rabbiyow, iftiinka wejigaaga  
nagu ifi.

- 7** Wuxaad qalbigayga gelisay  
farxad  
Ka sii badan tan ay helaan  
markii hadhuudhkooda  
iyo khamrigoodu ay  
kordhaan.  
**8** Nabad baan ku jiifsanayaa oo  
aan ku seexanayaa,  
Waayo, Rabbiyow, adigoo  
keliya aaya ammaan igu  
bariyya.
- Kanu waa sabuur Daa'eed  
u tirihey madaxdii  
muusikaystayaasha, oo  
waxaa lagu qaadaa alaab la  
afuufo oo muusika ah.*
- 5** <sup>1</sup> Rabbiyow, bal hadalladayda  
dhegta u dhig,  
Oo ka fiirso fikirradayda.  
<sup>2</sup> Boqorkayga iyo Ilaahaygow,  
bal maqal codka  
baryadayda,  
Waayo, adigaan kuu tukanayaa.  
<sup>3</sup> Rabbiyow, codkayga aroorta  
baad maqli doontaa,  
Oo aroorta ayaan tukashadayda  
kugu soo hagaajin  
doonaa, oo waan soo  
jeedi doonaa.  
<sup>4</sup> Waayo, adigu ma ihid Ilaah  
xumaanta ku farxa,  
Oo shar adiga kula jiri maayo.  
<sup>5</sup> Kan ismadax-weyneeyaa  
hortaada soo istaagi  
maayo,  
Oo waxaad neceb tahay  
xumaanfalayaasha oo  
dhan.

<sup>6</sup> Waad wada baabbi'in doontaa  
kuwa beenta ku hadla,  
Rabbigu aad buu u karhaa  
kan dhiigiyacabka ah iyo  
khaa'inkaba.

<sup>7</sup> Laakiinse anigu  
kalgacaylkaaga badan  
ayaan gurigaaga ku soo  
gelayaa,

Oo anigoo kaa cabsanaya ayaan  
xagga macbudkaaga  
quduuska ah u soo  
tukan doonaa.

<sup>8</sup> Rabbiyow,  
cadaawayaaashayda  
daraaddood  
xaqnimadaada igu  
hoggaami,

Oo jidkaaga hortayda ku toosi.  
<sup>9</sup> Waayo, afkooda daacadnimo  
kuma jirto,

Oo uurkooda hoosena waa  
xumaan miidhan,  
Hungurigooduna waa qabri af  
bannaan,

Oo carrabkooduna waa  
sasabasho miidhan.

<sup>10</sup> Ilaahow, iyaga kuwo eed leh  
ku tiri,

Oo iyagu taladooda ha ku  
baabbe'een,

Oo xadgudubkooda batay  
daraaddiis u tuur iyaga,  
Waayo, way kugu  
caasiyoobeen.

<sup>11</sup> Laakiinse kuwa adiga isku kaa  
halleeya oo dhammu ha  
reyreeyeen,

Oo farxad ha ku qayliyeen  
weligoodba, maxaa  
yeelay, adigaa daafaca  
iyaga,  
Kuwa magacaaga jeceluna  
adiga ha kugu farxeen.  
<sup>12</sup> Waayo, Rabbiyow, kii xaq ah  
waad barakayn doontaa,  
Oo waxaad hareerihiisa  
ku wareejinaysaa  
raallinimo sidii gaashaan  
oo kale.

*Kanu waa sabuur Daa'uud  
u tirihey madaxdii  
muusikaystayaasha, oo  
waxaa lagu qaadaa alaab  
xadhko leh oo muusiko ah, oo  
Shemiiniid lagu luuqeeyo.*

**6** <sup>1</sup> Rabbiyow, cadhadaada ha  
igu canaanan,

Oo dhirifkaaga kululna ha igu  
edbin.

<sup>2</sup> Rabbiyow, ii naxariiso,  
waayo, anigu waan  
taagdaranaahay,

Rabbiyow, i bogsi, waayo,  
lafahaygu way dhib  
qabaan.

<sup>3</sup> Oo weliba naftayduna aad iyo  
aad bay u dhibaataysan  
tahay,

Adiguse, Rabbiyow, ilaa  
goormaad sugaysaa?

<sup>4</sup> Rabbiyow, soo noqo oo  
naftayda samatabbixi,  
Oo igu badbaadi raxmaddaada  
daraaddeed.

5 Waayo, geeridu ma leh xusuus  
adiga lagugu xusuusto,  
Bal yaase She'ool kaaga  
mahadnaqi doona?

6 Waaan la daalay jibaadkayga,  
Habeen kasta sariirtayda oohin  
baan ku qoyaa.  
Gogoshaydana waxaan ku  
qoyaa ilmadayda.

7 Ishaydu waxay la gudhaysaa  
tiiraanyo,  
Oo cadaawayaashayda  
daraaddood ayay la  
gabowdaa.

8 Iga taga, kuwiinna xaqdarrada  
ka shaqeeya oo  
dhammow,  
Waayo, Rabbigu waa maqlay  
codkii oohintayda.

9 Rabbigu waa maqlay  
baryootankaygii,  
Oo Rabbigu waa aqbalayaa  
tukashadayda.

10 Cadaawayaashayda oo  
dhammu way wada  
ceeoobi doonaan,  
oo aad iyo aad bay u  
dhibtoon doonaan,  
Dib bay u noqon doonaan,  
oo si kediso ah ayay u  
ceeoobi doonaan.

*Kanu waa sabuur Shiggayoon ah  
oo Daa'uud Rabbiga ugu gabay,  
oo ku saabsan Kuush oo  
ahaa reer Benyaamiin.*

7 1 Rabbiyow, Ilaahayow,  
adigaan isku kaa  
halleyaa,

Haddaba iga badbaadi kuwa i  
eryanaya oo dhan, oo  
iga samatabbixi,  
2 Waaba intaasoo ay naftayda  
sida libaax oo kale u kala  
dildillaaciyaane,  
Oo ay i kala jeexjeexaan  
intii aanay jirin cid iga  
samatabbixisaa.

3 Rabbiyow, Ilaahayow, haddii  
aan waxan sameeyey,  
Haddii xumaanu gacmahayga  
ku jirto,

4 Haddii aan shar ugu  
abaalguday mid ila  
nabad ah,  
(Haah, oo waxaan  
samatabbixiyey kii  
sababla'aan cadowga  
iigu ahaa,)

5 De markaas cadowgu  
naftayda ha eryado, oo  
ha qabsado,  
Oo isagu ha igu tunto,  
Oo sharaftaydana ciidda ha ku  
rido. (Selaah)

6 Rabbiyow, cadhadaada la kac,  
Oo ku kac dhirifka  
cadaawayaashayda,  
Aniga daraadday u sara joogso,  
waayo, waxaad amartay  
xukun.

7 Oo dadyowga ururradoodu ha  
ku hareereeyeen,  
Oo adna iyaga xagga sare uga  
noqo.

8 Rabbigu dadyowga buu u  
garsooraa,

Rabbiyow, ii xukun siday  
 xaqnimadaydu tahay, iyo  
 siday daacadnimadayda  
 igu jirtaa tahay.

<sup>9</sup> Kuwa sharka leh sharkoodu ha  
 dhammaado, laakiinse  
 xoogee kuwa xaqa ah,  
 Waayo, llaaha xaqa ahu wuxuu  
 imtixaamaa qalbiga iyo  
 uurka.

<sup>10</sup> Gaashaankaygu wuxuu la  
 jiraa llaaha  
 Badbaadiya kuwa qalbigoodu  
 qumman yahay.

<sup>11</sup> Ilaah waa xaakin xaq ah,  
 Oo waa Ilaah maalin kasta  
 dhirifsan.

<sup>12</sup> Haddii aan laga noqon,  
 isagu seeftiisuu afaysan  
 doonaa,  
 Qaansadiisana wuu xootay, oo  
 wuu diyaarsaday.

<sup>13</sup> Oo weliba wuxuu  
 diyaarsaday alaabti  
 dhimashada,  
 Oo fallaadhihiisana wuxuu ka  
 dhigtaa kuwo ololaya.

<sup>14</sup> Bal eega, ninku wuxuu la  
 dhibtoodaa xumaan,  
 Oo wuxuu wallacay belaayo, oo  
 wuxuu dhalay been.

<sup>15</sup> Booraan buu sameeyey, oo  
 uu qoday,  
 Oo wuxuu ku dhacay bohoshii  
 uu isagu sameeyey.

<sup>16</sup> Belaayadiisu waxay dib ugu  
 noqonaysaa madaxiisa,  
 Oo dulmigiisuna dhaladiisu ku  
 soo degaya.

<sup>17</sup> Rabbiga waan ugu  
 mahadnaqayaa sida  
 ay xaqnimadiisu tahay,  
 Oo waxaan u ammaanayaa  
 magaca Rabbiga ah  
 llaaha ugu sarreyya.

*Kanu waa sabuur Daa'udd  
 u tirihey madaxdii  
 muusikaystayaasha, oo  
 waxaa lagu luuqeeyaa Gitiid.*

- 8** <sup>1</sup> Rabbiyow, Sayidkayagiyyow,  
 Magacaagu dunida oo dhan  
 ku fiicanaa!  
 Waayo, sharaftaadii waxaad ka  
 sarraysiisay samooyinka.  
<sup>2</sup> Wuxaad xoog u yeeshay  
 afka ilmaha yaryar iyo  
 caanonuugga,  
 Waana cadaawayashaada  
 daraaddood,  
 Si aad u aamusiisid cadowga  
 iyo aardoonda.  
<sup>3</sup> Markaan ka firsado  
 samooyinka farahaaga  
 lagu sameeyey,  
 Iyo dayaxa iyo xiddigaha aad  
 amartay,  
<sup>4</sup> Bal waa maxay dadku oo aad  
 u xusuusataa isaga?  
 Iyo wiilka aadanaha oo aad u  
 soo booqataa?  
<sup>5</sup> Waayo, waxaad isaga wax  
 yar ka hoosaysiisay  
 malaa'igaha,  
 Wuxaanad taaj uga dhigtag  
 ammaan iyo murwad.

<sup>6</sup> Oo waxaad isaga ka dhigntay  
inuu u taliyo shuqullada  
gacmahaaga,  
Oo wax walbana cagiiisaad ka  
hoosaysiisay,  
<sup>7</sup> Idaha iyo lo'da oo dhan,  
Iyo xayawaanka duurka  
joogaba,  
<sup>8</sup> Iyo haadka hawada, iyo  
kalluunka badda,  
Iyo wax alla waxa ku dhex socda  
waddooyinka badaha.  
<sup>9</sup> Rabbiyow, Sayidkayagiiyow,  
Magacaagu dunida oo dhan ku  
ficanaa!

*Kanu waa sabuur Daa'eed  
u tirihey madaxdii  
muusikastayaasha, oo waxaa  
lagu luuqeeyaa Muutlabbeen.*

- 9** <sup>1</sup> Qalbigayga oo dhan ayaan  
Rabbiga ugu mahadnaqi  
doonaa,  
Waxaan muujin doonaa  
shuqulladaada yaabka  
leh oo dhan.  
<sup>2</sup> Waan kugu farxi doonaa oo  
kugu rayrayn doonaa,  
Kaaga ah kan ugu sarreeyow,  
magacaaga ayaan  
ammaan ugu gabyi  
doonaa.  
<sup>3</sup> Cadaawayaaashaydu markii ay  
dib u noqdaan,  
Way kufaan, oo waxay ku  
halligmaan hortaada.  
<sup>4</sup> Waayo, adigu xaqaygii iyo  
dacwadaydiiba waad  
ilaalisay,

Carshigaad ku fadhiday  
adigoo si xaq ah wax u  
xukumaya.  
<sup>5</sup> Quruumaha ayaad  
canaanatay, oo kuwa  
sharka lehna waad  
baabbi'isay,  
Oo magacoodiina waad tirtirtay  
weligiis iyo weligiis.  
<sup>6</sup> Cadaawayaaashii way  
dhammaadeen, oo  
weligoodba waa  
baabba',  
Oo magaaloooyinkii aad  
afgembidayna  
Xataa xusuustoodii waa  
baabba'day.  
<sup>7</sup> Laakiinse Rabbigu wuxuu  
weligiis u fadhiyaa sida  
boqor,  
Oo carshigiisiina wuxuu u  
diyaarsaday garsoorid.  
<sup>8</sup> Oo dunida xaqnimuu ku  
xukumi doonaa.  
Oo dadyowgana qummanaan  
buu ugu garsoori  
doonaa.  
<sup>9</sup> Oo weliba Rabbigu wuxuu  
kuwa la dulmay u noqon  
doonaa magangal.  
Oo kolkii ay dhibaataysan  
yihiinna magangal buu u  
ahaan doonaa,  
<sup>10</sup> Oo kuwa magacaaga  
yaqaanna way isku kaa  
hallayn doonaan,  
Waayo, adigu Rabbiyow, ma  
aad dayrisid kuwa ku  
doondoona.

- <sup>11</sup> Rabbiga Siyoon deggan  
ammaan ugu gabya,  
Oo waxyaalahuu sameeyey  
dadka dhexdiisa ka  
caddeeya.
- <sup>12</sup> Waayo, waxaa iyaga xusuusta  
ka dhiigga ka aarguda,  
Oo isagu ma illoobo qaylada  
masaakiinta.
- <sup>13</sup> Rabbiyow, ii naxariiso,  
Bal eeg dhibaatada ay kuwa i  
necebu igu hayaan.  
Waxaad kor iiga qaaddaa  
irdaha dhimashada,
- <sup>14</sup> Si aan u muujiyo  
ammaantaada oo  
dhan,  
Badbaadadaada aawadeed  
ayaan ugu farxi doonaa  
irdaha Siyoon.
- <sup>15</sup> Quruumihii waxay ku  
dheceen yamayskii ay  
qodeen,  
Oo cagtoodiina waxaa  
qabsaday shabaggii  
ay qariyeen.
- <sup>16</sup> Rabbigu waa ismuujiyey, oo  
xukun buu dejiyey,  
Kii shar lahaa waxaa dabay  
shuqulkii gacmihiisa.  
(Higgayoon. Selaah)
- <sup>17</sup> Kuwa sharka lahu waxay ku  
noqonayaan She'ool,  
Waana quruumaha Ilaah  
illoobay oo dhan.
- <sup>18</sup> Waayo, kan baahan mar  
walba lama illoobi  
doono,

Oo masaakiinta  
waxfilashadooduna  
weligeed ma  
baabba'sanaan doonto.

<sup>19</sup> Rabbiyow, sara joogso, oo  
dadku yaanay adkaan.  
Quruumaha hortaada ha lagu  
xukumo.

<sup>20</sup> Rabbiyow, iyaga cabsi geli,  
Oo quruumuhu ha is-ogaadeen  
inay dad uun yihiin.  
(Selaah)

- 10** <sup>1</sup> Rabbiyow, maxaad  
meesha fog u istaagtay?  
Oo maxaad u dhuumataa  
markii dhibaato jirto?
- <sup>2</sup> Kii shar leh oo kibir badan  
ayaa miskiinka si kulul u  
eryada,  
Xeeladdii ay hindiseen iyaga ha  
la rogmato.
- <sup>3</sup> Waayo, kii shar lahu wuxuu ku  
faanaa waxa qalbigiisu  
jecel yahay,  
Oo kii damaci ahuna Rabbiga  
wuu nacaa, wuuna  
quudhsadaa.
- <sup>4</sup> Kii shar lahu isagoo wejigiisa  
kibir ka muuqdo wuxuu  
yidhaahdaa,  
Isagu waxba i weyddiisan  
maayo.  
Fikirradiisa oo dhammu waxaa  
weeye, Ilaah ma jiro.
- <sup>5</sup> Jidadkiisuu ku adag yahay had  
iyo goorba,

Xukummadaaduna waa ka  
sarreeyaan isaga, waana  
ka fog yihiin,  
Oo cadaawayaaashiisa oo  
dhanna wuu wada  
fudaydsadaa.  
<sup>6</sup> Oo wuxuu isyidhaahdaa,  
Anigu weligay  
dhaqdhaqaaci maayo,  
Oo tan iyo ka ab ka ab xumaanu  
i heli mayso.  
<sup>7</sup> Afkiisa waxaa ka buuxa habaar  
iyo khiyaano iyo dulmi,  
Oo carrabkiisana waxaa ku  
hoos jira belaayo iyo  
xumaan.  
<sup>8</sup> Isagu wuxuu fadhiistaa  
tuulooinka  
meelahooda lagu  
dhuunto,  
Oo kan aan xaqa qabinna  
wuxuu ku dilaa meelaha  
qarsoon,  
Oo indhiisiunsafe waxay si  
qarsoon hoos uga  
firiyaan miskiinka.  
<sup>9</sup> Isagu wuxuu ku dhuuntaa  
meel qarsoon sida libaax  
godkiisa ku jira,  
Oo wuxuu u gaadaa inuu  
miskiinka qabsado,  
Oo intuu miskiinka qabsado  
ayuu ku soo jiitaa  
shabaggiisa.  
<sup>10</sup> Wuu foororsadaa, oo hoos  
isu gaabiyyaa,  
Oo masaakiinta waxaa ridda  
gacanta kuwiisa xoogga  
badan.

<sup>11</sup> Oo wuxuu isyidhaahdaa,  
Ilaah waa i illoobay,  
Oo wejigiisiina wuu qariyey,  
weligiisna ima arki  
doono.  
<sup>12</sup> Rabbiyow, Ilaahow, sara  
joogso, oo gacantaada  
kor u qaad,  
Oo masaakiinta ha illoobin.  
<sup>13</sup> Bal kii shar lahu muxuu Ilaah  
u quudhsadaa?  
Oo muxuu qalbigeesa uga  
leeyahay, Adigu waxba i  
weyddiisan maysid?  
<sup>14</sup> Wuxaa baad aragtay,  
waayo, waad u jeeddaa  
belaayada iyo xanaaqa,  
inaad gacantaada ku  
aargudatid aawadeed,  
Miskiinku adiguu isu kaa  
dhiibaa,  
Waayo, adigu waxaad tahay  
agoonka kaalmeeyiisa.  
<sup>15</sup> Kii shar leh gacantiisa jebi,  
Oo sharrooga xumaantiisana  
doondoona ilaa aad mid  
dambe weydid.  
<sup>16</sup> Rabbigu waa boqor weligiis  
iyo weligiisba,  
Oo quruumaha oo dhammuna  
dalkiisa way ka wada  
baabba'aan.  
<sup>17</sup> Rabbiyow, waad  
maqashay waxay  
kuwa is-hoosaysiyyaa  
doonayaan,  
Oo qalbigooda waad  
diyaarin doontaa,

oo dhegtaadana waad u  
dhigi doontaa,

<sup>18</sup> Si aad gartooda u naqdid  
agoonta iyo kuwa la  
dulmay,  
Si aan dadka dunidu mar  
dambe u noqon kuwo  
laga cabsado.

*Kanu waa sabuur Daa'eed  
u tirihey madaxdii  
muusikaystayaasha.*

- 11** <sup>1</sup>Anigu Rabbigaan isku  
halleyaa,  
Haddaba idinku sidee  
baad naftayda ugu  
tidhaahdaan,  
Sida shimbir oo kale buurtiinnii  
ku carara?  
<sup>2</sup> Waayo, bal eega, kuwa sharka  
luhu waxay xoodaan  
qaansada,  
Fallaadhoodana waxay ku  
diyaariyaan xadhigga,  
Inay kan qalbiga ka qumman  
goor gudcur ah ku  
ganaan.  
<sup>3</sup> Haddii aasaaska la dumiyoo,  
Kan xaqa ahu bal muxuu  
samayn karaa?  
<sup>4</sup> Rabbigu wuxuu ku jiraa  
macbudkiisa quduuska  
ah,  
Rabbiga carshigiisu wuxuu yaal  
samada,  
Indhihiisu way eegaan,  
oo indhihiisa  
daboolkooduna way

imtixaamaan binu-  
aadmiga.

<sup>5</sup> Rabbigu waa tijaabiyyaa kii xaq  
ah,  
Laakiinse kii shar leh iyo kii  
dulmi jecelba naftiisu  
way neceb tahay.  
<sup>6</sup> Kuwa shar leh wuxuu ku  
soo kor daadin doonaa  
dabinno,  
Oo qaybta koobkooduna waxaa  
weeye dab iyo baaruud  
iyo dabay hanfi ah.  
<sup>7</sup> Waayo, Rabbigu waa xaq, oo  
isagu xaqnimaduu jecel  
yahay,  
Kuwa qummanuna wejigiisay  
arki doonaan.

*Kanu waa sabuur Daa'eed  
u tirihey madaxdii  
muusikaystayaasha oo waxaa  
lagu luuqeeyaa Shemiiniid.*

- 12** <sup>1</sup>Rabbiyow, dadkaaga  
caawi, waayo, nin  
cibaado leh waa la  
waayayaa,  
Waayo, binu-aadmiga intii  
aaminka ahayd way ka  
dhammaadeen.  
<sup>2</sup> Mid walba deriskiisa wuxuu  
kula hadlaa been,  
Oo waxay ku hadlaan bushimo  
sasabasho miidhan ah  
iyo laba qalbi.  
<sup>3</sup> Rabbigu wuxuu wada  
baabbi'in doonaa  
bushimaha sasabashada  
badan oo dhan,

Iyo carrabka waxyaalaha  
waaweyn ku hadlaba.

<sup>4</sup> Kuwaasu waxay yidhaahdeen,  
Annagu waxaan ku  
adkaan doonaa  
carrabkayaga,

Oo bushimahayagana annagaa  
iska leh. Haddaba bal  
yaa annaga sayid noo  
ah?

<sup>5</sup> Rabbigu wuxuu leeyahay,  
Anigu haatan waxaan u  
kacayaa

Masaakiinta la dhacayo,  
iyo kuwa baahan  
taahiddooda  
daraaddood,

Oo kan ay fudaydsanayaanna  
waan ammaan  
gelinayaa.

<sup>6</sup> Rabbiga erayadiisu waa erayo  
daahir ah,

Oo waa sida lacag foorno kulul  
oo dhulka ku taal lagu  
kala miiray,

Oo toddoba jeer la safeeyey.

<sup>7</sup> Rabbiyow, waad dhawri  
doontaa,

Oo qarnigan ayaad iyaga ka  
xannaanayn doontaa  
weligood.

<sup>8</sup> Markii nijaasta binu-aadmiga  
dhexdiisa lagu jecel  
yahay,

Kuwa sharka lahu waxay ku  
socdaan dhinac kasta.

*Kanu waa sabuur Daa'eed  
u tirihey madaxdii  
muusikaystayaasha.*

**13** <sup>1</sup> Rabbiyow, ilaa goormaad  
i illoobaysaa? Ma  
weligaa baa?

Oo ilaa goormaad wejigaaga  
iga qarinaysaa?

<sup>2</sup> Ilaa goormaan naftayda la  
tashanayaa,

Anigoo maalinta oo dhan calool  
xun?

Ilaa goormuu cadowgaygu iga  
sarraynayaa?

<sup>3</sup> Rabbiyow Ilaahayow, waxaas  
u firso, oo ii jawaab,  
Indhahayga iftiimi, yaanan  
hurdadii geerida  
seexanine,

<sup>4</sup> Waaba intasoo cadowgaygu  
yidhaahdaa, Anigu  
isagaan ka adkaaday,

Oo ay cadaawayaaashaydu  
farxaan markii lay  
dhaqaajiyo.

<sup>5</sup> Laakiinse anigu waxaan isku  
halleeyey naxariistaada,

Oo qalbigayguna wuxuu  
ku rayrayn doonaa  
badbaadintaada.

<sup>6</sup> Rabbigaan u gabyi doonaa,  
Maxaa yeelay, wax badan  
oo wanaagsan buu ii  
sameeyey.

*Kanu waa sabuur Daa'eed  
u tirihey madaxdii  
muusikaystayaasha.*

**14** <sup>1</sup> Nacasku wuxuu qalbigiisa  
iska yidhaahdaa, Ilaah  
ma jiro.

Iyagu way kharriban yihiin,  
oo waxay sameeyeen  
shuqullo karaahiyo ah,  
Ma jiro mid wanaag sameeya.

<sup>2</sup> Rabbigu samaduu ka soo  
firihey binu-aadmiga,  
Inuu arko haddii ay jiraan kuwo  
wax garanaya,

Oo Ilaah doondoona.

<sup>3</sup> Dhammaantood gees bay u  
wada leexdeen, oo way  
wada nijaasoobeen,  
Mid wanaag falaa ma jiro,  
midnaba.

<sup>4</sup> Xumaanfalayaasha oo  
dhammu miyaanay  
aqoon lahayn?

Iyagoo dadkayga cuna, siday  
kibista u cunaan,

Mana ay baryaan Rabbiga.

<sup>5</sup> Halkaasay aad ugu cabsadeen,  
Maxaa yeelay, Ilaah wuxuu la  
jiraa qarniga xaqa ah.

<sup>6</sup> Idinku waxaad ceebaysaan  
talada miskiinka,

Laakiin Rabbigu waa  
magangalkiisa.

<sup>7</sup> Badbaadada reer binu Israa'iil  
bal may Siyoon ka  
timaado!

Marka Rabbigu dadkiisa  
maxaabiisnimada ka soo  
celiyo,  
Ayaa reer Yacquub rayrayn  
doonaa, oo reer binu  
Israa'iilna farxi doonaa.

*Kanu waa sabuur Daa'eed tirihey.*

**15** <sup>1</sup> Rabbiyow, bal yaa  
taambuuggaaga ku  
fadhiyaya?

Oo bal yaa buurtaada quduuska  
ah degganaanaya?

<sup>2</sup> Waa kii si qumman u socda,  
oo xaqnimo sameeya,

Oo qalbigiisa run kaga hadla.

<sup>3</sup> Waana kii aan carrabkiisa wax  
ku xaman,

Ama aan saaxiibkiis xumaan ku  
samayn,

Ama aan deriskiisa cay ku soo  
hadal qaadin,

<sup>4</sup> Kii indhihiisu ay nejiska  
quudhsadaan,

Oo isagu murweeya kuwa  
Rabbiga ka cabsada,

Kii hadduu dhaarto oo ay  
waxyeello ku tahay, aan  
isbeddelin,

<sup>5</sup> Kii aan lacagiisa u soo bixin  
korsocod,

Ama aan laaluush u qaadan  
inuu wax yeelo kuwa  
aan xaqa qabin.

Kii waxyaalahaas sameeya  
weligiis lama dhaqaajin  
doono.

*Kanu waa gabay Mikhtaam ah  
oo Daa'uud tirihey.*

**16** <sup>1</sup> Ilaahow, i dhawr, waayo,  
adigaan isku kaa  
halleeyaa.

<sup>2</sup> Waxaan Rabbiga ku idhi,  
Sayidkaya baad tahay,  
Oo innaba wanaag ma haysto  
la'aantaa.

<sup>3</sup> Quduusiinta dhulka joogtaa  
Waxaa weeye kuwa sharafta  
leh oo aan aad iyo aad  
ula faraxsanahay.

<sup>4</sup> Kuwa ilaaha kale u dheereeya  
murugtoodu waa  
badnaan doontaa,

Laakiinse anigu bixin maayo  
qurbaankooda cabniinka  
oo dhiigga ah,

Oo magacyadoodana  
bushimahayga ku  
soo qaadi maayo.

<sup>5</sup> Rabbigu waxaa weeye  
qaybtii dhaxalkayga iyo  
koobkayga,

Adigu qaybtayda waad  
xannaanaysaa.

<sup>6</sup> Dhulqaybsigii meelo wacan  
baan ku helay,

Haah, oo waxaan leeyahay  
dhaxal wanaagsan.

<sup>7</sup> Anigu waxaan ammaanayaa  
Rabbiga i waaniyey,

Habeenkiina uurkaygu wax buu  
i baraa.

<sup>8</sup> Had iyo jeerba Rabbigaan  
hortayda ku xusuustaa,

Oo anigu innaba dhaqdhaqaaci  
maayo,

Maxaa yeelay, isagu wuxuu  
joogaa midigtayda.

<sup>9</sup> Taas aawadeed qalbigaygu  
waa faraxsan yahay  
oo naftayduna way  
rayraysaa,

Oo weliba jidhkayguna  
ammaan buu ku jiri  
doonaa.

<sup>10</sup> Maxaa yeelay, naftayda  
She'ool kuma dayn  
doontid,

Kaaga quduuska ahna uma  
dayn doontid inuu  
qudhun arko.

<sup>11</sup> Waxaad i tusi doontaa jidka  
nolosha,  
Hortaada farxad baa ka buuxda,  
Gacantaada midigna nimco baa  
ku jirta weligeed.

*Baryootankii Daa'uud.*

**17** <sup>1</sup> Rabbiyow, xaqa maqal,  
oo qayladayda u jeeso,

Oo baryadayda dhegta u dhig,  
taasoo aan ka bixin  
bushimo khiyaano leh.

<sup>2</sup> Xukunkaygu ha ka yimaado  
hortaada,

Oo indhahaaguna caddaalad  
ha fiiriyeen.

<sup>3</sup> Qalbigayga waad tijaabisay,  
oo habeennimaad i soo  
booqatay,

Waad i imtixaantay, oo wax  
shar ah igama aad helin,

Waxaan u qasdiyey inaanu  
afkaygu xadgudbin.

<sup>4</sup> Shuqullandii dadkana waan ka  
hadhay,

Oo erayada bushimahaaga  
ayaan kaga joogsaday  
jidatkii kuwa wax dulma  
oo dhan.

<sup>5</sup> Si aanay cagahaygu u  
simbiriirixan,

Tallaabooyinkayga ku adkee  
waddooyinkaaga.

<sup>6</sup> Ilahow, waan ku baryay,  
waayo, waad ii jawaabi  
doontaa,

Bal dhegta ii dhig, oo  
hadalkayga maqal.

<sup>7</sup> Bal muuji raxmaddaada  
yaabka leh,

Adigoo kuwa isku kaa halleeya  
gacantaada midig kaga  
badbaadiya

Kuwa ku kaca iyaga.

<sup>8</sup> Ii dhawr sida isha inankeeda,  
Oo igu qari hooska  
baalashaada.

<sup>9</sup> Waaad iga qarisaa kuwa  
sharka leh oo i kharriba,  
Kuwaas oo ah cadaawayasha  
naftayda oo  
hareerahayga ku  
wareegsan.

<sup>10</sup> Qalbigooday xidheen,  
Oo afkooduna wuxuu ku hadlaa  
waxyalo kibir miidhan  
ah.

<sup>11</sup> Oo haatan waxay  
cidhiidhiyen  
tallaabooyinkayagii,  
Oo waxay noogu dhaygageen  
inay dhulka nagu  
tuuraan aawadeed.

<sup>12</sup> Isagu waa sida aar libaax  
ugaadhsi damacsan,  
Iyo sida aaran libaax oo meelo  
qarsoon ku dhuunta.

<sup>13</sup> Rabbiyow, kac,  
Oo isaga ka hor tag, oo dhulka  
hoos ugu tuur,  
Oo naftaydana kan sharka  
leh seeftaada kaga  
samatabbixi,

<sup>14</sup> Rabbiyow, waxaad dadka  
igaga samatabbixisa  
gacantaada,  
Kuwaas oo ah dadka dunida,  
oo qaybtoodu ku jirto  
nolosha adduunkan,  
Oo aad calooshooda ka  
buuxisaa khasnaddaada,  
Iyagu waxay ka dhergeen  
carruur,

Oo maalkooda hadhayna  
waxay uga tagaan  
dhallaankooda.

<sup>15</sup> Laakiinse anigu xaqnimaan  
wejigaaga ku firin  
doonaa,  
Oo waa i deeqi doonaa markii  
aan ammaantaada arko,  
oo aan ekaantaada la  
soo tooso.

*Kanu waa sabuur addoonkii  
Rabbiga oo Daa'uud ahay  
u tirihey madaxdii  
muusikaystayaasha, oo  
wuxuu Rabbiga kula hadlay  
erayada gabaygan maalintii  
Rabbigu ka samatabbixiyey  
gacantii cadaawayaaashiisa oo  
dhan, iyo gacantii  
Saa'uulba, oo wuxuu yidhi,*

**18** <sup>1</sup> *Rabbiyow,  
xooggaygiyow, anigu  
waan ku jeclahay.*

<sup>2</sup> *Rabbigu waa dhagax weyn  
oo ii gabbaad ah  
iyo qalcaddayda, iyo  
samatabbixiyahayga,  
Iyo Ilaahay, iyo gabbaadkayga  
adag, oo isagaan isku  
hallayn doonaa,  
Isagu waa gaashaankayga, iyo  
geeska badbaadadayda,  
iyo munaaraddayda  
dheer.*

<sup>3</sup> *Waxaan baryayaa Rabbiga  
istaahila in la ammaano,  
Oo sidaasaan  
cadaawayaaashayda  
kaga badbaadi doonaa.*

<sup>4</sup> *Waxaa i hareereeyey xadhkihi  
dhimashada,  
Oo waxaa i cabsiiyey daadkii  
cibaadala'aanta.*

<sup>5</sup> *Waxaa igu wareegsanaa  
xadhkihi She'ool,  
Oo waxaa i qabsaday  
dabinnadii dhimashada.*

<sup>6</sup> *Anigoo cidhiidhi ku jira ayaan  
Rabbiga baryay,  
Oo waxaan u qayshaday  
Ilaahay,  
Isna codkayguu macbudkiisa ka  
maqlay,  
Oo qayladayda hortiisa  
ka yeedhaysaana  
dheghiisay gashay.*

<sup>7</sup> *Markaasaa dhulku ruxmay oo  
gariiray,  
Oo buuraha aasaaskoodiina  
wuu dhaqdhaqaqaqay,  
Oo wuu ruxmay, maxaa yeelay,  
Ilaah waa cadhaysnaa.*

<sup>8</sup> *Dulalka sankiisa waxaa ka soo  
baxay qiiq,  
Afkiisana waxaa ka soo baxay  
dab wax gubaya, oo  
dhuxulaa ka shidmay  
isaga.*

<sup>9</sup> *Oo weliba samooyinka wuu  
soo foorarshay, oo hoos  
buu u soo degay,  
Oo caghiisana waxaa hoos yiil  
gudcur weyn.*

<sup>10</sup> *Oo wuxuu fulay keruub,  
wuuna duulay,  
Haah, oo wuxuu si dheeraysa  
ugu duulay oo fulay  
dabaysha baalasheeda.*

<sup>11</sup> *Wuxuu gudcurka ka  
dhigtay meeshiisi  
dhuumashada,  
iyo taambuuggiisa  
hareerihiisa ku  
wareegsan,*

Iyo biyo gudcur ah, iyo  
daruuraha qarada  
waaweyn oo cirka.

<sup>12</sup> Nuurkii hortiisa yiil aawadiis  
ayay daruurihi qarada  
waaweynaa tageen,

Roobkii dhagaxyada lahaa iyo  
dhuxulihii dabka ahaana  
way carareen.

<sup>13</sup> Rabbiguna wuxuu ka  
onkoday samooyinka,  
Sarreeyuhuna wuxuu ku hadlay  
codkiisii,

Oo soo daayay roob  
dhagaxyaaale iyo dhuxulo  
dab ah.

<sup>14</sup> Markaasuu fallaadhihiisii soo  
ganay oo kala firdhiyey  
iyagii,

Haah, oo wuxuu u soo diray  
hillaac badan, wuuna  
baabbi'iyey iyagii.

<sup>15</sup> Rabbiyow, canaantaadii  
aawadeed iyo dulalka  
sankaaga neefta ka soo  
baxaysa aawadeed

Ayaa durdurradii biyuhu la  
muuqdeen,

Oo aasaaskii duniduna wuu soo  
bannaan baxay.

<sup>16</sup> Xagga sare ayuu cid ka soo  
diray, oo wuu i qaaday,

Oo wuxuu iga soo dhex bixiyey  
biyo badan.

<sup>17</sup> Wuxuu iga samatabbixiyey  
cadowgaygii xoogga  
badnaa,

Iyo kuwii i necbaaba, waayo,  
iyagu way iga xoog  
badnaayeen.

<sup>18</sup> Waxay igu soo kediyeen  
maalintii aan  
belaayaysnaa,

Laakiinse Rabbigu wuxuu ii  
ahaa tiir.

<sup>19</sup> Oo weliba wuxuu i keenay  
meel ballaadhan,  
Wuu i soo samatabbixiyey,  
maxaa yeelay, wuu igu  
farxay.

<sup>20</sup> Rabbigu wuxuu iigu  
abaalguday sidii ay  
xaqnimadidaydii ahayd,

Oo sidii ay nadiifsanaantii  
gacmahaygu ahayd ayuu  
iigu abaalguday.

<sup>21</sup> Waayo, anigu waan xajiyey  
jidatkii Rabbiga,  
Oo Ilaahayna si caasinimo ah  
ugama tegin.

<sup>22</sup> Waayo, xukummadiisii oo  
dhammu hortayday  
yiilleen,

Oo qaynuunnadiisiina anigu  
iskama tuurin.

<sup>23</sup> Oo weliba xaggiisana waan  
ku qummanaa,

Oo waan iska dhawray  
xumaantaydii.

<sup>24</sup> Sidaas daraaddeed ayaa  
Rabbigu iigu abaalguday  
sidii ay xaqnimadidaydii  
ahayd,

Iyo sidii nadiifsanaanta  
gacmahaygu ay ku ahayd  
indhihiisa hortooda.

- 25 Kii naxariis leh waad u  
naxariisanaysaa,  
Oo ninkii qummannaa waad u  
qummanaanaysaa.
- 26 Kii daahir ahna daahir baad u  
ahaanaysaa,  
Oo kii qalloocanna mid  
maroorsan baad u  
ahaanaysaa.
- 27 Waayo, waxaad  
badbaadinaysaa dadka  
dhibaataysan,  
Laakiinse indhaha kibirsan  
waad soo dejinaysaa.
- 28 Waayo, waxaad daaraysaa  
laambaddayda,  
Rabbiga Ilaahayga ah ayaa  
gudcurkayga iftiiminaya.
- 29 Waayo, adaan col kuugu  
dhex ordaa,  
Oo Ilaahay caawimaaddiisa  
ayaan derbi kaga  
boodaa.
- 30 Ilaah jidkiisu waa qumman  
yahay,  
Rabbiga eraygiisuna waa mid la  
tijaabiyyey,  
Isagu wuxuu gaashaan u yahay  
kuwa isaga isku halleeya  
oo dhan.
- 31 Waayo, bal yaa Ilaah ah,  
Rabbiga mooyaane?  
Oo bal yaa dhagax weyn ah,  
Ilaahayaga mooyaane?
- 32 Kaasoo ah Ilaaha ii guntiya  
xoog,  
Jidkaygana qummaatiya.

- 33 Isagu cagahayga wuxuu  
ka dhigaa sida cagaha  
deerada,  
Oo wuxuu igu fadhiisiyaa  
meelahayga sare.
- 34 Gacmahaygana wuxuu baraa  
dagaalka,  
Oo sidaas daraaddeed  
gacmahaygu waxay  
xoodaan qaanso naxaas  
ah.
- 35 Weliba waxaad kaloo i  
siisay gaashaankii  
badbaadintaada,  
Oo waxaa kor ii qaadday  
gacantaada midig,  
Oo roonaantaada ayaa i  
weynaysay.
- 36 Adigu tallaabooyinkayga  
waxaad ku ballaadhisay  
hoostayda,  
Oo cagahayguna ma ay  
simbirriirixan.
- 37 Anigu waxaan eryan doonaa  
cadaawayaashayda, oo  
waan gaadhi doonaa,  
Oo jeeray wada baabba'aanna  
dib uga soo noqon  
maayo.
- 38 Waan wada layn doonaa  
si aanay mar dambe u  
awoodin inay kacaan,  
Oo cagahaygay ku soo hoos  
dhici doonaan.
- 39 Waayo, xoog baad iigu  
guntisay dagaalka  
aawadiis,

Oo kuwii igu kacayna  
 hoostaydaad ku soo  
 tuurtay.

<sup>40</sup> Oo weliba  
 cadaawayaashaydii  
 waxaad ka dhigtay inay  
 dhabarka ii jeediyaan,  
 Si aan u kala gooyo kuwa i  
 neceb.

<sup>41</sup> Iyagu way qayshadeen,  
 laakiinse way waayeen  
 mid iyaga badbaadiya,  
 Oo xataa Rabbiga way baryeen,  
 laakiinse uma uu  
 jawaabin.

<sup>42</sup> Markaasaan iyagii u  
 duqeeyey sida boodhka  
 dabaysha hor kaca,  
 Oo waxaan iyagii dibadda ugu  
 tuuray sidii dhoobada  
 jidadka taal oo kale.

<sup>43</sup> Waxaad iga samatabbixisay  
 murankii dadka,  
 Oo waxaad iga dhigtay  
 quruumaha  
 madaxdoodii,  
 Oo dad aanan aqoon ayaa ii  
 adeegi doona.

<sup>44</sup> Oo mar alla markii ay  
 warkaya maqlaan way i  
 addeeci doonaan,  
 Oo shisheeyayaashuna way isu  
 kay dhiibi doonaan,

<sup>45</sup> Shisheeyayaashu way libdhii  
 doonaan,  
 Oo iyagoo gariiraya ayay  
 qolalkooda ka soo bixi  
 doonaan.

<sup>46</sup> Rabbigu waa nool yahay,  
 oo mahad waxaa leh  
 dhagaxayga weyn,  
 Oo Ilaha i badbaadiyeyna ha  
 sarreyo,  
<sup>47</sup> Kaasoo ah Ilaha aniga ii  
 aarguda,  
 Oo dadkana hoostayda ku soo  
 tuura.

<sup>48</sup> Isagu wuxuu iga badbaadiyaa  
 cadaawayaashayda,  
 Haah, oo adigu waxaad iga sara  
 marisaa kuwa igu kaca,  
 Oo waxaad iga samatabbixisaa  
 ninka dulmiga badan.

<sup>49</sup> Sidaas daraaddeed,  
 Rabbiyow, anigu waxaan  
 kuugu mahadnaqi  
 doonaa quruumaha  
 dheddooda,  
 Oo magacaaga ammaan baan  
 ugu gabiy doonaa.

<sup>50</sup> Rabbigu si weyn buu  
 boqorkiisa u  
 samatabbixiyaa,  
 Oo wuxuu weligiis raxmad  
 u sameeyaa kii uu  
 subkaday,  
 Kaasoo ah Daa'uud, iyo  
 farcankiisaba weligiis iyo  
 weligiis.

*Kanu waa sabuur Daa'uud  
 u tirihey madaxdii  
 muusikaystayaasha.*

**19** <sup>1</sup> Samooyinku waxay  
 caddeeyaa ammaanta  
 Ilah,

Cirkuna wuxuu muujiyaa  
sancadii gacantiisa.

<sup>2</sup> Maalinba maalinta ka  
dambaysaa waxay ku  
hadashaa hadal,

Oo habeenba habeenka ka  
dambeeyaa wuxuu  
caddeeyaa aqoon.

<sup>3</sup> Ma jiro hadal ama af  
Aan codkooda laga maqlin.

<sup>4</sup> Codkoodii wuxuu dhex maray  
dhulka oo dhan,  
Hadalkoodiina wuxuu gaadhay  
dunida meesha ugu  
dambaysa.

Oo dheddooda wuxuu  
taambuug u dhigay  
qorraxda,

<sup>5</sup> Taasoo la mid ah aroos  
qolladdiisii ka soo  
baxaya,

Oo waxay u faraxdaa sida nin  
xoog leh oo baratamaya.

<sup>6</sup> Waxay ka soo baxdaa samada  
darafkeeda,

Oo waxay ku soo wareegtaa  
hareeraheeda,

Oo kulaykeedana wax ka  
qarsoonu ma jiraan.

<sup>7</sup> Sharciga Rabbigu waa kaamil,  
oo nafta wuu soo  
celiyaa,

Maragfurka Rabbigu  
waa aamin, oo  
garaadlaawaha ayuu u  
caqliyeyaa.

<sup>8</sup> Qaynuunnada Rabbigu  
waa hagaagsan yihiin,

oo qalbiga ayay ka  
farxiyaan,

Amarka Rabbigu waa daahir oo  
indhaha ayuu nuuriyaa.

<sup>9</sup> Cabsida Rabbigu waa nadiif,  
weligeedna way raagtaa,

Xukummada Rabbigu waa  
run, waana wada xaq  
dhammaantood.

<sup>10</sup> Iyagu waa wax xataa dahab  
laga sii jeclaado, haah,  
xataa dahab badan oo  
saafi ah,

Oo weliba way ka sii macaan  
yihiin malab iyo  
awlallada malabka.

<sup>11</sup> Oo weliba addoonkaagana  
iyagaa loogu digay,

Oo xajintoodana waxaa ku jira  
abaalgud weyn.

<sup>12</sup> Bal yaa qaladdadiisa garan  
kara?

Rabbow, iga nadiifi dembiyo  
qarsoon.

<sup>13</sup> Anoo addoonkaaga ah iga  
hay waxyalo aan ku  
kibro,

Oo yaanay ii talin,

Oo markaas kaamil baan ahaan  
doonaa,

Oo xadgudub weynna daahir  
baan ka ahaan doonaa.

<sup>14</sup> Rabbiyow, xooggayga iyo  
bixiyahaygiyow,  
Erayada afkayga iyo fikirka  
qalbigayu ha ahaadeen  
kuwo hortaada lagu  
aqbalo.

*Kanu waa sabuur Daa'uud  
u tirihey madaxdii  
muusikaystayaasha.*

- 20** <sup>1</sup> Rabbigu ha kuu jawaabo maalinta dhibta,  
Ilaaha Yacquub magiciisu meel sare ha ku taago,  
<sup>2</sup> Caawimaadna ha kaaga soo diro meesha quduuska ah,  
Oo Siyoonna ha kaa xoogeyo,  
<sup>3</sup> Ha xusuusto qurbaannadaadii oo dhan,  
Oo ha aqbalo allabarigaagii gubnaa, (Selaah)  
<sup>4</sup> Oo ha ku siiyo waxa qalbigaagu doono,  
Oo ha kuu yeelo muraadkaaga oo dhan.  
<sup>5</sup> Innagu waxaynu ku guulaysanaynaa badbaadintaada,  
Oo calammadeennana waxaynu ku sudhaynaa magaca Ilaaheenna,  
Rabbigu ha ku siiyo waxaad weyddiisato oo dhan.  
<sup>6</sup> Anigu hadda waan ogahay in Rabbigu badbaadiyo kii uu isagu subkaday,  
Oo wuxuu isaga uga soo jawaabi doonaa samadiisa quduuska ah,  
Oo wuxuuna ugu jawaabi doonaa xooggiisa wax badbaadiya oo gacantiisa midig.

<sup>7</sup> Qaar waxay isku halleeyaan gaadhifardoodyo, qaarna waxay isku halleeyaan fardo, Laakiinse innagu waxaynu xusuusanaynaa magaca Rabbiga Ilaaheenna ah.  
<sup>8</sup> Iyagu way foororsadeen, wayna dheceen, Laakiinse innagu waynu kacnay, oo waynu taagan nahay.  
<sup>9</sup> Rabbiyow, ina badbaadi, Oo Boqorku ha inoo jawaabo markii aynu u qayshanno.

*Kanu waa sabuur Daa'uud  
u tirihey madaxdii  
muusikaystayaasha.*

- 21** <sup>1</sup> Rabbiyow, boqorku wuxuu ku farxi doonaa xooggaaga,  
Oo badbaadintaadana aad buu ugu rayrayn doonaa.  
<sup>2</sup> Wuxaad isaga siisay wixii qalbigisu doonayay,  
Oo wixii bushimihiisu ku weyddiisteenaa uma aad diidin. (Selaah)  
<sup>3</sup> Waayo, waxaad isaga hor dhigtaa barakooyinka wanaagga,  
Oo madaxiisana waxaad saartaa taaj dahab saafi ah.  
<sup>4</sup> Wuxuu kaa baryay nolol, oo adna waad siisay isaga,

Oo waxaad siisay cimri dheer  
 oo waaraaya weligiis iyo  
 weligiisba.

<sup>5</sup> Ammaantiisu waxay ku  
 weyn tahay xagga  
 badbaadintaada,

Oo waxaad isaga saartaa  
 murwad iyo haybad.

<sup>6</sup> Waayo, waxaad isaga ka  
 dhigtaa mid weligiisba  
 aad u barakaysan,

Oo waxaad ka dhigtaa inuu  
 horaada farxad kula  
 reyreeyo.

<sup>7</sup> Waayo, boqorku wuxuu isku  
 halleeyaa Rabbiga,

Oo Ilaaha ugu sarreeya  
 raxmaddiisa aawadeed  
 isaga innaba lama  
 dhaqaajin doono.

<sup>8</sup> Gacantaadu waxay  
 heli doontaa  
 cadaawayaaashaada  
 oo dhan,

Oo midigtaaduna waxay heli  
 doontaa kuwa ku neceb.

<sup>9</sup> Oo markii aad cadhootid  
 waxaad iyaga ka dhigi  
 doontaa sida foorno dab  
 ah.

Oo Rabbigu wuxuu iyaga ku liqi  
 doonaa cadhadiisa,

Oo dab baa gubi doona.

<sup>10</sup> Midhahooda dhulkaad ka  
 baabbi'inaysaa,  
 Farcankoodana binu-aadmiga  
 dhexdiisa.

<sup>11</sup> Waayo, iyagu waxay ku talo  
 jireen inay xumaan kugu  
 sameeyaan,

Oo waxay hindiseen xeel ayan  
 iyagu dhammayn karin.

<sup>12</sup> Waayo, waxaad iyaga ka  
 dhigi doontaa inay dib u  
 jeestaan,

Oo xadhigga qaansadaadana  
 waxaad ku diyaarin  
 doontaa wejigooda  
 hortiisa.

<sup>13</sup> Rabbiyow, adigu xooggaaga  
 ku sarree,

Markaasaannu gabiy doonnaa,  
 oo waxaannu ammaani  
 doonnaa itaalkaaga.

*Kanu waa sabuur Daa'eed  
 u tiriyey madaxdii  
 muusikaystayaasha, oo waxaa  
 lagu luuqeeyaa Ayeled Shaxar.*

## 22<sup>1</sup> Ilaahayow, Ilaahayow, maxaad ii dayrisay?

Oo aad uga fogaatay  
 caawimaaddayda iyo  
 hadalka hinraaggaya?

<sup>2</sup> Ilaahayow, maalintii waan kuu  
 qayshadaa, adiguse iima  
 jawaabitid,

Oo habeennimadana waan  
 qayliyaa oo ma nasto.

<sup>3</sup> Laakiinse adigu quduus baad  
 tahay,

Oo kursigaaga waxaad ka  
 dhigtaa ammaanta reer  
 binu Israa'iil.

<sup>4</sup> Awowayaashayo adigay isku  
 kaa halleeyeen,

Iyagu way isku kaa halleeyeen,  
 oo adna waad  
 samatabbixisay.

<sup>5</sup> Adigay kuu qayshadeen, oo  
 way samatabbexeen,  
 Way isku kaa halleeyeen, oo  
 mana ay ceeboobin.

<sup>6</sup> Laakiinse anigu waxaan ahay  
 dixiri, oo dad ma ahi,  
 Waxaan ahay mid la caayo, oo  
 dadku quudhsado.

<sup>7</sup> Oo kuwa i arka oo dhammu  
 way igu qoslaan,  
 Bushimahay yuubaan, oo  
 madaxay lulaan, iyagoo  
 leh,

<sup>8</sup> Rabbiguu isku halleeyey, ha  
 samatabbixiyo,  
 Bal isagu waa kan ku faraxsane  
 hadda ha samatabbixiyo.

<sup>9</sup> Laakiinse adigu waxaad tahay  
 kii uurka iga soo bixiyey,  
 Oo intaan naasaha hooyaday  
 nuugayay, waxaad  
 iga dhigtay mid ku  
 aaminsan.

<sup>10</sup> Aniga dushaadaa laygu soo  
 tuuray markaan uurka  
 ka soo baxay,  
 Xataa tan iyo intaan uurkii  
 hooyaday ku jiray,  
 Ilaahaygaad ahayd.

<sup>11</sup> Ha iga fogaan, waayo, dhib  
 baa soo dhow,  
 Qof i caawiyaana ma jiro.

<sup>12</sup> Waxaa i hareereeyey dibiyo  
 badan,  
 Oo kuwii Baashaan oo  
 xoogga badnaa ayaa

hareerahayga isku  
 wareejiyey.

<sup>13</sup> Afkooday iigu fureen,  
 Sidii libaax hamuunsan oo  
 ciyaya.

<sup>14</sup> Waxaan u shubmay sidii biyo  
 oo kale,  
 Oo lafahaygii oo dhammuna  
 xubnihii way ka kala  
 bexeen,  
 Oo qalbigaygii wuxuu noqday  
 sidii shamac oo kale,  
 Oo wuxuu ku dhex dhalaalay  
 xiidmahayga.

<sup>15</sup> Xooggaygii wuxuu u engegay  
 sidii dheri burburkiisa  
 oo kale,  
 Oo carrabkaygiina  
 daamankayguu ku  
 dhegay,  
 Oo waxaad i gelisay ciiddii  
 dhimashada.

<sup>16</sup> Waayo, waxaa i hareereeyey  
 eeyo,  
 Oo waxaa hareerahayga  
 isku wareejiyey shirkii  
 xumaanfalayaasha,  
 Oo waxay iga mudeen gacmaha  
 iyo cagaha.

<sup>17</sup> Lafahaygii oo dhan waan tirin  
 karaa,  
 Oo iyagu way i fiiriyaan oo igu  
 dhaygagaan,

<sup>18</sup> Dharkayga bay qaybsadaan,  
 Oo maradaydana saami bay u  
 ritaan.

<sup>19</sup> Laakiinse, Rabbiyow, ha iga  
 fogaan,

Tageerehaygiyow, dhaqso ii  
caawi.

<sup>20</sup> Naftayda ka samatabbixi  
seefta,  
Noloshaydana ka samatabbixi  
xoogga eeyga.

<sup>21</sup> Iga badbaadi libaaxa afkiisa,  
Haah, xataa geesihii gisiyada  
waad iiga jawaabtay.

<sup>22</sup> Magacaaga waan u sheegi  
doonaa walaalahay,  
Oo ururka dhexdiisa ayaan  
kugu ammaani doonaa.

<sup>23</sup> Kuwiinna Rabbiga ka  
cabsadow, ammaana  
isaga,

Farcanka Yacquubow, sharfa  
isaga,

Oo kuwiinna Israa'iil ka soo  
farcamayow, isaga ka  
wada cabsada.

<sup>24</sup> Waayo, isagu ma quudhsan,  
mana karhin kan la  
dhibay dhibkiisa,

Oo wejigiisiina kama uu qarin  
isagii,

Laakiinse markuu u qayshaday  
ayuu maqlay.

<sup>25</sup> Xaggaaga ayaa  
ammaantaydu kaga  
imanaysaa shirka weyn  
dhexdiisa,

Oo nidarradayda waxaan ku  
bixinayaa kuwa isaga ka  
cabsada hortooda.

<sup>26</sup> Oo waxaa wax cuni doona oo  
ka dhergi doona kuwa  
camalka qabow,

Kuwa Rabbiga doondoona  
isagay ammaani  
doonaan,

Qalbigiinnu weligiis ha  
noolaado.

<sup>27</sup> Dunida darafyadeeda oo  
dhammu waxay soo  
xusuusan doonaan oo  
u soo jeesan doonaan  
Rabbiga.

Oo qolooyinka quruumaha  
oo dhammu waxay  
ku sujuudi doonaan  
hortaada.

<sup>28</sup> Waayo, boqortooyada waxaa  
leh Rabbiga,  
Oo isagu waa taliyihii  
quruumaha.

<sup>29</sup> Dunida kuweeda buurbuuran  
oo dhammu wax bay  
cuni oo Ilaah bay  
caabudi doonaan,

Oo inta ciidda gasha oo  
dhammuna hortiisay ku  
sujuudi doonaan,  
Xataa kii aan naftiisa sii noolayn  
karin.

<sup>30</sup> Farcan baa isaga u adeegi  
doona,

Oo Sayidka waxaa looga  
sheekayn doonaa  
qarniga iman doona.

<sup>31</sup> Oo iyagu way iman doonaan  
oo waxay dadka dhalan  
doona u sheegi doonaan

Xaqnimadiisa iyo inuu  
sameeyeyba.

*Kanu waa sabuur Daa'uud tiriyey.*

**23** <sup>1</sup> Rabbigu waa adhijirka  
i jira; waxba u baahan  
maayo.

<sup>2</sup> Wuxuu i fadhiisiyaa doog  
qoyan dhexdiis,

Oo wuxuu ii hoggaamiyaa  
biyaha deggan  
dhinacooda.

<sup>3</sup> Naftayda wuu soo celiyaa.

Oo magiciisa aawadiis  
wuxuu igu hor  
kacaa waddooyinka  
xaqnimada.

<sup>4</sup> In kastoo aan ku dhex  
socdo dooxada hooska  
dhimashada,

Sharna ka baqi maayo, waayo,  
waad ila jirtaa,

Ushaada iyo hangoolkaaga  
ayaa ii raaxeyya.

<sup>5</sup> Cadaawayaaashayda hortooda  
waxaad iigu diyaarisaa  
miis,

Oo saliid baad madaxayga ku  
subagtaa, koobkayguna  
waa buuxdhaafaa.

<sup>6</sup> Hubaal cimrigayga oo dhan  
waxaa i raaci doona  
wanaag iyo naxariis,

Oo weligay guriga Rabbiga  
ayaan degganaan  
doonaa.

*Kanu waa sabuur Daa'uud tiriyey.*

**24** <sup>1</sup> Rabbigaa iska leh dhulka  
iyo waxa ka buuxa oo  
dhan,

Iyo dunida iyo kuwa degganba.

<sup>2</sup> Waayo, isagaa badaha  
dushhooda ka aasaasay,  
Oo wuxuu ka dul dhisay  
webiyaasha.

<sup>3</sup> Bal yaa fuuli doona Rabbiga  
buurtiisa?

Oo bal yaa dhex istaagi doona  
meeshiisa quduuska ah?

<sup>4</sup> Waa kii gacmihisu nadiffsan  
yihiin, oo qalbigiisu  
daahir yahay,

Oo aan naftiisa hawo been ah  
kor ugu qaadin,

Oo aan si khiyaano leh u  
dhaaran.

<sup>5</sup> Kaasu wuxuu Rabbiga ka heli  
doonaa barako,

Ilaaha badbaadadiisana  
xaqnimo.

<sup>6</sup> Kanu waxaa weeye qarnigii  
kuwa isaga doondoona,

Oo waa kuwa wejigaaga  
doondoona, Ilaaha  
Yacquubow. (Selaah)

<sup>7</sup> Irdahow, madaxiinna kor u  
qaada,

Oo albababbada daa'imiska  
ahow, kor ha laydiin  
qaado,

Oo waxaa soo geli doona  
Boqorka ammaanta.

<sup>8</sup> Bal waa ayo Boqorka  
ammaantu?

Waa Rabbiga xoog iyo itaal  
badan,

Waa Rabbiga dagaalka ku xoog  
badan.

⁹ Irdahow, madaxiinna kor u  
qaada,  
Oo albaabbada daa'imiska  
ahow, madaxiinna kor u  
qaada,  
Oo waxaa soo geli doona  
Boqorka ammaanta.  
¹⁰ Bal waa ayo Boqorkan  
ammaantu?  
Waa Rabbiga ciidammada,  
Isaga weeye Boqorka  
ammaantu. (Selaah)

*Kanu waa sabuur Daa'udd tiriyey.*

- 25**
- ¹ Rabbiyow, naftayda  
xaggaagaan kor ugu  
qaadaa.
  - ² Ilaahayow, adigaan isku kaa  
halleeyey,  
Haddaba yaanan ceeboobin,  
Oo yaan cadaawayaaashaydu ii  
faanin.
  - ³ Kuwa adiga ku suga  
midkoodna ceeboobi  
maayo,
  - Laakiinse waxaa ceeboobi  
doona kuwa khiyaanada  
ku macaamilooda  
sababla'aan.
  - ⁴ Rabbiyow, jidadkaaga i tus,  
Oo waddooyinkaagana i bar.
  - ⁵ Runtaada igu hoggaami, oo i  
bar,  
Waayo, waxaad tahay Ilaaha  
badbaadadayda,  
Oo maalinta oo dhan adaan ku  
sugaa.

- ⁶ Rabbiyow, xusuuso  
naxariistaada iyo  
raxmaddaada,  
Waayo, weligoodba way jireen.
- ⁷ Ha xusuusan dembiyadii  
dhallinyaranimadaya  
iyo xadgudubyadaydii,  
Laakiinse ii xusuuso sida  
raxmaddaadu tahay,  
Iyo wanaaggaaga aawadiis,  
Rabbiyow.
- ⁸ Rabbigu waa wanaagsan  
yahay, waana qumman  
yahay,  
Sidaas daraaddeed wuxuu  
dembilayaasha ku  
hanuunin doonaa jidka.
- ⁹ Kuwa camalka qabow wuxuu  
ku hanuunin doonaa  
xaqa,
- Oo kuwa camalka qabow  
wuxuu bari doonaa  
jidkiisa.
- ¹⁰ Rabbiga waddooyinkiisa oo  
dhammu waxay raxmad  
iyo run u yihiin  
Kuwa axdigiisa iyo  
markhaatifurkiisa  
xajiya.
- ¹¹ Rabbiyow, dembigayga  
iga cafí magacaaga  
daraaddiis,  
Waayo, aad buu u weyn yahay.
- ¹² Bal waa ayo ninka Rabbiga ka  
cabsadaa?  
Kaas wuxuu ku hanuunin  
doonaa jidki uu isagu  
doorto.

<sup>13</sup> Naftiisu wanaag bay ku jiri doontaa,  
Oo farcankiisuna wuxuu dhaxli doonaa dalka.

<sup>14</sup> Rabbiga taladiisa qarsoon waxay la jirtaa kuwa isaga ka cabsada,  
Oo wuxuu iyaga tusi doonaa axdigiisa.

<sup>15</sup> Weligayba indhahaygu waxay u jeedaan xagga Rabbiga,  
Waayo, wuxuu cagahayga ka bixin doonaa dabinka.

<sup>16</sup> Bal xaggayga u soo jeeso, oo ii naxariiso,  
Waayo, waan cidloobay, oo dhib baa i haysa.

<sup>17</sup> Dhibaatooyinka qalbigaygu way sii ballaadheen,  
Cidhiidhigayga iga bixi.

<sup>18</sup> Bal fiiri dhibkayga iyo qaxarkayga,  
Oo dembiyadayda oo dhan iga cafii.

<sup>19</sup> Bal fiiri cadaawayaaashayda, waayo, way badan yihiin,  
Oo waxay igu neceb yihiin nacayb dulmi miidhan ah.

<sup>20</sup> Naftayda dhawr, oo i samatabbixi,  
Oo yaanan ceeboobin, waayo, waan isku kaa halleeyaa.

<sup>21</sup> Daacadnimo iyo qummanaanu ha i dhawreen,  
Waayo, adaan ku sugaa.

<sup>22</sup> Ilaahow, reer binu Israa'iil ka samatabbixi Dhibaatooyinkooda oo dhan.

*Kanu waa sabuur Daa'uud tirihey.*

**26** <sup>1</sup> Rabbiyow, i xukun, waayo, waxaan ku socday daacadnimadayda,  
Oo weliba waxaan Rabbiga isugu halleeyey rogrogmashola'aan.

<sup>2</sup> Rabbiyow, i imtixaan, oo i tijaabi,  
Oo uurkayga iyo qalbigaygana baadh.

<sup>3</sup> Waayo, raxmaddaadu waxay taal indhahayga hortooda,  
Oo waxaan ku socday runtaada.

<sup>4</sup> Lama aan fadhiisan waxmatarayaal,  
Oo kuwa isyeelyeelana gudaha la geli maayo.

<sup>5</sup> Waan necbahay ururka xumaanfalayaasha,  
Oo kuwa sharka lehna la fadhiisan maayo.

<sup>6</sup> Gacmahayga waxaan ku maydhan doonaa eedla'aanta,  
Markaasaan ku wareegi doonaa meeshaada allabariga, Rabbiyow,

<sup>7</sup> Si aan codka mahadnaqidda dadka u maqashiiyo,  
Oo aan uga sheekeeyo shuqullandada yaabka leh oo dhan.

- <sup>8</sup> Rabbiyow, rugta gurigaaga  
waan jeclahay,  
Iyo meesha ammaantaadu  
joogto.
- <sup>9</sup> Naftayda ha la ururin  
dembilayaal,  
Noloshaydana ha la ururin  
dhiigycabyada,
- <sup>10</sup> Gacmahooda belaayadu ku  
jirto,  
Gacantooda midigna laaluush  
ka buuxo.
- <sup>11</sup> Laakiinse anigu waxaan  
ku socon doonaa  
daacadnimadayda,  
Haddaba i madaxfuro, oo ii  
naxariiso.
- <sup>12</sup> Cagtaydu waxay ku taagan  
tahay meel siman,  
Oo Rabbigaan ku ammaani  
doonaa shirarka  
dhexdooda.

*Kanu waa sabuur Daa'udd tiriyey.*

- 27** <sup>1</sup> Rabbigu waa nuurkayga  
iyo badbaadadayda, bal  
yaan ka cabsadaa?  
Oo Rabbigu waa xoogga  
noloshayda, bal yaan ka  
baqaa?
- <sup>2</sup> Markii xumaanfalayaashu  
iigu yimaadeen inay  
hilikayga cunaan,  
Kuwaasoo ah  
cadaawayashayda  
iyo colkayga, way  
turunturoodeen, wayna  
dheceen.

- <sup>3</sup> In kastoo ciidan col ah i ag  
dego,  
Qalbigaygu cabsan maayo,  
In kastoo dagaal igu soo kaco,  
Xataa markaas waan  
kalsoonaanayaa.
- <sup>4</sup> Wax keliya ayaan Rabbiga ka  
baryay, oo taas aad baan  
u doonayaa,  
Waana inaan cimrigayga oo  
dhan dhix degganaado  
guriga Rabbiga,  
Oo aan fiiriyo Rabbiga  
quruxdiisa, oo aan wax  
ku baryo macbudkiisa.
- <sup>5</sup> Waayo, isagu maalinta dhibta  
wuxuu igu qarin doonaa  
teendhadiisa,  
Oo meesha qarsoon oo  
taambuuggiisa ayuu igu  
xasayn doonaa,  
Kor buu ii qaadi doonaa oo  
dhagax weyn buu i saari  
doonaa.
- <sup>6</sup> Imminka waxaa madaxayga  
laga sarraysiin doonaa  
cadaawayashayda igu  
wareegsan,  
Oo waxaan taambuugga  
Rabbiga ku dhix  
bixin doonaa allabari  
dhawaaq farxadeed leh,  
Waan gabiy doonaa, haah,  
ammaan baan Rabbiga  
ugu gabiy doonaa.
- <sup>7</sup> Rabbiyow, markaan codkayga  
ku qayliyo, i maqal,  
Weliba ii naxariiso, oo ii jawaab.

- <sup>8</sup> Markaad tidhi, Wejigayga  
doondoona, ayaa  
qalbigaygu wuxuu kugu  
yidhi,  
Rabbiyow, wejigaaga waan  
doondoonaayaa.
- <sup>9</sup> Ilaha badbaadadaydow,  
wejigaaga ha iga qarin,  
Anoo addoonkaaga ah cadho  
ha igu eryin,  
Caawimaad baad ii ahayde,  
Ha i xoorin, hana i dayrin.
- <sup>10</sup> Waayo, aabbahay iyo  
hooyaday way i  
dayriyeen,  
Laakiinse Rabbigaa i qaadan  
doona.
- <sup>11</sup> Rabbiyow,  
cadaawayaaashayda  
daraaddood  
Jidkaaga i bar,  
Oo igu hoggaami waddo  
bannaan.
- <sup>12</sup> Oo gacanta ha ii gelin  
cadaawayaaashayda,  
Waayo, waxaa igu kacay  
markhaatiyaal been ah  
iyo kuwa nacweynaanta  
ku hadla.
- <sup>13</sup> Waan itaal darnaan lahaa  
haddaanan rumaysnayn  
Inaan wanaagga Rabbiga ku  
arkayo dalka kuwa nool.
- <sup>14</sup> Rabbiga sug,  
Adkayso, oo qalbigaagu ha  
dhiirranaado,  
Haah, Rabbiga sug.

*Kanu waa sabuur Daa'eed tirihey.*

**28** <sup>1</sup> Rabbiyow, adigaan kuu  
qayshan doonaa,  
Dhagaxayga weynow, ha iska  
kay dhega tirin,  
Waaba intaas oo haddaad iga  
aamusto,  
Aan noqdaa sida kuwa  
yamayska hoos ugu  
dhaadhaca.

<sup>2</sup> Maqal codka baryootankayga  
markaan kuu qayshado,  
Oo aan gacmahayga u soo  
taago xagga meeshaada  
quduuska ah.

<sup>3</sup> Ha ila jiidin kuwa sharka leh,  
Iyo xumaanfalayaasha  
Oo deriskooda nabadda kula  
hadla,  
Laakiinse belaayadu  
qalbigooda ku jirto.

<sup>4</sup> Iyaga u abaalmari sida  
shuqulkoodu yahay,  
iyo sida ay xumaanta  
falinahoodu tahay,  
Iyaga u abaalmari sida shuqulka  
gacmahoodu yahay,  
Oo waxa ay galabsadaan sii.

<sup>5</sup> Iyaga wuu dumim doonaa,  
mana uu dhisi doono  
mar dambe,  
Maxaa yeelay, kama ay fikirin  
Rabbiga shuqulladiisii  
Iyo hawshii gacmihisa toona.

<sup>6</sup> Mahad waxaa leh Rabbiga,  
Maxaa yeelay, codkii  
baryootankayguu  
maqlay.

7 Rabbigu waa xooggayga iyo gaashaankayga,  
 Qalbigaygu isaguu isku halleeyey, oo waa lay caawiyey,  
 Sidaas daraaddeed qalbigaygu aad iyo aad buu u reyreeyey,  
 Oo gabaygaygaan isaga ku ammaani doonaa.  
 8 Rabbigu wuxuu dadkiisa u yahay xoog,  
 Oo kiisa subkanna wuxuu u yahay qalcad lagu badbaado.  
 9 Dadkaaga badbaadi, oo dhaxalkaagana barakee,  
 Oo weliba quudi, oo weligaaba kor u hay.

*Kanu waa sabuur Daa'udd tirihey.*

**29** <sup>1</sup> Kuwiinna carruurta Ilaah ahow, Rabbiga ammaana,  
 Rabbiga ka sheega ammaan iyo xoog.  
<sup>2</sup> Rabbiga ku ammaana ammaanta magiciisu mudan yahay,  
 Rabbiga ku caabuda quruxda quduuska ah.  
<sup>3</sup> Rabbiga codkiisu wuxuu dul joogaa biyaha,  
 Ilaaha ammaantu wuu onkodaa,  
 Oo xataa Rabbigu wuxuu ka kor onkodaa biyo badan.  
<sup>4</sup> Rabbiga codkiisu waa xoog badan yahay,

Rabbiga codkiisu waa haybad badan yahay.  
<sup>5</sup> Rabbiga codkiisu wuxuu jebiyaa geedaha kedarka ah,  
 Haah, oo Rabbigu wuxuu kala jebjebiyaa geedaha kedarka ah oo Lubnaan.  
<sup>6</sup> Oo weliba wuxuu iyaga ka dhigaa inay u boodboodaan sida weyl oo kale,  
 Lubnaan iyo Siryonba wuxuu ka dhigaa sida gisi yar.  
<sup>7</sup> Rabbiga codkiisu wuxuu googooyaa ololka dabka.  
<sup>8</sup> Rabbiga codkiisu wuxuu ruxruxaa cidlada,  
 Rabbigu wuxuu ruxruxaa cidlada Qaadeesh.  
<sup>9</sup> Rabbiga codkiisu wuxuu dhaliyaa deerooyinka,  
 Oo kayntana caleemaha wuu ka daadiyaa,  
 Oo wax kasta oo macbudkiisa ku jiraana waxay yidhaahdaan, Ammaan.  
<sup>10</sup> Rabbigu wuxuu dul fadhiyaa daadka,  
 Haah, oo Rabbigu wuxuu weligiisba u fadhiyaa sida boqor oo kale.  
<sup>11</sup> Rabbigu dadkiisuu xoogayn doonaa,  
 Oo Rabbigu nabad buu dadkiisa ku barakayn doonaa.

*Kanu waa sabuur Daa'uud  
tiriyey in la gabyo markii  
Gurigii loo furay llaah.*

- 30** <sup>1</sup> Rabbiyow, waan ku sarraysiinayaa, waayo, kor baad iga yeeshay, Oo weliba igama aad dhigin in cadaawayaaashaydu ii faanaan.
- <sup>2</sup> Rabbiyow, llaahayow, Waan kuu qayshaday oo adna waad i bogsiisay.
- <sup>3</sup> Rabbiyow, waxaad naftaydii kor uga qaadday She'ool, Oo waad i sii noolaysay si aanan yamayska ugu dhicin.
- <sup>4</sup> Quduusiintiisoy, Rabbiga ammaan ugu gabya, Oo mahad ku naqa magiciisa quduuska ah.
- <sup>5</sup> Waayo, cadhadiisu waa daqiqad keliya, Laakiinse raallinimadiisu waa cimriga, Habeenka waxaa jirta oohin, Laakiinse aroorta farxad baa timaada.
- <sup>6</sup> Aniguse intaan barwaaqaysnaa waxaan idhi, Weligay dhaqdhqaqaqi maayo.
- <sup>7</sup> Rabbiyow, raallinimadaada aawadeed ayaad buurtayda ka dhigtay inay si adag u taagnaato, Wejigaagaad qarisay, oo anna waan argaggaxay.

- <sup>8</sup> Rabbiyow, adigaan kuu soo qayshaday, Oo baryootankaygii waxaan gaadhsiiyey Rabbiga.
- <sup>9</sup> Bal markaan yamayska ku dego, maxaa faa'iido ah oo dhiiggayga ku jirta? Ma ciiddaa ku ammaanaysa? Oo ma runtaaday sheegaysaa?
- <sup>10</sup> Rabbiyow, i maqal oo ii naxariiso, Rabbiyow, kaalmeeyahayga ahow.
- <sup>11</sup> Baroortaydii waxaad iigu beddeshay cayaar, Oo dharkaygii joonyadaha ahaana waad iga furtay, oo waxaad ii guntisay farxad,
- <sup>12</sup> Taasuna waa si nafsaddaydu ay ammaan kuugu gabaydo, oo aanay u aamusin.
- Rabbiyow, llaahayow, weligayba waan kugu mahadnaqayaa.

*Kanu waa sabuur Daa'uud  
u tiriyey madaxdii  
muusikaystayaasha.*

- 31** <sup>1</sup> Rabbiyow, adigaan isku kaa halleeyaa, yaanan weligayba ceeboobin, Oo xaqnimadaada igu samatabbixi.
- <sup>2</sup> Dhegtiadaa ii soo dhig, oo dhaqso ii samatabbixi,

Dhagax weyn oo xoog leh ii  
ahow, iyo guri laysku  
daafaco si aad ii  
badbaadisid.

<sup>3</sup> Waayo, waxaad tahay dhagax  
weyn oo ii gabbaad ah  
iyo qalcaddayda,

Haddaba magacaaga daraaddiis  
ii hoggaami oo ii  
hanuuni.

<sup>4</sup> Oo iga bixi shabagga dabinka  
ah oo ay qarsoodiga iigu  
dhigeen,

Waayo, waxaad tahay  
qalcaddayda.

<sup>5</sup> Gacantaada ayaan ruuxayga u  
dhiibayaa,

Waayo, waad i soo furatay,  
Rabbiyow, Ilaaha runta  
ahow.

<sup>6</sup> Waan neceb ahay kuwa  
hawada beenta ah ka  
fikira,

Laakiinse Rabbigaan isku  
halleeyaa.

<sup>7</sup> Naxariistaada waan ku farxi  
doonaa, waanan ku  
rayravn doonaa,

Waayo, dhibaataadii igu dhacday  
waad aragtay,

Waanad ogayd qaxarka  
naftaydu ku jirtay,

<sup>8</sup> Oo weliba iguma aad xidhin  
gacantii cadowga,

Oo cagtayda waxaad taagtay  
meel ballaadhan.

<sup>9</sup> Rabbiyow, ii naxariiso, waayo,  
cidhiidhi baan ku jiraa,

Oo murug baan la il go'aa, oo  
naftayda iyo jidhkayguba  
way taag darnaadaan.

<sup>10</sup> Waayo, noloshaydu waxay  
ku dhammaatay  
caloolxumo,  
cimrigayguna taahid,

Oo dembigayga daraaddiis  
ayaa xooggaygii ii gabay,  
lafahaygiina way wada  
kharribmeen.

<sup>11</sup> Cadaawayaaashayda oo dhan  
daraaddood ayaan  
waxaan noqday mid  
ceebaysan,

Xataa deriskayga aad iyo  
aad baan ugu hor  
ceebobay, oo kuwa  
i yaqaanna way iga  
cabsadeen,

Oo xataa kuwii dibadda igu  
arkay way iga carareen.

<sup>12</sup> Sida qof dhintay oo laga  
samray ayaan layska kay  
illoobay,

Oo waxaan ahay sida weel  
jabay.

<sup>13</sup> Waayo, waxaan maqlay kuwo  
badan oo caytamaya,  
Iyo cabsi dhan kasta igaga  
wareegsan,

Oo intay ii wada tashadeen,  
Ayay waxay ku arrinsadeen inay  
nafta iga qaadaan.

<sup>14</sup> Laakiinse Rabbiyow, adigaan  
isku kaa halleeyey,

Oo waxaan idhi, Wuxaad tahay  
Ilaahay.

- <sup>15</sup> Wakhtigaygu gacantaaduu  
ku jiraa,  
Haddaba iga samatabbixi  
gacanta  
cadaawayaaashayda,  
iyo weliba kuwa i silciya  
gacantooda.
- <sup>16</sup> Wejigaaga anoo  
addoonkaaga ah igu  
iftiimi,  
Oo igu badbaadi raxmaddaada.
- <sup>17</sup> Rabbiyow, yaanan  
ceebobin, waayo,  
adigaan kuu qayshaday,  
Kuwa sharka lahu ha  
ceebobbeen, oo She'ool  
ha ku dhex aamuseen.
- <sup>18</sup> Ha carrab beeleen kuwa  
beenta sheegaa,  
Oo kan xaqa ah si qallafsan wax  
uga sheega,  
Iyagoo kibir iyo quudhsasho  
leh.
- <sup>19</sup> Wanaaggaagu weynaan  
badanaa, kan aad u  
kaydisay kuwa kaa  
cabsada,  
Oo weliba aad binu-aadmiga  
hortiisa ugu diyaarisay  
kuwa isku kaa halleeya.
- <sup>20</sup> Dadka sirqoolladiisa waxaad  
iyaga kaga qarinaysaa  
joogistaada qarsoon,  
Oo carrabka dirirtiisana waxaad  
iyaga kaga qarinaysaa  
taambuug.
- <sup>21</sup> Mahad waxaa leh Rabbiga,

- Waayo, wuxuu raxmaddiisa  
yaabka leh igu tusay  
magaalo xoog weyn.  
<sup>22</sup> Laakiinse anigu waxaan  
degdeg ku idhi,  
Indhahaaga hortooda  
waan ka go'ay,  
Habase yeeshie, codkii  
baryootankayga waad  
maqashay markii aan  
kuu qayshaday.  
<sup>23</sup> Quduusiintiisa oo dhammay,  
Rabbiga jeclaada,  
Rabbigu wuu ilaaliyaa kuwa  
aaminka ah,  
Kan waxa kibirka ah falase  
aad iyo aad buu u  
abaalmariyaa.  
<sup>24</sup> Kuwiinna Rabbiga wax ka  
rajbynaya oo dhammad,  
Adkaysta, oo qalbigiinnu ha  
dhiirranaado.
- Kanu waa sabuur  
Daa'uud tiriyey. Maskiil.*
- 32** <sup>1</sup> Waxaa barakaysan  
kii xadgudubkiisa la  
cafiyey, oo dembigiisa la  
daboolay.  
<sup>2</sup> Waxaa barakaysan ninkii aanu  
Rabbigu dembi ku tirin,  
Oo ruuxiisa aanay khiyaano ku  
jirin.  
<sup>3</sup> Markii aan iska aamusay,  
lafahaygii way  
gaboobeen,  
Maxaa yeelay, maalintii oo  
dhan baan cabaaday.

<sup>4</sup> Waayo, habeen iyo maalinba  
gacantaadu way igu  
cuslayd,  
Oo qoyaankaygii wuxuu u  
beddelmay sidii engegga  
diraacda. (Selaah)  
<sup>5</sup> Dembigaygii adigaan  
kuu qirtay, oo  
xumaantaydiina ma  
aan qarin,  
Waxaan idhi, Xadgudubkayga  
waxaan u qiranayaa  
Rabbiga,  
Oo adna waad iga cafiday  
xumaanta dembigayga.  
(Selaah)  
<sup>6</sup> Taas daraaddeed mid kastoo  
cibaado lahu ha ku soo  
baryo wakhti lagu heli  
karo,  
Hubaal markii biyaha badanu  
dhulka qarqiyaan,  
isaga sooma ay gaadhi  
doonaan.  
<sup>7</sup> Waxaad tahay meeshaan ku  
dhuunto, oo dhib baad  
iga ilaalin doontaa,  
Oo waxaad igu wareejin  
doontaa gabayadii  
samatabbixinta. (Selaah)  
<sup>8</sup> Waan ku hanuunin doonaa oo  
waxaan ku bari doonaa  
jidka aad ku socon  
lahayd,  
Oo waxaan kula talin doonaa  
iyadoo ay ishaydu kula  
jirto.

<sup>9</sup> Ha noqonina sida faraska ama  
baqalka aan garaadka  
lahayn,  
Kuwaasoo hoggaankoodu  
yahay xakame iyo  
birtiisa in lagu hayo,  
Haddii kalese innaba kuu soo  
dhowaan maayaan.  
<sup>10</sup> Kii shar leh waxaa ku dhici  
doona waxyalo badan  
oo murug leh,  
Laakiinse kii Rabbiga isku  
halleeya waxaa ku  
wareegsanaan doona  
naxariis.  
<sup>11</sup> Kuwiinna xaqa ahow,  
Rabbiga ku farxa oo  
reyreeya,  
Oo inta qalbigoodu qumman  
yahayow, kulligiin farraxad  
la dhawaaqa.

**33** <sup>1</sup> Kuwiinna xaqa ahow,  
Rabbiga ku reyreeya,  
Waayo, kuwa qumman  
ammaan baa u habboon.  
<sup>2</sup> Rabbiga ugu mahadnaqa  
kataarad,  
Oo isaga ammaan ugu heesa  
idinkoo ka dhawaajinaya  
shareerad tobant xadhig  
leh.  
<sup>3</sup> Gabay cusub isaga ugu gabya,  
Oo si farsamo wanaagsan  
ugaga dhawaajiya cod  
weyn.  
<sup>4</sup> Waayo, Rabbiga eraygiisu waa  
toosan yahay,

- Oo shuqulkiisa oo dhanna  
waxaa lagu sameeyey  
aaminimo.
- <sup>5</sup> Wuxuu jecel yahay xaqnimo  
iyo caddaalad,  
Dhulka waxaa ka buuxda  
Rabbiga raxmaddiisa.
- <sup>6</sup> Samooyinka waxaa lagu  
sameeyey Rabbiga  
eraygiisa,
- Oo guutooyinkooda oo dhanna  
waxaa lagu uumay  
neefta afkiisa.
- <sup>7</sup> Isagu biyaha badda intuu isku  
ururiyo ayuu wuxuu ka  
dhigaa sidii taallo oo  
kale,
- Oo moolalka dhaadheerna  
wuxuu dhex dhigaa  
maqsinno.
- <sup>8</sup> Inta dhulka joogta oo  
dhammu Rabbiga ha ka  
cabsadeen,
- Inta dunida deggan oo dhammu  
isaga ha ka baqeen.
- <sup>9</sup> Waayo, isagu wuu hadlay,  
wayna noqotay,
- Oo wuu amray, wayna  
adkaatay.
- <sup>10</sup> Rabbigu quruumaha  
taladooda wuu  
baabbi'iyaa,
- Oo dadyowga fikirradoodana  
wuu buriyaa.
- <sup>11</sup> Laakiinse Rabbiga taladiisu  
weligeedba way  
adkaataa,

- Oo fikirrada qalbigiisuna waxay  
adkaadaan tan iyo ka ab  
ka ab.
- <sup>12</sup> Waxaa barakaysan quruunta  
Ilaaheedu Rabbiga  
yahay,
- Taasoo ah dadka uu isagu u  
doortay dhaxalkiisa.
- <sup>13</sup> Rabbigu samaduu wax ka  
soo fiiriya,
- Oo wuxuu arkaa binu-aadmiga  
oo dhan,
- <sup>14</sup> Oo meesha isaga rugta u ah  
Ayuu wuxuu ka soo fiiriya  
kuwa dhulka deggan oo  
dhan,
- <sup>15</sup> Waa isaga kan qalbiyadooda  
oo dhan sameeya,
- Oo shuqullandooda oo dhan u  
wada fiirsada.
- <sup>16</sup> Ma jiro boqor ku badbaada  
ciidan weyn,
- Ninkii xoog badanuna iskuma  
samatabbixiyo xoog  
badan.
- <sup>17</sup> Faras waa waxmatare in  
badbaado laysugu  
halleeyo,
- Oo weliba ninnaba kuma  
samatabbixiyo xooggiisa  
badan.
- <sup>18</sup> Bal eega, Rabbiga ishiisu  
waxay la jirtaa kuwa  
isaga ka cabsada,
- Waana kuwa naxariistiisa  
rajeeya,
- <sup>19</sup> Inuu naftooda dhimashada  
ka samatabbixiyo,

Iyo inuu wakhtiga abaartaa sii  
nooleeyo iyaga.

<sup>20</sup> Nafteennu waxay sugtay  
Rabbiga,

Waayo, isagu wuxuu inoo  
yahay caawimaad iyo  
gaashaan.

<sup>21</sup> Haddaba qalbigeennu isaguu  
ku rayrayn doonaa,

Maxaa yeelay, innagu waxaynu  
isku halleenay  
magicisa quduuska  
ah.

<sup>22</sup> Rabbiyow, naxariistaadu ha  
noogu soo degto,  
Sidii aannu kaa rajaynay.

*Kanu waa sabuur  
Daa'uud tiriyey markii uu  
aslubutiisa ku hor beddelay  
Abiimeleg oo isaga eryay,  
dabadeedna wuu iska tegey.*

**34** <sup>1</sup> Wakhti kasta ayaan  
Rabbiga ammaani  
doonaa,

Oo had iyo goorba ammaantiisu  
afkaygay ku jiri doontaa.

<sup>2</sup> Naftaydu waxay ku faani  
doontaa Rabbiga,

Oo waxaa maqli doona kuwa  
camalka qabow, oo  
weliba way ku farxi  
doonaan.

<sup>3</sup> Rabbiga ila weyneeya,

Oo aynu magicisa wada  
sarraysiinno.

<sup>4</sup> Rabbigaan doondoonaay, oo  
isna wuu ii jawaabay,

Oo wuxuu iga samatabbixiyeey  
waxyaalihii aan ka  
cabsaday oo dhan.

<sup>5</sup> Iyagu waxay fiiriyeen isaga, oo  
way iftiimeen,

Oo wejigooduna weligood  
ceebobi maayo.

<sup>6</sup> Ninkan miskiinka ahu  
wuu qayshaday, oo  
Rabbiguna wuu maqlay,

Oo wuxuu ka badbaadshay  
dhibaatooyinkiisii oo  
dhan.

<sup>7</sup> Malaa'igta Rabbigu waxay  
hareeraysaa kuwa isaga  
ka cabsada,

Oo weliba way samatabbixisaa.

<sup>8</sup> Bal dhadhamiya oo arka in  
Rabbigu wanaagsan  
yahay,

Waxaa barakaysan ninkii isaga  
isku halleeya.

<sup>9</sup> Kuwiinna quduusiintiisa  
ahow; Rabbiga ka  
cabsada,

Waayo, kuwa isaga ka cabsadaa  
waxba uma baahna.

<sup>10</sup> Aaranka libaaxa wax baa  
ka dhimman, wayna  
gaajoodaan,

Laakiinse kuwa Rabbiga  
doondoonaay wax  
wanaagsan uma  
baahnaan doonaan.

<sup>11</sup> Carruurtoy, kaalaya oo i  
dhegaysta,

Oo anna waxaan idin bari  
doonaa Rabbiga ka  
cabsashadiisa.

<sup>12</sup> Bal waa ayo ninka nolol jecel,  
Oo cimriga dheer doonaya,  
Si uu wanaag u arko?  
<sup>13</sup> Carrabkaaga shar ka jooji,  
Bushimahaagana inay kхиyaano  
ku hadlaan ka ilaali.  
<sup>14</sup> Shar ka leexo, oo wanaag  
samee,  
Nabad doondoon, oo  
raacdasyo iyada.  
<sup>15</sup> Rabbiga indhihiisu waxay  
firiyaan kuwa xaqa ah,  
Oo dhegihiisuna waxay u furan  
yihii baryadooda.  
<sup>16</sup> Wejiga Rabbigu waa ka gees  
kuwa sharka sameeya  
Inuu iyaga xusuustooda dhulka  
ka baabbi'yo.  
<sup>17</sup> Kuwa xaqa ahu way  
qayshadeen, oo  
Rabbigaa maqlay,  
Oo wuxuu iyaga ka  
samatabbixiyey  
dhibaatooyinkoodii  
oo dhan.  
<sup>18</sup> Rabbigu waa u dhow yahay  
kuwa dembigooda ka  
caloolyaysan,  
Oo kuwa ruuxoodu  
qoomamaysan yahayna  
wuu badbaadiyaa.  
<sup>19</sup> Kan xaqa ah  
dhibaatooyinkiisu  
way tiro badan yihii,  
Laakiinse Rabbigu waa  
ka samatabbixiyaa  
dhammaantoodba.  
<sup>20</sup> Isagu wuxuu dhawraa  
lafihiisa oo dhan,

Oo middoodna ma jabna.  
<sup>21</sup> Xumaan baa dili doonta  
kuwa sharka leh,  
Oo kuwa neceb kan xaqa ahna  
waa la eedayn doonaa.  
<sup>22</sup> Rabbigu nafta  
addoommadiisa wuu  
soo furtaa,  
Oo kuwa isaga isku halleeya,  
midkoodna lama eedayn  
doono.

*Kanu waa sabuur Daa'udd tirihey.*

**35** <sup>1</sup> Rabbiyow, la dirir kuwa  
ila dirira,  
Oo la dagaallan kuwa ila  
dagaallama.  
<sup>2</sup> Gaashaan iyo gabbaad qaado.  
Oo caawimaaddayda  
daraaddeed u istaag.  
<sup>3</sup> Waran la soo bax, oo kuwa i  
eryanaya jidka ka goo,  
Oo naftayda waxaad  
ku tidhaahdaa,  
Anigu waxaan ahay  
badbaadadaada.  
<sup>4</sup> Kuwa naftayda doondoonyaya  
ha ceeboobeen, oo  
sharafdarro ha ku soo  
degto,  
Oo kuwa waxyeelladayda u  
arrinsanayana dib ha loo  
celiyo, oo ha wareereen.  
<sup>5</sup> Ha noqdeen sida buunshe  
dabaysha hor socda,  
Oo malaa'igta Rabbigu horay u  
sii kaxaynayso.  
<sup>6</sup> Jidkoodu ha noqdo gudcur iyo  
meel simbiriirixo leh,

Oo malaa'igta Rabbigu ha eryato.

<sup>7</sup> Waayo, iyagu sababla'aan bay dabin god iigu qarsheen,  
Oo sababla'aan bay naftayda god ugu qodeen.

<sup>8</sup> Isagoo aan iska jirin halligaadu ha ku soo degto,  
Oo dabinkiisuu qariyey isaga ha qabsado,  
Oo isagu halligaaddaas ha ku dhaco.

<sup>9</sup> Oo naftayduna Rabbigay aad ugu farxi doontaa,  
Oo waxay ku rayrayn doontaa badbaadintiisa.

<sup>10</sup> Lafahayga oo dhammu waxay odhan doonaan, Rabbiyow, bal yaa kula mid ah?  
Kaaga kii miskiin ah ka samatabbixiya kii isaga ka xoog badan,

Haah, oo kii miskiin ah iyo kan baahanba ka samatabbixiya kii dhaca.

<sup>11</sup> Waxaa kaca markhaatiyaal xaqdarro ah,  
Oo waxay i weyddiiyaan waxyaalo aanan ogayn.

<sup>12</sup> Wanaag xumaan bay iigaga abaalgudaan  
Oo naftayda way gacal tiraan.

<sup>13</sup> Laakiinse markay bukeen, dharkaygu wuxuu ahaa joonyado,  
Oo naftaydana soon baan ku dhibay,

Oo tukashadayduna laabtayday ku soo noqotay.

<sup>14</sup> Anigu waxaan u qaataay sidii isagoo ah saaxiibkay ama walaalkay,  
Oo waxaan la foororsady baroorasho sida mid hooyadiis u baroorta.

<sup>15</sup> Laakiinse anigu markaan turunturooday ayay reyreeyeen, oo way isa soo wada urursadeen,

Oo waxmatarayaashii ayaa dhammaantood ii wada shiray, oo anna ma aan ogayn innaba,  
Way i dildillaacsadeen oo imana ay dayn.

<sup>16</sup> Sida labawejiliayaashu diyaafado uga dhex majaajiloodaan Ayay igu ilko jirriqsadeen.

<sup>17</sup> Sayidow, ilaa goormaad sii fiirinaysaa?

Naftayda halligaaddooda ka badbaadi,  
Noloshaydana libaaxyada ka badbaadi.

<sup>18</sup> Waxaan kaaga mahadnaqi doonaa shirka weyn dhexdiisa,  
Oo dad fara badan dhexdoodaayaan kugu ammaani doonaa.

<sup>19</sup> Kuwa sida qaladka ah cadowga iigu ahi, yaanay igu rayrayn,

- Oo kuwa sababla'aanta ii  
necebuna yaanay isu il  
jebin.
- <sup>20</sup> Waayo, iyagu nabad kuma  
hadlaan,  
Laakiinse waxay hadallo  
khiyaano miidhan ah  
ugu hindisaan kuwa  
dalka ku xasilloon.
- <sup>21</sup> Afkoodii aad bay iigu fureen,  
Oo waxay yidhaahdeen,  
Ahaa, ahaa, annagaa  
indhahayaga ku aragnay.
- <sup>22</sup> Rabbiyow, adigu waad  
aragtay, haddaba ha iska  
aamusin,  
Sayidow, ha iga fogaan.
- <sup>23</sup> Sara joogso, oo  
garsooriddayda u  
toos,  
Oo dacwadayda dhegayso,  
Ilaahayow, Sayidkayow.
- <sup>24</sup> Rabbiyow, Ilaahayow,  
igu xukun sida ay  
xaqnimadaadu tahay,  
Oo yaanay igu rayrayn.
- <sup>25</sup> Yaanay qalbigooda  
iska odhan, Ahaa,  
sidaasaannu doonaynaa,  
Yaanay odhan, Isagii waannu  
liqnay.
- <sup>26</sup> Kuwa waxyeelladayda  
ku reyreeyaa ha  
wada ceeboobeen oo  
ha isku wareereen  
dhammaantood,  
Oo iyagu ha huwadeen ceeb  
yo sharfdarro kuwa  
iska kay weynaysiiyaa.

- <sup>27</sup> Kuwa xaqnimadaya  
jecelu farxad ha ku  
dhawaaqeen, oo ha  
farxeen,  
Oo had iyo goorba ha  
yidhaahdeen, Rabbiga  
ha la weyneeyo,  
Waayo, isagu wuxuu ku  
farxaa barwaaqada  
addoonkiisa.  
<sup>28</sup> Oo maalinta oo dhan  
carrabkaygu wuxuu ka  
hadli doonaa  
Xaqnimadaada iyo  
ammaantaadaba.

*Kanu waa sabuur uu Daa'udd oo  
ahaa addoonki Rabbiga u tirihey  
madaxdii muusikaystayaasha.*

- 36** <sup>1</sup> Kii shar leh  
xadgudubkiisu  
wuxuu qalbigiisa ka  
yidhaahdaa,  
Ilaah ka cabsashadiisu  
indhahayga ma hor  
taal.
- <sup>2</sup> Waayo, wuu isfaaniyaa inaan  
dembigiisa la garan karin  
Oo aan la nebcaanayn.
- <sup>3</sup> Erayada afkiisu waa xumaan  
yo khiyaano,  
Oo inuu caqliyaysto iyo  
inuu wax wanaagsan  
sameeyoba wuu iska  
daayay.
- <sup>4</sup> Wuxuu sariirtiisa ku hindisaa  
xumaan,  
Oo wuxuu joogsadaa jid aan  
wanaagsanayn,

Oo weliba sharka ma naco.

<sup>5</sup> Rabbiyow, raxmaddaadu  
samooyinkay ku jirtaa,  
Aaminnimadaaduna  
daruurahay gaadhaa.

<sup>6</sup> Xaqnimadaadu waa sida  
buuraha llaah,

Oo xukummadaaduna waa  
mool dheer,

Rabbiyow, waxaad nabad  
gelisaa dadka iyo  
duunyadaba.

<sup>7</sup> Ilahow, raxmaddadu  
qaalisanaa!

Oo binu-aadmiguna wuxuu  
magangalaa hooska  
baalashaada.

<sup>8</sup> Aad bay uga dhergi doonaan  
barwaaqada gurigaaga,

Oo waxaad iyaga ka waraabbin  
doontaa webiga  
farxaddaada.

<sup>9</sup> Waayo, isha noloshu aday  
kula jirtaa,

Oo iftiinkaagaannu iftiin ku  
aragnaa.

<sup>10</sup> Raxmaddaada ugu sii wad  
kuwa ku yaqaan,

Oo xaqnimadaadana kuwa  
qalbigoodu qumman  
yahay.

<sup>11</sup> Cagta kuwa kibirsan yaanay ii  
iman,

Oo kuwa sharka leh  
gacantooduna yaanay i  
eryin.

<sup>12</sup> Xumaanfalayaashu halkaasay  
ku dhaceen,

Iyaga hoos baa loo riday, oo  
mana ay kari doonaan  
inay mar dambe soo  
kacaan.

*Kanu waa sabuur Daa'udd tiriyey.*

- 37** <sup>1</sup> Ha isku dhibin  
xumaanfalayaasha  
aawadood,  
Hana uga hinaasin kuwa  
xaqdarrada sameeya.  
<sup>2</sup> Waayo, iyaga haddiiba waxaa  
loo jari doonaa sida  
cawska oo kale,  
Oo waxay u engegi doonaan  
sida geedo yaryar oo  
qoyan.  
<sup>3</sup> Rabbiga isku halle oo  
wanaag samee,  
Oo sidaasaad dalka ku  
degganaan doontaa, oo  
ammaan baad ku daaqi  
doontaa.  
<sup>4</sup> Haddaba Rabbiga ku farax,  
Oo wuxuu ku siin doonaa waxa  
qalbigaagu doonayo.  
<sup>5</sup> Jidkaaga Rabbiga ku aamin,  
Isagana isku halle, wuuna  
samaynayaaye.  
<sup>6</sup> Xaqnimadaada wuxuu u  
soo bixin doonaa sida  
nuurka oo kale,  
Gartaadana sida duhurka oo  
kale.  
<sup>7</sup> Rabbiga ku hor xasilloonow,  
oo isaga samir ku sug,  
Oo ha isku dhibin kii jidkiisa ku  
barwaaqaysan

1 Iyo ninkii hindisooyin shar ah  
sameeyaa toona.

8 Cadhada ka joogso, oo  
dhirifka ka tag,

Hana isku dhibin inaad shar  
samaysid.

9 Waayo, xumaanfalayaashu  
way go'i doonaan,  
Laakiinse kuwa Rabbiga sugaa  
dalkay dhaxli doonaan.

10 Wakhti yar dabadeedna  
kan sharka lahu ma jiri  
doono,  
Bal meeshiisa aad baad ugu  
fiirsan doontaa, oo isna  
ma jiri doono.

11 Laakiinse kuwa camalka  
qabow dalkay dhaxli  
doonaan,  
Oo waxay ku farxi doonaan  
nabad badan.

12 Kan sharka lahu wuxuu  
shirqool u dhigaa kan  
xaqa ah,  
Oo isaga ayuu u ilko jirriqsadaa.

13 Oo Sayidku wuu ku qosli  
doonaa isaga,  
Waayo, wuxuu arkaa in  
maalintisu soo  
dhowaanayso.

14 Kuwa sharka lahu waxay  
la bexeen seeftoodii,  
qaansadoodiina way  
xooteen,  
Si ay miskiinka iyo kan baahan  
hoos ugu tuuraan,  
Oo ay laayaan kuwa jidkooda  
ku qumman.

15 Seeftoodu waxay mudi  
doontaa wadnahooda,  
Oo qaansoooyinkooduna way  
kala jebi doonaan.

16 Inta yar oo mid xaq ahu  
haystaa  
Way ka sii wanaagsan tahay  
kuwa sharka leh  
maalkooda badan.

17 Waayo, kuwa sharka leh  
gacmahoodu way jebi  
doonaan,  
Laakiinse Rabbigu kuwa xaqa  
ah wuu tiiriya.

18 Rabbigu wuu yaqaan kuwa  
kaamilka ah cimrigooda,  
Oo dhaxalkooduna weligiisba  
wuu waarayaa.

19 Iyagu ma ceeboobi doonaan  
wakhtiga shar jiro,  
Oo wakhtiga abaaruu dhacdona  
way dhergi doonaan.

20 Laakiinse kuwa sharka lahu  
way halligmi doonaan,  
Cadaawayasha Rabbiguna  
waxay ahaan doonaan  
sida inta wanaagsan oo  
doogga,  
Way baabbi'i doonaan, sida  
qiiqa oo kale way u  
baabbi'i doonaan.

21 Kii shar lahu wax buu  
amaahdaa, mana bixiyo  
mar dambe,  
Laakiinse kan xaqa ahu wuu  
naxariistaa, waxna wuu  
bixiyaa.

22 Oo kuwuu barakeeyo ayaa  
dalka dhaxli doona,

Laakiinse kuwuu habaaraa way go'i doonaan.

<sup>23</sup> Dadka socodkiisa waxaa hagaajiya Rabbiga,  
Oo jidkiisuu ku farxaa.

<sup>24</sup> Oo in kastoo uu kufo,  
haddana ma wada dhici doono,

Waayo, Rabbiga ayaa gacantiisa ku tiiriya.

<sup>25</sup> Waan dhallin yaraan jiray,  
oo haatanna waan gabobay,

Oo weligay ma arag mid xaq ah oo la dayriyey,

Ama carruurtiisa oo cunto tuugsanaysa.

<sup>26</sup> Maalinta oo dhan wuu naxariistaa oo wax buu amaahiyyaa,

Oo carruurtiisuna way barakaysan yihiin.

<sup>27</sup> Sharka ka fogow, oo wanaag samee,

Oo weligaa baad degganaan doontaa.

<sup>28</sup> Waayo, Rabbigu wuxuu jecel yahay caddaaladda,

Mana uu dayrsho quduusiintisa,

Laakiinse iyaga weligoodba waa la ilaashaa,

Ilowse kuwa sharka leh carruurtoodu way go'i doonaan.

<sup>29</sup> Kuwa xaqa ahu dalkay dhaxli doonaan,

Oo weligoodna way dhex degganaan doonaan.

<sup>30</sup> Kan xaqa ah afkiisu wuxuu ka hadlaa xigmadda, Carrabkiisuna wuxuu ku hadlaa caddaaladda.

<sup>31</sup> Oo Ilahiisa sharcigiisu waa ku jiraa qalbigiisa, Oo tallaaboo yinkiisana midnaba dib uma simbirii rixan doonto.

<sup>32</sup> Kan sharka lahu wuxuu fiiriyaan kan xaqa ah, Oo wuxuu doondoona inuu isaga dilo.

<sup>33</sup> Rabbigu isaga gacantiisa ku dayn maayo, Oo eedayn maayo marka la xukumo isaga.

<sup>34</sup> Rabbiga sug, oo jidkiisa xaji, Oo wuxuu kuu sara marin doonaa inaad dalka dhaxasho,

Waad arki doontaa marka kuwa sharka lahu go'aan.

<sup>35</sup> Wuxaan arkay ku shar leh oo dulun badan,

Oo isu kala bixiya sida geed cagaar ah oo dhulkiisii ka baxay.

<sup>36</sup> Laakiin waa la ag maray, oo isagii lama arag,

Oo waan doondoonaay, laakiinse waa la waayay.

<sup>37</sup> Bal fiiri ninka kaamilka ah, oo bal eeg, kan qumman, Waayo, ninkaas ugu dambaystiisu waa nabad.

<sup>38</sup> Laakiinse kuwa xadgudbaa  
dhammaantood wadajir  
bay u baabbi'i doonaan,  
Oo kuwa sharka lahuna ugu  
dambaystooda way go'i  
doonaan.

<sup>39</sup> Kuwa xaqa ahse  
badbaadadoodu waa  
xagga Rabbiga,  
Oo wakhtiga dhibaatada isagu  
waa qalcadooda.

<sup>40</sup> Oo Rabbigu iyaguu caawiyaa,  
wuuna samatabbixiyaa,  
Oo wuxuu iyaga ka  
samatabbixiyaa kuwa  
sharka leh, wuuna  
badbaadiyaa,  
Maxaa yeelay, isagay  
magangaleen.

*Kanu waa sabuur Daa'uud tirihey  
inuu wax ku xusuusto.*

**38** <sup>1</sup> Rabbiyow, cadhadaada  
ha igu canaan,

Oo dhirifkaaga kululna ha igu  
edbin.

<sup>2</sup> Waayo, fallaadahaagii aad  
bay ii mudeen,

Oo gacantaaduna way igu soo  
degtay.

<sup>3</sup> Jidhkaygu fayoobaan ma  
leh, waana xanaaqaaga  
daraaddiis,

Oo lafahayguna caafimaad ma  
leh, waana dembigayga  
daraaddiis.

<sup>4</sup> Waayo, xumaatooyinkaygi  
waxay ka sare mareen  
madaxaya,

Sida rar culus ayay igu culus  
yihii aad iyo aad.

<sup>5</sup> Nabrahaygu way urayaan,  
wayna qudhmuun yihii,  
Waana nacasnimapayda  
daraaddeed.

<sup>6</sup> Waan xanuunsanayaa, oo aad  
baan hoos ugu gotay,  
Oo maalinta oo dhanna oohin  
baan la wareegaa.

<sup>7</sup> Waayo, dhexdayda waxaa ka  
buuxa olol,  
Oo jidhkayguna fayoobaan ma  
leh.

<sup>8</sup> Waan itaal daranahay, oo aad  
baan u burbursanahay,  
Oo waxaan la cabaaday buuqa  
qalbigayga ku jira.

<sup>9</sup> Sayidow, waxaan jeclahay oo  
dhammu waxay yaallin  
hortaada,

Oo taahiddayduna kaama  
qarsoona.

<sup>10</sup> Wadnahaa i fig leh, oo  
xooggaygiina waa i  
gabay,

Oo weliba iftiinkii  
indhahayguna waa  
iga tegey.

<sup>11</sup> Kuwa i jecel iyo  
saaxiibbadayba  
belaayadayda way  
ka durkaan,

Oo xigaaladaydiina meel fog  
bay istaagaan.

<sup>12</sup> Oo kuwa naftayda  
doondoonaana dabinnno  
bay ii dhigaan,

Oo kuwa inay wax i yeelaan  
doonayaana waxay ku  
hadlaan waxyaalo xun,  
Oo maalinta oo dhan waxay ku  
tashadaan khiyaano.  
<sup>13</sup> Laakiinse anigu waxba kama  
maqlo sida nin dhega la',  
Oo waxaan la mid ahay nin  
carrab la' oo aan afkiisa  
kala qaadin.  
<sup>14</sup> Haah, oo waxaan la mid ahay  
nin aan waxba maqlin,  
Oo aan afkiisa murammo ku  
jirin.  
<sup>15</sup> Waayo, Rabbiyow, adaan  
wax kaa rajaynayaa,  
Oo adna waad ii jawaabi  
doontaa, Sayidow  
Ilaahaygiyow.  
<sup>16</sup> Waayo, waxaan idhi, Yaanay  
igu rayrayn,  
Oo markii cagtaydu  
simbiriirixato, yaanay  
iska kay weynayn.  
<sup>17</sup> Waayo, waxaan ku dhowahay  
inaan dhaco,  
Oo tiiraanyadayduna had iyo  
goorba way i hor taalaa.  
<sup>18</sup> Haddaba anigu xumaantayda  
waan sheegi doonaa,  
Oo dembigaygana waan ka  
oomamoon doonaa.  
<sup>19</sup> Laakiinse cadaawayaashaydu  
waa dadaal badan yihiin,  
xoogna way leeyihiin,  
Oo kuwa gardarrada igu  
necebuna way tarmeen.  
<sup>20</sup> Oo weliba kuwa sharka  
wanaagga ku gudaana

Waa cadaawayaashayda,  
maxaa yeelay, waxaan  
raacaa waxa wanaagsan.

<sup>21</sup> Rabbiyow, ha i dayrin,  
Ilaahayow, ha iga fogaan.

<sup>22</sup> Soo dhaqso oo i caawi,  
Sayidow, badbaadadaydow.

*Kanu waa sabuur Daa'uud u  
tiriye Yeduutuun oo ahaa  
madaxdii muusikaystayaasha.*

**39** <sup>1</sup> Waaan idhi,  
Jidadkaygaan iska  
jiri doonaa,  
Si aanan carrabkayga ugu  
dembaabin,  
Oo afkayga waxaan ku qaban  
doonaa xakame inta kii  
shar lahu i hor joogo.  
<sup>2</sup> Waan carrab beelay oo shib  
baan iska idhi, oo waan  
ka aamusay xataa wixii  
wanaagsanaa,  
Tiiraanyadaydiina waa kacday.  
<sup>3</sup> Qalbigaygu uurkayguu ku  
kululaaday,  
Oo intii aan fikirayay ayaa  
dabkii shidmay,  
Markaasaan carrabkaygii ku  
hadlay, oo idhi,  
<sup>4</sup> Rabbiyow, i ogaysii ugu  
dambaystayda  
Iyo cimrigayga dhererkiiisu  
intuu yahay,  
Oo i ogaysii inta  
tabardarradaydu  
tahay.

- <sup>5</sup> Bal eeg, maalmahayga  
waxaad ka dhigtay  
calaacal ballaadhkeed  
Oo cimrigayguna hortaada  
waxba kuma aha,  
Hubaal nin kastaaba marka  
xaalkiisu ugu wanaagsan  
yahay dhammaantiis  
waa bilaash. (Selaah)
- <sup>6</sup> Hubaal nin kastaaba wuxuu  
ku socdaa hawo been  
ah,  
Hubaal waxay ku rabshaysan  
yihii hawo been ah,  
Isagu maal buu tuulaa, mana  
uu yaqaan kii urursan  
doona.
- <sup>7</sup> Haddaba Sayidow, bal maxaan  
sugaa?
- Waayo, rajadaydu adigay kugu  
xidhan tahay.
- <sup>8</sup> Xadgudubyadaya oo dhan  
iga samatabbixi,  
Oo ha iga dhigin mid nacasyadu  
caayaan.
- <sup>9</sup> Anigu waan carrab la'aa, oo  
afkaygana ma aan kala  
qaadin,  
Maxaa yeelay, sidaasaad  
yeeshay.
- <sup>10</sup> Haddaba belaayadaada iga  
durki,  
Maxaa yeelay, waxaa i  
baabbi'iyey weerarka  
gacantaada.
- <sup>11</sup> Markaad dadka canaanta  
ku edbisid xumaanta  
daraaddeed,

Waxaad quruxdiisa ka dhigtaa  
inay u baabba'do sidii  
balanbaallis oo kale,  
Hubaal nin kastaaba waa  
bilaash. (Selaah)

<sup>12</sup> Rabbiyow, baryadayda  
maqal, oo qayladaydana  
dhegta u dhig,  
Oo ilmadaydana ha iskaga  
aamusin,

Waayo, waxaan ahay qariib  
kula jooga

Oo masaafir ah, sidii  
awowayaashay oo  
dhammu ay ahaan  
jireen.

<sup>13</sup> li tudh, itaalkaygu mar ha igu  
soo noqdee,  
Intaanan meesha tegin oo  
aanan mar dambe ka  
soo noqonayn.

*Kanu waa sabuur Daa'eed  
u tirihey madaxdii  
muusikaystayaasha.*

- 40** <sup>1</sup> Anigu Rabbiga samir  
baan ku sugay,  
Oo isna wuu i soo jalleecay,  
qayladaydiina wuu  
maqlay,
- <sup>2</sup> Oo weliba wuxuu iga soo  
bixiyey yamays baabba'  
ah, iyo dhoobada  
dhiriqda ah,  
Oo wuxuu cagaha ii saaray  
dhagax weyn, oo  
socodkaygiina wuu  
xoogeeeyey.

- <sup>3</sup> Oo afkaygiina wuxuu geliyey gabay cusub, kaas oo ah ammaanta Ilaaheenna.  
 Kuwo badan baa arki doona, wayna cabsan doonaan,  
 Rabbigayna isku hallayn doonaan.
- <sup>4</sup> Waxaa barakaysan ninkii Rabbiga isku halleeya,  
 Oo aan u jeedin kuwa kibirsan ama kuwa beenta ku leexda.
- <sup>5</sup> Rabbiyow, Ilaahayow, shuqullada yaabka badan oo aad samaysay way badan yihiiin,  
 Oo fikirradaada aad naga qabtidna way badan yihiiin,  
 Oo iyaga lama xisaabi karo, Haddii aan sheego oo ka hadlo, Iyagu way ka sii badan yihiiin wax la tirin karo.
- <sup>6</sup> Allabari iyo qurbaan kuma aad faraxsanid, Oo anna dhegahaygii waad ii furtay, Qurbaan la gubo iyo qurbaanka dembiga midna ima aad weyddiisan.
- <sup>7</sup> Oo markaasaan idhi, Bal eeg, anigu waan imid, Oo kitaabka duudduuban wax igu saabsan baa ku qoran.
- <sup>8</sup> Ilaahayow, waxaan jeclahay inaan sameeyo doonistaada,

- Haah, oo sharcigaagu wuxuu ku dhex jiraal qalbigayga.
- <sup>9</sup> Xaqnimo baan shirkal weyn ku dhex wacdiyey,
- Oo bal eeg, inaan bushimahayga ka joojin, Waad og tahay, Rabbiyow.
- <sup>10</sup> Xaqnimadaada qalbigayga kuma aan qarin, Aaminnimadaada iyo badbaadintaadana waan sheegay,
- Oo raxmaddaada iyo runtaadana kama aan qarin shirkal weyn.
- <sup>11</sup> Rabbiyow, naxariistaada ha iga ceshan, Raxmaddaada iyo runtaaduna had iyo goorba ha i dhawreen.
- <sup>12</sup> Waayo, xumaatooyin aan la tirin karin ayaa i hareereeyey, Oo dembiyadaydii ayaa i qabsaday, sidaas daraaddeed kor ma fiirin karo, Iyagu way ka badan yihiiin timaha madaxayga, oo qalbigaygiina waa i gabay.
- <sup>13</sup> Rabbiyow, waan ku baryayaaye, i samatabbixi, Rabbiyow, u soo dhaqso inaad i caawiso.

<sup>14</sup> Kuwa doonaya inay  
naftayda halligaan  
ha ceeboobeen,  
Oo dhammaantood ha  
wareereen,  
Oo kuwa waxyeelladayda ku  
farkana  
Dib ha loo celiyo, oo  
sharafdarro ha ku  
soo degto.

<sup>15</sup> Kuwa aniga, Ahaa, Ahaa, igu  
yidhaahda,  
Ceebtooda daraaddeed ha la  
fajeceen.

<sup>16</sup> Kuwa adiga ku doondoona oo  
dhammu ha reyreeyeen  
oo ha kugu farxeen,  
Oo kuwa badbaadintaada  
jecelu had iyo goorba ha  
yidhaahdeen,  
Rabbiga ha la weyneeyo!

<sup>17</sup> Laakiinse anigu waxaan ahay  
miskiin iyo mid baahan,  
Sayidkuse waa i xusuustaa.  
Ilaahayow, waxaad tahay  
caawimaaddayda iyo  
samatabbixiyahayga,  
Haddaba ha iga raagin.

*Kanu waa sabuur Daa'udd  
u tirihey madaxdii  
muusikaystayaasha.*

**41** <sup>1</sup> Waxaa barakaysan kii ka  
fikira miskiinka,  
Maalinta shar jiro Rabbigu waa  
samatabbixin doonaa  
isaga.

<sup>2</sup> Rabbigu wuu dhawri  
doonaa, wuuna sii

noolayn doonaa, oo  
isaguna dhulkuu ku  
barakaysnaan doonaa.  
Rabbow, isaga ha u gacangelin  
sida cadaawayaaashiisu  
rabaan.

<sup>3</sup> Rabbigu wuxuu isaga ku  
gargaari doonaa sariirta  
taagdarradiisa.

Oo markuu bukana sariirtiisa oo  
dhan waad u hagaajisaa.

<sup>4</sup> Anigu waxaan idhi, Rabbiyow,  
ii naxariiso,

Oo naftayda bogsi, waayo,  
waan kugu dembaabay.

<sup>5</sup> Cadaawayaaashaydu shar bay  
iga sheegaan, oo waxay  
yidhaahdaan,

War goormuu dhiman doonaa,  
oo magicisu baabbi'i  
doonaa?

<sup>6</sup> Oo midkood hadduu i soo  
booqdonaa been buu ku  
hadlaa,

Oo qalbigiisuna xumaattuu  
urursadaa; oo markuu  
dibadda u baxo ayuu ka  
waramaa.

<sup>7</sup> Kuwa i neceb oo dhammu  
anigay ii wada faqaan,  
Oo waxay iigu wada tashadaan  
si ay wax ii yeelaan.

<sup>8</sup> Waxay yidhaahdaan, Cudur  
xun baa isagii ku dhacay,  
Oo haatan wuu jiifaa, mar  
dambena sooma uu kici  
doono.

<sup>9</sup> Xataa saaxiibkaygii aan isku halleyey, oo kibistaydii cunay,  
 Ayaa cedhibtiisa ii qaaday.  
<sup>10</sup> Laakiinse, Rabbiyow, ii naxariiso, oo mar i sara jooji,  
 Aan iyaga ka aar goostee.  
<sup>11</sup> Tan ayaan ku garanayaa inaad igu faraxsan tahay,  
 Maxaa yeelay, cadowgaygu igama guulaysto.  
<sup>12</sup> Laakiinse aniga waxaad ii tiirisaa daacadnimadaya aawadeed,  
 Oo weligaaba waxaad i fadhiisaa wejigaaga hortiisa.  
<sup>13</sup> Weligiis iyo weligiisba Waxaa mahad leh Rabbiga ah Ilaaha Israa'iil.  
 Aamiin iyo Aamiin.

### Kitaabka Labaad

#### Sabuurrada 42-72

*Kanu waa gabay Maskiil ah oo ay reer Qorax u tiriyeen madaxdii muusikaystayaasha.*

**42** <sup>1</sup> Sida deeradu biyaha durdurka ugu harraaddo,  
 Ayay naftaydu kuugu harraaddaa, Ilaahayow.  
<sup>2</sup> Naftaydu waxay u oomman tahay Ilaah, kaasoo ah Ilaaha nool.

Goormaan u tegi doonaa oo aan Ilaah hortiisa ka muuqan doonaa?  
<sup>3</sup> Habeen iyo maalinba waxaa cunto ii noqday ilmadaydii,  
 Intay had iyo goorba i leeyihiin, Ilaahaagu mee?  
<sup>4</sup> Haddaba waan qarracmaa markaan soo xusuusto waxyaalahan,  
 Sidaan guutada u raaci jiray, oo aan iyaga ugu hor kici jiray guriga Ilaah,  
 Annagoo ku heesayna cod farxad ah iyo ammaan, oo ah dad fara badan oo iidaya.  
<sup>5</sup> Naftaydoy, bal maxaad u murugaysan tahay?  
 Oo bal maxaad gudahayga ugu rabshaysan tahay?  
 Ilaah ku kalsoonow, waayo, weli waxaan isaga u ammaanayaa caawimaadda wejigiisa.  
<sup>6</sup> Ilaahayow, naftaydu waa igu murugaysan tahay,  
 Oo sidaas daraaddeed waxaan ka xusuusnahay dalkii Urdun,  
 Iyo fiiqfiiqyada Buur Xermoon iyo Buur Miscaar.  
<sup>7</sup> Moolba mool buu u yeedhaa markay biya dhacu qaylinayaan,  
 Hirarkaagii iyo mawjadahaagii oo dhammu dushayday mareen.

8 Laakiinse Rabbigu  
maalinnimada wuxuu  
soo diri doonaa  
raxmaddiisa,  
Oo habeennimadana waxaa ila  
jiri doona gabaygiisa,  
Iyo baryootanka aan Ilaaha  
noloshayda baryo.

9 Waxaan Ilaaha dhagaxaya  
weyn ah ku odhan  
doonaa, Bal maxaad ii  
illowday?

Dulmiga cadowga daraaddiis  
bal maxaan ula sii  
cabaada?

10 Sida iyadoo seefu lafahayga  
burburinayso, ayaa  
cadaawayaaashaydu i  
caayaan,

Intay had iyo goorba i leeyihiin,  
Ilaahaagu meeh?

11 Naftaydoy, bal maxaad u  
murugaysan tahay?  
Oo bal maxaad gudahayga ugu  
rabshaysan tahay?  
Ilaah ku kalsoonow, waayo, weli  
waxaan ammaanayaa  
Isagoo ah caawimaadda  
wejigayga iyo Ilaahay.

**43** <sup>1</sup>Ilaahow, ii gar soor,  
oo dacwadayda kala  
muddac quruun aan  
cibaado lahayn,  
Iga samatabbixi ninka  
khiyaanada badan  
oo xaqa daran.

2 Waayo, waxaad tahay Ilaaha  
xoogga ii ah, bal maxaad  
ii xoortay?  
Dulmiga cadowga daraaddiis  
bal maxaan ula sii  
cabaada?  
3 Nuurkaaga iyo runtaada  
ii soo dir, oo ha i  
hoggaamiyeen,  
Oo ha i keeneen buurtaada  
quduuska ah, iyo  
taambuugyadaada.

4 Oo markaasaan tegi doonaa  
meesha allabariga Ilaah,  
Iyo Ilaaha ah farxaddayda  
weyn,  
Ilaahow, Ilaahaygiiyow,  
kataaradda waan kugu  
ammaani doonaa.

5 Naftaydoy, bal maxaad u  
murugaysan tahay?  
Oo bal maxaad gudahayga ugu  
rabshaysan tahay?  
Ilaah ku kalsoonow, waayo, weli  
waxaan ammaanayaa  
Isagoo ah caawimaadda  
wejigayga iyo Ilaahay.

*Kanu waa sabuur Maskiil ah  
oo reer Qorax u tirihey  
madaxdii muusikaystayaasha.*

**44** <sup>1</sup>Ilaahow,  
dhegahayagaannu  
ku maqallay, oo  
waxaa noo sheegay  
awowayaashayo  
Shuqulkii aad samaysay  
wakhtigoodii oo ahaa  
waa hore.

- <sup>2</sup> Quruumihii gacantaadaad ku eriday, oo meeshoodii awowayaashayo baad ku beertay,  
 Dadyowgii waad dhibtay, oo dibaddaad ku kala firdhisay.
- <sup>3</sup> Waayo, iyagu dalka kuma hantiyin seeftooda, Oo cududdooduna ma ay badbaadin, Laakiinse midigtaada iyo cududdaada iyo nuurka wejigaaga ayaa badbaadshay iyaga, Maxaa yeelay, raalli baad ka ahayd.
- <sup>4</sup> Ilaahow, waxaad tahay boqorkayga, Haddaba reer Yacquub samatabbixin u amar.
- <sup>5</sup> Adiga daraaddaa ayaannu cadaawayaashayada hoos ugu riixaynaa, Oo magacaaga daraaddiis ayaan kula tumanaynaa kuwa nagu kaca.
- <sup>6</sup> Waayo, qaansadayda isku hallayn maayo, Oo seeftayduna i badbaadin mayso.
- <sup>7</sup> Laakiinse adigu cadaawayaashayadaad naga badbaadisay, Oo kuwa na necebna waad ceebaysay.
- <sup>8</sup> Maalinta oo dhan waxaannu ku faannaa Ilaah,

- Oo annana weligayo waxaannu ku mahadnaqaynaa magacaaga. (Selaah)
- <sup>9</sup> Laakiinse haatan waad na xoortay, oo sharafdarrona waad nagu soo dejisay, Oo weliba ciidammadayadana ma aad hor kacdid.
- <sup>10</sup> Waxaa dib nooga celisaa cadowgayaga hortiisa, Oo kuwa na necebuna way na dhacaan.
- <sup>11</sup> Wuxaa naga dhigtay sidii ido la qalayo, Oo waxaad nagu kala firdhisay quruumaha dhexdooda.
- <sup>12</sup> Dadkaaga qiimola'aan baad ku iibisaa, Oo maalkaagana kuma aad kordhin qiimahoodii.
- <sup>13</sup> Deriskayaga waxaad nooga dhigtaa cay, Oo kuwa hareerahayaga ku wareegsanna waxaad nooga dhigtaa quudhsasho iyo qosol.
- <sup>14</sup> Quruumaha dhexdooda waxaad nooga dhigtaa halqabsi, Dadyowga dhexdoodana waxaad nooga dhigtaa kuwa madaxa laga lulo.
- <sup>15</sup> Maalinta oo dhan sharafdarradaydu way i hor taal, Oo waxaa iga muuqatay ceebtii wejigayga,

- 16 Waayo, sababtu waxaa  
weeye codka kan i caaya  
oo i af xumeeya,  
Iyo cadowga iyo kan iga aarguta  
daraaddood.
- 17 Waxyaalahaas oo dhammu  
way nagu dhaceen,  
laakiinse weli kuma  
aannu illoobin,  
Axdigaagan khiyaano kuma  
aannu samayn.
- 18 Qalbigayagu dib uma noqon,  
Oo tallaaboooyinkayaguna  
jidkaaga kama baydhin,
- 19 Adiguse waxaad si xun  
noogu jebisay meeshii  
dawacooyinka,
- Oo waxaad nagu qarisay  
hooskii dhimashada.
- 20 Haddii aannu illownay  
magicii Ilaahayaga,  
Ama aannu gacmahayaga  
u kala bixinay ilaah  
qalaad,
- 21 Ilaah miyaanu waxaas  
baadhayn?  
Waayo, isagu waa wada  
og yahay qalbiga  
waxyaalihiisa qarsoon.
- 22 Haah, oo adiga daraaddaa  
ayaa naloo laayaa  
maalinta oo dhan,  
Oo waxaannu noqonnaa sida  
ido la qalayo.
- 23 Toos, maxaad u huruddaa,  
Sayidow?  
Sara joogso, oo ha na xoorin  
weligaa.

- 24 Bal maxaad wejiga nooga  
qarsanaysaa,  
Oo aad u illoobaysaa  
dhibaatada iyo dulmiga  
aan ku dhex jirno?
- 25 Waayo, naftayadu ciidday ku  
foororsatay,  
Oo calooshayaduna dhulkay ku  
dhegtaa.
- 26 Caawimaaddayada  
daraaddeed u sara  
joogso,  
Oo raxmaddaada daraaddeed  
noo furo.

*Kanu waa sabuur Maskiil ah oo  
ay reer Qorax u tiriyeen madaxdii  
muusikaystayaasha, waana  
gabay jacayl ku saabsan oo lagu  
luuqeeyo Shoshanniim.*

- 45** <sup>1</sup> Qalbigaygu wuxuu la  
buuxdhaafaa hadal  
wanaagsan,  
Oo waxaan boqorka u  
sheegayaa waxyalihii  
aan sameeyey,  
Carrabkaygu waa sida  
karraani dhaqsiyo  
badan qalinkiis.
- <sup>2</sup> Adigu waad ka sii quruxsan  
tahay binu-aadmiga,  
Oo bushimahaaga waxaa ka  
buuxda nimco,  
Sidaas daraaddeed ayaa  
Ilaah kuu barakeeyey  
weligaaba.
- <sup>3</sup> Seeftaadu bowdadaada ha  
saarnaato, kaaga xoogga  
badanow,

Oo quruxda iyo haybadda  
lahow.

<sup>4</sup> Runta iyo camalqabowga iyo  
xaqnimada daraaddood,  
Waxaad faraskaaga ku  
fuushaa haybad adigoo  
barwaaqaysan,

Oo gacantaada midigna  
waxay ku bari doontaa  
waxyaaloo cabsi badan.

<sup>5</sup> Fallaadadhahaagu waa af badan  
yihiiin,

Oo waxay wadnaha ka  
mudaan boqorka  
cadaawayaaashiisa,

Dadyowguna hoostaaday ku  
soo dhacaan.

<sup>6</sup> Carshigaagu, Ilaahow, waa  
weligiis iyo weligiis,

Oo ul caddaaladdeedna waa  
usha boqortooyadaada.

<sup>7</sup> Adigu xaqnimada waad  
jeclayd, oo xumaantana  
waad necbayd,

Sidaas daraaddeed Ilaaha  
Ilaahaaga ahi wuxuu  
kuugu subkay

Saliidda farxadda, oo kuwa ku  
weheliyana wuu kaa  
sarraysiiyey.

<sup>8</sup> Dharkaaga oo dhan waxaa ka  
soo carfa malmal, iyo  
cuud, iyo qasica.

Oo qasriyo fool maroodi ah  
ayaa kaaga farxiyey  
alaab muusiko xadhko  
leh.

<sup>9</sup> Dumarkaaga sharafta leh  
waxaa ku jira gabdhaha  
boqorrada,

Midigtaadana waxaa taagan  
boqoradda oo isku  
sharraxday dahabkii  
Oofir.

<sup>10</sup> Haddaba, gabadhoy, bal  
i maqal, oo firso, oo  
dhegta soo dhig,

Oo weliba waxaad ilowdaa  
dadkaagii iyo gurigii  
aabbaaha;

<sup>11</sup> Markaasuu boqorku  
quruxdaada  
jeclaanayaayaa,

Waayo, isagu waa sayidkaaga,  
oo adna isaga u sujuud.

<sup>12</sup> Oo waxaa halkaas joogi  
doonta gabadha reer  
Turos, iyadoo hadiyad  
wadda,

Xataa taajiriinta dadka ku  
jirtaa waxay kaa baryi  
doonaan raallinimo.

<sup>13</sup> Gabadha boqorka oo hoyga  
boqorka joogtaa waa  
qurux miidhan,

Dharkeeda dahab baa lagu  
dhex sameeyey.

<sup>14</sup> Waxaa boqorka loo  
geeyn doonaa iyadoo  
sharraxan,

Bikradaha saaxiibadaheeda ah  
oo iyada daba socdana  
waa laguu keeni doonaa.

<sup>15</sup> Waxaa iyaga lagu hoggaamin  
doonaa farxad iyo  
rayrayn,

Oo waxay soo geli doonaan  
hoga boqorka.

<sup>16</sup> Meeshii awowayaashaa  
waxaa joogi doona  
wilashaada,

Kuwaas oo aad dunida oo  
dhan amiirro uga dhigi  
doonto.

<sup>17</sup> Magacaaga waxaan ka dhigi  
doonaa mid ka ab ka ab  
la xusuusto,

Sidaas daraaddeed dadyowgu  
mahad bay kuu naqi  
doonaan weligood iyo  
weligood.

*Kanu waa sabuur ay reer  
Qorax u tiriyeen madaxdii  
muusikaystayaasha, oo waa  
gabay lagu luuqeeyo Calaamood*

**46** <sup>1</sup> Ilaah waa  
magangalkeenna  
iyo xooggeenna,

Oo waa caawimaad inoo diyaar  
ah wakhtiga dhibaatada.

<sup>2</sup> Sidaas daraaddeed cabsan  
mayno in kastoo dhulku  
beddelmo,

Iyo in kastoo buurahu badda  
uurkeeda ku dhex  
dhaqaqaan,

<sup>3</sup> Iyo in kastoo biyaheedu  
guuxaan oo qasmaan,  
Iyo in kastoo ay buurahu  
kibirkooda la  
ruxruxmaan. (Selaah)

<sup>4</sup> Waxaa jira webi durdurradiisu  
ay ka farxiyan  
magaalada Ilaah,

Taasoo ah meesha quduuska ah  
ee Ilaaha ugu sarreeya  
taambuugyadiisa.

<sup>5</sup> Ilaah baa iyada ku dhex  
jira, mana ay dhaqaaqi  
doonto,

Oo Ilaah baa iyada ku caawin  
doona marka waagu  
beryoo.

<sup>6</sup> Quruumihiil way cabaadeen,  
oo boqortooyoo yinkiina  
way dhaqdhaqaaqueen,

Codkiisii buu ku hadlay, oo  
dhulkii baa dhalaalay.

<sup>7</sup> Rabbiga ciidammadu waa  
inala jiraa,

Oo Ilaaha Yacquub baa  
magangalkeenna ah.  
(Selaah)

<sup>8</sup> Bal kaalaya arka shuqullada  
Rabbiga,  
Iyo halaagga uu ku sameeyey  
dhulka.

<sup>9</sup> Dagaallada wuu ku joojiyaa  
tan iyo dunida meesha  
ugu dambaysa,  
Qaansada wuu jebiyaa, oo  
warankana wuu jarraa,

Oo gaadhifardoodkana dab  
buu ku gubaa.

<sup>10</sup> Iska daaya oo ogaada inaan  
anigu Ilaah ahay,

Waa laygu sarraysiin doonaa  
quruumaha dheddooda,  
dhulkana waa laygu  
sarraysiin doonaa.

<sup>11</sup> Rabbiga ciidammadu waa  
inala jiraa,

Oo Ilaha Yacquub baa  
magangalkeenna ah.  
(Selaah)

*Kanu waa sabuur ay reer  
Qorax u tiriyeen madaxdii  
muusikaystayaasha.*

- 47** <sup>1</sup>Dadyowga oo dhammow,  
kulligiiin sacabka tuma,  
Oo Ilaha cod guuleed ugu  
qayliya.  
<sup>2</sup> Waayo, Rabbiga ah Ilaha  
ugu sarreeya waa cabsi  
miidhan,  
Oo isagu waa boqor weyn oo  
dhulka oo dhan u taliya.  
<sup>3</sup> Isagu dadyowga wuxuu gelin  
doonaa hoosteenna,  
Quruumahana wuxuu ka  
hoos marin doonaa  
cagaheenna.  
<sup>4</sup> Isagu dhaxalkeenna ayuu inoo  
dooran doonaa,  
Kaasoo ah ammaanta Yacquub  
uu jecel yahay. (Selaah)  
<sup>5</sup> Ilaha qaylo buu la kacay,  
Oo wuxuu Rabbiguna la kacay  
dhawaaqa buunka.  
<sup>6</sup> Ilaha ammaan ugu heesa,  
ammaan ugu heesa,  
Ammaan ugu heesa  
Boqorkeenna, ammaan  
heesa.  
<sup>7</sup> Waayo, Ilaha waa dunida oo  
dhan Boqorkeeda,  
Haddaba sabuur ammaan ah  
ku heesa.  
<sup>8</sup> Ilaha wuxuu u taliyaa  
quruumaha,

Ilaahna carshigisa quduuska  
ah ayuu ku fadhiistaa.  
<sup>9</sup> Dadyowga amiirradoodii oo  
dhammu waxay isu soo  
wada urursadeen  
Inay dadka Ilaha Ibraahim  
noqdaan,  
Waayo, dhulka  
gaashaammadiisa  
waxaa iska leh Ilaha.  
Oo isaga aad iyo aad baa loo  
sarraysiiyey.

*Kanu waa gabay, waana sabuur  
ay reer Qorax tiriyeen.*

- 48** <sup>1</sup>Rabbigu waa weyn  
yahay, waana in aad  
loogu ammaanaa  
Ilahaheenna magaaladiisa, iyo  
buurtiisa quduuska ah.  
<sup>2</sup> Waxaa dhererka ku quruxsan,  
oo farxad u ah dunida  
oo dhan  
Buur Siyoon oo dhanka  
woqooyi ah,  
Meeshaas oo ah magaalada  
Boqorka weyn.  
<sup>3</sup> Ilaha wuxuu daaraheeda  
dhaadheer isku  
muuijey inuu magangal  
yahay.  
<sup>4</sup> Waayo, bal eeg, boqorradii  
way iswada urursadeen,  
Dhammaantood way wada  
dhaafeen.  
<sup>5</sup> Oo kolkay arkeen ayay  
yaabeen,  
Oo argaggexeen, markaasay  
haddiiba carareen.

- <sup>6</sup> Iyagii halkaasay ku gariireen,  
Wayna ku xanuunsadeen sida  
naag foolanaysa.
- <sup>7</sup> Doonniyaha Tarshiish waxaad  
ku jejbisaa  
Dabaysha bari.
- <sup>8</sup> Annagu sidaan maqalnay,  
ayaan ku dhex aragnay  
Magaalada Rabbiga  
ciidammada, taasoo ah  
magaalada Ilaaheenna,  
Ilaah ayaa weligeedba adkayn  
doona. (Selah)
- <sup>9</sup> Ilaahow, raxmaddaada ayaan  
ka fikirnay  
Markaan macbudkaaga ku  
jirnay.
- <sup>10</sup> Ilaahow, sida magacaagu  
yahay  
Ayaa ammaantaaduna ku tahay  
dhulka darafyadiisa oo  
dhan,
- Gacantaada midigna waxaa ka  
buuxda xaqnimo.
- <sup>11</sup> Buur Siyoon ha faraxdo,  
Oo gabdhaha reer Yahuudah  
ha ku reyreeyen  
xukummadaada  
daraaddood.
- <sup>12</sup> Siyoon hareeraheeda socda,  
oo ku soo wareega,  
Oo munaaradaheeda tiriya.
- <sup>13</sup> Bal aad ugu fiirsada  
qalcadaheeda,  
Oo ka fikira daaraheeda  
dhaadheer,  
Si aad ugu sheekaysaan  
farcanka soo socda.

<sup>14</sup> Waayo, weligiis iyo weligiisba  
Ilaahan ayaa Ilaah inoo  
ah,  
Oo isagaa hoggaamiye inoo  
ahaan doona xataa tan  
iyo dhimashada.

*Kanu waa sabuur ay reer  
Qorax u tiriyeen madaxdii  
muusikaystayaasha.*

- 49** <sup>1</sup> Dadyowga oo dhammow,  
bal tan maqla,  
Dunida kuwiinna degganow,  
kulligiin dhegta u dhiga,  
<sup>2</sup> Kuwiinna hoose iyo kuwiinna  
sare,  
Taajirrada iyo masaakiintoy,  
dhammaantiin wada  
maqla.
- <sup>3</sup> Afkaygu wuxuu ku hadli  
doonaa xigmad,  
Qalbigayguna wuxuu ka fikiri  
doonaa waxgarasho.
- <sup>4</sup> Dhegtayda waxaan u dhigi  
doonaa masaal,  
Xujadaydana waxaan ku muujin  
doonaa kataaradda.
- <sup>5</sup> Haddaba bal maxaan u  
cabsanayaa wakhtiga  
shar jiro,  
Markii xumaanu cedhbahayga  
ku wareegsanto?
- <sup>6</sup> Kuwa maalkooda isku  
halleeya,  
Oo ku faana hodantinimadooda  
faraha badan,
- <sup>7</sup> Midkoodna walaalkiis ma  
furan karo,

Daraaddiisna Ilaah  
madaxfurasho uma  
siin karo,  
<sup>8</sup> (Waayo, furashada naftoodu  
waa qaali aad iyo aad,  
Kumana filna weligeedba,)  
<sup>9</sup> Inuu isagu weligiis sii  
noolaado,  
Oo aanu halligaad arkin  
weligiis.  
<sup>10</sup> Waayo, isagu wuxuu arkaa  
inay dadka xigmadda  
lahu wada dhintaan,  
Iyo in nacasyada iyo  
doqonnaduba ay  
wada baabba'aan,  
Oo ay maalkooda kuwa kale  
uga tagaan.  
<sup>11</sup> Waxay ismoodsiyyaan inay  
guryahoodu weligoodba  
sii jirayaan,  
Iyo in meelaha rugtooda ahu  
ay sii raagayaan tan iyo  
qarniyada oo dhan,  
Oo dhulalkoodana way isku  
magacaabaan.  
<sup>12</sup> Laakiinse binu-aadmigu  
sharaf kuma waaro,  
Wuxuu la mid yahay sida  
xayawaanka iska  
baabba'a.  
<sup>13</sup> Jidkoodanu waa  
kalsoonidooda  
nacasnimada ah,  
Laakiinse dadka iyaga ka  
dambeeya ayaa  
hadalkoodii u boga.  
(Selaah)

<sup>14</sup> Iyagu waxaa weeye adhi  
She'ool loo wado,  
Oo waxaa sida adhijir u ahaan  
doona dhimasho,  
Oo kuwa qumman ayaa iyaga  
subaxda u talin doona,  
Oo quruxdoodana waxaa  
baabbi'in doona She'ool,  
inaanay iyagu rug yeelan  
innaba.  
<sup>15</sup> Laakiinse Ilaah naftayda wuu  
ka soo furan doonaa  
xoogga She'ool,  
Waayo, wuu i aqbali doonaa.  
(Selaah)  
<sup>16</sup> Ha baqin markii mid  
taajiroobo,  
Oo ammaanta reerkiisu aad u  
korodho,  
<sup>17</sup> Waayo, isagu markuu dhinto  
waxba sii qaadan maayo,  
Oo ammaantiisuna ka daba geli  
mayso.  
<sup>18</sup> In kastoo uu naftiisa u  
duceeyey markuu  
noolaa,  
Oo dad adiga ku ammaana,  
kolkaad wax wanaagsan  
isu samaysid,  
<sup>19</sup> Isagu wuxuu u tegi  
doonaa qarniyadii  
awowayaashiis,  
Oo iyana weligood iftiinka ma  
ay arki doonaan.  
<sup>20</sup> Ninkii sharaf leh oo aan  
garaad lahaynu  
Wuxuu la mid yahay sida  
xayawaanka iska  
baabba'a.

*Kanu waa sabuur Aasaaf tiriyey.*

- 50** <sup>1</sup>Ilaah, oo ah Ilaaha  
Rabbiga ah ayaa hadlay,  
Oo qorrax-soo-baxa ilaa  
qorraxdhaca dhulkuu u  
yeedhay.  
<sup>2</sup> Siyoon oo ah meesha quruxda  
kaamilka ah  
Ayaa Ilaah ka soo iftiimay.  
<sup>3</sup> Ilaaheen wuu iman doonaa,  
iskamana aamusi doono,  
Hortiisa ayaa dab wax baabbi'in  
doonaa,  
Hareerihiisana waxaa jiri doona  
duufaan weyn.  
<sup>4</sup> Isagu wuxuu u yeedhi doonaa  
samooyinka sare,  
Iyo dhulkaba, inuu dadkiisa  
xukumo aawadeed.  
<sup>5</sup> Oo wuxuu odhan doonaa,  
Quduusiintayda ii soo  
wada ururiya,  
Kuwii axdi igula dhigtay allabari.  
<sup>6</sup> Oo samooyinka ayaa  
xaqnimadiisa sheegi  
doona,  
Waayo, Ilaah qudhiisu waa  
xaakin. (Selaah)  
<sup>7</sup> Dadkaygiiyow, i maqla,  
oo anna waan hadli  
doonaa,  
Israa'iilow, i maqlal oo anna  
waan kuu markhaati furi  
doonaa,  
Anigu waxaan ahay Ilaah, oo ah  
Ilaahaaga.  
<sup>8</sup> Anigu kugu canaanan maayo  
allabaryadaada,

- Oo qurbaannadaada gubantu  
had iyo goorba  
hortayday yaalliiin.  
<sup>9</sup> Reerkaaga dibi ka qaadan  
maayo,  
Xerooyinkaagana orgi kala bixi  
maayo.  
<sup>10</sup> Waayo, xayawaanka duudda  
jooga oo dhan anigaa  
iska leh,  
Iyo xataa xoolaha kunka  
buurood jooga oo dhan.  
<sup>11</sup> Waan wada aqaan haadda  
buuraha joogta oo dhan,  
Oo dugaagga duurka jooga oo  
dhanna anigaa iska leh.  
<sup>12</sup> Haddaan gaajaysnahay,  
kuuma aan sheegeen,  
Waayo, dunida iyo waxa ka  
buuxaba anigaa iska leh.  
<sup>13</sup> Miyaan cuni doonaa hilibka  
dibida,  
Miyaanse cabbi doonaa dhiigga  
riyaha?  
<sup>14</sup> Ilaah u bixi allabariga  
mahadnaqiddaa,  
Oo Ilaaha ugu sarreeyana  
nidarradaadii u oofi,  
<sup>15</sup> Oo i bari maalinta dhibi jirto,  
Oo anna waan ku samatabbixin  
doonaa, kolkaasaad i  
ammaani doontaa.  
<sup>16</sup> Laakiinse Ilaah wuxuu  
kan sharka leh ku  
yidhaahdaa,  
Maxaad qaynuunnadayda u  
sheegaysaa,  
Oo aad axdigaya afkaaga ugu  
soo qaadysaa?

- <sup>17</sup> Adigoo tacliinta neceb,  
Oo weliba erayadaydانا  
dabadaada ku tuura.
- <sup>18</sup> Markaad tuug aragtagtay waad  
oggolaatay,  
Oo waxaad la qayb qaadatay  
dhillayo.
- <sup>19</sup> Afkaaga waxaad u daysaa  
inuu shar ku hadlo,  
Oo carrabkaaguna wuxuu  
hindisa khiyaano.
- <sup>20</sup> Waad fadhiisataa oo wax ka  
sheegtaa walaalkaa,  
Oo weliba waxaad xamataa  
inahooyadaa.
- <sup>21</sup> Waxyaalahaas baad  
samaysay, oo anna  
waan iska aamusay,  
Waxaad moodday inaan ahay  
mid kula mid ah,  
Laakiinse waan ku canaan  
doonaa, oo iyaga ayaan  
indhahaaga hortooda ku  
hagaajin doonaa.
- <sup>22</sup> Kuwiinna Ilaah illoobayow,  
bal waxan ka fiirsada,  
Waaba intaasoo aan cadcad  
idiin jeexjeexaaye,  
oo Aad wax idin  
samatabbixiya  
weydaane,
- <sup>23</sup> Ku alla kii allabariga  
mahadnaqidda bixiyaa  
waa i ammaanaa,  
Oo kii socodkiisa si qumman u  
hagaajiyyana  
Waxaan tusi doonaa  
badbaadinta Ilaah.

- Kanu waa sabuur Daa'eed  
u tirihey madaxdii  
muusikaystayaasha markii nebi  
Naataan u yimid, kolkuu  
Batshebac u tegey dabadeed.*
- 51** <sup>1</sup> Ilaahow, iigu naxariiso  
sida raxmaddaadu  
tahay,  
Oo xadgudubyadaydانا igaga  
tirtir sida naxariistaada  
badnaanteedu tahay.
- <sup>2</sup> Xumaantayda iga wada  
maydh,  
Oo iga nadiifi dembigayga.
- <sup>3</sup> Waayo, anigu waan ogahay  
xadgudubyadayda,  
Oo dembigayguna hortayduu  
yaallaa had iyo goorba.
- <sup>4</sup> Adiga keliya ayaan kugu  
dembaabay,  
Oo waxaan sameeyey wax  
hortaada ku xun,  
Inaad xaq ahaatid markaad  
hadashid,  
Oo Aad daahir ahaatid markaad  
wax xukunto.
- <sup>5</sup> Bal eeg, aniga waxaa laygu  
qabanqaabiyeey xumaan,  
Oo waxaa hooyaday igu  
uuraysatay dembi.
- <sup>6</sup> Bal eeg, waxaad uurka ka  
jeceshahay run,  
Oo meesha qarsoon waxaad iga  
ogeysiinaysaa xigmad.
- <sup>7</sup> Haddaba geed husob ah igu  
daahiri, oo anna nadiif  
baan ahaan doonaa,

I maydh, oo anna baraf cad  
waan ka sii caddaan  
doonaa.

<sup>8</sup> I maqashii farxad iyo rayrayn,  
Inay lafihiid aad jejebisay  
farxaan.

<sup>9</sup> Wejigaaga ka qari  
dembiyadayda,  
Oo iga tirtir xumaatooyinkayga  
oo dhan.

<sup>10</sup> Ilaahow, igu dhex abuur qalbi  
nadiif ah,  
Oo igu dhex cusboonaysii ruux  
qumman.

<sup>11</sup> Hortaada ha iga xoorin,  
Oo Ruuxaaga quduuska ah ha  
iga qaadin.

<sup>12</sup> Farxaddii badbaadintaada ii  
soo celi,  
Oo ruux raalli ah igu tiiri.

<sup>13</sup> Oo markaas kuwa xadgudba  
jidkaagaan bari doonaa,  
Oo dembilayaashuna adigay  
kuu soo noqon doonaan.

<sup>14</sup> Ilaahow, Ilaaha  
badbaadadaydow,  
dhiiggelidda iga  
samatabbixi,

Markaasaa carrabkaygu wuxuu  
aad uga gabiy doonaa  
xaqnimadaada.

<sup>15</sup> Sayidow, bushimahayga fur,  
Oo afkaygu wuxuu ku hadli  
doonaa ammaantaada.

<sup>16</sup> Waayo, adigu kuma faraxdid  
allabari, haddii kalese  
waan bixin lahaa,  
Qurbaan gubanna kuma  
cajebiyo.

<sup>17</sup> Allabaryada Ilaah waa ruux  
is-hoosaysiintiisa,  
Ilaahow, adigu quudhsan  
maysid qalbi hoosaysan  
oo qoomamaysan.

<sup>18</sup> Siyoon wanaag ugu samee  
sidaad doonayso,  
Oo Yeruusaalem  
derbiyadeedana dhis.

<sup>19</sup> Oo markaas adigu waxaad  
ku farxi doontaa  
allabaryada xaqnimada  
iyo qurbaan guban, iyo  
allabari wada guban  
dhammaantiis,  
Oo markaasay dibiyo ku  
dul bixin doonaan  
meeshaada allabariga.

*Kanu waa gabay Maskiil ah oo  
Daa'uud u tirihey madaxdii  
muusikaystayaasha, markii  
Do'eeg oo reer Edom ahaa uu  
Saa'uul u yimid oo u sheegay oo  
ku yidhi, Daa'uud waa  
yimid Axiimeleg gurigiisa.*

**52** <sup>1</sup> Ninka xoogga badanow,  
bal maxaad xumaanta  
ugu faanaysaa?  
Naxariista Ilaah had iyo goorba  
way sii waartaa.  
<sup>2</sup> Carrabkaagu wuxuu hindisaa  
xumaato weyn,  
Oo sida mandiil afaysan ayuu  
ka shaqeeyaa khiyaano.  
<sup>3</sup> Wanaagga waxaad ka  
jeceshahay xumaanta,  
Oo inaad xaqnimo ku  
hadashidna waxaad

ka jeceshahay  
beensheegidda. (Selaah)

<sup>4</sup> Wuxuu jeceshahay erayada  
wax baabbi'ya oo dhan,  
Iyo carrab khiyaano miidhan  
ah.

<sup>5</sup> Ilaahna sidaas oo kaluu  
kuu halligi doonaa  
weligaaba,

Oo isna kor buu kuu qaadi  
doonaa, oo wuxuu  
kaa bixin doonaa  
teendhadaada,

Oo wuxuu kaa saari doonaa  
kuwa nool dalkooda.  
(Selaah)

<sup>6</sup> Kuwa xaqa ahuna way arki  
doonaan, oo way cabsan  
doonaan,

Wayna ku qosli doonaan, oo  
waxay odhan doonaan,

<sup>7</sup> Waa kan ninkii aan Ilaah  
xooggiisa ka dhiganu,  
Laakiinse wuxuu isku halleeyey  
hodantinimadiisa  
badan,

Oo wuxuu ku xoogaystay  
xumaatadiisii.

<sup>8</sup> Laakiinse anigu waxaan la mid  
ahay sida geed qoyan oo  
saytuun ah, oo guriga  
Ilaah ku dhex yaal,

Anigu weligay iyo weligayba  
waxaan isku hallaynayaa  
naxariista Ilaah.

<sup>9</sup> Weligayba waan kugu  
mahadnaqayaa, maxaa  
yeelay, adigu waad  
samaysay,

Oo magacaaga ayaan wax  
ku rajaynayaa, waayo,  
wuu ku wanaagsan  
yahay quduusiintaada  
hortooda.

*Kanu waa gabay Maskiil ah oo  
Daa'uud u tirihey madaxdii  
muusikaystayaasha, oo waxaa  
lagu luuqeeyaa Mahalad.*

**53** <sup>1</sup> Nacaskaa qalbigiisa iska  
yidhi, Ilaah ma jiro.

Iyagu waa qudhun, oo  
waxay faleen xumaan  
karaahiyoo ah,

Oo mid wanaag falaa ma jiro.

<sup>2</sup> Ilaah wuxuu samada hoos  
uga soo fiirihey binu-  
aadmiga,

Bal inuu arko hadday kuwo  
wax garanaya oo Ilaah  
doondoona jiraan.

<sup>3</sup> Midkood kastaaba dib  
buu u noqday, oo  
dhammaantood waxay  
wada noqdeen dad  
nijaas ah,

Oo mid wanaag falaa ma jiro,  
midnaba.

<sup>4</sup> Miyaanay aqoon lahayn  
xumaanfalayaasha  
dadkaygii u cuna siday  
kibista u cunaan,

Oo aanay Ilaah baryin?

<sup>5</sup> Iyagu halkaasay aad ugu  
cabsadeen meel aan  
cabsiyu jirin,

Waayo, kii ku ag degay inuu  
kugu soo duulo Ilaah baa  
lafhiisii kala firdhiyey,  
Oo iyagaad ceebaysay, maxaa  
yeelay, Ilaah baa iyaga  
diiday.  
<sup>6</sup> Badbaadada reer binu Israa'iil  
bal may Siyoon ka  
timaado!  
 Marka Ilaah dadkiisa  
maxaabiisnimada  
ka soo celiyo,  
 Ayaa reer Yacquub rayrayn  
doonaa oo reer binu  
Israa'iilna farxi doonaa.

*Kanu waa gabay Maskiil ah oo  
Daa'uud u tirihey madaxdii  
muusikaystayaasha, markii ay  
reer Sif Saa'uul u yimaadeen oo  
ay ku yidhaahdeen, Daa'uud  
miyaanu dhuumasho noo dhex  
joogin? Waxaana lagu qaadaa  
alaab xadhko leh oo muusiko ah.*

**54** <sup>1</sup> Ilaahow, magacaaga igu  
badbaadi,  
Oo xooggaaga iigu garsoor.  
<sup>2</sup> Ilaahow, baryadayda maqal,  
Oo erayada afkayga dhegta u  
dhig,  
<sup>3</sup> Waayo, shisheeyayaal baa igu  
kacay,  
Oo rag dulmi badan ayaa  
doonayay inay nafta iga  
qaadaan,  
Iyagu Ilaah kama fikirin.  
 (Selaah)  
<sup>4</sup> Bal eega, Ilaah waa  
gargaarahayga,

Oo Sayidkuna wuxuu la jiraa  
kuwa naftayda tiiriya.  
<sup>5</sup> Isagu sharka wuxuu  
ku celin doonaa  
cadaawayaashayda,  
Iyaga runtaada ku baabbi'i.  
<sup>6</sup> Waxaan kuu qali doonaa  
qurbaan ikhtiyaar ah,  
Rabbiyow, magacaaga waan  
ku mahadnaqi doonaa,  
waayo wuu wanaagsan  
yahay.  
<sup>7</sup> Waayo, isagu wuxuu  
iga samatabbixiyey  
dhibaato oo dhan,  
 Oo ishayduna waxay  
cadaawayaashayda  
ku aragtay wixii aan  
doonayay.

*Kanu waa gabay Maskiil ah oo  
Daa'uud u tirihey madaxdii  
muusikaystayaasha, oo  
waxaa lagu qaadaa alaab  
xadhko leh oo muusiko ah.*

**55** <sup>1</sup> Ilaahow, tukashadayda  
dhegta u dhig,  
Oo baryootankaygana ha iska  
qarin.  
<sup>2</sup> I maqal, oo ii jawaab,  
Waxaan la nasan waayaa  
calaacalkayga, waanan  
la taahaa,  
<sup>3</sup> Sababtuna waxaa weeye  
codka cadowga  
daraaddiis,  
Iyo kan sharka leh cadaadintiisa  
daraaddeed,

Waayo, iyagu xumaan bay igu  
     tuuraan,  
 Maxaa yeelay, cadho ayay igu  
     silciyaan.  
<sup>4</sup> Wadnuhu aad buu ii  
     xanuunayaa,  
 Oo waxaa igu dhacday cabsida  
     dhimashada.  
<sup>5</sup> Baqdin iyo gariir ayaa igu soo  
     degay,  
 Oo naxdin baa i dabooshay.  
<sup>6</sup> Oo anna waxaan is-idhi,  
     Waxaan jeelaan lahaa  
     inaan baalal yeesho sida  
     qoolley oo kale!  
 Markaasaan iska duuli lahaa oo  
     nasan lahaa.  
<sup>7</sup> Bal eeg, markaasaan iska  
     warwareegi lahaa meel  
     fog,  
 Oo waxaan degganaan lahaa  
     cidlada. (Selaah)  
<sup>8</sup> Waxaan gabbaad kaga carari  
     laha  
 Dabaysha hufada ah iyo  
     duufaanka.  
<sup>9</sup> Sayidow, iyaga baabbi'i, oo  
     afafkoodana kala duw  
 Waayo, waxaan magaalada ku  
     arkay dulmi iyo dirir.  
<sup>10</sup> Maalin iyo habeenba  
     derbiyadeeday ku dul  
     wareegaan,  
 Oo weliba waxaa ku dhex jira  
     xumaan iyo belaayo.  
<sup>11</sup> Dhexdeedana waxaa ku jira  
     shar,  
 Dulmi iyo khiyanona kama  
     tagaan jidadkeeda.

<sup>12</sup> Waayo, kii i caayay cadaawe  
     ma ahayn,  
 Maxaa yeelay, waan u adkaysan  
     kari lahaa,  
 Mana ahayn kii i necbaa oo iska  
     kay weyneeyey,  
 Maxaa yeelay, waan ka  
     dhuuman lahaa isaga,  
<sup>13</sup> Laakiinse wuxuu ahaa adiga  
     oo ah nin ila mid ah,  
 Iyo jaalkay iyo saaxiibkay.  
<sup>14</sup> Si wanaagsan baynu u wada  
     sheekaysan jirnay,  
 Oo waxaynu ku dhex socon  
     jirnay guriga Ilaah,  
     innagoo guuto badan la  
     soonna.  
<sup>15</sup> Dhimasho ha ku soo kediso  
     iyaga,  
 Oo iyagoo noolnool She'ool ha  
     ku dhaceen,  
 Waayo, xumaan baa ku  
     jirta hoygooda iyo  
     dhexdooda.  
<sup>16</sup> Laakiinse anigu Ilaah baan  
     baryi doonaa,  
 Oo Rabbigaa i badbaadin  
     doona.  
<sup>17</sup> Fiidka, iyo subaxda, iyo  
     duhurkaba, anigu waan  
     cataabi doonaa, oo  
     waan taahi doonaa,  
 Oo isna codkayguu maqli  
     doonaa.  
<sup>18</sup> Naftayda nabadduu kaga  
     samatabbixiyey  
     dagaalkii iga geesta  
     aha,

Waayo, kuwii ila diriray way  
badnaayeen.

<sup>19</sup> Ilaah oo ah kan weligiis  
waara,

Wuu maqli doonaa oo u  
jawaabi doonaa iyaga,  
Kuwaas oo aan beddelmin,  
(Selaah)

Oo aan Ilaah ka cabsan.

<sup>20</sup> Isagu wuxuu u gacan qaaday  
kii isaga heshiiska la  
ahaa,

Oo axdigisiina wuu buriyey.

<sup>21</sup> Afkiisu wuxuu u nuglaa sidii  
subag oo kale,

Laakiinse qalbigisu wuxuu  
ahaa dagaal,

Erayadiisu saliid way ka  
jilicsanaayeen,

Laakiinse waxay ahaayeen  
seefo galkii laga siibay.

<sup>22</sup> Culaabtaada Rabbiga saar, oo  
isna wuu ku xanaanayn  
doonaa,

Waayo, isagu kan xaqa ah  
marnaba u dayn maayo  
in la dhaqaajiyo.

<sup>23</sup> Laakiinse, Ilaahow, iyaga  
waxaad ku dhaadhicin  
doontaa yamayska  
halligaadda,

Dhiigyocabyada iyo dadka  
khaa'innada ahu  
cimrigooda nus ma  
kadban doonaan,

Laakiinse anigu waan isku kaa  
hallayn doonaa.

*Kanu waa sabuur Mikhtaam ah  
oo Daa'uud u tirihey madaxdii  
muusikaystayaasha, oo waxaa  
lagu luuqeeyaa Yoonad elem  
rexoqim. Wuxuuna tirihey  
markii reer Falastiin ay  
isaga Gad ku qabteen.*

**56** <sup>1</sup> Ilaahow, ii naxariiso,  
waayo dad baa waxay  
doonayaan inay i liqaan;  
Maalinta oo dhan isagoo  
diriraya ayuu i dulmaa.

<sup>2</sup> Cadaawayaaashaydu maalinta  
oo dhan waxay  
doonayaan inay i  
liqaan,

Waayo, kuwa kibirka igula  
diriraa waa tiro badan  
yihiiin.

<sup>3</sup> Markaan cabsado,  
Waan isku kaa hallaynayaa.

<sup>4</sup> Ilaah caawimaaddiisa ayaan  
eraygiisa ku ammaani  
doonaa,

Waayo, Ilaah baan isku  
halleeyey, oo innaba  
baqi maayo,

Haddaba bal binu-aadmigu  
muxuu igu samayn  
karaa?

<sup>5</sup> Maalinta oo dhan erayadayda  
way qalloociyaan,

Fikirradooda oo dhammu waa  
igu col si ay shar iigu  
sameeyaan.

<sup>6</sup> Way isa soo wada urursadaan,  
oo way dhuuntaan,

Oo waxay fiirsadaan  
tallaabooyinkayga,  
Markay gaadayaan naftayda.  
<sup>7</sup> Iyagu ma xumaan bay ku  
baxsan doonaan?  
Ilaahow, dadyowga adoo  
cadhaysan hoos u tuur.  
<sup>8</sup> Waad og tahay  
warwareeggayga,  
Bal ilmadayda qaruuraddaada  
ku shub,  
Waayo, miyaanay buuggaaga  
ku qorrain?  
<sup>9</sup> Markaasaa  
cadaawayaaashaydu  
dib u noqon doonaan  
maalinta aan kuu  
yeedho,  
Waayo, waxaan ogahay in Ilaah  
ila jiro.  
<sup>10</sup> Ilaah caawimaaddiisa ayaan  
eraygiisa ku ammaani  
doonaa,  
Oo Rabbigana caawimaaddiisa  
ayaan eraygiisa ku  
ammaani doonaa.  
<sup>11</sup> Ilaah baan isku halleeyey, oo  
innaba baqi maayo,  
Haddaba bal dad muxuu igu  
samayn karaa?  
<sup>12</sup> Ilaahow, nidarradaada waan  
qabaa,  
Oo waxaan kuu bixinayaa  
qurbaanno mahadnaqid  
ah.  
<sup>13</sup> Waayo, naftaydaad ka  
samatabbixisay  
dhimasho,

Sow cagahayga dhicitin kama  
aad samatabbixin?  
Inaan Ilaah hortisa ku socdo  
Iftiinka kuwa nool.

*Kanu waa sabuur Mikhtaam ah  
oo Daa'uud u tiriyey madaxdii  
muusikaystayaasha, oo waxaa  
lagu luuqeeyaa Altashed.*

*Wuxuuna tiriyey markii uu Saa'uul  
ka cararay, oo uu godka galay.*

## 57<sup>1</sup> li naxariiso, Ilaahow, ii naxariiso,

Waayo, naftaydu adigay ku  
magan gashaa,  
Haah, waxaan magangeli  
doonaa hooska  
baalashaada,  
Ilaa ay belaayooyinkanu  
gudbayaan.

<sup>2</sup> Waxaan u qayshanayaan Ilaaha  
ugu sarreeya,  
Oo ah Ilaaha wax kasta ii  
sameeyaa.

<sup>3</sup> Isagu samaduu caawimaad ka  
soo diri doonaa, wuuna i  
badbaadin doonaa,  
Markuu kan i liqi lahaa i caayo,  
(Selaah)

Ilaah wuxuu soo diri doonaa  
naxariistiisa iyo runtiisa.

<sup>4</sup> Naftaydu waxay ku dhex jirtaa  
libaaxyo,  
Oo anigu waxaan dhex jiifaa  
kuwo dab lagu shiday,  
Kuwaasoo ah binu-aadmiga oo  
ilkahoodu yihiiin warmo  
iyo fallaadho,

Oo carrabkooduna yahay seef  
af badan.

<sup>5</sup> Ilaahow, samooyinka ka sara  
mar,

Oo ammaantaaduna dhulka oo  
dhan ha ka sarrayso.

<sup>6</sup> Dabin bay cagahayga u  
diyaariyeen,

Oo naftaydii baa foororsatay,  
Oo waxay hortayda ka qodeen  
god,

Oo iyaga qudhoodii baa ku  
dhex dhacay. (Selaah)

<sup>7</sup> Qalbigaa ii fadhiya, Ilaahow,  
qalbigaa ii fadhiya,

Haddaba waan gabiy doonaa,  
haah, ammaan baan ku  
gabiy doonaa.

<sup>8</sup> Naftaydoy, toos, shareerad  
iyo kataaradoy, toosa,

Aniga qudhayduna waxaan  
toosi doonaa aroor  
hore.

<sup>9</sup> Sayidow, dadyowga  
dhexdooda ayaan  
kaaga mahadnaqi  
doonaa,

Oo quruumaha dhexdooda  
ayaan ammaan kuugu  
gabiy doonaa.

<sup>10</sup> Waayo, naxariistaadu waa  
weyn tahay oo waxay  
gaadhaa samooyinka,

Oo runtaaduna waxay gaadhaa  
daruuraha.

<sup>11</sup> Ilaahow, samooyinka ka sara  
mar,

Oo ammaantaaduna dhulka oo  
dhan ha ka sarrayso.

*Kanu waa sabuur Mikhtaam ah  
oo Daa'uud u tirihey madaxdii  
muusikaystayaasha, oo waxaa  
lagu luuqeeyaa Altashed*

- 58** <sup>1</sup> Hubaal xaqnimada  
aamusnaan ma ku  
sheegtaan?
- Binu-aadmigow, si qumman  
wax ma u xukuntaan?
- <sup>2</sup> Hubaal qalbiga waxaad ka  
samaysaan xumaato,
- Oo waxaad ka fikirtaan dulmiga  
gacmihiinna oo aad  
dhulka ku samaysaan.
- <sup>3</sup> Kuwa sharka lahu waxay  
qalaad ku noqdaan  
uurkii hooyadood,
- Oo mar alla markii ay dhashaan  
ayay habaabaan iyagoo  
been sheegaya.
- <sup>4</sup> Suntoodu waa sida abeesada  
waabaydeeda oo kale,  
Iyagu waa sida jilbis dhega la'  
oo dhegihiiisa fureeya,
- <sup>5</sup> Kaasoo aan maqlin codka  
saaxiriinta,  
Iyagoo si caqli ah u sixraya.
- <sup>6</sup> Ilaahow, ilkahooda afkooda  
ku dhex burburi,  
Rabbiyow, libaaxyada aaranka  
ah miciyahooda jejebi.
- <sup>7</sup> Ha u dhalaaleen sida biyo aad  
u durduraya.
- Markuu fallaadhihiisa wax ku  
liishaamo, ha noqdeen  
sida wax kala jabay.

- <sup>8</sup> Ha noqdeen sida alalaxayda  
dhalaasha oo iska  
baabba'da,  
Iyo sida dhicis naageed oo aan  
qorraxda arkin.
- <sup>9</sup> Intaan dheryihinnu qodxaha  
taaban,  
Ayuu kuwa qoyan iyo kuwa  
ololayaba ku kala  
firdhin doonaa dabayl  
cirwareen ah.
- <sup>10</sup> Kan xaqa ahu wuu rayrayn  
doonaa markuu arko  
aargudashada,  
Oo wuxuu ku cago maydhan  
doonaa kan sharka leh  
dhiiggiisa.
- <sup>11</sup> Sidaas daraaddeed dadku  
wuxuu odhan doonaa,  
Hubaal kii xaq ahu  
abaalgud buu leeyahay,  
Hubaal waxaa jira Ilaah dhulka  
xukuma.

*Kanu waa sabuur Mikhtaam ah  
oo Daa'uud u tirihey madaxdii  
muusikaystayaasha, oo waxaa  
lagu luuqeeyaa Altashed.  
Wuxuu tirihey markii Saa'uul  
cid u diray, oo ay gurigii  
ilaaliyeen inay isaga dilaan.*

- 59** <sup>1</sup> Ilaahayow,  
cadaawayaaashayda  
iga samatabbixi,  
Oo kuwa igu kacayna meel sare  
iga saar.
- <sup>2</sup> Iga samatabbixi  
xumaanfalayaasha,

- Oo dadka dhiigyocabyada ahna  
iga badbaadi.
- <sup>3</sup> Waayo, bal eeg, waxay  
gaadaan naftayda,  
Oo kuwa xoogga badanuna  
way isu kay wada  
urursadaan,  
Rabbiyow, weliba ma aha  
xadgudubkayga aawadiis  
iyo dembigayga aawadiis  
toona.
- <sup>4</sup> Waxay u ordaan oo isu  
diyaariyaan wax aanan  
eed ku lahayn,  
Dartay u kac inaad i caawiso oo  
aad i eegto.
- <sup>5</sup> Rabbiyow, Ilaaha  
ciidammadow, Ilaaha  
reer binu Israa'iilow,  
Sara joogso oo quruumaha oo  
dhan soo booqo,  
Oo innaba ha u naxariisan  
xadgudbayaasha.  
(Selaah)
- <sup>6</sup> Fiidkay soo noqdaan, oo  
waxay u ciyaan sida eey  
oo kale,  
Oo waxay ku warwareegaan  
magaalada  
hareeraheeda.
- <sup>7</sup> Afkooda waxaa ka qubmaysa  
cay,  
Bushimahoodana waxaa ku jira  
seefo,  
Waayo, waxay isyidhaahdaan,  
Bal yaa na maqla?
- <sup>8</sup> Laakiinse Rabbiyow, iyagaad  
ku qosli doontaa,

Quruumaha oo dhan waad  
quudhsan doontaa.

<sup>9</sup> Xooggaygiyow, adigaan ku  
sugi doonaa,

Waayo, Ilaah waa qalcaddayda.

<sup>10</sup> Ilaahayga naxariista leh ayaa  
i hor iman doona,

Oo waxaan doonayana Ilaah  
wuxuu iga tusi doonaa  
cadaawayaaashayda.

<sup>11</sup> Sayidow,  
gaashaankayagiyyow,  
Iyaga ha layn, waaba intaasoo  
ay dadkaygu illoobaane,

Laakiinse iyaga xooggaaga ku  
kala firdhi, oo hoos u  
soo deji.

<sup>12</sup> Kibirkoodu iyaga ha dabo  
Dembiga afkooda iyo  
erayada bushimahooda  
aawadood,

Iyo weliba habaarka iyo  
beenta ay ku hadlaan  
aawadood.

<sup>13</sup> Iyaga cadho ku baabbi'i, si  
aanay mar dambe u jirin  
iyaga baabbi'i,

Oo ha ogaadeen in Ilaah u  
taliyo reer Yacquub

Tan iyo dhulka darafkiisa.  
(Selaah)

<sup>14</sup> Oo iyagu fiidka ha soo  
noqdeen, oo sida eey oo  
kale ha u ciyeen,

Oo magaalada hareeraheeda  
ha ku warwareegeen.

<sup>15</sup> Waxay u warwareegayaan  
inay cunto helaan,

Oo haddaanay dherginna  
habeenkii oo dhan way  
sii joogayaan.

<sup>16</sup> Laakiinse anigu waxaan  
ka gabyi doonaa  
xooggaaga,

Haah, oo aroortii ayaan  
naxariistaadaaad uga  
gabyi doonaa,

Waayo, waxaad ahayd  
qalcaddaydii,

Oo maalintii aan  
dhibaataysnaana  
magangal baad ii ahayd.

<sup>17</sup> Xooggaygiyow, adigaan  
ammaan kuugu gabyi  
doonaa,

Waayo, Ilaah waa qalcaddayda,  
waana Ilaaha  
naxariistayda.

*Kanu waa sabuur Mikhtaam ah  
oo Daa'uud u tirihey madaxdii  
muusikaystayaasha inuu wax ku  
baro, oo waxaa lagu luuqeeyaa  
Shuushan Ceeduud. Wuxuuna  
tirihey markii uu la diriray Aram  
Nahara'im iyo Aram Soobaah, oo  
uu Yoo'aab soo noqday oo uu reer  
Edom Dooxadii Cusbada kaga  
laayay laba iyo tobanka kun.*

**60** <sup>1</sup> Ilaahow, adigu waad na  
xoortay, oo waad na  
dudumisay,

Oo waad nagu cadhootay,  
haddaba bal mar na soo  
celi.

<sup>2</sup> Dhulkii waad gariirisay, oo  
waad kala dildillaacisay,

Haddaba dildillaaciisa bogssi,  
waayo, wuu ruxmadaa.

<sup>3</sup> Dadkaagii waxaad tustay  
waxyaalo adag,

Oo waxaad na cabsiisay khamri  
lala dhacdhalo.

<sup>4</sup> Calan baad siisay kuwa kaa  
cabsada,

In runta loo soo bandhigo  
aawadeed. (Selaah)

<sup>5</sup> Si ay kuwaad jeceshahay u  
samatabbaxaan,

Gacantaada midig ku badbaadi  
oo ii jawaab.

<sup>6</sup> Ilaah wuxuu ku hadlay  
quduusnimadiisa oo  
yidhi, Anigu waan farxi  
doonaa,

Shekem waan kala qaybin  
doonaa, oo waxaan  
qiyaasi doonaa dooxada  
Sukod.

<sup>7</sup> Gilecaad anigaa iska leh,  
Manasehna anigaa iska  
leh,

Oo weliba Efrayimna  
waa daafacaaddii  
madaxayga,

Yahuudahna waa ushayda  
boqornimo.

<sup>8</sup> Moo'aab waa weelkaygii aan  
ku maydhan jiray,

Edomna kabahaygaan ku dul  
tuuri doonaa,

Falastiinay, qayli aawaday.

<sup>9</sup> Bal yaa i geeyn doona  
magaalada xoogga leh?

Yaase xagga Edom ii kaxayn  
doona?

<sup>10</sup> Ilaahow, sow nama aadan  
xoorin?

Ilaahow, lama soo baxdid  
ciidammadayada.

<sup>11</sup> Cadowga naga caawi,  
Waayo, binu-aadmiga  
caawimaaddiisu waxtar  
ma leh.

<sup>12</sup> Ilaah caawimaaddiisa  
ayaannu wax xoog leh  
ku samayn doonaa,

Waayo, isagaa ah kan  
cadaawayaaashayada  
ku tuman doona.

*Kanu waa sabuur Daa'eed  
u tirihey madaxdii  
muusikaystayaasha, oo  
waxaa lagu qaadaa alaab  
xadhko leh oo muusiko ah.*

**61** <sup>1</sup> Ilaahow, qayladayda  
maqal,

Oo baryadaydana dhegta u  
dhig.

<sup>2</sup> Markii qalbigaygu itaal  
darnaado, waxaan kaaga  
qayshan doonaa darafka  
dhulka ugu shisheeya,

Il hoggaami dhagaxa iga dheer.

<sup>3</sup> Waayo, waxaad ii ahayd  
magangal,

Iyo qalcad adag oo aan  
cadowga ka galo.

<sup>4</sup> Anigu weligayba waxaan  
degganaan doonaa  
taambuuggaaga,

Oo waxaan magangeli  
doonaa baalashaada

meeshooda qarsoon.  
(Selaah)

<sup>5</sup> Waayo, Ilaahow, nidarradaydii  
waad maqashay,

Oo waxaad i siisay kuwa  
magacaaga ka cabsada  
dhaxalkooda.

<sup>6</sup> Boqorka noloshiisa waad  
dheeraynaysaa,

Oo cimrigiisuna wuxuu noqon  
doonaa sida qarniyo  
badan.

<sup>7</sup> Oo weligiisba wuxuu joogi  
doonaa Ilaah hortiisa,  
Raxmad iyo run u diyaari, inay  
isaga dhawraan.

<sup>8</sup> Markaasaan weligayba  
magacaaga ammaan  
ugu gabyi doonaa,

Si aan maalin kasta  
nidarradayda u oofyo.

*Kanu waa sabuur Daa'eed  
u tirihey madaxdii  
muusikaystayaasha. Oo wuxuu u  
tirihey sidii Yeduutuun.*

**62** <sup>1</sup> Naftaydu waxay sugtaa  
Ilaah oo keliya,

Oo badbaadadayduna waxay  
ka timaadaa xaggiisa.

<sup>2</sup> Isaga oo qudha ayaa  
dhagaxayga weyn  
iyo badbaadadaydaba  
ah,

Isagu waa munaaraddayda, oo  
aniga aad lay dhaqaajin  
maayo.

<sup>3</sup> Balse idinku ilaa goormaad  
nin ku weeraraysaan,

Inaad kulligiin isaga dumisaan,  
Sida derbi dhacaya, iyo deyr  
ligliganaya?

<sup>4</sup> Iyagu waxay keliyahoo ku  
tashadaan si ay isaga  
sharaftiisa uga dejyaan,

Oo waxay ku farxaan  
beensheegidda,  
Afka way ka duceeyaan,  
laakiinse uurka way ka  
habaartamaan. (Selaah)

<sup>5</sup> Naftaydoy, Ilaah oo qudha  
sug,

Waayo, isagaan wax ka  
filanayaa.

<sup>6</sup> Isaga oo qudha ayaa  
dhagaxayga weyn  
iyo badbaadadaydaba  
ah,

Isagu waa munaaraddayda, oo  
aniga layma dhaqaajin  
doono.

<sup>7</sup> Badbaadadayda iyo  
ammaantayduba  
waxay la jiraan Ilaah,

Dhagaxii xooggayga iyo  
magangalkaygaba waa  
xagga Ilaah.

<sup>8</sup> Dadkow, isaga isku halleeya  
wakhti kastaba,

Oo qalbigiinna waxba ha kula  
hadhina Ilaah hortiisa,  
Waayo, Ilaah baa magangal  
inooh ah. (Selaah)

<sup>9</sup> Hubaal dad gun ahu waa  
xumbo,

Oo dad gob ahuna waa been,  
Markii la miisaamo way kor  
mari doonaan,

Oo iyagu dhammaantood  
xumbo way ka fudud  
yihiiin.

<sup>10</sup> Dulmiga ha isku hallaynina,  
Waxdhiciddana ha ku kibrina.  
Maal hadduu idinku batona  
qalbigiinna ha raacinina.

<sup>11</sup> Ilaah mar buu hadlay,  
Oo laba goor baan maqlay,  
In Ilaah xoogga iska leeyahay,

<sup>12</sup> Oo weliba, Sayidow, adigu  
naxariis baad leedahay,  
Waayo, nin kasta waxaad  
ugu abaalguddaa sidii  
camalladiisu ahaayeen.

*Kanu waa sabuur Daa'eed  
tirihey markuu joogay  
cidlada reer Yahuudah.*

**63** <sup>1</sup> Ilaahow, waxaad tahay  
Ilaahay, oo anna  
goor hore ayaan ku  
doondooni doonaa,  
Naftaydu adigay kuu oomman  
tahay, jidhkayguna aduu  
kuu xiisoodaa,  
Anoo jooga dhul engegan oo  
daal miidhan ah oo aan  
biyo lahayn.

<sup>2</sup> Si aan u arko xooggaaga  
iyo ammaantaadaba  
aawadeed,  
Ayaan kaa fiirihey meesha  
quduuska ah.

<sup>3</sup> Waayo, raxmaddaadu way  
ka sii wanaagsan tahay  
nolol,  
Haddaba bushimahaygu way  
ku ammaani doonaan.

<sup>4</sup> Sidaas daraaddeed waan  
kugu mahadnaqayaa  
intaan noolahay,  
Oo gacmahaygana kor baan  
ugu qaadi doonaa  
magacaaga aawadiis.

<sup>5</sup> Naftaydu waxay u dhergi  
doontaa sida mid dhuux  
iyo baruur uga dhergo,  
Oo afkayguna wuxuu kugu  
ammaani doonaa  
bushimo faraxsan

<sup>6</sup> Kolkaan sariirtayda kugu soo  
xusuusto  
Oo aan kaa fikiro habeenka  
markaan soo jeedo.

<sup>7</sup> Waayo, waxaad ii ahayd  
caawimaad,  
Oo hooska baalashaada ayaan  
ku rayrayn doonaa.

<sup>8</sup> Naftaydu adigay ku raacdaa,  
Oo gacantaada midigna way i  
tiirisaa. (Selaah)

<sup>9</sup> Laakiinse kuwa naftayda  
u doondoonaaya inay  
halligaan aawadeed,  
Waxay geli doonaan dhulka  
meelaha ugu hooseeya.

<sup>10</sup> Waxaa iyaga loo gacangelin  
doonaa xoogga seefta,  
Oo waxay qayb u noqon  
doonaan dawacooyinka.

<sup>11</sup> Laakiinse boqorku wuxuu ku  
rayrayn doonaa Ilaah,  
Mid kasta oo isaga ku dhaartaa  
wuu faani doonaa,  
Waayo, kuwa beenta sheega  
afkooda waa la aamusiin  
doonaa.

*Kanu waa sabuur Daa'uud  
u tirihey madaxdii  
muusikaystayaasha.*

- 64** <sup>1</sup> Ilaahow, codkayga maqal markii aan kuu soo cawdo,  
Oo naftayda ka ilaali cadowga cabsidiisa.  
<sup>2</sup> Oo iga qari talada qarsoon oo kuwa sharka ka shaqeeya,  
Iyo tirabadnaanta xumaanfalayaasha,  
<sup>3</sup> Oo carrabkooda u afeeyey sidii seef oo kale,  
Oo fallaadhahoodii liishaamay kuwaas oo ah erayo qadhaadh,  
<sup>4</sup> Si ay meelo qarsoon kan qumman fallaadh ugaga ganaan,  
Haddiiba si kedis ah ayay ugu ganaan, mana cabsadaan.  
<sup>5</sup> Qasdi shar ah bay isku dhiirrigeliyan,  
Waxay ku arrinsadaan inay si qarsoon dabinno u dhigaan,  
Oo ay isyidhaahdaan, Bal yaa arki doona?  
<sup>6</sup> Waxay baadhaan xumaatooyin, iyagoo leh, Annagu baadhid caqli ah ayaannu ebinnay,

Fikirka ku jira uurka nin walba iyo qalbiguba waa mool dheer yihiin.  
<sup>7</sup> Laakiinse Ilaah waa toogan doonaa,  
Oo haddiiba iyaga waxaa dhaawici doonta fallaadh.  
<sup>8</sup> Sidaas daraaddeed waa la kufin doonaa, iyagoo carrabkoodu col u yahay naftooda,  
Wax alla wixii iyaga arka oo dhammu way carari doonaan.  
<sup>9</sup> Oo dadka oo dhammu way cabsan doonaan,  
Oo waxay sheegi doonaan shuqulka Ilaah,  
Oo si caqli ah ayay uga fikiri doonaan wuxuu sameeyey.  
<sup>10</sup> Kuwa xaqa ahu waxay ku farxi doonaan Rabbiga, oo isagay isku hallayn doonaan,  
Oo inta qalbigoodu toosan yahay oo dhammuna way faani doonaan.

*Kanu waa sabuur gabay ah oo Daa'uud u tirihey madaxdii muusikaystayaasha.*

- 65** <sup>1</sup> Ilaahow, ammaan baa Siyoon kugu sugaysa,  
Oo nidarkana waa in adiga laguu oofiyoo.  
<sup>2</sup> Kaaga baryootanka maqlow,

Dadka oo dhammu adigay kuu  
iman doonaan.

<sup>3</sup> Waxaa iga adkaada  
xumaatooyin,  
Xadgudubkayagase waad naga  
nadiifin doontaa.

<sup>4</sup> Waxaa barakaysan ninkii Aad  
dooratid, oo Aad ka  
dhigto inuu kuu soo  
dhowaado,  
Inuu degganaado  
barxadahaaga.

Waxaan ka dhergi doonaa  
wanaagga gurigaaga,  
Kaas oo ah meesha quduuska  
ah oo macbudkaaga.

<sup>5</sup> Ilaaha badbaadadayadow,  
Waxyalo cabsi badan ayaad  
xaqnimo noogu jawaabi  
doontaa,

Waxaad tahay kalsoonida kuwa  
dunida darfaheeda oo  
dhan,  
Iyo kuwa badda fogba,

<sup>6</sup> Kaas oo xooggiisa buuraha ku  
adkeeyaa,  
Isagoo dhexda xoog ku xidhay.

<sup>7</sup> Wuxuu aamusiiyaa guuxa  
badaha, iyo guuxa  
hirarkooda,  
Iyo dadyowga buuqooda.

<sup>8</sup> Oo weliba kuwa dhulka  
meelaha ugu fog deggan  
waxay ka cabsadaan  
calamooinkaaga,  
Oo adigu waad ka farxisaa  
meelaha ay subaxda iyo  
fiidkaba ka baxaan.

<sup>9</sup> Dhulka waad soo booqataa,  
oo waad biyaysaa,  
Oo aad baad u barwaaqaysaa,  
Webiga Ilaahna biyaa ka buuxa,  
Waxaad iyaga siisaa hadhuudh,  
markii Aad dhulka sidaas  
u diyaarisay.

<sup>10</sup> Adigu beerta jeexjeexeeda  
aad baad u waraabisa,  
Oo waxaad dejisaa jeexjeexa  
tuurahooda,  
Oo tiixtiix baad ku jilcisaa,  
Oo waxa ka soo baxana waad  
barakaysaa.

<sup>11</sup> Sannadda waxaad taaj uga  
dhigtaa wanaaggaaga,  
Oo waddooyinkaagana waxaa  
ka tifqa subag.

<sup>12</sup> Waxay ku tifqaan daaqa  
cidlada,  
Oo buuruhuna waxay  
guntadaan farxad.

<sup>13</sup> Berrimmada daaqua waxay  
huwadaan tirooyin  
adhyo ah,  
Dooxooyinkaagana waxaa qariya  
hadhuudh,  
Markaasay farxad la qayliyan,  
oo weliba gabyaan.

*Kanu waa sabuur gabay ah  
oo loo tirihey madaxdi  
muusikaystayaasha.*

**66** <sup>1</sup> Dadka dhulka oo  
dhammow, Ilaah farxad  
ugu qayliya,  
<sup>2</sup> Oo ammaanta magiciisa ku  
gabya,  
Ammaantiisana qurxiya.

- <sup>3</sup> Ilaah waxaad ku tidhaahdaan,  
Shuqulladaadu cabsi  
badanaa!
- Weynaanta xooggaaga  
aawadiis ayaa  
cadaawayaaashaadu  
isugu kaa dhiibi  
doonaan.
- <sup>4</sup> Dadka dhulka oo dhammu  
adigay ku caabudi  
doonaan,
- Wayna kuu gabiy doonaan,  
Magacaagay u gabiy doonaan.  
(Selaah)
- <sup>5</sup> Bal kaalaya, oo arka  
shuqullada Ilaah,
- Xagga binu-aadmiga wuxuu  
ku sameeyey waa cabsi  
badan yihiin.
- <sup>6</sup> Wuxuu baddii ka dhigay dhul  
engegan,
- Oo iyagu webiga dhexdiisa  
waxay ku mareen lug,
- Oo halkaasaan isaga ku  
rayraynay.
- <sup>7</sup> Isagu weligiisba wuxuu ku  
taliyaa xooggiisa,
- Oo indhihiisuna waxay fiiriyaan  
quruumaha,
- Haddaba caasiyiintu yaanay kor  
isu qaadin. (Selaah)
- <sup>8</sup> Dadyahow, Ilaaheenna  
ammaana,
- Oo codka ammaantiisa ha la  
maqlo,
- <sup>9</sup> Kaasoo nafteenna nolol ku  
haya,

- Oo cagaheennana aan  
u oggolayn in la  
dhaqdhqaajiyo.
- <sup>10</sup> Waayo, Ilaahow, adigu waad  
na imtxaantay,
- Oo waxaad noo tijaabisay sida  
lacagta loo tijaabiyo.
- <sup>11</sup> Waxaad na gelisay shabagga  
dabinka ah,
- Oo waxaad simaha naga  
saartay culaab weyn.
- <sup>12</sup> Dad baad madaxa naga  
saartay,
- Oo waxaannu dhex galnay dab  
iyo biyo,
- Laakiinse ugudambaysta  
waxaad na keentay meel  
barwaaqo ah.
- <sup>13</sup> Haddaba anigu gurigaaga  
waxaan la soo geli  
doonaa allabaryo la  
gubo,
- Oo waxaan kuu oofinayaan  
nidarradaydii
- <sup>14</sup> Bushimahaygu ay ku  
hadleen,
- Oo afkaygu sheegay markii aan  
dhibaataysnaa.
- <sup>15</sup> Oo waxaan allabaryo la gubo  
kuugu soo bixinayaan  
xoolo buurbuuran  
Iyo wanani iyo fooxood,
- Oo waxaan kuu soo bixin  
doonaa dibiyo iyo  
orgiyo. (Selaah)
- <sup>16</sup> Kulli intiinna Ilaah ka  
cabsataay, kaalaya oo  
maqla,

Oo waxaan sheegayaa wuxuu  
naftayda u sameeyeye.

<sup>17</sup> Isagaan afkayga ugu  
qayshaday,

Oo waxaan ku ammaanay  
carrabkayga.

<sup>18</sup> Haddaan dembi qalbigayga  
ku arkay,

Sayidku ima uu maqleen,

<sup>19</sup> Laakiinse sida runta ah Ilaah  
waa i maqlay,

Oo codkii baryadaydana  
dhegtuu u dhigay.

<sup>20</sup> Mahad waxaa leh Ilaaha

Aan baryadayda diidin oo aan  
naxariistiisana gees iga  
marin.

*Kanu waa sabuur gabay ah  
oo loo tirihey madaxdii  
muusikaystayaasha, waxaana  
lagu qaadaa alaab xadhko  
leh oo muusiko ah.*

**67** <sup>1</sup> Ilaahow, noo naxariiso,  
oo na barakee,  
Oo wejigaaguna ha na iftiimiyo,  
(Selaah)

<sup>2</sup> In jidkaaga laga ogaado  
dhulka,  
Quruumaha oo dhan  
dhexdoodana laga wada  
ogaado caafimaadkaaga  
wax badbaadiya.

<sup>3</sup> Ilaahow, dadyowgu ha ku  
ammaaneen,  
Dadyowga oo dhammu ha ku  
ammaaneen.

<sup>4</sup> Quruumuhu ha farxeen oo  
ha gabyeen farxad  
aawadeed,  
Waayo, dadyowga waxaad  
ku xukumi doontaa  
caddaalad,  
Oo quruumahana dhulkaad  
ugu talin doontaa.  
(Selaah)

<sup>5</sup> Ilaahow, dadyowgu ha ku  
ammaaneen,  
Dadyowga oo dhammu ha ku  
ammaaneen.

<sup>6</sup> Dhulku wuxuu soo saaray  
midhihiisii,  
Waxaa ina barakayn doona  
Ilaah, oo ah Ilaaheenna  
qudhisa.

<sup>7</sup> Ilaah waa ina barakayn  
doonaa,  
Oo dhulka darafyadiisa oo  
dhammuna way ka  
cabsan doonaan isaga.

*Kanu waa sabuur gabay  
ah oo Daa'uud u tirihey  
madaxdii muusikaystayaasha.*

**68** <sup>1</sup> Ilaah ha sara joogsado,  
oo cadaawayaaashiisuna  
ha kala firdheen,

Kuwa necebuna hortiisa ha ka  
carareen.

<sup>2</sup> Sida qiiqu u kala firdho,  
iyagana sidaasoo kale u  
kala firdhi,  
Sida shamacu dabka ugu  
dhalaalo,

Sidaasoo kale kuwa sharka  
 lahu Ilaah hortiisa ha ku  
 baabbe'een.

<sup>3</sup> Laakiinse kuwa xaqa ahu ha  
 farxeen, oo Ilaah hortiisa  
 ha ku reyreeyeen,

Haah, oo faxad ha ku  
 reyreeyeen.

<sup>4</sup> Ilaah u gabya, oo magiciisa  
 ammaan ugu gabya,  
 Kan lamadegaanka dhex mara  
 jid weyn u fala,  
 Magiciisu waa Yaah, ee hortiisa  
 ku reyreeya.

<sup>5</sup> Ilaah wuxuu rugtiisa  
 quduuskaa ku yahay  
 Agoonta aabbahood iyo  
 carmallada xaakinkooda.

<sup>6</sup> Kuwa cidlaysan Ilaah reero  
 ayuu u yeelaa,  
 Oo maxaabiiistana intuu soo  
 bixiyo ayuu barwaaqo  
 dhex geeyaa,  
 Laakiinse caasiyiintu waxay  
 degganaadaan dhul  
 oommane ah.

<sup>7</sup> Ilaahow, markaad dadkaaga  
 hor kacday,  
 Markaad lamadegaanka ku  
 dhex socotay, (Selaah)

<sup>8</sup> Dhulku waa gariiray,  
 Samooyinkuna waxay ku  
 de'een Ilaah hortiisa,  
 Xataa Buur Siinay nafteedu  
 waxay ka gariirtay Ilaah  
 hortiisa, kaasoo ah  
 Ilaaha Israa'iil.

<sup>9</sup> Ilaahow, waxaad soo daysay  
 roob badan,

Oo kuwa dhaxalkaagu markay  
 daallanaayeenna waad  
 xoogaysay.

<sup>10</sup> Ururkaagu halkaasuu dhex  
 degganaa,  
 Ilaahow, wanaaggaaga  
 aawadiis wax baad u  
 diyaarisay masaakiinta.

<sup>11</sup> Sayidku wuxuu bixiyey  
 erayga,  
 Kuwa warka faafiyaana waa  
 guuto weyn.

<sup>12</sup> Boqorrada ciidammadu way  
 cararaan, way cararaan,  
 Oo tan guriga ku hadha ayaa  
 dhaca qaybisa.

<sup>13</sup> Xeryaha idaha miyaad iska  
 dhex jiifaysaan,  
 Sidii baadad qoolley oo lacag  
 lagu dhaadhay,  
 Iyo baalasheeda oo dahab cas  
 lagu dhaadhay?

<sup>14</sup> Markii Qaadirku boqorrada  
 halkaas ku kala dhex  
 firdhiyey,  
 Waxay ahayd sida marka baraf  
 cad ku da'o Salmoon.

<sup>15</sup> Buur Ilaah waxaa ah Buur  
 Baashaan.  
 Oo buur dheer waxaa ah Buur  
 Baashaan.

<sup>16</sup> Buurihiinnan dhaadheerow,  
 bal maxaad u  
 quudhsanaysaan  
 Buurta Ilaah uu jeclaaday inuu  
 hoygiisii ka dhigto?  
 Haah, oo Rabbigu halkaasuu  
 degganaan doonaa  
 weligiisba.

- <sup>17</sup> Ilaah gaadhifardoodyadiisu  
waa labaatan kun, iyo  
xataa kumanyaal iyo  
kumaankun,  
Sayidku wuu ku dhex jiraa  
iyaga, siduu Siinay ugu  
jiri jiray xagga meesha  
quduuska ah.
- <sup>18</sup> Adigu kor baad u baxday,  
oo waxaad qabatay  
oo kaxaysay kuwii  
maxaabiista ahaan jiray.  
Oo waxaad hadiyado ka  
qaadatay dadka  
dhexdiisa,  
Iyo xataa caasiyiintaba,  
in Rabbiga Ilaah  
ahu halkaas joogo  
aawadeed.
- <sup>19</sup> Waxaa mahad leh  
Sayidka maalin kasta  
culaabteenna inoo  
qaada,  
Kaasoo ah Ilaaha ina  
badbaadiya. (Selaah)
- <sup>20</sup> Ilaah wuxuu inoo yahay  
Ilaaha samatabbixinta,  
Ilaaha Sayidka ah ayaa  
iska leh dhimashada  
kabixiddeeda.
- <sup>21</sup> Laakiinse Ilaah wuxuu wax ku  
dhufan doonaa madaxa  
cadaawayashiisa,  
Iyo dhalada timaha leh oo kan  
xadgudubyadiisa ku sii  
socdaba.
- <sup>22</sup> Sayidku wuxuu yidhi,  
Waxaan iyaga ka soo

celin doonaa xagga  
Baashaan,  
Oo waxaan ka soo bixin doonaa  
badda moolkeeda,  
<sup>23</sup> Inaad cagtaada dhiig  
darsatid,  
Iyo in eeyahaaga carrabkoodu  
uu qayb ka helo  
cadaawayashaada.

<sup>24</sup> Ilaahow, waxay arkeen  
tegiddaadii,  
Taas oo ah tegiddii Ilaahay oo  
ah Boqorkayga oo uu  
galay meesha quduuska  
ah.

<sup>25</sup> Gabayayaashii way  
hor mareen,  
muusikaystayaashiina  
way raaceen,  
Dhexdana waxaa ku jiray hablo  
daf ku cayaaraya.

<sup>26</sup> Kuwiinnan isha Israa'il ka  
soo farcamayow,  
Shirarka ku dhex ammaana  
Ilaaha Sayidka ah.

<sup>27</sup> Waxaa jooga Benyaamiin yar  
oo ah taliyahaha,  
Iyo amiirrada reer Yahuudah  
iyo guddigooda,  
Iyo amiirrada reer Sebulun iyo  
amiirrada reer Naftaali.

<sup>28</sup> Ilaahaagu xooggaaguu  
amray,  
Ilaahow, waxaad noo samaysay  
noo xoogee.

<sup>29</sup> Macbudkaaga Yeruusaalem  
ku yaal daraaddiis

- Ayaa boqorro waxay kuugu  
keeni doonaan  
hadiyado.
- <sup>30</sup> Canaano dugaagga  
cawsduurka ku dhex jira,  
Iyo dibida tirada badan, iyo  
weylaha dadka
- Oo ku tumanaya lacagta gogo'a  
ah,
- Isagu wuu kala firdhiyey  
dadyowga dagaalka  
jecel.
- <sup>31</sup> Masar waxaa ka iman doona  
amiirro,
- Itoobiyana haddiiba  
gacmaheeday u hoorsan  
doontaa Ilaah.
- <sup>32</sup> Boqortooyooyinka dhulkow,  
Ilaah u gabya,
- Ammaan ugu gabya Sayidka,  
(Selaah)
- <sup>33</sup> Kaasoo kor fuushan samada  
samooyinka sare, oo  
weligoodba jiray,
- Bal eega, wuxuu ku hadlaa  
codkiisa, oo weliba  
codkiisu waa xoog  
badan yahay.
- <sup>34</sup> Ilaah xoog ka sheega,  
Waayo, sharaftiisu waxay  
dul joogtaa reer binu  
Israa'iil,
- Oo xooggiisuna wuxuu ku jiraa  
samooyinka.
- <sup>35</sup> Ilaahow, meelahaaga  
quduuska ah waxaad ka  
tahay mid laga cabsado,

Ilaaha reer binu Israa'iil wuxuu  
dadkiisa siiyaa xoog iyo  
itaal.

Mahad waxaa leh Ilaah.

*Kanu waa sabuur Daa'eed  
u tirihey madaxdii  
muusikaystayaasha, oo waxaa  
lagu luuqeeyaa Shoshannium.*

- 69** <sup>1</sup> Ilaahow, i badbaadi,  
Waayo, biyaa naftii ii  
keenay.
- <sup>2</sup> Wuxaan ku dhex liimbadaa  
dhoobo mool dheer oo  
aan lahayn meel laysku  
taago,
- Wuxaan ku dhacay biyo mool  
dheer, oo daad baa  
halkaas igu qarqinaya.
- <sup>3</sup> Wuxaan ku daalay qayladaydii,  
oo hungurigaygu waa  
qallalay,
- Oo intii aan Ilaahay sugayo  
ayay indhahaygu dem  
yidhaahdaan.
- <sup>4</sup> Kuwa sababla'aanta ii  
nebcaadaa way ka sii  
badan yihii timaha  
madaxayga,
- Kuwa doonaya inay i  
baabbi'iyaan iyagoo  
cadaawayashayda  
gardarro igu ah waa  
xoog badan yihii,
- Markaasaan magdhabay wax  
aanan qaadan.
- <sup>5</sup> Ilaahow, waad og tahay  
nacasnimadayda,

- Oo dembiyadayduna kaama qarsoona.
- <sup>6</sup> Sayidow, Ilaaha ciidammadow, kuwa ku sugaya yaanan ceeb u soo jiidin,
- Ilaaha reer binu Israa'iilow, kuwa ku doondoonaaya yaanan sharafjab u soo jiidin.
- <sup>7</sup> Maxaa yeelay, adiga daraaddaa ayaan cay u qaaday,
- Oo waxaa wejigaygii ka muuqatay ceeb.
- <sup>8</sup> Waxaan walaalahay u noqday shisheeye,
- Oo ilma hooyadaya waxaan u noqday ajanabi.
- <sup>9</sup> Qiiradii aan gurigaaga u qabay ayaa i gubtay,
- Oo caydii kuwii ku caayay ayaa igu kor dhacday.
- <sup>10</sup> Markaan ooyay, oo aan naftayda soon ku edbiyey,
- Taasu waxay igu noqotay ceeb.
- <sup>11</sup> Markaan joonyado dhar ka dhigtayna,
- Waxaan iyagii u noqday masaal.
- <sup>12</sup> Kuwa iridda fadhfadhiyaa way igu sheekaystaan,
- Oo kuwa sakhraanka ahuna way igu gabyaan.
- <sup>13</sup> Laakiinse adigaan ku baryayaa wakhti la aqbali karo, Rabbiyow, Ilaahow, naxariistaada badan

- Iyo runta badbaadintaada iigu jawaab.
- <sup>14</sup> Dhoobada iga samatabbixi, oo yaanan ku liimban,
- Oo ha layga samatabbixiyo kuwa i neceb, iyo biyaha moolka dheer.
- <sup>15</sup> Biyaha daadka ahuna yaanay i qarqin,
- Oo yaan moolku i liqin,
- Oo yamayskuna yaanu afkiisa igu qabsan.
- <sup>16</sup> Rabbiyow, ii jawaab, waayo, raxmaddaadu waa wanaagsan tahay,
- Naxariistaada badnaanteeda aawadeed iigu soo jeeso.
- <sup>17</sup> Oo wejigaaga ha iga qarin anoo addoonkaaga ah, Waayo, waan dhibaataysnahay, ee haddiiba ii jawaab.
- <sup>18</sup> Naftayda u soo dhowow, oo furo,
- Oo cadaawayaaashayda daraaddood ii samatabbixi.
- <sup>19</sup> Waad og tahay caydayda iyo ceebtayda iyo sharafdarradayda,
- Oo cadaawayaaashayda oo dhammu hortaaday joogaan.
- <sup>20</sup> Cay baa i qalbi jebisay, waanan quusanayaa,
- Oo waxaan doondoonay mid ii jixinjixa, laakiinse waan waayay,

Oo waxaan doondoonay  
 kuwo i qalbi qaboojiya,  
 laakiinse ma aanan  
 helin.

<sup>21</sup> Oo weliba waxay cunto  
 ahaan ii siiyeen  
 xammeeti,

Oo markaan harraadsanaana  
 waxay i cabsiyyeen khal.

<sup>22</sup> Miiskoodu hortooda ha ku  
 noqdo dabin,

Oo markay nabdoon yihiinna  
 shirqool ha ku noqdo.

<sup>23</sup> Indhahoodu ha  
 madoobaadeen si  
 aanay waxba u arkin,

Oo simahooduna had iyo  
 goorba ha gariireen.

<sup>24</sup> Xanaaqaga iyaga ku dejii,  
 Oo cadhadaada kulaylkeeduna  
 ha qabsado.

<sup>25</sup> Gurigoodu cidla ha noqdo,  
 Ninnana yaanu  
 teendhooyinkooda  
 degin,

<sup>26</sup> Waayo, iyagu waxay silciyaan  
 kii aad dishay,

Oo waxay ka sheekeeyaan  
 kuwaad dhaawacday  
 murugtooda.

<sup>27</sup> Xumaantooda xumaan ugu  
 sii dar,

Oo yaanay xaqnimadaada soo  
 gelin.

<sup>28</sup> Magacooda ha laga tirtiro  
 kitaabka kuwa nool,

Oo yaan iyaga lala qorin kuwa  
 xaqa ah.

<sup>29</sup> Laakiinse anigu miskiin baan  
 ahay, waanan murug  
 badnahay,  
 Ilaahow, badbaadintaadu meel  
 sare ha i saarto.

<sup>30</sup> Rabbiga magiciisa ayaan  
 gabay ku ammaani  
 doonaa,

Oo waxaan isaga ku weynayn  
 doonaa mahadnaqid.

<sup>31</sup> Oo taasuna Rabbiga way ka  
 farxin doontaa in ka sii  
 wanaagsan intii uu ku  
 farxi lahaa dibi,  
 Ama dibi sange ah oo geeso iyo  
 qoobab leh.

<sup>32</sup> Kuwa camal qabow way  
 arkeen, waana faraxsan  
 yihiin,  
 Kuwiinna Ilaah doondoonow,  
 qalbigiinnu ha noolaado.

<sup>33</sup> Waayo, Rabbigu wuu maqlaa  
 kuwa baahan,

Oo maxaabiistiisana ma uu  
 quudhsado.

<sup>34</sup> Samada, iyo dhulka, iyo  
 badaha,  
 Iyo waxa ku dhex dhaqaaqa  
 oo dhammuba isaga ha  
 ammaaneen.

<sup>35</sup> Waayo, Ilaah Siyoon wuu  
 badbaadin doonaa, oo  
 magaaloooyinka reer  
 Yahuudahna wuu dhisi  
 doonaa,

Oo iyana halkaasay degi  
 doonaan, oo hanti  
 ahaan bay u lahaan  
 doonaan.

<sup>36</sup> Oo weliba waxaa halkaas  
dhaxli doona farcanka  
addoommadiisa,  
Oo kuwa magiciisa jecelna  
way dhex degganaan  
doonaan.

*Kanu waa sabuur Daa'eed  
u tirihey madaxdii  
muusikaystayaasha, si  
wax loogu xusuusto.*

- 70** <sup>1</sup> Ilaahow, soo dhaqso oo i  
samatabbixi,  
Rabbiyow, soo dhaqso oo i  
caawi.  
<sup>2</sup> Kuwa doondoonaaya inay  
naftayda iga qaadaan  
Ha ceeboobeen oo ha  
wareereen,  
Oo kuwa waxyeelladayda ku  
farxaana  
Dib ha u noqdeen oo ha sharaf  
beeleen.  
<sup>3</sup> Kuwa Ahaa, Ahaa, lahu,  
Ceebtooda dib ha ula noqdeen.  
<sup>4</sup> Kuwa adiga ku doondoona oo  
dhammu ha reyreeyeen  
oo ha kugu farxeen,  
Oo kuwa badbaadintaada  
jeceluna had iyo goorba  
ha yidhaahdeen,  
Ilaah ha la weyneeyo.  
<sup>5</sup> Laakiinse miskiin iyo mid  
baahan baan ahay,  
Ilaahow, ii soo dhaqso,  
Waxaad tahay  
caawimaaddayda  
iyo samatabbixiyahayga.  
Rabbiyow, ha iga raagin.

- 71** <sup>1</sup> Rabbiyow, adigaan isku  
kaa halleeyaa,  
Yaanan weligay wareerin.  
<sup>2</sup> Xaqnimadaada igu  
samatabbixi oo i  
nabad geli,  
Dhegta ii dhig, oo i badbaadi.  
<sup>3</sup> li noqo dhagax weyn oo  
rug ah, oo aan had iyo  
goorba ku noqnoqdo,  
Waxaad amar ku bixisay in lay  
badbaadsho,  
Waayo, adigu waxaad tahay  
dhagax weyn oo  
ii gabbaad ah iyo  
qalcaddayda.  
<sup>4</sup> Ilaahayow, iga badbaadi kan  
sharka leh gacantiisa,  
Iyo gacanta xaqlaawaha iyo  
ninka nacabkaa.  
<sup>5</sup> Waayo, Sayidow Ilaahow,  
waxaad tahay rajadayda,  
Oo waxaad tahay kii aan isku  
hallaynayay tan iyo  
yaraantaydii.  
<sup>6</sup> Tan iyo uurkii hooyaday  
adigaa i tiirinayay,  
Waxaad tahay kii iga soo bixiyey  
uurkii hooyaday,  
Had iyo goorba adigaan ku  
ammaani doonaa.  
<sup>7</sup> Anigu kuwo badan baan u  
ahay sidii wax yaab leh,  
Laakiinse adigu waxaad ii tahay  
magangal xoog leh.  
<sup>8</sup> Maalin kasta waxaa afkayga  
ka buuxi doona  
Ammaantaada iyo sharaftaada.  
<sup>9</sup> Ha i tuurin markaan gaboobo,

- Oo ha i dayrin markaan itaal  
darnaado.
- <sup>10</sup> Waayo, cadaawayaaashaydu  
waxay ka hadlaan wax  
igu saabsan,
- Oo kuwa naftayda inay iga  
qaadaan doonayaana  
way wada arrinsadaan,
- <sup>11</sup> Oo waxay isyidhaahdaan,  
Ilaah baa dayriyey,
- Haddaba ka daba taga oo  
qabta, waayo, ma jiro  
mid samatabbixinaya.
- <sup>12</sup> Ilaahow, ha iga fogaan,  
Ilaahayow, soo dhaqso oo i  
caawi.
- <sup>13</sup> Kuwa naftayda cadaawayaal  
ku ahu ha ceeboobeen  
oo ha baabba'een,
- Oo kuwa waxyeelladayda  
doondoonayana ceeb  
iyo sharafdarro ha ku  
bateen.
- <sup>14</sup> Laakiinse anigu had iyo  
goorba wax baan  
rajaynayaa,
- Oo weliba waan kuu sii  
ammaanayaa aad iyo  
aad.
- <sup>15</sup> Afkaygu wuxuu maalinta  
oo dhan ka sheekayn  
doonaa xaqnimadaada,  
iyo badbaadintaada,
- Waayo, anigu ma aqaan intay  
tiro le'eg yihii.
- <sup>16</sup> Waxaan la imanayaa Sayidka  
Ilaahaa shuqullandiiisa  
xoogga leh,

- Oo waxaan ka hadli doonaa  
xaqnimadaada, taasoo  
ah taada oo keliya.
- <sup>17</sup> Ilaahow, wax baad i bari jirtay  
tan iyo yaraantaydii,
- Oo ilaa haatanna waxaan  
caddayn jiray  
shuqullandiiisa yaabka  
badan.
- <sup>18</sup> Ilaahow, ha i dayrin, xataa  
markaan gaboobo oo  
madaxaygu cirroobo,  
Jeeraan xooggaaga uga  
warramo farcanka  
dambe
- Oo aan itaalkaaga uga  
sheekeeyo mid kasta oo  
hadda ka dib imanaya.
- <sup>19</sup> Ilaahow, xaqnimadaadu aad  
iyo aad bay u sarraysaa,  
Ilaahow, adiga oo waxyalaha  
waaweyn sameeyey,
- Bal yaa kula mid ah?
- <sup>20</sup> Adiga oo na tusay  
dhibaatooyin badan  
oo aad u xun,
- Ayaa haddana na noolayn  
doona,
- Oo haddana waxaad naga soo  
saari doontaa dhulka  
moolkiisa.
- <sup>21</sup> Weynaantayda ii sii kordhi,  
Oo intaad soo jeesatid i qalbi  
qabooji.
- <sup>22</sup> Ilaahow, waxaan kugu  
ammaani doonaa alaab  
muusiko ah,
- Oo runtaadaan ammaani  
doonaa,

Israa'lil kiisa Quduuska ahow,  
Waxaan ammaan kuugula gabiy  
doonaa kataarad.

<sup>23</sup> Bushimahaygu aad bay ugu  
farxi doonaan, markaan  
ammaan kuugu gabyo,  
Oo xataa naftaydii aad soo  
furatayna way rayrayn  
doonta.

<sup>24</sup> Oo weliba carrabkayguna  
maalinta oo dhan wuxuu  
ka sheekayn doonaa  
xaqnimadaada,  
Waayo, kuwa waxyeelladayda  
doondoonyayaa way  
ceebobaan, oo way  
isku wareeraan.

*Kanu waa sabuur uu  
Sulaymaan tirihey.*

**72** <sup>1</sup> Ilaahow, boqorka  
xukummadaada sii,  
Oo wiilka boqorkana  
xaqnimadaada sii.  
<sup>2</sup> Isagu dadkaaga wuxuu  
ku xukumi doonaa  
xaqnimo,  
Oo masaakiintaadana  
caddaalad.  
<sup>3</sup> Buuruhu waxay dadka u keeni  
doonaan nabad,  
Kuruhuna waxay nabad  
ugu keeni doonaan  
xaqnimada.  
<sup>4</sup> Isagu wuxuu u garsoori  
doonaa dadka  
masaakiintiisa,  
Oo wuxuu badbaadin doonaa  
ka baahan carruurtiisa,

Oo kan wax dulmana cadcad  
buu u kala jejebin  
doonaa.

<sup>5</sup> Way kaa cabsan doonaan inta  
qorraxdu jirto,  
Iyo inta dayaxu jiro tan iyo ka  
ab ka ab.

<sup>6</sup> Isagu wuxuu u soo degi  
doonaa sida roob caws  
la jaray ku dul hoora,  
Iyo sida tiixyo dhulka biyeeya.

<sup>7</sup> Wakhtigiisa ayaa kan xaqa ahu  
barwaaqoobi doonaa,  
Oo nabadduna way badan  
doontaa tan iyo inta  
dayaxu aanu mar dambe  
jiri doonin.

<sup>8</sup> Oo isagu wuxuu u talin  
doonaa bad ilaa ka bad,  
Iyo tan iyo Webiga iyo ilaa  
dhulka darfihiiisa.

<sup>9</sup> Kuwa cidlada degganu  
hortiisay ku sujuudi  
doonaan;  
Oo cadaawayaaashiisuna ciidday  
leefleefi doonaan.

<sup>10</sup> Boqorrada Tarshiish iyo kuwa  
gasiiraduhuba waxay  
isaga u keeni doonaan  
gabbaro,  
Boqorrada Shebaa iyo kuwa  
Sebaana waxay isaga siin  
doonaan hadiyado.

<sup>11</sup> Haah, oo boqorrada oo  
dhammu hortiisay ku  
wada sujuudi doonaan,  
Oo quruumaha oo dhammaduna  
isagay u adeegi  
doonaan.

- <sup>12</sup> Waayo, isagu wuxuu  
samatabbixin doonaa  
kan baahan markuu  
qayliyo,  
Iyo miskiinka aan mid caawiya  
lahayn.
- <sup>13</sup> Wuxuu u nixi doonaa  
miskiinka iyo kan  
baahan,  
Oo kuwa baahan naftoodana  
wuu badbaadin doonaa.
- <sup>14</sup> Naftooduu ka furan doonaa  
khiyaano iyo dulmi,  
Oo dhiiggooduna hortiisuu  
qaali ku ahaan doonaa,
- <sup>15</sup> Oo isagu wuu noolaan  
doonaa, oo waxaa la  
siin doonaa dahabka  
Shebaa;  
Had iyo goorba dadku way u  
ducayn doonaa,  
Oo weliba maalinta oo  
dhan isagay ammaani  
doonaa.
- <sup>16</sup> Oo dhulka waxaa jiri doona  
hadhuudh badan xagga  
buuraha dushooda,  
Oo midhihiisuna waxay u soo  
ruxmi doonaa sida  
Lubnaan oo kale,  
Oo kuwa magaalada joogaana  
waxay u barwaaqoobi  
doonaa sida doogga  
dhulka.
- <sup>17</sup> Magiciisu weligiis buu waari  
doonaa,  
Magiciisu waa sii jiri doonaa in  
alla intay qorraxdu jirto;

- Oo dadku way ku barakoobi  
doonaan isaga,  
Quruumaha oo dhammuna  
waxay ugu yeedhi  
doonaan farxaan.
- <sup>18</sup> Mahad waxaa leh Rabbiga  
Ilaahaa oo ah Ilaaha reer  
binu Israa'iil,  
Oo keligiis sameeya waxyaalo  
yaab badan,
- <sup>19</sup> Magiciisa ammaanta badanu  
mahad ha lahaado  
weligiisba,  
Oo dhulka oo dhanna  
ammaantiisu ha ka  
buuxsanto.  
Aamiin iyo Aamiin.
- <sup>20</sup> Daa'uud ina Yesay  
baryootannadiisii  
way dhammaadeen.

### Kitaabka Saddexaad

*Sabuurrada 73-89*

*Kanu waa sabuur Aasaaf tiriyey.*

- 73** <sup>1</sup> Hubaal Ilaah waa u roon  
yahay reer binu Israa'iil,  
Iyo xataa kuwa qalbigoodu  
daahirka yahay.
- <sup>2</sup> Laakiinse anigu waan  
turunturoon gaadhay,  
Oo tallaabooyinkayguna waxay  
u dhowaadeen inay  
simbiriirixdaan.
- <sup>3</sup> Waayo, waxaan ka hinaasay  
kuwa qabka weyn,

Markaan arkay barwaaqada  
 ay kuwa sharka lahu  
 haystaan.

<sup>4</sup> Waayo, geeridoodu xanuun  
 ma leh,  
 Laakiinse xooggoodu waa adag  
 yahay.

<sup>5</sup> Iyagu dhib kuma jiraan sida  
 dadka kale,  
 Oo sida dadka kalena uma  
 belaayaysna.

<sup>6</sup> Sidaas daraaddeed kibir  
 wuxuu yahay sida  
 silsilad qoorta u sudhan,

Oo dulmi bay sida maro u  
 huwan yihii.

<sup>7</sup> Indhahoodu baruur bay la  
 bararsan yihii,  
 Oo waxay haystaan in ka sii  
 badan waxa qalbigoodu  
 doonayo.

<sup>8</sup> Wax bay ku qoslaan, oo  
 xumaan daraaddeed  
 dulmi bay ku hadlaan,  
 Waxay hadlaan iyagoo kor isu  
 qaadaya.

<sup>9</sup> Afkoodii waxay gaadhsiiyeen  
 samooyinka,  
 Oo carrabkooduna wuxuu dhex  
 maraa dhulka oo dhan.

<sup>10</sup> Sidaas daraaddeed dadkiisii  
 halkanay ku soo  
 noqdaan,

Oo koob biyo ka buuxa ayay  
 madhsadeen.

<sup>11</sup> Oo waxay yidhaahdaan,  
 Ilaah sidee buu wax u  
 yaqaan?

Kan ugu sarreeyana aqoonu  
 ma ku jirtaa?

<sup>12</sup> Bal eeg, kuwanu waa kuwa  
 sharka leh,  
 Oo mar kasta iyagoo  
 istareexsan ayay  
 hodantinimadoodu sii  
 korodhaa.

<sup>13</sup> Hubaal wax aan micne  
 lahayn ayaan qalbigaygii  
 ku nadiifshay,

Oo aan ku faraxashay anigoo  
 aan eed lahayn,

<sup>14</sup> Waayo, maalintii oo dhan  
 waa lay dhibayay,

Oo subax kastana waa lay  
 edbinayay.

<sup>15</sup> Haddaan odhan lahaa,  
 Sidaasaan ku hadli  
 doonaa,

Bal eeg, waan khiyaanayn lahaa  
 farcanka carruurtaada.

<sup>16</sup> Markaan ku fikiray si aan tan  
 ku ogaado,

Aad bay iigu xanuun badnayd,

<sup>17</sup> Ilaa aan galay meesha  
 quduuska ah ee Ilaah,

Oo aan ka fiirsaday  
 ugudambaystoda.

<sup>18</sup> Hubaal waxaad iyaga ku  
 taagtaa meelo sibiibix  
 ah,

Oo waxaad hoos ugu tuurtaa si  
 ay u baabba'aan.

<sup>19</sup> Sidee bay daqiqad ugu  
 noqdeen meel cidla ah!  
 Dhammaantood waxay ku  
 baabba'een cabsi.

- <sup>20</sup> Sayidow, sidii mid riyo ka  
toosay
- Markaad toostid, waxaad  
quudhsan doontaa  
ekaantooda.
- <sup>21</sup> Waayo, qalbigaygu wuu  
murugooday,
- Oo waxaa layga muday kelyaha,
- <sup>22</sup> Waxaan ahaa doqon iyo  
jaahil,
- Oo hortaada waxaan ku ahaa  
sidii xoolo oo kale.
- <sup>23</sup> Habase yeeshoo had iyo  
goorba waan kula  
joogaa,
- Oo waxaad i qabatay gacanta  
midig.
- <sup>24</sup> Waxed igu hoggaamin  
doontaa taladaada,
- Oo dabadeedna waxaad igu  
dhownay doontaa  
ammaanta.
- <sup>25</sup> Bal, yaan samada ku leeyahay  
adiga mooyaane?
- Oo dhulkana laguma arko mid  
aan kaa jeclahay.
- <sup>26</sup> Jiidhkayga iyo qalbigayguba  
waa itaal darnaadeen,
- Laakiinse Ilaah wuxuu weligiis ii  
yahay xooggi qalbigayga  
iyo qaybtayda.
- <sup>27</sup> Waayo, bal eeg, kuwa  
kaa fogu way halligmi  
doonaan,
- Oo waad wada baabbi'isay  
kuwii kaa caasiyoobay  
oo dhan.

<sup>28</sup> Laakiinse aniga waxaa ii  
roon inaan Ilaah u soo  
dhowaado,

Waayo, Sayidka Ilaahaa  
waxaan ka dhigtay  
magangalkayga,

Inaan ka sheekeeyo  
shuqulladaada oo  
dhan.

*Kanu waa sabuur Maskiil ah  
oo Aasaaf tiriyey.*

- 74** <sup>1</sup> Ilaahow, bal maxaad  
weligaaba noo xoortay?
- Oo bal maxaa cadhadaadu  
ugu kululaataa idaha  
daaqsintaada?
- <sup>2</sup> Bal soo xusuuso ururkaaga  
aad waa hore soo  
iibsatay,
- Oo aad u soo furatay inay  
ahaadaan qabiilkaad  
dhaxashay,
- Oo weliba Buur Siyoon oo  
aad degganaatana soo  
xusuuso.
- <sup>3</sup> Tallaabooyinkaaga u soo qaad  
xagga baabba'a weligiis  
ah,
- Iyo xagga xumaanta uu  
cadowgu meesha  
quduuska ah ku  
sameeyey oo dhan.
- <sup>4</sup> Cadaawayaaashaadii waxay  
ka qayliyeen shirkaaga  
dhexdiisa,
- Oo waxay calaamad ahaan  
u qotonsadeen  
calammadoodii.

5 Waxay u ekaadeen sidii niman  
faasas u qaatay hawd jiq  
ah.

6 Haddaba shuqulkiisii la qoray  
oo dhan

Waxay ku wada dumiyaa  
gudmo iyo dubbayaal.

7 Meeshaada quduuska ah dab  
bay ku dhejiyeen,

Oo waxay wada nijaaseeyeen  
meeshii magacaaga  
hoga u ahayd.

8 Waxay qalbigooda iska  
yidhaahdeen, Kaalaya  
aan dhammaantood  
baabbi'innee,

Waxay wada gubeen  
sunagogyadii Ilaah  
oo dalka ku dhex yiil oo  
dhan.

9 Annagu calaamadahayagii ma  
aragno,

Oo innaba mar dambe nebi ma  
jiro,

Dhexdayadana ma joogo mid  
garanaya ilaa goorma.

10 Ilaahow, ilaa goormaa  
cadowgu caytamayaa?

Cadowgu miyuu magacaaga  
caayaya weligiisba?

11 Bal maxaad gacantaada  
midig dib ugu celisaa?

Laabtaada ka soo bixi oo iyaga  
baabbi'i.

12 Laakiinse Ilaah waa  
boqorkayga tan iyo  
waa hore,

Isagoo badbaadin ka dhex  
samaynaya dhulka.

13 Xooggaagaad badda ku kala  
qaybisay,

Oo masbadeedyada ku dhex  
jirana madaxaad ka  
jebisaa.

14 Wuxaad kala burburisay  
madaxyada  
bahalbadeedyada  
oo Lewiiyaataan la  
odhan jiray,

Oo cunto ahaan ayaad u siisay  
dadkii cidlada degganaa.

15 Wuxaad kala furtay ilo iyo  
durdurro,

Oo waxaad qallajisay webiyo  
waaweyn.

16 Maalinta adigaa iska leh,  
habeenkana adigaa iska  
leh,

Oo adigaa diyaariyey iftiinka  
iyo qorraxdaba.

17 Adigu waxaad samaysay  
dhulka soohdimihiisa oo  
dhan,

Oo adigaa sameeyey diraac iyo  
xagaaba.

18 Rabbiyow, xusuuso in  
cadowgu caytamay,  
Iyo in dad nacas ahu magacaaga  
caay.

19 Qoolleydaada nafteeda ha u  
gacangelin dugaagga,  
Weligaaba ha illoobin nafta  
masaakiintaada,

20 Bal soo fiiri axdigaaga,  
Dhulka meelihiisa gudcurka  
ah waxaa ka buuxa  
hoyaalka dulmiga.

- <sup>21</sup> Kuwa la dulmay yaanay  
dib u noqon iyagoo  
ceebobabay,  
Miskiinka iyo kan baahanu  
magacaaga ha  
ammaaneen.
- <sup>22</sup> Ilaahow, sara joogso, oo  
dacwadaada u muddac.  
Bal xusuuso siday dadka  
nacaska ahu maalinta oo  
dhan kuu caayaan.
- <sup>23</sup> Ha illoobin codka  
cadaawayashaada,  
Kuwa kugu kaca buuqoodu  
had iyo goorba wuu soo  
kacaa.

*Kanu waa sabuur gabay ah oo  
Aasaaf u tirihey madaxdii  
muusikaystayaasha, oo waxaa  
lagu luuqeeyaa Altashed.*

- 75** <sup>1</sup> Ilaahow, adaan kuu  
mahadnaqnaa,  
Waannu kuu mahadnaqnaa,  
waayo, magacaagu waa  
noo dhow yahay,  
Dadku waxay ka sheekeeyaan  
shuqulladaada yaabka  
badan.
- <sup>2</sup> Wakhtiga aan qawimay,  
Ayaan si qumman wax u  
xukumi doonaa.
- <sup>3</sup> Dhulka iyo waxa kor deggan  
oo dhambuba way  
wada dhalaaleen,  
Tiirarkiisa anigaa qotomihey.  
(Selaah)
- <sup>4</sup> Kuwa kibirka leh waxaan ku  
idhi, Ha kibrina,

- Kuwa sharka lehna waxaan ku  
idhi, Geeskiinna kor ha u  
taagina,  
<sup>5</sup> Geeskiinna kor ha u taagina,  
Oo madaxadayg ha ku hadlina.  
<sup>6</sup> Waayo, sarrayntu kama  
timaado xagga bari ama  
xagga galbeed,  
Ama xataa xagga koonfureed  
toona.  
<sup>7</sup> Laakiinse Ilaah baa xaakin ah,  
Isagu mid buu dejiyaa, ku  
kalena wuu sarraysiyyaa.  
<sup>8</sup> Waayo, Rabbiga gacantiisa  
waxaa ku jira koob, oo  
waxaa ka xumbaynaysa  
khamri,  
Oo waxaa ka buuxa wax laysku  
qooshay, oo kaasuu wax  
ka shubaa,  
Hubaal huubadiisa waxaa  
heenheensan doona  
oo cabbi doona dunida  
kuweeda sharka leh oo  
dhan.  
<sup>9</sup> Laakiinse anigu weligayba  
waan rayrayn doonaa,  
Oo waxaan ammaan ugu gabyi  
doonaa Ilaaha Yacquub.  
<sup>10</sup> Oo weliba kuwa sharka leh  
geesahooda oo dhan  
waan wada jejebin  
doonaa,  
Laakiinse kuwa xaqa ah  
geesahooda waa la  
sarraysiin doonaa.

*Kanu waa sabuur gabay ah oo  
Aasaaf u tirihey madaxdii  
muusikaystayaasha, waxaa  
lagu qaadaa alaab xadhko  
leh oo muusiko ah.*

- 76** <sup>1</sup> Ilaah baa reer Yahuudah  
lagu dhex yaqaan,  
Oo magiciisuna reer binu  
Israa'iil dhexdooda waa  
ku weyn yahay.  
<sup>2</sup> Oo taambuuggisu wuxuu ku  
yaal Saalem,  
Hoygiisuna wuxuu ku yaal  
Siyoon.  
<sup>3</sup> Oo halkaas wuxuu ku  
jejebiyey fallaadhihi  
qaansada,  
Iyo gaashaankii, iyo seeftii, iyo  
dagaalkiiba. (Selaah)  
<sup>4</sup> Adigu waxaad ka ammaan  
iyo haybad badan tahay  
buuraha ugaadha leh.  
<sup>5</sup> Kuwii qalbiga adkaa waa la  
dhacay, oo hurdadoo dii  
ayay wada gam'een,  
Oo raggii xoogga badnaana  
midkoodna gacmihiisi  
waxba kuma samayn.  
<sup>6</sup> Ilaaha Yacquubow,  
canaantaadii aawadeed  
Ayaa gaadhifardood iyo  
fardoba waxay kula dhex  
dheceen hurdo weyn.  
<sup>7</sup> Adigase waa in lagaa  
cabsadaa,  
Bal yaa horaada istaagi  
kara mar haddaad  
cadhootid?

- <sup>8</sup> Waxaad ka dhigtay in xukun  
samada laga maqlo,  
Oo dhulkiina waa baqay, oo  
wuu aamusay,  
<sup>9</sup> Markuu Ilaah xukunka u sara  
kacay  
Inuu badbaadsho kuwa  
camalka qabow oo  
dhulka jooga oo dhan.  
(Selaah)  
<sup>10</sup> Hubaal waxaa ku ammaani  
doonta dadka  
cadhadiisa,  
Oo waxaad dhexda ku xidhan  
doontaa cadhada  
inteeda hadhay.  
<sup>11</sup> Rabbiga Ilaahiin ah wax u  
nidra, oo u oofiya,  
Inta hareerihiisa ku wareegsan  
oo dhammu isaga  
hadiyado ha u keeneen  
kan ay waajibka tahay in  
laga cabsado.  
<sup>12</sup> Isagu wuxuu gooyn doonaa  
amiirrada ruuxooda,  
Boqorrada dunidana wuu u  
cabsi badan yahay.

*Kanu waa sabuur Aasaaf u tirihey  
madaxdii muusikaystayaasha. Oo  
wuxuu u tirihey sidii Yeduutuun.*

- 77** <sup>1</sup> Anigu codkaygaan Ilaah  
ugu qayshan doonaa,  
Xataa Ilaah ayaan codkayga  
ugu qayshan doonaa, oo  
isaguna wuu i dhegaysan  
doonaa.

- <sup>2</sup> Maalintii aan dhibaataysnaa  
waxaan doondoonaay  
Sayidka,  
Gacantaydu way fidsanayd  
habeennimadii, mana ay  
nasaa,  
Oo naftaydiina way diidday in  
la qaboojiyo.
- <sup>3</sup> Wuxaan soo xusuustaa Ilaah,  
markaasaan welwelaa,  
Waan cawdaa, markaasay  
naftaydu taag  
darnaataa. (Selaah)
- <sup>4</sup> Indhahaygii waad soo  
jeedisay,  
Aad baan u dhibaataysnahay si  
aanan u hadli karin.
- <sup>5</sup> Wuxaan ka fikiray wakhtigii  
hore,  
Iyo sannadihii waa hore ahaa.
- <sup>6</sup> Habeenka waxaan soo  
xusuustaa gabaygaya,  
Oo waxaan la sheekaystaa  
qalbigaya,  
Oo ruuxaygiina aad buu wax u  
doondoonaay.
- <sup>7</sup> Sayidku weligiisba ma i  
xoorayaa?
- Oo miyaanu mar dambe raalli  
iga ahaanayn?
- <sup>8</sup> Naxariistiisi miyey  
wada dhammaatay  
weligeedba?  
Ballankiisiina miyuu  
baaqanayaa ka ab  
ka ab?
- <sup>9</sup> Ilaah miyuu illoobay inuu  
ahaado mid raxmad  
badan?

- Naxariistiisiina ma isagoo  
cadhaysan buu xidhay?  
(Selaah)
- <sup>10</sup> Oo weliba waxaan idhi, Tanu  
waa itaaldarradaya,  
Laakiinse waxaan xusuusan  
doonaa sannadihii  
gacanta midig oo Ilaaha  
ugu sarreeya.
- <sup>11</sup> Wuxaan ka soo sheekayn  
doonaa Rabbiga  
falimihiisa,  
Waayo, waxaan soo xusuusan  
doonaa cajaa'ibyadaadii  
hore.
- <sup>12</sup> Wuxaan ka fikri doonaa  
shuqulkaaga oo dhan,  
Oo falimahaaga oo dhanna  
waan u fiirsan doonaa.
- <sup>13</sup> Ilaahow, jidkaagu wuxuu  
ku dhex yaal meesha  
quduuska ah,  
Ilaahee baa sida Ilaah u weyn?
- <sup>14</sup> Wuxaad tahay Ilaah  
cajaa'ibyo sameeya,  
Xooggaagii waxaad ogeysiisay  
dadyowga.
- <sup>15</sup> Gacantaadaad dadkaagii ku  
soo furatay,  
Kuwaasoo ah ilma Yacquub iyo  
Yuusuf. (Selaah)
- <sup>16</sup> Ilaahow, biyuhu way ku  
arkeen,  
Biyuhu way ku arkeen, oo way  
cabsadeen,  
Oo moolalkuna way gariireen.
- <sup>17</sup> Daruuruhuna biyay soo  
daayeen,  
Cirkuna wuxuu diray dhawaaq,

Oo weliba fallaadahaaguna  
way bexeen.  
<sup>18</sup> Codkii onkodkaaguna  
wuxuu ku dhex jiray  
cirwareenta,  
Hillaacuna wuxuu iftiimiyey  
dunida,  
Dhulkuna wuu gariiray oo wuu  
ruxmaday.  
<sup>19</sup> Jidkaaguna badduu dhex  
maray,  
Waddooyinkaaguna waxay  
dhex mareen biyo  
badan,  
Oo raadadkaagana lama aqoon.  
<sup>20</sup> Dadkaaga waxaad u hor  
kacday sidii adhi oo kale,  
Oo waxaad iyaga ku  
hoggaamisay gacanta  
Muuse iyo tan Haaruun.

*Kanu waa sabuur Maskiil ah  
oo Aasaaf tirihey.*

**78** <sup>1</sup> Dadkaygiyow,  
sharcigayga dhegaysta,  
Oo dhegahana u dhiga erayada  
afkayga.  
<sup>2</sup> Afkayga waxaan ku furi  
doonaa masaal,  
Oo waxaan ku dhawaaqi  
doonaa xujoooin hore,  
<sup>3</sup> Kuwaasoo aynu maqalnay oo  
aynu niqiin,  
Oo ay awowayaasheen inoo  
sheegeen.  
<sup>4</sup> Ka qarin mayno carruurtooda,  
Laakiin waxaynu farcanka soo  
socda u sheegaynaa  
Rabbiga ammaantiisa,

Iyo xooggiisa, iyo shuqulliadiisii  
yaabka badnaa oo uu  
sameeyey.  
<sup>5</sup> Waayo, markhaati buu reer  
Yacquub ka dhex dhisay,  
Oo sharci buu reer binu Israa'iil  
u dejiyey,  
Kaasoo uu ku amray  
awowayaasheen,  
Inay carruurtooda dambe  
ogeysiyaan aawadeed,  
<sup>6</sup> Iyo in farcanka soo socdaa  
ay iyaga ogaadaan,  
kuwaasoo ah  
carruurta hadda ka  
dib dhalanaysa,  
Kuwaasoo iyana kici doona oo  
carruurtooda u sheegi  
doona,  
<sup>7</sup> Inay rajadooda Ilaah ku  
xidhaan,  
Oo aanay illoobin Ilaah  
shuqulliadiisii,  
Laakiinse ay xajiyaa  
amarradiisa,  
<sup>8</sup> Oo aanay sidii  
awowayaashood oo  
kale noqon  
Farcan madax adag oo caasi  
badan,  
Kaasoo ah farcan aan  
qalbigoodu  
qummanayn,  
Oo naftooduna aanay xagga  
Ilaah aamin ku ahayn.  
<sup>9</sup> Reer Efrayim iyagoo hub iyo  
qaansooyin sita  
Ayay maalintii dagaalka dib u  
noqdeen.

- <sup>10</sup> Axdigii Ilaah ma ay xajin,  
Oo waxay diideen inay  
sharcigiisii ku socdaan,
- <sup>11</sup> Oo waxay illoobeen  
falimihiisa  
Iyo shuquulladiisii yaabka  
badnaa oo uu iyaga  
tusay.
- <sup>12</sup> Waxyalo yaab badan ayuu  
awowayaashood ku hor  
sameeyey,  
Markay joogeen dalkii Masar  
iyo berrinkii Socan.
- <sup>13</sup> Isagu badduu kala gooyay,  
oo iyagii dhex marsiiyey,  
Oo biyhiina wuxuu ka dhigay  
inay sidii taallo u  
taagnaadaan.
- <sup>14</sup> Oo weliba maalinnimadii  
wuxuu ku hoggaamiyey  
daruur,  
Oo habeennimadii oo dhanna  
wuxuu ku hoggaamiyey  
dab iftiinkii.
- <sup>15</sup> Wuxuu kala jebiyey  
dhagaxyadii cidlada,  
Oo wuxuu iyaga ka siiyey  
cabniin aad u badan oo  
ah sidii kan moolka laga  
helo.
- <sup>16</sup> Oo weliba wuxuu dhagaxa  
weyn ka soo faruuray  
durdurro,  
Oo wuxuu biyo u qulquliyyey  
sidii webiyada oo kale.
- <sup>17</sup> Laakiinse iyagu weli way ku  
sii socdeen inay isaga ku  
dembaabaan,

- Inay ku caasiyoobaan Ilaaha  
ugu sarreeya intii ay  
cidladii joogeen.
- <sup>18</sup> Oo weliba Ilaah waxay ku  
tijaabiyeen qalbigooda  
Kolkii ay hilib u weyddiisteen  
damacooda aawadiis.
- <sup>19</sup> Oo Ilaah bay wax ka  
sheegeen,  
Oo waxay yidhaahdeen, Ilaah  
ma miis buu cidlada ku  
diyaarin karaa?
- <sup>20</sup> Bal eeg, dhagaxii ayuu wax  
ku dhuftay, markaasaa  
biyo ka soo buqdeen  
Oo durdurraa ka soo  
buuxdhaafay,  
Haddaba miyuu kibisna bixin  
karaa?  
Miyuu dadkiisa hilib siin karaa?
- <sup>21</sup> Sidaas daraaddeed Rabbigu  
taas buu maqlay, wuuna  
cadhooday,  
Oo reer Yacquub dab baa ku  
shidmay,  
Reer binu Israa'iilna cadhaa ku  
dhacday,
- <sup>22</sup> Maxaa yeelay, Ilaah ma ay  
rumaysan,  
Oo badbaadintisana iskuma ay  
hallayn.
- <sup>23</sup> Laakiin isagu wuxuu amray  
cirka sare  
Oo albaabbadii samadana wuu  
furay;
- <sup>24</sup> Oo wuxuu ku soo daayay  
maanna ay cunaan,  
Oo wuxuu iyagii wax ka siiyey  
hadhuudhki samada.

25 Dadkii waxay cuneen kibistii  
     malaa'igaha,  
 Oo weliba wuxuu iyaga u  
     soo diray hilib ay ka  
     dhergaan.  
 26 Isagu wuxuu samada ka  
     kiciyey dabaysha bari,  
 Oo dabaysha koonfureedna  
     xooggiisuu ku  
     hoggaamiyey.  
 27 Oo korkoodana hilib buu ugu  
     soo daadiyey sidii ciidda  
     oo kale,  
 Oo wuxuu ku soo daayay haad  
     baalal leh oo ah sidii  
     cammuudda badaha,  
 28 Oo wuxuu ku soo daadiyey  
     xeradooda dhexdeeda,  
 Iyo rugahooda hareerahooda.  
 29 Sidaas daraaddeed iyagii way  
     cuneen, oo aad bay uga  
     dhergeen,  
 Oo isna wuxuu iyagii siiyey wixii  
     ay u jeellanaayeen.  
 30 Iyagu jeelkii damacooda  
     kama ay xiisa dhicin,  
 Oo cuntadoodii weli afkooday  
     ku jirtay,  
 31 Markii cadhada Ilaah ay iyaga  
     ku dhacday,  
 Oo ay dishay kuwii iyaga ugu  
     buurburnaa,  
 Oo ay laysay ragji  
     dhallinyarada ahaa  
     oo reer binu Israa'iil.  
 32 In kastoo waxyaalahaas oo  
     dhammu ay ku dheceen,  
 Weli way sii dembaabeen,

Oo mana ay rumaysan  
     shuqulladiisii yaabka  
     badnaa.  
 33 Sidaas daraaddeed  
     maalmahoodii wuxuu ku  
     dhammeeyey wax aan  
     waxtar lahayn,  
 Cimrigoodiina cabsi.  
 34 Markii uu iyaga laayay ayay  
     isaga dooneen,  
 Oo haddiiba way soo noqdeen  
     oo Ilaah goor hore  
     doondooneen.  
 35 Oo waxay xusuusteen in  
     Ilaah ahaa dhagaxoodii  
     weynaa,  
 Iyo in Ilaaha ugu sarreeyaa uu  
     ahaa Bixiyahooda.  
 36 Laakiinse waxay isaga ku  
     faansheen afkooda,  
 Oo carrabkoodana been bay  
     ugu sheegeen.  
 37 Waayo, qalbigoodu xaggiisa  
     kuma hagaagsanayn,  
 Oo axdigiisiina daacad uma ay  
     ahayn.  
 38 Laakiinse isagoo raxmad  
     miidhan ah ayuu  
     xumaantoodii cafiyey,  
     oo mana uu baabbi'in  
     iyagii,  
 Haah, oo marar badan ayuu  
     cadhadiisii ka leexiyey,  
 Oo cadhadiisii oo dhanna ma  
     uu wada kicin.  
 39 Oo wuxuu xusuustay inay  
     iyagu yihiin binu-aadmi,  
 Iyo dabayl iska gudubta oo aan  
     mar dambe soo noqon.

40 Immisa jeer bay isaga ku  
     caasiyoobeen markay  
     cidlada joogeen,  
 Oo immisa jeer bay calool  
     xumeeyeen markay  
     lamadegaanka dhex  
     joogeen!  
 41 Oo haddana way soo  
     noqdeen oo waxay  
     tijaabiyeen Ilaah,  
 Oo waxay ka xanaajiyeen reer  
     binu Israa'il Kooda  
     Quduuska ah.  
 42 Sooma ay xusuusan  
     gacantiisii,  
 Iyo maalintii uu iyaga ka soo  
     furtay cadowga toona,  
 43 Iyo xataa siduu  
     calamooyinkiisii Masar  
     ugu dhex sameeyey,  
 Yaababkiisiina berrinkii Socan.  
 44 Iyo siduu webiyaashoodii  
     dhiigga ugu beddelay,  
 Durdurradoodiina, si aanay  
     waxba uga cabbi karin.  
 45 Wuxuu ku soo dhex daayay  
     duqsiyo badan, wayna  
     cuneen,  
 Iyo xataa rahyo, oo iyana way  
     baabbi'yeen.  
 46 Oo weliba wixii u baxay  
     wuxuu siiyey diir,  
 Oo waxay ku hawshoodeenna  
     wuxuu siiyey ayax.  
 47 Geedcanabkoodii wuxuu  
     ku baabbi'iyey  
     roobdhagaxyaale,

Oo dhirtoodii darayga ahaydna  
     wuxuu ku baabbi'iyey  
     sayax barafobay.  
 48 Xoolahoodii wuxuu  
     ku soo daayay  
     roobdhagaxyaalaha,  
 Adhyahooodiina danabyo kulul.  
 49 Oo wuxuu ku soo daayay  
     kulaylkii cadhadiisa,  
 Iyo xanaaq, iyo dhirif, iyo dhib,  
 Iyo guuto ah malaa'igo shar ah.  
 50 Isagu cadhadiisii wadduu u  
     sameeyey,  
 Oo naftoodiina dhimasho  
     ugama uu lexejeclaan,  
 Laakiinse noloshoodii wuxuu u  
     daayay belaayada,  
 51 Oo wuxuu dalkii Masar ku  
     laayay curadyadii oo  
     dhan,  
 Kuwaas oo ahaa xooggoodii u  
     horreeyey oo uu ku dhex  
     laayay teendhooyinkii  
     Xaam,  
 52 Laakiinse isagu dadkiisii sidii  
     ido oo kale ayuu u hor  
     kacay,  
 Oo cidladuu ku dhex  
     hoggaamiyey iyaga  
     sidii adhi oo kale.  
 53 Oo ammaan buu ku  
     hoggaamiyey, si aanay u  
     baqin,  
 Laakiinse cadaawayaaashoodii  
     baddaa qarqisay.  
 54 Oo wuxuu iyagii keenay  
     xuduudkii meeshiisa  
     quduuska ah,

Iyo ilaa buurtan ay midigtisu  
iibsatay.

<sup>55</sup> Oo weliba hortoodana  
wuxuu ka eryay  
quruumaha,

Oo dhaxal ahaan buu ugu  
qaybiyey.

Oo qabiilooyinkii reer binu  
Israa'iilna wuxuu dejiyey  
teendhooyinkoodii.

<sup>56</sup> Laakiin way jirrabeen oo ku  
caasiyoobeen Ilaaha ugu  
sarreeya,

Oo markhaatifurkiisiina ma ay  
xajin,

<sup>57</sup> Laakiinse dib bay u noqdeen,  
oo sidii awowayaashood  
ayay si aan daacad  
ahayn ula dhaqmeen,

Oo iyagu waxay u leexdeen sidii  
qaanso khiyaano badan.

<sup>58</sup> Waayo, waxay isaga  
kaga xanaajiyeen  
meelahoodii sarsare,

Oo waxay isaga uga hinaasiyeen  
sanamyadooda la qoray.

<sup>59</sup> Ilaah markuu taas maqlay  
ayuu cadhooday,

Oo aad buu reer binu Israa'iil u  
karhay,

<sup>60</sup> Sidaas daraaddeed  
taambuuggii Shiiloh  
wuu dayriyey,

Kaasoo ah teendhadii uu dadka  
dhex dhigay,

<sup>61</sup> Oo xooggiisii wuxuu  
u gacangeliyey  
maxaabiiisnimo,

Ammaantiisiina wuxuu ku riday  
cadowga gacantiisii.

<sup>62</sup> Dadkiisiina wuxuu u  
gacangeliyey seef,  
Oo wuxuu u cadhooday  
dhaxalkiisii.

<sup>63</sup> Raggoodii dhallinyarada  
ahaa dab baa laastay,  
Gabdhahoodiina buraanbur  
aroos looma tirin.

<sup>64</sup> Wadaaddadoodii waxay ku  
dhinteen seef,  
Carmalladoodiina uma ay  
barooran.

<sup>65</sup> Markaasaa Sayidku wuxuu u  
kacay sidii mid hurdo ka  
toosay,  
Sidii nin xoog badan oo  
la qaylinaya khamri  
daraaddiis.

<sup>66</sup> Cadaawayashaishiisiina wuu ku  
dhuftay oo dib buu u  
celiyey,  
Oo wuxuu saaray ceeb aan  
weligeed ka hadhayn.

<sup>67</sup> Oo weliba wuu diiday  
teendhadii reer Yuusuf,  
Qabiilkii reer Efrayimna ma uu  
dooran,

<sup>68</sup> Laakiinse wuxuu doortay  
qabiilkii reer Yahuudah,  
Iyo Buur Siyoon oo uu  
jeclaaday.

<sup>69</sup> Oo meeshiisii quduuska  
ahayd wuxuu u dhisay  
sidii meelaha sare,  
Iyo sidii dhulka uu weligiis  
adkeeyey.

<sup>70</sup> Wuxuuna doortay  
addoonkiisii Daa'uud,  
Oo wuxuu isaga ka soo waday  
xeryaha idaha,  
<sup>71</sup> Wuxuu ka soo waday laxihii  
ilmo nuujinayay oo uu  
raacayay,  
Inuu daajijo reer Yacquub oo  
dadkiisa ah, iyo reer binu  
Israa'iil oo dhaxalkiisa  
ah.  
<sup>72</sup> Haddaba wuxuu u  
daajinayay si waafaqsan  
daacadnimada  
qalbigiisa,  
Oo wuxuu ku hoggaaminayay  
farsamada gacmihiisa.

*Kanu waa sabuur Aasaaf tiriyey.*

**79** <sup>1</sup> Ilaahow, quruumihii kale  
waxay u soo galeen  
dhaxalkaagii,  
Macbudkaagii quduuska  
ahaana way  
nijaaseeyeen,  
Oo Yeruusaalemna waxay ka  
dhigeen tuulmooyin.  
<sup>2</sup> Meydadkii addoommadaada  
waxay cunto uga  
dhigeen haadka samada,  
Oo hilibkii quduusiintaadana  
waxay cunto uga  
dhigeen dugaagga  
dhulka.  
<sup>3</sup> Dhiiggoodiina waxay  
Yeruusaalem  
hareeraheeda ugu  
daadiyeen sidii biyo oo  
kale,

Cid aastaana ma jirin.  
<sup>4</sup> Wixaannu cay u noqonnay  
derisyadayadii,  
Kuwa nagu wareegsanna wax  
la quudhsado oo lagu  
qoslo.  
<sup>5</sup> Rabbiyow, ilaa goormaad noo  
cadhaysnaan doontaa?  
Ma weligaa baa?  
Masayrkaagu ma sida dab buu  
u ololi doonaa?  
<sup>6</sup> Cadhadaada ku soo deji  
quruumaha aan ku  
aqoon,  
Iyo boqortooyooyinka aan  
magacaaga kugu baryin.  
<sup>7</sup> Waayo, waxay laayeen reer  
Yacquub,  
Rugtoodiina way baabbi'yeen.  
<sup>8</sup> Ha noo xusuusnaan  
dembiyadii  
awowayaashayo,  
Naxariistaadu dhaqsiyo ha  
noogu timaado,  
Waayo, aad baa lanoo dhibay.  
<sup>9</sup> Ilaaha badbaadadayadow,  
magacaaga ammaantiisa  
daraaddeed noo caawi,  
Oo magacaaga daraaddiis  
noo samatabbixi, oo  
dembiyadayada naga  
nadiifi.  
<sup>10</sup> Bal maxaa quruumuhu u  
leeyihiin, Ilaahoodu  
meeh?  
Dhiiggii addoommadaada  
oo ay daadiyeen  
aargoosashadiisii

Ha lagu ogado quruumaha  
dhexdooda annagoo  
arkayna.

<sup>11</sup> Maxbuuska taahiisu  
hortaada ha yimaado,  
Xooggaaga weynaantiisa  
ku badbaadi kuwa  
dhimashada lagu  
xukumay.

<sup>12</sup> Sayidow, derisyadayada  
toddoba jibbaar ugu  
abaalmari,

Oo laabta u geli caydii ay kugu  
caayeen.

<sup>13</sup> Haddaba annagoo ah  
dadkaaga iyo idihii  
daaqsintaada

Waannu kugu mahadnaqaynaa  
weligayo,

Oo ammaantaada waannu ka  
sheekaysan dooncaa tan  
iyo ka ab ka ab.

*Kanu waa sabuur Aasaaf u tirihey  
madaxdii muusikaystayaasha, oo  
waxaa lagu luuqeeyaa  
Shoshanniim Ceduud.*

**80** <sup>1</sup> Na maqal, Adhijirka reer  
binu Israa'lil jirow,  
Kaaga reer Yuusuf sida adhi u  
hor kacow,  
Kaaga Keruubiimta ku dul  
fadhiyow, soo iftiin.

<sup>2</sup> Reer Efrayim iyo reer  
Benyaamiin iyo reer  
Manaseh hortooda  
xooggaaga ku kici,  
Oo kaalay oo na badbaadi.

<sup>3</sup> Ilaahow, mar kale na soo celi,

Oo wejigaaga noo iftiimi,  
oo waannu badbaadi  
dooncaa.

<sup>4</sup> Rabbiyow Ilaaha  
ciidammadow,  
Ilaa goormaad u cadhaysnaan  
doontaa baryootanka  
dadkaaga?

<sup>5</sup> Waxaad ku quudisay kibistii  
ilmada,

Oo ilmo aad u badanna ayaad  
cabsiisay.

<sup>6</sup> Waxaad nala dirirsii say  
derisyadayada,

Oo cadaawayaa shayadiina way  
nagu qoslaan.

<sup>7</sup> Ilaaha ciidammadow, mar  
kale na soo celi,

Oo wejigaaga noo iftiimi,  
oo waannu badbaadi  
dooncaa.

<sup>8</sup> Geed canab ah ayaad dalkii  
Masar ka keentay,

Oo intaad quruumihii ka eriday  
ayaad meel ku beertay.

<sup>9</sup> Meel baad hortisa ku  
diyaarisay,

Oo wuxuu yeeshay xiddido  
dhaadheer, kolkaasuu  
dhulkii buuxiyey.

<sup>10</sup> Oo buurihi waxaa qariyey  
hooskiisii,

Oo laamijiisiina waxay  
noqdeen sidii geedaha  
la yidhaahdo kedar oo  
Ilaah.

<sup>11</sup> Laamijiisi wuxuu  
gaadhsiiyey tan iyo  
badda,

Dhudhiisiina waxay gaadheen  
tan iyo Webiga.

<sup>12</sup> Bal maxaad deyrkiisii u  
dumisay

Si ay kuwa jidka maraa oo  
dhammu u goostaan?

<sup>13</sup> Waxaa kharriba doofaarka  
kaynta,

Oo waxaa iska daaqda ugaadha  
duurka.

<sup>14</sup> Ilaaha ciidammadow,  
waannu ku baryaynaaye  
noo soo noqo,

Samada hoos nooga soo fiiri  
oo intaad soo eegtid,  
geedkan canabka ah soo  
booqo,

<sup>15</sup> Oo ilaali wixii ay gacantaada  
midig beertay,

Iyo laantii aad adkaysatay.

<sup>16</sup> Dab baa lagu gubay, oo waa  
la gooyay,

Oo waxay ku halligmeen  
canaantii jaahaaga.

<sup>17</sup> Gacantaadu ha kor saarnaato  
ninka gacantaada midig  
jooga,

Iyo binu-aadmigii aad  
nafsaddaada u  
xoogaysatay.

<sup>18</sup> Markaas dib kaaga noqon  
mayno,

Na noolee, oo markaasaannu  
magacaaga ku  
baryootamaynaa.

<sup>19</sup> Rabbiyow Ilaaha  
ciidammadow, mar  
kale na soo celi,

Oo wejigaaga noo iftiimi,  
oo waannu badbaadi  
doonnaa.

*Kanu waa sabuur Aasaaf u tirihey  
madaxdii muusikaystayaasha, oo  
waxaa lagu luuqeeyaa Gitiid.*

**81** <sup>1</sup> Aad ugu gabya Ilaaha  
xooggeenna ah,

Oo farxad ugu qayliya Ilaaha  
Yacquub.

<sup>2</sup> Sabuurka kor u qaada, oo  
waxaad halkan keentaan  
dafka,

Iyo kataaradda lagu farxo, iyo  
shareeradda.

<sup>3</sup> Buunka afuufa markay bishu  
dhalato,

Iyo markuu dayaxu caddo  
buuxda yahay, iyo  
maalinta iiddeenna  
quduuska ah.

<sup>4</sup> Waayo, taasu qaynuun bay u  
tahay reer binu Israa'iil,  
Waana amar ka yimid Ilaaha  
Yacquub.

<sup>5</sup> Oo wuxuu reer Yuusuf  
dhexdooda ka dhigay  
markhaati,

Markii uu dalkii Masar ku soo  
baxay,

Halkaas oo aan ka maqlay af  
aanan aqoon.

<sup>6</sup> Garbihiisa waxaan ka qaaday  
culaabti saarnayd,

Gacmihiisana waxaa laga  
xoreeyey dambiishii.

<sup>7</sup> Waad ii dhawaaqatay markii  
dhib kuu yimid, oo

anna waan ku soo samatabbixiyey,  
 Waxaan kaaga jawaabay onkodka meeshiisa qarsoon,  
 Oo waxaan kugu tijaabihey biyihii Meriibaah.  
 (Selaah)  
<sup>8</sup> Dadkaygiyow, bal i maqla,  
 Oo anna waan idiiin digi doonaa,  
 Reer binu Israal'iilow, bal haddaad i maqli lahaydeen!  
<sup>9</sup> Waa inaan ilaaq qalaad idinku dhex jirin,  
 Oo waa inaydaan innaba ilaaq qalaad caabudin.  
<sup>10</sup> Anigu waxaan ahay Rabbiga Ilaahaaga ah,  
 Oo kaa soo bixiyey dalkii Masar, Afkaaga aad u kala qaad, oo anna waan buuxin doonaa.  
<sup>11</sup> Laakiinse dadkaygii ma ay dhegaysan codkaygii,  
 Oo reer binu Israa'iilna ima aqbalin.  
<sup>12</sup> Sidaas daraaddeed waxaan u daayay inay ku socdaan madaxadayggooda.  
 Si ay taladooda ugu socdaan.  
<sup>13</sup> Bal may dadkaygu i dhegaystaan,  
 Oo reer binu Israa'iil bal may jidkayga ku socdaan!  
<sup>14</sup> Oo waxaan haddiiba jebin lahaa cadaawayaashooda,

Oo gacantaydana waan ku jeedin lahaa colkooda.  
<sup>15</sup> Kuwa Rabbiga necebu waxay hoos geli lahaayeen isaga,  
 Laakiinse wakhtigoodu weligiis wuu waari lahaa.  
<sup>16</sup> Oo weliba wuxuu iyaga ku quuudin lahaa sarreenka ugu wanaagsan,  
 Oo waxaan ka dhergin lahaa malabka dhagaxa ka soo baxa.

*Kanu waa sabuur uu Aasaaf tiriyyey.*

**82** <sup>1</sup> Ilaaah wuxuu dhex istaagaa ururka Ilaaah,  
 Oo wuxuu wax ku xukumaa ilaahyada dheddooda,  
<sup>2</sup> Ilaa goormaad xaqdarro wax ku xukumaysaan?  
 Oo ilaa goormaad kuwa sharka leh u eexanaysaan?  
 (Selaah)  
<sup>3</sup> Miskinka iyo agoonka gar siiya,  
 Oo caddaalad ugu garsoora kan dhibaataysan iyo saboolka.  
<sup>4</sup> Badbaadiya miskinka iyo kan baahan,  
 Oo ka samatabbixiya gacanta kuwa sharka leh.  
<sup>5</sup> Iyagu waxba ma yaqaaniin, waxna garan maayaan,  
 Oo gudcur bay hor iyo dib ugu socdaan,

Dhulka aasaaskiisii oo  
dhammu waa wada  
dhaqdqhaqaqay.

<sup>6</sup> Waxaan idhi, Idinku waxaad  
tiihiin ilaahyo,  
Oo dhammaantiin waxaad  
tiihiin Ilaaha uga  
sarreeya wiilashiisii.

<sup>7</sup> Habase yeeshiee waxaad u  
dhiman doontaan sida  
dadka oo kale,  
Oo waxaad u dhici doontaan  
sida amiirrada midkood.

<sup>8</sup> Ilaahow, sara joogso oo  
dhulka xukun,  
Waayo, waxaad dhaxli doontaa  
quruumaha oo dhan.

*Kanu waa sabuur gabay ah  
oo Aasaaf tiriyey.*

**83** <sup>1</sup> Ilaahow, shib ha odhan,  
Oo ha aamusin, afkana ha  
haysan, Ilaahow.

<sup>2</sup> Waayo, bal eeg,  
cadaawayashaadu  
way buuqaan,  
Oo kuwii ku nebcaana madaxay  
kor u qaadeen.

<sup>3</sup> Dadkaagay xeelad ugu  
tashadaan,  
Oo waxay dhammaantood u  
arrinsadaan kuwaad  
qarisay.

<sup>4</sup> Waxay isku yidhaahdeen,  
Kaalaya, aan  
baabbi'innee, yaanay  
mar dambe quruun  
ahaanine.

Si aan magaca Israa'iil dib loogu  
soo xusuusan.

<sup>5</sup> Waayo, iyagoo isku waafaqsan  
ayay ku arrinsadeen,  
Oo axdi kaa gees ah ayay isla  
dhigtaan,

<sup>6</sup> Teendhooyinkii reer Edom iyo  
reer Ismaaciil,  
Iyo reer Moo'aab iyo reer  
Hagariim,

<sup>7</sup> Reer Gebal iyo reer Cammoon  
iyo reer Camaaleq,  
Reer Falastiin iyo kuwii Turos  
degganaa,

<sup>8</sup> Oo xataa reer Ashuurna way  
ku darsameen,  
Oo waxay kaalmeeyeen ilma  
Luud. (Selaah)

<sup>9</sup> Iyaga ku samee wixii aad ku  
samaysay reer Midyaan,  
Iyo Siiseraa iyo Yaabiin markii  
ay ag joogeen Webi  
Qiishoon,

<sup>10</sup> Waxay ku halligmeen Ceyn  
Door,  
Oo waxay dhulka u noqdeen  
digo.

<sup>11</sup> Nimankooda gobta ah oo  
dhan waxaad ka dhigtaa  
sida Cooreeb iyo Se'eeb,  
Oo amiirradooda oo dhanna  
sida Sebah iyo  
Salmunnac,

<sup>12</sup> Kuwaas oo isyidhi, War  
aan iska qaadanno  
oo hantinno Ilaah  
degmooyinkiisa.

<sup>13</sup> Ilaahayow, iyaga ka dhig sida  
boodhka warwareega,

Iyo sida xaab dabaysha ka  
horreeya,  
<sup>14</sup> Sida dabka duurka guba,  
Iyo sida ololka buuraha huriya,  
<sup>15</sup> Sidaasoo kale iyaga  
duufaankaaga ku  
eri,  
Hufadaadana ku cabsii.  
<sup>16</sup> Rabbiyow, wejigoodu wareer  
ha ka buuxsamo,  
Si ay magacaaga u  
doondoonaan.  
<sup>17</sup> Weligood ha ceeboobeen,  
hana baqeen,  
Ha wareereen, hana  
baabbe'een,  
<sup>18</sup> Si ay u ogaadaan in adigoo  
magacaagu Ilaah yahay  
Aad tahay Ilaaha ugu sarreeya  
dunida oo dhan.

*Kanu waa sabuur ay reer  
Qorax u tiriyeen madaxdii  
muusikaystayaasha, oo  
Gitiid lagu luuqeeyo.*

**84** <sup>1</sup> Rabbiga ciidammadow,  
taambuugyadaadu sidee  
bay u yihiin wax la  
jeclaado!  
<sup>2</sup> Naftaydu waxay u xiisaysan  
tahay Rabbiga  
barxadihiisa,  
Qalbigaya iyo jiidhkayguba  
waxay u dhawaaqaan  
Ilaaha nool.  
<sup>3</sup> Haah, shimbirtu waxay  
nafsaddeeda u heshay  
guri,

Dabafallaadhuna buul ay  
yaryarkeeda ku dhasho,  
Kaas oo ah meelaha  
allabarigaaga, Rabbiga  
ciidammadow,  
Boqorkaygiiyow, Ilaahaygiiyow.  
<sup>4</sup> Waxaa barakaysan kuwa  
gurigaaga deggan,  
Weligoodba way ku sii  
ammaani doonaan.  
<sup>5</sup> Waxaa barakaysan ninkii  
xooggiisu xaggaaga ka  
yimaado,  
Oo ay jidadka sare oo Siyoon  
qalbigiisa ku jiraan.  
<sup>6</sup> Markay dhex maraan  
Dooxadii Oohinta waxay  
ka dhigaan meel ilo  
badan leh,  
Haah, oo roobka hore ayaa  
barakooyin ka buuxiya.  
<sup>7</sup> Way xoogaystaan, oo weliba  
way sii xoogaystaan,  
Oo midkood kastaaba Ilaah buu  
ka hor muuqdaa Siyoon  
dhexdeeda.  
<sup>8</sup> Rabbiyow, Ilaaha  
ciidammadow,  
baryadayda maqal,  
Ilaaha Yacquubow, bal dhegta ii  
dhig, (Selaa)  
<sup>9</sup> Ilaahow, gaashaankayagiyyow,  
bal eeg,  
Oo bal kaaga la subkay wejigiisa  
fiiri.  
<sup>10</sup> Waayo, maalin barxadahaaga  
la joogo way ka sii  
wanaagsan tahay kun  
maalmood oo kale.

Intaan teendhooyinka sharka  
joogi lahaa,

Waxaan ka sii jeelaan lahaa  
inaan guriga Ilaah  
iridjooge u ahaado.

<sup>11</sup> Waayo, Rabbiga Ilaaha ahu  
waxa weeye qorrax iyo  
gaashaan,

Rabbigu wax wanaagsan  
kalama hadhi doono  
kuwa si qumman u  
socda.

Wuxuuna siin doonaa naxariis  
iyo sharaf.

<sup>12</sup> Rabbiga ciidammadow,  
Waxaa barakaysan ninkii isku  
kaa halleeya.

*Kanu waa sabuur ay reer  
Qorax u tiriyeen madaxdii  
muusikaystayaasha.*

- 85** <sup>1</sup> Rabbiyow, dalkaagii  
waad u roonaatay,  
Oo waxaad soo celisay  
maxaabisti reer  
Yacquub.  
<sup>2</sup> Xumaantii dadkaagana waad  
cafiday,  
Oo dembigoodii oo dhanna  
waad qarisay. (Selaah)  
<sup>3</sup> Cadhadaadii oo dhan waad  
fogaysay,  
Oo waad ka soo noqotay  
kulaylkii xanaaqaaga.  
<sup>4</sup> Ilaaha Badbaadadayadow, na  
soo celi,  
Oo dhirifkaaga naga jooji.  
<sup>5</sup> Miyaad weligaaba noo  
cadhaysnaanaysaa?

Oo xanaaqaaga miyaad sii  
dheeraynaysaa tan iyo  
ka ab ka ab?

<sup>6</sup> Miyaanad mar dambe na soo  
noolaynayn,

Si ay dadkaagu kuugu  
reyreeyaan?

<sup>7</sup> Rabbiyow, naxariistaada na  
tus,

Oo badbaadadaada na sii.

<sup>8</sup> Waan maqli doonaa waxa  
Ilaaha Rabbiga ahu ku  
hadlo,

Waayo, nabad buu kula hadli  
doonaa dadkiisa iyo  
quduusiintiisa,

Laakiin yaanay nacasnimo ku  
noqon.

<sup>9</sup> Hubaal badbaadadiisu way u  
dhow dahay kuwa isaga  
ka cabsada,

Si ay ammaanu dalkayaga u  
degganaato.

<sup>10</sup> Naxariis iyo runu way isla  
kulmeen,

Xaqnimo iyo nabaduna way  
isdhunkadeen.

<sup>11</sup> Runtu waxay ka soo baxdaa  
dhulka,

Xaqnimaduna waxay hoos ka  
soo firisaa samada.

<sup>12</sup> Haah, Rabbigu wuxuu  
ina siin doonaa waxa  
wanaagsan,

Oo dalkeennuna wuxuu soo  
bixin doonaa midhihiisa.

<sup>13</sup> Hortiisa waxaa socon doonta  
xaqnimo,

Oo waxay tallaaboo yinkiisa  
ka dhigi doontaa jid la  
maro.

*Baryootankii Daa'uud.*

- 86** <sup>1</sup> Rabbiyow, dhegtada ii  
soo dhig, oo ii jawaab,  
Waayo, waxaan ahay miskiin  
iyo mid baahane.  
<sup>2</sup> Naftayda dhawr, waayo,  
waxaan ahay mid  
cibaado leh,  
Ilaahayow, i badbaadi anigoo  
ah addoonkaaga isku  
kaa halleeya.  
<sup>3</sup> Sayidow, ii naxariiso,  
Waayo, maalinta oo dhan  
adaan kuu qayshadaa.  
<sup>4</sup> Sayidow, addoonkaaga  
naftiisa ka farxi,  
Waayo, naftayda adigaan kor  
kuugu soo qaadaa.  
<sup>5</sup> Waayo, Sayidow, waad  
wanaagsan tahay, oo  
waxaad diyaar u tahay  
inaad dembidhaafsto,  
Waanad u naxariis badan tahay  
kuwa ku barya oo dhan.  
<sup>6</sup> Rabbiyow, baryadayda dhegt  
u dhig,  
Oo codka baryootankayga  
maqal.  
<sup>7</sup> Maalinta aan  
dhibaataysnahay  
adaan ku baryi doonaa,  
Waayo, waad ii jawaabi  
doontaa.  
<sup>8</sup> Sayidow, adigoo kale  
ilaahyada kuma jiro,

Oo shuqu lladaadana wax la  
mid ahu ma jiraan.

<sup>9</sup> Sayidow, quruumihi aad  
samaysay oo dhammu  
way iman doonaan oo  
hortaaday ku sujuudi  
doonaan,

Waxay ammaani doonaan  
magacaaga.

<sup>10</sup> Waayo, adigu waad weyn  
tahay, oo waxyaalo  
yaab badanna waad  
samaysaa,

Oo adiga keliya ayaa Ilaah ah.

<sup>11</sup> Rabbiyow, jidkaaga i bar,  
oo anna runtaadaan ku  
socon doonaa,

Qalbigayga mid ka dhig si aan  
magacaaga uga cabsado.

<sup>12</sup> Sayidow Ilaahayow,  
qalbigayga oo  
dhan waan kugu  
ammaanayaa,

Oo weligayba waxaan ammaani  
doonaa magacaaga.

<sup>13</sup> Waayo, naxariistaadu  
xaggayga way ku weyn  
tahay,

Naftaydana waxaad ka  
soo samatabbixsay  
She'oolka ugu hooseeya.

<sup>14</sup> Ilaahow, kuwa kibirka lahu  
way igu keceen,  
Ururka dadka dulmiga badanna  
waxay doonayeen inay

nafta iga qaadaan,  
Oo adigana kuuma ay soo  
jeesan.

<sup>15</sup> Laakiinse adigu Sayidow,  
waxaad tahay Ilaah ay  
raxmad iyo nimco ka  
buuxaan,  
Oo cadhada u gaabiya, oo  
naxariis iyo runba  
badan.  
<sup>16</sup> Li soo jeeso, oo ii naxariiso,  
Oo anoo addoonkaaga ah xoog  
i sii,  
Oo i badbaadi anoo wiilka  
addoontaada ah.  
<sup>17</sup> Calaamad wanaaggagaaga lagu  
garto i tus,  
Si ay kuwa i necebu u arkaan,  
oo ay u ceeboobaan,  
Maxaa yeelay, Rabbiyow, waad  
i caawisay, oo waad i  
qalbi qaboojisay.

*Kanu waa sabuur gabay ah oo ay  
ay reer Qorax tiriyeen.*

**87** <sup>1</sup> Aasaaskiisu wuxuu ku  
jiraa buuraha quduuska  
ah.  
<sup>2</sup> Rabbigu degmooyinka reer  
Yacquub oo dhan  
Wuxuu ka jecel yahay irdaha  
Siyoon.  
<sup>3</sup> Magaalada Ilaahay,  
Waxyaaloo ammaan badan ayaa  
lagaa sheegaa. (Selaah)  
<sup>4</sup> Anigu waxaan ka sheekayn  
doonaa Rahab iyo  
Baabuloon sidii kuwo i  
yaqaan,  
Bal eeg, Falastiin, iyo Turos, iyo  
Itoobiya.  
Midkanu halkaasuu ku dhashay.

<sup>5</sup> Haah, oo Siyoonna waxaa laga  
odhan doonaa, Midkan  
iyo midkaasuba iyaduu  
ku dhashay,  
Oo Ilaaha ugu sarreeya ayaa  
iyada dhisi doona.  
<sup>6</sup> Rabbigu wuu tirin doonaa  
markuu dadka qorayo,  
Midkanu halkaasuu ku dhashay.  
(Selaah)  
<sup>7</sup> Kuwa gabya iyo kuwa  
cayaaraaba waxay  
odhan doonaan,  
Waxaa kugu jira ilahayga oo  
dhan.

*Kanu waa sabuur gabay ah oo ay  
reer Qorax u tiriyeen madaxdii  
muusikaystayaasha, oo waxaa  
lagu luuqeeyaa Maxalad  
Lecannod. Oo waa Maskiil tacliin  
ah oo Heemaankii reer Cesraax.*

**88** <sup>1</sup> Rabbiyow, Ilaaha  
badbaadadaydow,  
Habeen iyo maalinba  
hortaadaan ka qayliyey,  
<sup>2</sup> Baryootankaygu hortaada ha  
yimaado,  
Oo qayladayda dhegta u dhig,  
<sup>3</sup> Waayo, naftayda waxaa ka  
buuxa dhibaatooyin,  
Oo noloshayduna waxay ku  
dhowaanaysaa She'ool.  
<sup>4</sup> Waxaa laygu tiirihey kuwa  
hoos ugu dhaadhaca  
yamayska,  
Oo waxaan ahay sida nin aan  
xoog lahayn,

5 Oo meydadka lagu dhex  
     tuuray,  
 Sida kuwa la laayay oo  
     xabaalaha yaal,  
 Oo aanad mar dambe soo  
     xusuusnayn,  
 Kuwaas oo ah kuwa gacantaada  
     ka go'ay.  
 6 Waxaad igu ridday yamayska  
     ugu hooseeya,  
 Iyo gudcurka, iyo meelaha  
     dhaadheer.  
 7 Cadhadaadii baa igu soo  
     degtay,  
 Oo waxaad igu dhibtay  
     hirarkaagii oo dhan.  
     (Selaah)  
 8 Kuwii aan iqiin waad iga  
     fogaysay,  
 Oo karaahiyaad iga dhigtay  
     xaggooda.  
 Waa lay xidhay, oo sooma aan  
     bixi karo.  
 9 Indhahaygu waxay la gudheen  
     dhibaatada daraaddeed,  
 Rabbiyow, maalin kasta waan  
     kuu yeedhay,  
 Oo gacmahaygana adigaan kuu  
     hoorsaday.  
 10 Ma yaabab baad tusaysaa  
     meydadka?  
 Kuwii dhintay miyey soo  
     sara kacayaan oo ku  
     ammaanayaan? (Selaah)  
 11 Raxmaddaada miyaa qabriga  
     lagu sheegayaa?  
 Aaminnimadaadana miyaa  
     halligaadda laga dhex  
     sheegayaa?

12 Yaababkaaga miyaa gudcurka  
     lagu ogaanayaa?  
 Xaqnimadaadana ma waxaa  
     lagu ogaanayaa dalka  
     illoobidda?  
 13 Laakiinse Rabbiyow, adigaan  
     kuu qayshaday,  
 Oo baryootankayguna  
     subaxduu hortaada  
     imanayaa.  
 14 Rabbiyow, bal maxaad  
     naftayda u xooraysaa?  
 Oo bal maxaad wejigaaga iiga  
     qarinaysaa?  
 15 Waan dhibaataysnaa oo  
     waxaan ku dhowaa  
     inaan dhinto tan iyo  
     yaraantaydiiba,  
 Intaad cabsidaada igu riddayna  
     waan caataysnaa.  
 16 Cadhadaadii kululayd ayaa i  
     kor martay,  
 Oo waxaa i baabbi'iyey  
     waxyaalihii aad igu  
     cabsiisay.  
 17 Maalintii oo dhan waxay  
     hareerahayga ugu  
     wareegsanaayeen sidi  
     biyo oo kale,  
 Dhammaantood way i wada  
     hareereeyeen.  
 18 Kii i jeclaa iyo saaxiibkayba  
     waad iga fogaysay,  
 Oo kuwii aan iqiinna gudcur  
     baad iga gelisay.

*Kanu waa sabuur Maskiil ah oo  
uu Eetaan kii reer Cesraax tiriyey.*

**89** <sup>1</sup> Anigu weligayba waxaan  
ku gabyi doonaa Rabbiga  
waxyaalhiisa naxariista  
leh,

Oo aaminnimadaadana  
afkaygaan ka ab ka ab ku  
ogeysiinaya.

<sup>2</sup> Waayo, waxaan idhi,  
Naxariistu weligeedba  
way dhisnaan doontaa,

Oo aaminnimadaadana  
waxaad ku adkayn  
doontaa samooyinka  
qudhooda.

<sup>3</sup> Axdi baan la dhigtay kii aan  
doortay,

Oo waxaan u dhaartay  
addoonkaygii Daa'udd,  
oo ku idhi,

<sup>4</sup> Farcankaaga weligayba waan  
sii adkayn doonaa,

Oo carshigaaguna wuu  
dhisnaan doonaa tan iyo  
ka ab ka ab. (Selaah)

<sup>5</sup> Rabbiyow, samooyinku waxay  
ammaani doonaan  
yaababkaaga,

Oo weliba aaminnimadaadana  
waxaa laga dhex sheegi  
doonaa shirka kuwa  
quduuska ah.

<sup>6</sup> Waayo, bal yaa cirka ku jira oo  
Rabbiga lala simi karaa?

Bal yaase ku dhex jira wiilasha  
kuwa xoogga badan oo  
Rabbiga la mid ah,

<sup>7</sup> Kaas oo ah Ilaaha ugu cabsida  
badan guddiga kuwa  
quduuska ah,

Oo waajibka tahay in  
kuwa hareerihiisa ku  
wareegsan oo dhammu  
ay ka cabsadaan.

<sup>8</sup> Rabbiyow Ilaaha  
ciidammadow,

Bal yaa sidaada u xoog badan,  
Rabbiyow?

Aaminnimadaadu  
hareerahaagay ku  
wareegsan tahay.

<sup>9</sup> Adigaa u taliya badda  
kibirkeeda,

Oo markii hirarkeedu kacaan  
adigaa dejiya.

<sup>10</sup> Rahab waxaad u kala  
burburisay sidii mid la  
dilay,

Oo cadaawayaaashaadiina  
waxaad ku kala firdhisay  
gacanta xooggaaga.

<sup>11</sup> Samooyinka adigaa iska leh,  
dhulkana adigaa iska  
leh,

Dunida iyo waxaa ka buuxana  
adigaa aasaasay.

<sup>12</sup> Woqooyi iyo koonfurba  
adigaa abuuray,

Taaboor iyo Xermoonba  
magacaagay ku  
reyreeyaan.

<sup>13</sup> Adigu waxaad leedahay  
dhudhun itaal weyn,

Gacantaaduna way xoog badan  
tahay, midigtaaduna  
way sarraysa.

- <sup>14</sup> Carshigaaga aasaaskiisu  
waxa weeye xaq iyo  
caddaalad,  
Oo naxariista iyo runtuna way  
ku hor socdaan.
- <sup>15</sup> Waxaa barakaysan dadka  
yaqaan dhawaaqa  
farxadda leh,  
Rabbiyow, waxay ku socdaan  
wejigaaga iftiinkiisa,
- <sup>16</sup> Maalinta oo dhan waxay ku  
reyreeyaan magacaaga,  
Oo waxay ku sara marayaan  
xaqnimadaada.
- <sup>17</sup> Waayo, waxaad tahay  
ammaantii xooggooda,  
Oo raallinimadaada  
daraaddeed ayaa  
geeskayaga kor loogu  
sarraysiin doonaa.
- <sup>18</sup> Waayo, gaashaankayaga  
waxaa iska leh Rabbiga,  
Oo boqorkayagana waxaa iska  
leh Kan quduuska ah oo  
reer binu Israa'iil.
- <sup>19</sup> Markaas quduusiintaada  
waxaad kula hadashay  
muuqasho,  
Oo waxaad ku tidhi, Wuxaan  
caawimaad kor saaray  
mid xoog badan,  
Oo waxaan sarraysiiyey mid  
dadka laga doortay.
- <sup>20</sup> Wuxaan helay addoonkaygii  
Daa'uud ahaa,  
Oo waxaan ku subkay  
saliiddaypii quduuska  
ahayd,

- <sup>21</sup> Oo gacantaydu isagay la jiri  
doontaa,  
Dhudhunkayguna isaguu  
xoogayn doonaa.
- <sup>22</sup> Cadowgu ma dulmi doono,  
Wiilka sharnimaduna ma dhibi  
doono.
- <sup>23</sup> Oo cadaawayaaashiisa  
hortisaan ku wada  
burburin doonaa,  
Oo kuwa isaga necebna waan  
layn doonaa.
- <sup>24</sup> Laakiinse aaminnimadayda  
iyo naxariistaydu isagay  
la jiri doonaan,  
Oo geeskiisana waxaa lagu  
sarraysiin doonaa  
magacayga.
- <sup>25</sup> Oo weliba gacantiisa waxaan  
ka sarraysiin doonaa  
badda,  
Midigtisana webiyaasha.
- <sup>26</sup> Aniguu ii qayshan doonaa, oo  
wuxuu odhan doonaa,  
Adigu waxaad tahay  
aabbahay,  
Iyo Ilaahay, iyo dhagaxii weynaa  
oo badbaadadayda.
- <sup>27</sup> Oo weliba waxaan isaga  
ka dhigi doonaa  
curadkayga,  
Oo wuxuu ahaan doonaa  
boqorrada dunida kan  
ugu wada sarreeya.
- <sup>28</sup> Weligayba waxaan isaga  
u hayn doonaa  
naxariistayda,  
Oo axdigaygunaa isaguu ku sii  
adkaan doona.

- <sup>29</sup> Oo weliba farcankiisana  
waxaan ka dhigi doonaa  
mid weligiis waara,  
Carshigiisana sida wakhtiga  
samada.
- <sup>30</sup> Carruurtiisu hadday  
sharcigayga ka tagaan,  
Oo aanay ku socon  
xukummadayda,
- <sup>31</sup> Hadday qaynuunnadayda  
jebiyaan,  
Oo aanay amarradayda  
dhawrin,
- <sup>32</sup> Markaas xadgudubkooda  
waxaan kaga abaalmarin  
doonaa ul,  
Xumaantoodana jeedal.
- <sup>33</sup> Laakiinse naxariistayda oo  
dhan kama wada qaadi  
doono,  
Aaminnimadayduna inay isaga  
gabto uma oggolaan  
doono.
- <sup>34</sup> Axdigayga ma jebin doono,  
Oo wixii afkayga ka soo baxayna  
ma beddeli doono.
- <sup>35</sup> Mar baan waxaan  
ku dhaartay  
quduusnimadayda,  
Oo Daa'udd been uma sheegi  
doono,
- <sup>36</sup> Farcankiisu weligiisuu waari  
doonaa,  
Carshigiisuna wuxuu u waari  
doonaa sida qorraxda  
hortayda ka ifaysa.
- <sup>37</sup> Oo wuxuu weligiisba u sii jiri  
doonaa sida dayaxa,

- Iyo sida markhaatiga daacadda  
ah oo cirka jooga.  
(Selaah)
- <sup>38</sup> Laakiinse adigu waad xoortay  
oo waad nacday,  
Oo waxaad u cadhootay kaaga  
subkan.
- <sup>39</sup> Axdigii addoonkaaga waad  
nacday,  
Oo taajkiisiina waad  
nijaasaysay oo dhulka ku  
tuurtay.
- <sup>40</sup> Deyrarkiisii oo dhan waad  
dumisay,  
Oo qalcadihiisii oo dhanna  
waad burburisay.
- <sup>41</sup> Wax alla wixii jidka soo  
mara oo dhanba isagay  
dhacaan,  
Oo derisyadiisana wuxuu u  
noqday cay.
- <sup>42</sup> Wuxaad kor u qaadday  
midigtii kuwii dulmayay,  
Cadaawayashaasiisii oo dhanna  
waad ka farxisay.
- <sup>43</sup> Oo weliba afka seeftiisana  
dib baad u celisaa,  
Isagiina kama aad dhigin inuu  
dagaalka ku sii adkaysto.
- <sup>44</sup> Iftiinkiisii waad demisay,  
Carshigiisiina dhulkaad ku  
tuurtay.
- <sup>45</sup> Cimrigii dhallinyarananimadiisii  
waad soo gaabisay,  
Oo waxaad isagii ka muujisay  
ceeb. (Selaah)
- <sup>46</sup> Rabbiyow, ilaa goormaad  
isqarin doontaa? Ma  
weligaa baa?

Oo ilaa goormay cadhadaadu  
sida dab u ololi doontaa?

<sup>47</sup> Bal xusuuso sida wakhtigaygu  
u gaaban yahay,

Waayo, sidaad binu-aadmiga  
oo dhan u abuurtay  
micnedarnaa!

<sup>48</sup> Bal waa ninkee kan iska  
noolaan doona isagoo  
aan dhimasho arkin,

Oo naftisa ka samatabbixin  
doona xoogga She'ool?  
(Selaah)

<sup>49</sup> Sayidow, meeday  
naxariistaadii hore,

Oo aad Daa'uud  
aaminnimadaada  
ugu dhaaratay?

<sup>50</sup> Sayidow, bal soo xusuuso  
cayda addoommadaada,

Iyo sida aan laabta ugu sido  
cayda dadka badan oo  
dhan,

<sup>51</sup> Rabbiyow, waana tii ay  
cadaawayashaadu igu  
caayeen,

Oo waa tii ay ku caayeen  
tallaabooyinka kaaga  
subkan.

<sup>52</sup> Mahad waxaa leh Rabbiga  
tan iyo weligiisba.  
Aamiin, iyo aamiin.

**Kitaabka Afraad***Sabuurrada 90-106**Kanu waa baryootankii  
Muuse oo ahaa ninkii Ilaah.*

**90** <sup>1</sup> Rabbiyow, tan iyo ka ab  
ka ab  
Adigu waxaad noo ahayd  
meesha aannu  
degganaanno.

<sup>2</sup> Intaan buuruhu dhalan ka hor,  
Iyo intaanad samayn dhulka iyo  
dunida,  
Iyo xataa weligeed iyo  
weligeedba adigu  
waxaad tahay Ilaah.

<sup>3</sup> Dadka waxaad ku soo celisaa  
baabba',  
Oo waxaad ku tidhaahdaa,  
Noqda, binu-aadmigow.

<sup>4</sup> Waayo, kun sannadood waxay  
hortaada ku yihiin  
Sida shalay oo kale markay  
dhammaadaan.

Oo waxay la mid yihiin sida  
wakhti la soo jeedo oo  
habeennimo.

<sup>5</sup> Waxaad iyaga u qaaddaa sida  
daadku wax u qaado, oo  
iyagu waxa weeye sida  
hurdo oo kale,  
Oo subaxdana waxay u baxaan  
sida doog oo kale.

<sup>6</sup> Subaxda way cagaaraan,  
wayna soo baxaan,  
Oo fiidkana waa la jaraa, wayna  
engegaan.

- <sup>7</sup> Waayo, annagu cadhadaadii  
baannu ku baabba'nay,  
Oo waxaan ku dhibtoonnay  
xanaaqaagii.
- <sup>8</sup> Xumaatooyinkayagii waxaad  
dhigtay hortaada,  
Oo dembiyadayadii  
qarsoonaana waxaad  
dhigtay iftiinka  
wejigaaga.
- <sup>9</sup> Waayo, maalmahayagii oo  
dhammu waxay nagu  
dhaafeen cadhadaada,  
Oo cimrigayagiina wuxuu  
u dhammaaday sidii  
sheeko la sheegay.
- <sup>10</sup> Waayo, wakhtiga  
cimrigayagu waxa  
weeye toddobaatan  
sannadood,
- Oo xataa hadduu xoog aawadiis  
ku sii dheeraado waa  
siddeetan sannadood,
- Laakiinse faankiisu waa hawl  
iyo caloolxumo miidhan,
- Waayo, haddiiba wuu iska  
dhammaadaa, oo  
annana waannu  
duulnaa.
- <sup>11</sup> Bal yaa yaqaan cadhadaada  
xooggeeda,
- Iyo xanaaqaaga kaas oo  
waafaqsan cabsida  
kugu habboon in lagaa  
cabsado?
- <sup>12</sup> Haddaba na bar inaannu  
tirinno maalmaha  
cimrigayaga,

- Si aannu u helno qalbi xigmad  
leh.
- <sup>13</sup> Rabbiyow, soo noqo,  
ilaa goormaad soo  
noqonaysaa?
- Oo raalli ka ahow  
addoommadaada.
- <sup>14</sup> Aroorta naxariistaada naga  
dhergi,
- Si aannu u rayrayno oo aannu u  
faraxsanaano maalmaha  
cimrigayaga oo dhan.
- <sup>15</sup> Nooga farxi intii ay ahaayeen  
maalmihii aad na  
dhibtay,  
Iyo sannadihii aan sharka  
aragnay in le'eg.
- <sup>16</sup> Shuqulkaagu ha u muuqdo  
addoommadaada,
- Ammaantaaduna  
carruurtooda.
- <sup>17</sup> Oo Rabbiga Ilaahayaga ah  
nicmadiisu ha na dul  
joogto,
- Oo korkayaga ku adkee  
shuqulka gacmahayaga,
- Haah, shuqulka gacmahayaga  
adkee.

- 91** <sup>1</sup> Kan dega Ilaaha ugu  
sarreeya meeshiisa  
qarsoon
- Wuxuu joogi doonaa hooska  
Qaadirkha.
- <sup>2</sup> Wuxuu joogi doonaa hooska  
Qaadirkha.
- Isagu waa magangalkayga iyo  
qalcaddayda

Oo waa llaahayga aan isku  
halleeyo.

<sup>3</sup> Waayo, wuxuu kaa  
samatabbixin doonaa  
dabinka ugaadhsadaha,  
Iyo belaayada aad u xun.

<sup>4</sup> Oo wuxuu kugu dedi doonaa  
baalashiisa,  
Oo waxaad magangeli doontaa  
baadadkiisa,  
Runtiisuna waxay tahay  
gaashaan iyo gabbaad.

<sup>5</sup> Waa inaanad ka  
cabsan naxdinta  
habeennimada,  
Iyo fallaadha dharaarnimada  
duulaysa toona,

<sup>6</sup> Ama belaayada gudcurka ku  
socota,  
Iyo halligaadda duhurka wax  
baabbi'isa.

<sup>7</sup> Dhinacaaga waxaa ku dhici  
doona kun,  
Midigtaadana waxaa ku ag  
dhici doona toban kun,  
Innabase kuuma soo dhowaan  
doonto.

<sup>8</sup> Laakiinse indhaha uun baad  
ku fiirin doontaa,  
Oo waxaad arki doontaa  
kuwa sharka leh  
abaalgudkooda.

<sup>9</sup> Waayo, waxaad tidhi, Rabbigu  
waa magangalkayga,  
Oo Kan ugu sarreeya ayaa  
degmadayda ah.

<sup>10</sup> Shar kuguma dhici doono,

Belaayona teendhadaada uma  
soo dhowaan doonto.

<sup>11</sup> Waayo, isagu wuxuu  
malaa'ighiisa ku amri  
doonaa  
Inay jidadkaaga oo dhan kugu  
ilaaliyaan.

<sup>12</sup> Oo iyaguna gacmahooday  
sare kuugu qaban  
doonaan  
Inaanay cagtaadu dhagax ku  
dhicin.

<sup>13</sup> Libaaxa iyo jilbiska ayaad ku  
joogsan doontaa,  
Oo waxaad ku tuman doontaa  
aaran libaax iyo  
abeesada.

<sup>14</sup> Rabbigu wuxuu yidhi, Isagu  
aad buu ii jeclaaday,  
oo sidaas daraaddeed  
ayaan u samatabbixin  
doonaa,  
Meel sare ayaan ku fadhiisin  
doonaa, maxaa yeelay,  
magacayguu yiqaan.

<sup>15</sup> Wuu i baryi doonaa, oo waan  
u jawaabi doonaa,  
Oo markuu dhibaataysan  
yahay, waan la jiri  
doonaa,  
Oo waan samatabbixin doonaa,  
waanan murwayn  
doonaa.

<sup>16</sup> Cimri dheer ayaan ka dhergin  
doonaa,  
Oo waxaan tusi doonaa  
badbaadintayda.

*Kanu waa sabuur gabay ah oo  
loo tiriyey maalinta Sabtida.*

- 92** <sup>1</sup> Waa wanaagsan  
tahay in Rabbiga  
lagu mahadnaqo,  
Iyo in magacaaga ammaan  
loogu gabyo, Ilaaha ugu  
sarreeyow,  
<sup>2</sup> Iyo in raxmaddaada aroorta la  
muujiyo,  
Habeen kastana  
aaminnimadaada,  
<sup>3</sup> Iyo in loogu heeso alaabta  
muusikada oo tobanka  
xadhig leh, iyo  
shareeradda,  
Iyo dhawaaqa kataaradda.  
<sup>4</sup> Waayo, Rabbiyow, waxaad  
igaga farxisay  
shuqulkaagii,  
Oo shuqullada gacmahaagana  
waan ku guulaysan  
doonaa.  
<sup>5</sup> Rabbiyow, shuqulladaadu  
waaweynaa!  
Oo fikirradaaduna aad bay u  
mool dheer yihiin.  
<sup>6</sup> Doqonku taas ma yaqaan,  
Kii nacas ahuna ma garan karo.  
<sup>7</sup> Kuwa sharka lahu markii ay  
sida doog u soo baxaan,  
Iyo markii xumaanfalayaasha  
oo dhammu ay  
barwaaqoobaan,  
Waa in weligoodba la  
baabbi'iyo,

- <sup>8</sup> Laakiinse Rabbiyow, adigu  
waad sarrayasa weligaa  
iyo weligaaba.  
<sup>9</sup> Waayo, Rabbiyow, bal eeg  
cadaawayashaada,  
Bal eeg, cadaawayashaadu  
way wada baabbi'i  
doonaane,  
Oo xumaanfalayaasha oo  
dhammuna way kala  
firidhsanaan doonaan.  
<sup>10</sup> Laakiinse geeskayga waxaad  
u sarrayisay sida  
geeska gisiga  
Oo waxaa laygu subkay saliid  
cusub.  
<sup>11</sup> Indhahayguna waxay  
arkeen wixii aan  
cadaawayashaayda la  
jeclaa,  
Oo dhegahayguna waxay  
maqleen wixii aan la  
jeclaa sharfalayaasha  
igu kaca.  
<sup>12</sup> Kii xaq ahu wuxuu u  
barwaaqoobi doonaa  
sida geed timireed,  
Oo wuxuu u bixi doonaa sida  
geed kedar la yidhaahdo  
oo Lubnaan.  
<sup>13</sup> Kuwa guriga Rabbiga lagu  
dhex beeray  
Waxay ku barwaaqoobi  
doonaan barxadaha  
Ilaahayaga.  
<sup>14</sup> Oo weliba midho bay  
dhali doonaan iyagoo  
gaboobay,

Oo waxaa ka buuxi doona  
muud, wayna cagaari  
doonaan,  
<sup>15</sup> Si ay u muujiyaan in Rabbigu  
qumman yahay,  
Isagu waa dhagaxayga  
gabbaadka ah, oo  
xaqdarro kuma jirto.

**93** <sup>1</sup> Rabbigaa taliya, oo  
wuxuu huwan yahay  
haybad,  
Rabbigu waa huwan yahay, oo  
wuxuu dhexda ku xidhay  
xoog,  
Duniduna waxay u dhisan tahay  
si aan la dhaqaajin karin.  
<sup>2</sup> Carshigaagu wuxuu dhismay  
waa hore,  
Oo adiguna waxaad jirtay tan  
iyo weligaa.  
<sup>3</sup> Rabbiyow, webiyadii kor bay u  
kaceen,  
Webiyadii codkooday kor u  
qaadeen,  
Oo webiyadii waxay kor u  
qaadeen hirarkoodii.  
<sup>4</sup> Biyaha badan codkooda,  
Iyo mawjadaha badda oo  
waaweynba  
Waxaa ka sii xoog badan  
Rabbiga sare.  
<sup>5</sup> Rabbiyow, markhaatifurkaagu  
waa hubaal,  
Oo weligaaba waxaa  
gurigaaga ku habboon  
quduusnimo.

**94** <sup>1</sup> Rabbiyow, Ilaaha  
aargudashada lahow,  
Ilaaha aargudashada lahow,  
soo iftiin.  
<sup>2</sup> Xaakinka dunidow, sara  
joogso,  
Oo kuwa kibray abaalkooda  
mari.  
<sup>3</sup> Rabbiyow, kuwa sharka lahu  
ilaa goormay,  
Kuwa sharka lahu ilaa goormay  
guulaysanayaan?  
<sup>4</sup> Way bulxamaan, oo kibir bay  
ku hadlaan,  
Oo xumaanfalayaasha oo  
dhammu way faanaan.  
<sup>5</sup> Rabbiyow, iyagu waxay  
burburiyaan dadkaaga,  
Oo dhaxalkaagay silciyaan.  
<sup>6</sup> Carmalka iyo shisheeyaha  
ayay laayaan,  
Oo agoontay nafta ka qaadaan.  
<sup>7</sup> Oo waxay isyidhaahdaan,  
Waxan Rabbigu ma arki  
doono,  
Oo Ilaaha reer Yacquubna kama  
fikiri doono.  
<sup>8</sup> Kuwiinna doqonnada ah oo  
dadka ku dhex jirow,  
fiirsada,  
Oo kuwiinna nacasyada  
ahow, goormaad caqli  
yeelanaysaan?  
<sup>9</sup> Kii dhegta abuuray, sow wax  
maqli maayo?  
Kii isha sameeyeyna, sow wax  
arki maayo?

- <sup>10</sup> Kan quruumaha edbiyaa,  
sow wax hagaajin  
maayo?
- Kaasoo ah kan dadka aqoonta  
bara?
- <sup>11</sup> Rabbigu waa og yahay  
fikirrada binu-aadmigu  
Inay micnela'aan yihiin.
- <sup>12</sup> Rabbiyow, waxaa barakaysan  
ninkii aad edbiso,  
Oo aad sharcigaaga wax ka  
barto,
- <sup>13</sup> Si aad uga nasiso maalmaha  
belaayada
- Inta kan sharka lahaa godka loo  
qodayo.
- <sup>14</sup> Waayo, Rabbigu dadkiisa  
xoori maayo,  
Oo dhaxalkiisana dayrin maayo.
- <sup>15</sup> Waayo, garsooriddu waxay  
ku soo noqon doontaa  
xaqnimada,
- Oo inta qalbigoodu qumman  
yahay oo dhammuna  
way raaci doonaan.
- <sup>16</sup> Bal yaa ii kacaya oo  
sharfalayaasha iga  
hor joogsanaya?
- Oo yaa ii soo istaagaya oo  
xumaanfalayaasha iga  
celinaya?
- <sup>17</sup> Rabbigu haddaanu i caawin,  
Hadda naftaydu waxay  
joogi lahayd meesha  
aamusnaanta.
- <sup>18</sup> Markaan idhi, Rabbiyow,  
cagtaydu waa  
simbiriirixanaxaa,

- Waxaa kor ii qaadday  
naxariistaada.
- <sup>19</sup> Kolkay fikirro badan igu dhex  
jiraan
- Waxaa naftayda ka farxiya  
qalbiqaboojintaada.
- <sup>20</sup> Carshiga sharnimadu ma  
xidhiidh buu kula  
yeelanayaa,
- Kaasoo belaayo qaynuun ku  
qabanqaabiya?
- <sup>21</sup> Waxay dhammaantood isu  
soo wada urursadaan  
kan xaqa ah naftiisa,  
Oo waxay xukumaan dhiig aan  
eed lahayn.
- <sup>22</sup> Laakiinse Rabbigu waxa  
weeye munaaraddayda,  
Ilaahayna waa dhagaxii  
magangalkayga.
- <sup>23</sup> Oo wuxuu dushooda ku soo  
celiyey xumaatadoodii,  
Oo wuxuu iyaga ku dhex  
baabbi'in doonaa  
sharnimadooda,  
Rabbiga Ilaaheenna ahu wuu  
wada baabbi'in doonaa.
- 95** <sup>1</sup> Kaalaya, aynu Rabbiga u  
gabaynee,  
Oo aynu farxad ugu  
qaylinno dhagaxa  
badbaadadeenna.
- <sup>2</sup> Aynu hortiisa la nimaadno  
mahadnaq,  
Oo aynu isaga farxad ugu  
qaylinno innagoo  
sabuurro ugu gabyayna.

- <sup>3</sup> Waayo, Rabbigu waa Ilaah  
weyn,  
Waana boqor weyn oo  
ilaahyada oo dhan ka  
wada sarreeya.
- <sup>4</sup> Dhulka meelihiisa ugu mool  
dheeru gacantiisay ku  
jiraan,  
Oo buuraha dheeraantoodana  
isagaa iska leh.
- <sup>5</sup> Baddana isagaa iska leh, oo  
isagaa sameeyey,  
Oo dhulka engeganna isagaa  
gacmihiisa ku sameeyey.
- <sup>6</sup> Haddaba kaalaya aynu  
isaga caabudnee oo u  
sujuudnee,  
Oo Rabbiga ina abuuray  
aan hortiisa ku jilba  
joogsanno,
- <sup>7</sup> Waayo, isagu waa Ilaaheen,  
Oo innaguna waxaynu nahay  
dadkii daaqsintiisa, iyo  
idaha gacantiisa ku jira.  
Bal maanta maad codkiisa  
maqashaan!
- <sup>8</sup> Qalbiginna ha adkaynina,  
sidii markii Meriibaah la  
joogay,  
Iyo sidii maalintii la joogay  
Masaah oo cidlada ku  
dhex taal,
- <sup>9</sup> Markay awowayaashiin i  
jirrabeen,  
Oo ay i tijaabiyeen, oo ay  
shuqulkaygii arkeen.
- <sup>10</sup> Dadkii qarnigaas afartan  
sannadood waan u  
cadhaysnaa,

Oo waxaan idhi, Waa dad  
qalbigooda ka qaldama,  
Oo iyagu ma ay aqoon  
jidatkaygii,  
<sup>11</sup> Sidaas daraaddeed anigoo  
cadhaysan waxaan ku  
dhaartay  
Inaanay nasashadayda gelin.

- 96** <sup>1</sup> Rabbiga gabay cusub ugu  
gabya,  
Dadka dhulka oo dhammow,  
Rabbiga u gabya.
- <sup>2</sup> Rabbiga u gabya, oo magiciisa  
ammaana,  
Oo badbaadintisana muujiya  
maalin ka maalin.
- <sup>3</sup> Ammaantiisa quruumaha  
dheddooda ka sheega,  
Oo shuqulkiisa yaabka badanna  
dadyowga oo dhan ka  
dhex sheega.
- <sup>4</sup> Waayo, Rabbigu waa weyn  
yahay, waana mudan  
yahay in aad loo  
ammaano.  
Isaga waa in laga cabsadaa in  
ka sii badan ilaahyada  
oo dhan.
- <sup>5</sup> Waayo, dadyowga  
ilaahyadooda oo  
dhammu waa sanamyo,  
Laakiinse Rabbigu isagaa  
sameeyey samooyinka.
- <sup>6</sup> Sharaf iyo haybaduba  
hortiisay yaalliiin,  
Xoog iyo quruxuna meeshiisa  
quduuska ah ayay ku  
jiraan.

7 Dadka qolooyinkiisow,  
     Rabbiga ammaana,  
 Waxaad Rabbiga ka sheegtaan  
     ammaan iyo xoog.  
 8 Waaad Rabbiga ka sheegtaan  
     ammaanta magiciisu  
     mudan yahay,  
 Qurbaan keena, oo barxadihiisa  
     soo gala.  
 9 Rabbiga ku caabuda quruxda  
     quduusnimada,  
 Dadka dhulka oo dhammow,  
     hortiisa ku gariira.  
 10 Quruumaha dhexdooda  
     waxaad ka tidhaahdaan,  
     Rabbigaa taliya,  
 Oo duniduna waxay u dhisan  
     tahay si aan la dhaqaajin  
     karin,  
 Dadyowgana wuxuu ugu  
     garsoori doonaa  
     caddaalad.  
 11 Haddaba samooyinku ha  
     farxeen, dhulkuna ha  
     reyreeyo,  
 Oo badda iyo waxa ka  
     buuxaaba, ha guuxeen,  
 12 Berriga iyo waxa ku jira oo  
     dhammuna ha farxeen,  
 Oo markaasay dhirta duurka  
     oo dhammu Rabbiga  
     hortiisa ku gabiy  
     doonaan farxad  
     daraaddeed,  
 13 Waayo, isagu waa imanaya,  
 Oo wuxuu u imanaya inuu  
     dunida xukumo.  
 Isagu wuxuu dunida ku xukumi  
     doonaa xaqnimo,

Dadyowgana runtiisa.

**97** <sup>1</sup> Rabbigu isagaa taliya,  
     haddaba dhulku ha  
     reyreeyo,  
 Oo gasiiradaha badanuna ha  
     wada farxeen.  
<sup>2</sup> Isaga waxaa ku wareegsan  
     daruuro iyo gudcur,  
 Oo carshigiisana waxaa aasaas  
     u ah xaqnimo iyo  
     garsoorid.  
<sup>3</sup> Waxaa hortiisa socda dab,  
 Oo wuxuu wada gubaa  
     cadaawayaaashiisa ku  
     wareegsan.  
<sup>4</sup> Hillaaciisii ayaa dunida  
     iftiimiyyey,  
 Dhulkuna wuu arkay, wuuna  
     gariiray.  
<sup>5</sup> Buurihi waxay Rabbiga  
     hortiisa ugu dhalaaleen  
     sidii shamac oo kale,  
 Iyagoo hor jooga Sayidka  
     dhulka oo dhan.  
<sup>6</sup> Samooyinku waxay sheegaan  
     xaqnimadiisa,  
 Oo dadyowga oo dhammuna  
     waxay arkaan  
     ammaantiisa.  
<sup>7</sup> Kuwa sanamyada la qoray u  
     adeega  
 Iyo weliba kuwa sanamyada ku  
     faana oo dhammu ha  
     ceebobbeen,  
 Ilaaheyada oo dhammow, isaga  
     caabuda.

- <sup>8</sup> Rabbiyow, Siyoon way  
maqashay, wayna  
faraxday,  
Oo gabdhiihiir reer Yahuudahna  
waxay ku reyreeyeen  
garsooriddaadii.  
<sup>9</sup> Waayo, Rabbiyow, adigu waad  
ka sarrayasa dhulka oo  
dhan,  
Oo aad baa lagaaga sarraysiiyey  
ilaahyada oo dhan.  
<sup>10</sup> Kuwiinna Rabbiga jeclow,  
sharka nebcadaa,  
Isagu wuxuu dhawraa nafaha  
quduusiintisa,  
Oo wuxuu iyaga ka  
samatabbixiyaa gacanta  
kuwa sharka leh.  
<sup>11</sup> Waxaa kuwa xaqa ah loo  
beeray iftiin,  
Kuwa qalbigoodu qumman  
yahayna, farxad.  
<sup>12</sup> Kuwiinna xaqa ahow,  
Rabbiga ku farxa,  
Oo magiciisa quduuska ah ku  
mahadnaqa.

### Sabuur

- 98** <sup>1</sup> Rabbiga gabay cusub ugu  
gabya,  
Waayo, isagu wuxuu sameeyey  
waxyalo yaab badan,  
Gacantiisa midig iyo  
dhudhunkiisa quduuska  
ahuna waxay keeneen  
badbaado.  
<sup>2</sup> Rabbigu wuxuu  
dadka ogeysiyyey  
badbaadadiisii,

- Oo xaqnimadiisiina wuxuu  
bayaan ugu muujiyey  
quruumaha hortooda.  
<sup>3</sup> Oo wuxuu soo xusuustay  
naxariistiisi iyo  
aamin nimadiisi uu  
u qabay reerka binu  
Israa'iil,  
Dadka dhulka darfihiiisa jooga  
oo dhammu way wada  
arkeen badbaadinta  
Ilaaheenna.  
<sup>4</sup> Inta dhulka joogta oo  
dhammay, Rabbiga  
farxad ugu qayliya,  
Dhawaqa, oo farxad ku gabya,  
oo ammaan ku gabya.  
<sup>5</sup> Rabbiga ammaan ugu gabya  
idinkoo kataarad haysta,  
Kataarad iyo codka heeska ugu  
gabya.  
<sup>6</sup> Boqorka Rabbiga ah hortiisa  
farxad kaga dhawaajiya  
Turumbooyin iyo buunan.  
<sup>7</sup> Badda iyo waxa ka buuxaaba  
ha guuxeen,  
Dunida iyo kuwa dhex deggan  
oo dhammuna ha  
dhawaaqueen,  
<sup>8</sup> Webiyadu ha sacbiyeen,  
Oo buuruhuna dhammaantood  
farxad ha kaga gabyeen  
Rabbiga hortiisa,  
<sup>9</sup> Waayo, isagu wuxuu u  
imanayaa inuu dhulka  
xukumo,  
Wuxuu dunida ku xukumi  
doonaa xaqnimo,  
Dadyowgana caddaalad.

- 99** <sup>1</sup> Rabbigu isagaa taliya,  
dadyowgu ha gariireen,  
Isagu wuxuu ku fadhiyaa  
keruubiimta, dhulku ha  
dhaqdhaqaao.
- <sup>2</sup> Rabbigu Siyoon dhexdeeda  
waa ku weyn yahay,  
Oo dadyowga oo dhanna wuu  
ka wada sarreeyaa.
- <sup>3</sup> Iyagu ha ammaaneen  
magacaaga weyn oo laga  
cabsado,  
Isagu waa quduus.
- <sup>4</sup> Oo weliba boqorka xooggiisu  
wuxuu jecel yahay  
garsoorid,  
Caddaalad baad adkaysaa,  
Garsoorid iyo xaqnimo baad u  
samaysaa reer Yacquub.
- <sup>5</sup> Rabbiga Ilaheenna ah  
sarraysiyi,  
Oo meeshuu cagaha saartona  
ku sujuuda,  
Isagu waa quduus.
- <sup>6</sup> Muuse iyo Haaruun waxay  
ka mid ahaayeen  
wadaaddadiisa,  
Samuu'eelna wuxuu ka mid  
ahaa kuwa magiciisa u  
yeedha,  
Iyagu waxay baryeen Rabbiga,  
oo isna wuu u jawaabay.
- <sup>7</sup> Wuxuu iyaggi kala dhex hadlay  
tiirkii daruurta ahaa,  
Iyana waxay xajiyeen  
markhaatifulkiisii  
iyo qaynuunkii uu iyaga  
siiyey.

<sup>8</sup> Rabbiyow Ilaahayagiyyow,  
waad u jawaabtay,  
Oo waxaad ahayd Ilaah iyaga  
cafiyey,  
In kastoo aad falimahoodii ka  
aargoosatay.

<sup>9</sup> Rabbiga Ilaheenna ah  
sarraysiyi,  
Oo isaga ku caabuda buurtiisa  
quduuska ah,  
Waayo, Rabbiga Ilaheenna  
ahu waa quduus.

*Kanu waa sabuur  
mahadnaqid ah.*

- 100** <sup>1</sup> Inta dhulka deggan  
oo dhammay, Rabbiga  
farxad ugu qayliya.
- <sup>2</sup> Rabbiga farxad ugu adeega,  
Oo hortiisa gabay la kaalaya.
- <sup>3</sup> Ogaada in Rabbigu Ilaah  
yahay,  
Waxaa ina sameeyey isaga, oo  
waxaynu nahay kuwiisii,  
Waxaynu nahay dadkiisii iyo  
idihii daaqsintiisa.
- <sup>4</sup> Irdihiisa mahadnaqid la gala,  
Barxadihiisana ammaan.  
Isaga u mahadnaqa, oo  
magiciisa ammaana.
- <sup>5</sup> Waayo, Rabbigu waa  
wanaagsan yahay,  
naxariistiisuna weligeed  
way sii waartaa,  
Aaminnimadiisuna tan iyo ka  
ab ka ab.

*Kanu waa sabuur Daa'uud tiriyey.*

- 101** <sup>1</sup>Waxaan ka gabyi doonaa naxariis iyo garsoorid,  
Rabbiyow, waxaan kuugu gabyi doonaa ammaan.  
<sup>2</sup>Oo waxaan u dhawrsan doonaa si qumman oo caqliya,  
Bal goormaad ii iman doontaa?  
Waxaan gurigayga ku dhex socon doonaa qalbi qumman.  
<sup>3</sup>Indhahayga hortooda wax xun ma dhigi doono,  
Waan necbahay kuwa leexda shuqulkooda,  
Oo innaba iguma dhegi doono.  
<sup>4</sup>Qalbi qalloocanu wuu iga fogaan doonaa,  
Oo innaba wax shar ah ma aqoon doono.  
<sup>5</sup>Kii qarsoodi u xanta deriskiisa, kaas waan baabbi'in doonaa,  
Kii isla madax weyn oo qalbigisu kibirsan yahayna uma dulqaadan doono.  
<sup>6</sup>Indhahaygu waxay la jiri doonaan kuwa aamiinka ah oo dalka deggan, si ay iila joogaan aawadeed,  
Kii si qumman u socda ayaa ii adeegi doona.  
<sup>7</sup>Kii khiyaano ka shaqeeyaase gurigayga ma joogi doono,

Kii been ku hadlaana hortayda kuma xoogaysan doono.  
<sup>8</sup>Subax ilaa ka subax ayaan wada baabbi'in doonaa kuwa sharka leh oo dalka deggan oo dhan,  
Si aan magaalada Rabbiga uga baabbi'yo kuwa xumaanta ka shaqeeya oo dhan.

*Kanu waa mid dhibaataysan baryootankiis markuu taag darnando, oo uu Rabbiga u cawdo.*

- 102** <sup>1</sup>Rabbiyow, baryootankayga maqal,  
Qayladayduna ha ku soo gaadho.  
<sup>2</sup>Wejigaaga ha iga qarin maalinta aan dhibaataysnahay,  
Dhegta ii dhig,  
Oo maalinta aan ku baryo, dhaqso iigu soo jawaab.  
<sup>3</sup>Waayo, maalmahaygu waxay u dhammaadaan sida qiiq oo kale,  
Oo lafahayguna waxay u gubtaan sida qori ololaya oo kale.  
<sup>4</sup>Wadnahayga wax baa lagu dhuftay, sida caws oo kalena wuu engegay,  
Waayo, waan iska illoobaa inaan kibistayda cuno.  
<sup>5</sup>Codkii taahiddayda daraaddiis

Ayaa lafahaygu jidhkayga ku  
dhegaan.

<sup>6</sup> Anigu waxaan la mid ahay  
haad cantalyaa ah oo  
cidlada joogta,  
Oo waxaan la mid noqday  
haad guumays ah oo  
lamadegaanka dhex  
joogta.

<sup>7</sup> Waan soo jeedaa, oo waxaan  
noqday

Sidii shimbir yar oo keligeed  
guri dhaladiis saaran.

<sup>8</sup> Maalinta oo dhan  
cadaawayaaashaydu  
way i caayaan,

Oo kuwa ii cadhaysanuna  
magacaygay ku  
caytamaan.

<sup>9</sup> Waayo, dambas baan u cunay  
sidii kibis oo kale,

Oo cabniinkaygiina waxaan ku  
darsaday ilmadaydii.

<sup>10</sup> Sababtuna waa dhirifkaagii  
iyo cadhadaadii  
aawadood,

Waayo, kor baad ii qaadday,  
dabadeedna waad i  
xoortay.

<sup>11</sup> Cimrigaygu waa sida hoos sii  
libdhaya,

Oo waxaan u engegay sida  
caws oo kale.

<sup>12</sup> Laakiinse Rabbiyow, adigu  
weligaaba waad sii jiri  
doontaa,

Oo waa lagu sii xusuusan  
doonaa ka ab ka ab.

<sup>13</sup> Waad sara joogsan doontaa,  
oo Siyoon baad u  
naxariisan doontaa,  
Waayo, waa wakhtiga iyada  
loo jixinjixo, haah, oo  
wakhtigii la ballamay  
waa yimid.

<sup>14</sup> Waayo, addoommadaadu  
waxay u bogaan  
dhagaxyadeeda,  
Oo waxay u jixinjixaan  
ciiddeeda.

<sup>15</sup> Haddaba quruumuhu waxay  
ka cabsan doonaan  
magaca Rabbiga,  
Boqorrada dunida  
oo dhammuna  
ammaantaada,

<sup>16</sup> Waayo, Rabbigu wuxuu  
dhisay Siyoon,  
Oo wuxuu ka dhex muuqday  
ammaantiisii,

<sup>17</sup> Wuxuu u fiirsaday kuwa dan  
daraysan tukashadoodii,  
Oo baryadoodiina ma uu  
quudhsan.

<sup>18</sup> Tan waxaa loo qori doonaa  
farcanka soo socda,  
Oo dad la abuuri doono ayaa  
Rabbiga ammaani  
doona.

<sup>19</sup> Waayo, isagu wuxuu wax ka  
soo fiirihey meeshiisa  
sare oo quduuska ah,  
Rabbigu dhulkuu ka soo eegay  
samada,

<sup>20</sup> Inuu maqlo taaha  
maxbuuska,

Iyo inuu sii daayo kuwa dilka  
lagu xukumay,  
<sup>21</sup> Si dadku magaca Rabbiga  
uga sheego Siyoon  
dhexdeeda,  
Ammaantiisana Yeruusaalem  
dhexdeeda,  
<sup>22</sup> Markii dadyowgu isu soo  
wada ururaan,  
Iyo xataa boqortooyooyinkuba,  
inay Rabbiga u adeegaan  
aawadeed.  
<sup>23</sup> Isagu xooggayguu ku dhex  
dhimay jidka,  
Oo cimrigaygiina wuu gaabiyey.  
<sup>24</sup> Anigu waxaan idhi,  
Ilaahayow, ha i sii  
qaadin cimrigayga oo  
badh ah,  
Sannadahaagu waxay sii  
waaraan tan iyo ka ab ka  
ab.  
<sup>25</sup> Waa hore ayaad aasaaska  
dhulka dhigtag,  
Samooyinkuna waa shuulkii  
gacmahaaga.  
<sup>26</sup> Iyagu way baabbi'i doonaan,  
adiguse waad sii waari  
doontaa,  
Haah, oo kulligood waxay u  
duugoobi doonaan sida  
dhar oo kale,  
Oo waxaad iyaga u beddeli  
doontaa sida maro oo  
kale, wayna beddelmi  
doonaan,  
<sup>27</sup> Laakiinse adigu isku si uun  
baad tahay had iyo  
goorba,

Oo sannadahaaguna ma idlaan  
doonaan.  
<sup>28</sup> Carruurta addoommadaadu  
way sii jiri doonaan,  
Oo farcankooduna hortaaday  
ku xoogaysan doonaan.

*Kanu waa sabuur Daa'udd tirihey.*

**103** <sup>1</sup> Naftaydoy, Rabbiga  
ammaan,  
Oo inta igu jirta oo dhammay,  
ammaana magiciisa  
quduuska ah.  
<sup>2</sup> Naftaydoy, Rabbiga ammaan,  
Oo ha illoobin wanaagga uu  
kuu sameeyo oo dhan.  
<sup>3</sup> Isagaa kaa cafiya  
dembiyadaada oo  
dhan,  
Oo kaa bogsiya cudurradaada  
oo dhan,  
<sup>4</sup> Oo naftaada ka badbaadiya  
halligaadda,  
Oo raxmad iyo naxariis kugu  
barakeeyaa,  
<sup>5</sup> Oo kaa dhergiya waxyaalaha  
wanwanaagsan,  
Si ay dhallinyarananimadaadu  
ugu cusboonaato sida  
gorgorka oo kale.  
<sup>6</sup> Rabbigu wuxuu falaa  
xaqnimo,  
Gar buuna u gooyaa kuwa  
dulman oo dhan.  
<sup>7</sup> Isagu wuxuu Muuse  
garansiiyey jihadkiisii,  
Reer binu Israa'iilna falimihiisii.

- 8 Rabbigu waa raxmad badan  
yahay, waana nimco  
miidhan,  
Cadho wuu u gaabiyyaa, waana  
naxariis badan yahay.  
9 Isagu had iyo goor wax  
canaanan maayo,  
Oo sii cadhaysnaan maayo ilaa  
weligiis.  
10 Isagu inoolama uu  
macaamiloon sidii  
dembiyadeennu  
ahaayeen,  
Oo inooguma uu  
abaalmarin sidii  
xumaatooyinkeennu  
ahaayeen.  
11 Waayo, sida samadu dhulka  
uga sarrayso,  
Sidaas oo kalaa naxariistiisu  
ugu weyn tahay kuwa  
isaga ka cabsada.  
12 Sida barigu uga fog yahay  
galbeedka,  
Sidaas oo kaluu  
xadgudubkeennii  
inooga fogeyey.  
13 Sida aabbe carruurtiisa ugu  
naxo oo kale  
Ayaa Rabbigu ugu naxaa kuwa  
isaga ka cabsada.  
14 Waayo, abuuristeennuu og  
yahay,  
Oo wuu xusuusan yahay inaan  
innagu ciid nahay.  
15 Laakiinse dadka cimrigiisiu  
waa sida doog oo kale,  
Sida ubaxa berrinka ayuu u  
barwaaqoobaa.

- 16 Waayo, dabayl baa dul marta,  
wuuna baabba'aa,  
Oo meeshiisiina mar dambe  
ma aqoon doonto.  
17 Laakiinse Rabbigu wuxuu u  
naxariistaa kuwa isaga  
ka cabsada weligiis iyo  
weligiisba,  
Oo xaqnimadiisuna waxay  
la jirtaa carruurta  
carruurteeda,  
18 Kuwaas oo ah kuwa axdigiisa  
xajiya  
Iyo kuwa amarradiisa xusuusta  
oo wada yeela.  
19 Rabbigu carshigiiisi wuxuu ka  
dhistay samooyinka,  
Oo boqortooyadiisuna wax  
walbay u talisaa.  
20 Malaa'igliiisa xoogga badan  
oo eraygiisa oofiya  
Oo codka hadalkiisa maqlow,  
Rabbiga ammaana.  
21 Rabbiga ammaana,  
ciidammadiisa oo  
dhammow,  
Idinkoo ah midiidinyadiisa  
wuxuu doonayo  
sameeyow,  
22 Shuqulliadiisa oo dhammow,  
Rabbiga ku ammaana  
Meel kasta oo dowladnimadiisa  
ahba,  
Naftaydoy, Rabbiga ammaan.

**104** <sup>1</sup> Naftaydoy, Rabbiga  
ammaan.  
Rabbiyow Ilaahayow, aad baad  
u weyn tahay,

Oo waxaad huwan tahay  
murwad iyo haybad.

<sup>2</sup> Wixaad sida maro u huwataa  
nuur,

Oo samooyinkana waxaad u  
kala bixisa sida daah oo  
kale.

<sup>3</sup> Wixa qolkaaga saqafka u  
hayana waxaad dhigtaa  
biyaha dhexdooda,

Daruurahana waxaad ka  
dhigataa gaadhifaras,

Oo waxaad ku kor socotaa  
dabaysha baalasheeda,

<sup>4</sup> Wixaad dabaysha ka dhigataa  
wargeeyayaashaada,

Oo waxaad midiidinyadaada ka  
dhigataa dab ololaya,

<sup>5</sup> Adigaa dhigay aasaaska  
dhulka,

Si aanu weligiis u  
dhaqdhaqaqjin.

<sup>6</sup> Wixaad ku dabooshay mool  
sidi dhar oo kale,

Biyihiiна waxay joogsadeen  
buuraha korkooda.

<sup>7</sup> Canaantaadii ayay ku  
carareen,

Oo codkii onkodkaaga ayay  
haddiiba ka baxsadeen,

<sup>8</sup> Waxay kor u fuuleen  
buuraha, oo waxay  
hoos ugu dhaadheceen  
dooxooyinka,

Ilaa meeshii aad u samaysay.

<sup>9</sup> Wixaad iyaga u dhigtay  
xudduud aanay soo  
dhaafin,

Si aanay mar kale u noqon  
oo aanay dhulka u  
daboolin.

<sup>10</sup> Isagu dooxooyinka wuxuu ku  
soo daaya ilo,  
Iyana waxay durduraan  
buuraha dhexdooda,

<sup>11</sup> Waxay warabiyaan  
xayawaanka duurka  
jooga oo dhan,

Oo dameerdibadeedyaduna  
way harraad beelaan.

<sup>12</sup> Haadda samadu iyagay ag  
degganaadaan,

Oo waxay ka dhex gabyaan  
laamaha.

<sup>13</sup> Buuraha wuxuu ka  
waraabiya qolalkisa,  
Dhulkuna wuxuu ka dheregsan  
yahay midhihi  
shuqulladaada.

<sup>14</sup> Isagu wuxuu ka dhigaa in  
dooggu xoolaha u soo  
baxo,

Oo geedaha yaryarna wuxuu u  
soo bixiye in dadku ku  
isticmaalo,

Inuu dhulka cunto ka soo  
bixiyo,

<sup>15</sup> Iyo khamri ka farxiya dadka  
qalbigiisa,  
Iyo saliid uu wejiga ku  
dhaashado,  
Iyo kibis qalbiga dadka  
xoogaysa.

<sup>16</sup> Rabbiga dhirtiisu waa  
dheregstan tahay,

- Kuwaas oo ah geedaha kedar la  
yidhaahdo oo Lubnaan  
oo uu isagu beeray,
- <sup>17</sup> Kuwaas oo ah meesha  
shimbirruhu buulkooda  
ay ka samaystaan,  
Xuurtuna gurigeeda waxay ka  
kor dhisataa geedaha  
waaweyn.
- <sup>18</sup> Buuraha dhaadheer waxaa  
leh riyaha dibadda,  
Dhagaxyada waaweynuna  
waxay gabbaad u yihii  
waloooyinka.
- <sup>19</sup> Isagu dayaxa wuxuu u  
sameeyey xilliyo,  
Oo qorraxduna dhicitinkeeda  
way taqaan.
- <sup>20</sup> Waxaad samaysaa gudcur,  
oo habeen baa yimaada,  
Markaasay xayawaanka duurku  
soo wada baxaan.
- <sup>21</sup> Libaaxyada aaranka ahu  
waxay u ciyaan  
ugaadhsigooda,  
Cuntadoodana waxay ka  
sugaan xaggaa Ilaah.
- <sup>22</sup> Oo kolkii qorraxdu soo  
baxdana way noqdaan,  
Oo waxay iska seexdaan  
godadkooda.
- <sup>23</sup> Dadku waa u soo baxaa  
shuqulkiisa  
Iyo hawshiisa ilaa tan iyo fiidka.
- <sup>24</sup> Rabbiyow, shuqulladaadu  
tiro badanaa!  
Kulligoodna xigmad baad ku  
samaysay,

- Dhulka waxaa ka buuxa  
hodantinimadaada.
- <sup>25</sup> Halkoo waxaa ku taal bad  
weyn oo ballaadhan,  
Gudaheedana waxaa ku jira  
waxyalo gurguurta oo  
aan la tirin karin,  
Iyo xayawaan waaweyn iyo  
kuwo yaryarba.
- <sup>26</sup> Halkaas waxaa ku socda  
doonniyo,  
Oo waxaa halkaas yaal bahal  
badeed oo Lewiiyaataan  
la odhan jiray oo aad u  
abuurtay inuu ku dhex  
cayaaro.
- <sup>27</sup> Kuwaas oo dhammu adigay  
kaa sugaan,  
Inaad cuntadooda siiso wakhti  
ku habboon.
- <sup>28</sup> Oo waxaad iyaga siiso ayay  
isu soo urursadaan,  
Gacantaadaad furtaa oo waxay  
ka dhergaan waxyalo  
wanaagsan.
- <sup>29</sup> Wejigaagaad qarisaa, oo way  
dhibtoodaan,  
Naftoodaaad ka qaaddaa oo way  
dhintaan,  
Oo waxay ku noqdaan  
ciiddoodii.
- <sup>30</sup> Waxaad soo dirtaa ruuxaaga,  
kolkaasay iyagu  
abuurmaan,  
Dhulkana waad  
cusboonaysiisaa.
- <sup>31</sup> Rabbiga ammaantiisuu ha sii  
raagto weligeedba,

Oo Rabbigu ha ku reyreeyo  
shuqulladiisa.  
<sup>32</sup> Isagu dhulkuu eegaa, oo wuu  
gariiraa,  
Wuxuu taabtaa buuraha, oo  
way qiiqaan.  
<sup>33</sup> Intaan noolahay oo dhan  
ayaan Rabbiga u gabiy  
doonaa,  
Oo Ilaahey ayaan ammaan ugu  
gabiy doonaa intaan jiro  
oo dhan.  
<sup>34</sup> Fikirkaygu isaga ha u  
macaanaado,  
Rabbigaan ku rayrayn doonaa.  
<sup>35</sup> Dembilayaashu dhulka ha ka  
baabbe'een,  
Oo kuwa sharka lahuna yaanay  
mar dambe sii jirin.  
Naftaydoy, Rabbiga ammaan.  
Rabbiga ammaana.

**105** <sup>1</sup> Rabbiga ku  
mahadnaqa, oo  
magiciisa ku barya,  
Falimihiisana dadyowga ka  
dhex sheega.  
<sup>2</sup> Isaga u gabya, oo ammaan  
ugu gabya,  
Shuqulladiisa yaabka badan oo  
dhanna ka hadla.  
<sup>3</sup> Ku faana magiciisa quduuska  
ah,  
Kuwa Rabbiga doondoona  
qalbigoodu ha reyreeyo.  
<sup>4</sup> Rabbiga iyo xooggiisa  
doondoona,  
Oo weligiinba wejigiisa  
doondoona.

<sup>5</sup> Xusuusta shuqulladiisii yaabka  
badnaa oo uu sameeyey,  
Iyo cajaa'iбыадииси iyo  
xukummadii afkiisa,  
<sup>6</sup> Kuwiinna farcankii  
addoonkiisii Ibraahim  
ahow,  
Kuwiisa uu doortay oo reer  
Yacquub ahow.  
<sup>7</sup> Isagu waa Rabbiga Ilaaheenna  
ah,  
Xukummadiisuna waxay ku  
jiraan dhulka oo dhan.  
<sup>8</sup> Axdigisuu soo xusuustay  
weligiisba,  
Kaasoo ah hadalkiisii uu kun  
farcan ku amray,  
<sup>9</sup> Kaasu waa axdigii uu Ibraahim  
la dhigtag,  
Oo uu Isxaaq ugu dhaartay,  
<sup>10</sup> Oo isla kaas wuxuu u  
adkeeyey oo qaynuun  
uga dhigay Yacquub,  
Oo Israa'iilna wuxuu uga dhigay  
axdi weligiis jiraya,  
<sup>11</sup> Oo wuxuu ku yidhi, Dalka  
Kancaan waxaan kuu  
siinayaa  
Inuu ahaado qaybtii  
dhaxalkiinna,  
<sup>12</sup> Markay dad tiro yar  
ahaayeen,  
Oo ay aad u yaraayeen, qariibna  
dalka ku ahaayeen,  
<sup>13</sup> Oo iyagu quruunba quruun  
bay uga bexeen,  
Oo intay boqortooyo ka  
tageen ayay dad kale u  
gudbeen.

- <sup>14</sup> Isagu ninna uma oggolaanin  
inuu wax yeelo,  
Haah, oo daraaddood ayuu  
boqorro u canaantay,
- <sup>15</sup> Oo wuxuu ku yidhi, Ha  
taabanina kuwayga  
subkan,  
Oo nebiyadaydana waxba ha  
yeelina.
- <sup>16</sup> Dhulkiina abaar buu ugu  
yeedhay inay ku dhacdo,  
Ushii cuntada oo ay ku  
tiirsanaayeen oo dhanna  
wuu wada jebiyey.
- <sup>17</sup> Oo nin buu iyaga ka sii hor  
diray,  
Kaas oo ahaa Yuusuf oo loo  
iibiyey addoon ahaan.
- <sup>18</sup> Cagihisii waxay ku  
xanuujiyeen bircago,  
Oo naftisii waxay gashay  
silsilado bir ah,
- <sup>19</sup> Ilaa wakhtigii eraygiisu  
noqday  
Eraygi Rabbiga ayaa isaga  
tijaabiyyey.
- <sup>20</sup> Markaasaa boqorkii u cid  
diray oo furay,  
Kaas oo ahaa taliyihii  
dadyowga, wuuna  
sii daayay.
- <sup>21</sup> Oo wuxuu isagii ka dhigay  
sayidkii reerkiisa,  
Iyo taliyihii maalkiisa oo dhan,
- <sup>22</sup> Inuu amiirradiisa xidho  
markuu doonayoba,  
Oo uu odayaashiisana xigmad  
baro.

- <sup>23</sup> Israa'iilna wuxuu yimid dalkii  
Masar,  
Yacquubna wuxuu qariib ahaan  
u joogay dalkii Xaam.
- <sup>24</sup> Oo isagu dadkiisii aad buu u  
badiyey,  
Oo wuxuu ka dhigay inay  
ka xoog bataan  
cadaawayaaashoodii.
- <sup>25</sup> Qalbigoodii wuxuu u  
beddelay si ay dadkiisa u  
nebcaadaan,  
Iyo si ay addoommadiisa u  
khiyaaneeyaan.
- <sup>26</sup> Wuxuu u soo diray  
addoonkiisii Muuse,  
Iyo Haaruun oo uu doortay.
- <sup>27</sup> Oo waxay dheddooda  
ku sameeyeen  
calamooyinkiisii,  
Oo dalkii Xaamna waxay ku  
sameeyeen yaabab.
- <sup>28</sup> Wuxuu u soo diray gudcur,  
dalkiina gudcur buu ka  
dhigay,  
Oo iyana hadalkiisii kuma ay  
caasiyoobin.
- <sup>29</sup> Biyahoodii wuxuu u beddelay  
dhiig,  
Oo kallunkoodiina wuu wada  
laayay.
- <sup>30</sup> Rahyo waa ku bateen  
dhulkoodii  
Iyo qolalka boqorkoodiiba.
- <sup>31</sup> Isagu waa hadlay, markaasaa  
waddankoodii oo dhan  
Waxaa yimid duqsi faro badan  
iyo injir.

- <sup>32</sup> Oo roob ahaan wuxuu u  
      siiyey roob dhagaxyaale,  
Dalkoodiina wuxuu ku soo  
      daayay dab ololaya.
- <sup>33</sup> Wuxuu wax ku dhuftay  
      geedahoodii canabka  
      ahaa iyo geedahoodii  
      berdaha ahaaba,  
Oo dhirtti waddankooda ku  
      tiilna wuu jejebiyey.
- <sup>34</sup> Wuu hadlay, markaasaa  
      waxaa yimid ayax,  
Iyo diir aan la tirin karin,
- <sup>35</sup> Oo waxay wada cuneen  
      geedo yaryar oo kasta  
      oo dalkooda ku yiil,  
Wayna dhammaysteen midhihi  
      dhulkooda.
- <sup>36</sup> Oo weliba wuxuu wada  
      laayay curadyadii  
      dalkooda oo dhan,  
Kuwaas oo ahaa bilowgii  
      xooggooda.
- <sup>37</sup> Oo wuxuu dibadda u bixiyey  
      reer binu Israa'iil iyagoo  
      wata lacag iyo dahab,  
Oo qabiilooyinkiisiina mid  
      taagdarani kuma uu  
      jirin.
- <sup>38</sup> Reer Masarna way ku farxeen  
      kolkay ambabbexeen,  
Waayo, cabsidoodii baa ku  
      dhacday.
- <sup>39</sup> Wuxuu korkooda ku kala  
      bixiyey daruur inay  
      qariso,  
Iyo dab habeenkii iftiin u  
      noqda.

- <sup>40</sup> Wax bay weyddiisteen,  
      markaasuu u keenay  
      digaag duur,  
Oo wuxuu ka dhergiyey kibistii  
      samada.
- <sup>41</sup> Dhagaxii ayuu dillaaciyeey,  
      markaasay biyo ka soo  
      buqdeen,  
Oo meelihii engegnaa ayay ku  
      durdureen sidi webi oo  
      kale.
- <sup>42</sup> Waayo, wuxuu soo xusuustay  
      eraygiisii quduuska  
      ahaa,  
Oo uu kula hadlay addoonkiisii  
      Ibraahim.
- <sup>43</sup> Dadkiisiina wuxuu soo  
      bixiyey iyagoo faraxsan,  
Kuwii uu doortayna iyagoo  
      gabyaya.
- <sup>44</sup> Oo wuxuu iyagii siiyey  
      dalalkii quruumaha,  
Oo iyana waxay hanti  
      ahaan u qaadeen  
      waxay dadyowgu ku  
      hawshodeen,
- <sup>45</sup> Inay amarradiisa dhawraan,  
Oo ay qaynuunnadiisa xajiyaa.  
Rabbiga ammaana.

**106** <sup>1</sup> Rabbiga ammaana.  
Rabbiga ku  
      mahadnaqa, waayo,  
      isagu waa wanaagsan  
      yahay,  
Oo naxariistiisuna weligeedba  
      way waartaa.

<sup>2</sup> Yaa sheegi kara Rabbiga  
      falimihiisa waaweyn?

Amase yaa muujin kara  
ammaantiisa oo dhan?

<sup>3</sup> Waxaa barakaysan kuwa  
xukunka dhawra,  
Oo xaqnimada ka shaqeeya  
wakhti kastaba.

<sup>4</sup> Rabbiyow, igu soo xusuuso  
naxariista aad dadkaaga  
u qabto,  
Oo igu soo booqo  
badbaadintaada,

<sup>5</sup> Inaan arko kuwaaga  
aad dooratay  
barwaaqadooda,  
Oo aan ku reyreeyo farxadda  
quruuntaada,  
Iyo inaan la faano dadka  
dhaxalkaaga ah.

<sup>6</sup> Wixaannu la dembaabnay  
awowayaashayo,  
Xumaanu waannu samaynay,  
oo si shar ah ayaannu  
wax u samaynay.

<sup>7</sup> Awowayaashayo ma ay garan  
yaababkii aad dalka  
Masar ku samaysay.  
Oo ma ay xusuusan badnaantii  
naxariistaada,  
Laakiinse way ku ag  
caasiyoobeen badda,  
taas oo ah Badda Cas.

<sup>8</sup> Habase yeeshii wuxuu iyagii  
u badbaadiyey magiciisa  
daraaddiis,  
Inuu xooggiisa weyn ka dhigo  
mid la yaqaan.

<sup>9</sup> Oo weliba Badda Cas ayuu  
canaantay, kolkaasay  
engegtay,

Sidaas daraaddeed wuxuu  
iyagii ku hor kacay  
moolka dhexdiisii sidii  
iyagoo maraya cidlada  
dhexdeeda.

<sup>10</sup> Oo wuxuu iyagii ka  
badbaadiyey kii iyaga  
necbaa gacantiisii,  
Oo wuxuu ka furtay gacantii  
cadowga.

<sup>11</sup> Biyhiina waxay qariyeen  
cadaawayaaashoodii.  
Xataa mid qudhahu kama  
hadhin.

<sup>12</sup> Markaasay rumaysteen  
erayadiisii,  
Oo ammaantiisay ku gabyeen.

<sup>13</sup> Haddiiba way illoobeen  
shuqulliadiisii,  
Oo taladiisiina ma ay sugin,

<sup>14</sup> Laakiinse aad bay wax u  
damacsanaayeen intay  
cidladii dhex joogeen,  
Oo Ilaahna way ku jirrabeen  
lamadegaanka  
dhexdiisa.

<sup>15</sup> Oo isna wuxuu siiyey wixii ay  
weyddiisteen,  
Laakiinse wuxuu naftoodii u  
soo diray caatow.

<sup>16</sup> Oo weliba waxay xerada  
dhexdeedii kaga  
hinaaseen Muuse  
Iyo Haaruun oo ahaa Rabbiga  
kiisii quduuska ahaa.

<sup>17</sup> Oo dhulkiina waa kala  
furmay oo wuxuu liqay  
Daataan,

Oo weliba wuxuu qariyey  
Abiiraam guutadiisii.

<sup>18</sup> Oo guutadoodiina dab baa  
ka dhex shidmay,  
Ololkina wuxuu wada gubay  
kuwii shar lahaa.

<sup>19</sup> Waxay samaysteen weyl  
markii ay Xoreeb  
joogeen,  
Oo waxay caabudeen sanam la  
shubay.

<sup>20</sup> Oo sidaasay ammaantoodii  
ugu beddeleen  
Dibi caws daaqa ekaantiis.

<sup>21</sup> Waxay illoobeen Ilaahii  
Badbaadiyahooda ahaa,  
Oo waxyaalo waaweyn ku  
sameeyey dalkii Masar,

<sup>22</sup> Shuqullo yaab badanna ku  
sameeyey dalkii Xaam,  
Waxyalo cabsi badanna ku  
sameeyey Badda Cas  
agteeda.

<sup>23</sup> Sidaas daraaddeed isagu  
wuxuu yidhi, Waan  
baabbi'inaya.

Laakiinse Muuse oo ahaa kii uu  
doortay ayaa hortiisa u  
istaagay xidhiidhla'aantii  
u dhexaysay,

Inuu Ilaah cadhadiisa ka leexiyo  
aawadeed si aanu iyaga  
u baabbi'in.

<sup>24</sup> Waxay quudhsadeen dalkii  
wacnaa,  
Mana ay rumaysan eraygiisii,

<sup>25</sup> Laakiinse  
teendhooyinkooday  
ku dhex gunuunaceen,

Mana ay dhegaysan codkii  
Rabbiga.

<sup>26</sup> Sidaas daraaddeed  
gacantiisuu kor ugu  
taagay iyaga,  
Oo wuxuu ku dhaartay  
inuu iyaga cidladii ku  
afgembiy,

<sup>27</sup> Iyo inuu farcankooda ku  
afgembiy quruumaha  
dheddooda,

Oo uu iyaga ku kala firdhiyo  
dalalka.

<sup>28</sup> Oo weliba waxay isku dareen  
Bacal Fecoor,

Oo waxay cuneen allabarigii  
kuwii dhintay.

<sup>29</sup> Sidaasay isaga  
shuqullandoodii ugaga  
xanaajiyeen,

Markaasay belaayadu ka dhex  
dillacday.

<sup>30</sup> Markaasaa waxaa istaagay  
Fixinexas, oo wuxuu ku  
soo dejiyey xukun,

Oo sidaasaa belaayada lagu  
joojiyey.

<sup>31</sup> Oo taas waxaa isagii loogu  
tirihey xaqnimo  
U sii waaraysa qarni kasta iyo  
weligeedba.

<sup>32</sup> Oo weliba waxay isagii kaga  
cadhaysiyeen biyihii  
Meriibaah agtooda,

Sidaas daraaddeed dhib baa ku  
dhacday Muuse iyaga  
aawadood,

<sup>33</sup> Maxaa yeelay, iyagu waxay ku  
caasiyoobeen ruuxiisii,

Kolkaasuu firola'aan u hadlay.  
<sup>34</sup> Dadyowgiina uma ay  
 baabbi'in,  
 Sidi Rabbigu ugu amray iyaga,  
<sup>35</sup> Laakiinse iyagu waxay  
 ku dhex qasmeen  
 quruumihii,  
 Shuqullandoodiina way barteen,  
<sup>36</sup> Oo waxay u adeegeen  
 sanamyadoodii,  
 Kuwaasoo iyaga dabin u  
 noqday,  
<sup>37</sup> Haah, oo waxay wiilashoodii  
 iyo gabdhahoodii  
 allabari ahaan ugu  
 qaleen jinniyo,  
<sup>38</sup> Oo waxay daadiyeen dhiig  
 aan eed lahayn, kaasoo  
 ah dhiiggii wiilashooda  
 iyo kii gabdhahooda  
 Oo ay allabari ahaan ugu  
 qaleen sanamyadii reer  
 Kancaan,  
 Oo dalkiina wuxuu ku  
 nijaasoobay dhiig.  
<sup>39</sup> Haddaba sidaasay  
 shuqullandoodii ugu  
 nijaasoobeen,  
 Oo falimahoodii ayay ku  
 caasiyoobeen sidii dhillo  
 oo kale.  
<sup>40</sup> Sidaas daraaddeed ayaa  
 Rabbigu dadkiisii aad  
 ugu cadhooday,  
 Oo isna wuxuu karhay dadkii  
 dhaxalkiisii ahaa.  
<sup>41</sup> Oo wuxuu iyagii u  
 gacangeliyey  
 quruumaha,

Oo kuwii iyaga necbaa ayaa u  
 taliyey.  
<sup>42</sup> Oo weliba  
 cadaawayaaashoodii  
 ayaa dulmay,  
 Oo iyagoo gacantooda  
 ka hooseeya ayay  
 addoonsadeen.  
<sup>43</sup> Marar badan ayuu  
 samatabbixiyey,  
 Laakiinse waxay ku  
 caasiyoobeen  
 taladoodii,  
 Oo waxaa lagu hoosaysiiyey  
 dembigoodii.  
<sup>44</sup> Habase yeeshee isagu waa ka  
 fiirsaday cidhiidhigoodii,  
 Markuu qayladoodii maqlay,  
<sup>45</sup> Oo wuxuu iyagii u soo  
 xusuustay axdigiisii,  
 Kolkaasuu naxariistiisa  
 badan aawadeed u  
 qoomamooday.  
<sup>46</sup> Oo weliba wuxuu ka dhigay  
 inay  
 Kuwii iyaga maxaabiis ahaanta  
 u kaxaystay oo dhammu  
 u naxaan.  
<sup>47</sup> Rabbiyow Ilaahayagow, na  
 badbaadi,  
 Oo quruumaha naga soo dhex  
 ururi,  
 Si aannu magacaaga quduuska  
 ah ugu mahadnaqno,  
 Oo aannu ammaantaada ugu  
 guulaysanno.  
<sup>48</sup> Waxaa mahad leh Rabbiga ah  
 Ilaaha reer binu Israa'iil  
 Tan iyo weligiis iyo weligiisba.

Oo dadka oo dhammu ha  
yidhaahdo, Aamiin.  
Rabbiga ammaana.

### Kitaabka Shanaad

*Sabuurrada 107-150*

- 107** <sup>1</sup>Rabbiga ku mahadnaqa, waayo,  
isagu waa wanaagsan yahay,  
Oo naxariistiisuna weligeedba way sii waartaa.  
<sup>2</sup> Kuwa Rabbigu soo furtay sidaas ha yidhaahdeen,  
Waana kuwa uu isagu ka soo furtay gacantii cadowga,  
<sup>3</sup> Oo uu ka soo ururiyey dalalka,  
Xagga bari, iyo xagga galbeed,  
Xagga woqooyi, iyo xagga koonfureedba.  
<sup>4</sup> Waxay dhex wareegi jireen cidlada iyo jid lamadegaan ah,  
Mana ay helin magaalo ay degaan.  
<sup>5</sup> Way gaajoodeen, wayna harraadeen,  
Oo naftoodiina way ku dhex taag darnaatay.  
<sup>6</sup> Markaasay Rabbiga u qayshadeen iyagoo dhibban,  
Oo isna wuu ka samatabbixiyey dhibaatooyinkoodii.  
<sup>7</sup> Oo weliba wuxuu iyagii ku hoggaamiyey jid toosan,  
Si ay u tagaan magaalo ay degaan.

- <sup>8</sup> Dadku muu Rabbiga ku ammaano wanaaggiisa, iyo shuquulladiisa yaabka badan oo uu binu-aadmiga u sameeyo!  
<sup>9</sup> Waayo, isagu wuxuu dhergiyaa nafta aad wax u doonaysa,  
Oo nafta gaajaysanna wuxuu ka dhergiyaa wanaagga.  
<sup>10</sup> Kuwii dhex fadhiyey gudcurkii iyo hooskii dhimashada,  
Oo ku xidhnaa dhibaatada iyo birta,  
<sup>11</sup> Waxay ku caasiyoobeen erayadii Ilaah,  
Oo waxay fududaysteen taladii Ilaaha ugu sarreeya,  
<sup>12</sup> Sidaas daraaddeed ayuu qalbigoodii daal ku soo dejiyey,  
Wayna dheceen, mid iyaga caawiyaana ma jirin.  
<sup>13</sup> Markaasay Rabbiga u qayshadeen iyagoo dhibban,  
Oo isna wuu ka badbaadiyey dhibaatooyinkoodii.  
<sup>14</sup> Wuxuu ka soo dhex bixiyey gudcurkii iyo hooskii dhimashada,  
Silsiladiihii ku xidhnaana wuu kala jejebiyey.  
<sup>15</sup> Dadku muu Rabbiga ku ammaano wanaaggiisa, iyo shuquulladiisa yaabka badan oo uu binu-aadmiga u sameeyo!

- <sup>16</sup> Waayo, irdihi naxaasta ahaa  
wuu kala jejebiyey,  
Qataarradii birta ahaana wuu  
burburiyey.
- <sup>17</sup> Nacasyadu waxay u dhibban  
yihii xadgudubkooda  
aawadiis,  
Iyo xumaatooyinkooda  
aawadood.
- <sup>18</sup> Naftoodu waxay nacdaa  
cunto kasta,  
Oo waxay ku soo dhowaadaan  
irdaha dhimashada.
- <sup>19</sup> Markaasay Rabbiga u  
qayshadaan iyagoo  
dhibban,  
Oo isna wuxuu ka soo  
badbaadiyaa  
dhibaatooyinkooda.
- <sup>20</sup> Wuxuu soo diraa eraygiisa,  
wuuna bogsiyaa iyaga,  
Oo wuxuu ka samatabbixiyaa  
halligaaddooda.
- <sup>21</sup> Dadku muu Rabbiga ku  
ammaano wanaaggiisa,  
Iyo shuqulliadiisa yaabka badan  
oo uu binu-aadmiga u  
sameeyo!
- <sup>22</sup> Iyagu allabariga  
mahadnaqidda ha  
bixiyeen,  
Oo shuqulliadiisa gabay ha ku  
sheegeen.
- <sup>23</sup> Kuwa badda doonniyaha ku  
mara,  
Oo shuqulkooda ku sameeya  
biyaha badan,
- <sup>24</sup> Kuwaasu waxay arkaan  
Rabbiga shuqulliadiisa,

- Iyo yaababkiisa moolka ku jira.  
<sup>25</sup> Waayo, wuxuu amraa  
oo kiciyaa dabaysha  
duufaanka,  
Taas oo kor u qaadda hirarka  
badda.
- <sup>26</sup> Waxay u kacaan xagga  
samada, oo haddana  
waxay hoos ugu soo  
dhacaan moolalka,  
Naftoodiina waxay ku  
dhalaashay dhibaato  
daraaddeed.
- <sup>27</sup> Hore iyo dib bay isaga  
daba noqdaan, oo sida  
nin sakhraan ah bay  
dhacdhabaan,  
Oo waxay sameeyaan ayay  
garan waayaan.
- <sup>28</sup> Markaasay Rabbiga u  
qayshadaan iyagoo  
dhibban,  
Oo isna wuxuu ka soo bixiyaa  
dhibaatooyinkooda.
- <sup>29</sup> Wuxuu dejyaa duufaanka,  
Si ay hirarkiisu u xasillaan.
- <sup>30</sup> Way farxaan, maxaa yeelay,  
way xasilloon yihii,  
Oo sidaasuu iyaga ku keenaa  
marsada ay doonayaan.
- <sup>31</sup> Dadku muu Rabbiga ku  
ammaano wanaaggiisa,  
Iyo shuqulliadiisa yaabka badan  
oo uu binu-aadmiga u  
sameeyo!
- <sup>32</sup> Iyagu ha ku sarraysiyyeen  
shirka dadka dhexdiisa,  
Oo ha ku ammaaneen fadhiga  
odayaasha.

<sup>33</sup> Isagu webiyo wuxuu u beddelaa cidlo,  
 Oo ilo biyo ahna wuxuu u beddelaa dhul oommane ah,  
<sup>34</sup> Oo dhul barwaqaqaysanna wuxuu u beddelaa lamadegaan cusbo leh,  
 Oo waana kuwa halkaas deggan xumaantooda aawadeed.  
<sup>35</sup> Cidlada wuxuu u beddelaa balli biyo ah,  
 Oo dhul engeganna wuxuu u beddelaa ilo biyo ah.  
<sup>36</sup> Oo halkaasuu kuwa gaajaysan dejiyaa,  
 Si ay u samaystaan magaalo ay degaan,  
<sup>37</sup> Oo ay beeraha u abuurtaan, oo ay beero canab ah u beertaan,  
 Oo ay u helaan midho tiro badan.  
<sup>38</sup> Oo weliba iyaga wuu barakeeyaa, sidaas daraaddeed aad bay u tarmaan,  
 Oo weliba uma uu oggolaado in xoolahoodu yaraadaan.  
<sup>39</sup> Oo haddana way sii dhinmaan, oo waxay la foorsadaan Dulmi iyo dhib iyo murug.  
<sup>40</sup> Amiirro wuxuu ku soo daayaa quudhsasho,  
 Oo wuxuu ka dhigaa inay ku wareegaan cidlada aan jid lahayn.

<sup>41</sup> Oo weliba kan baahanna dhibaatada ayuu ka sara mariyaa,  
 Oo wuxuu u yeelaa qolooyin ah sidii adhi oo kale.  
<sup>42</sup> Kuwa qummanuna way arki doonaan, wayna ku farxi doonaan,  
 Oo kolkaas xumaanta oo dhammu afkeeday xidhi doontaa.  
<sup>43</sup> Ku alla kii caqli lahu wuu dhawri doonaa waxyaalahan,  
 Oo iyana way ka fiirsan doonaan Rabbiga naxariistiisa.

*Kanu waa sabuur gabay ah oo Daa'uud tirihey.*

## 108<sup>1</sup> Ilaahow, qalbigaa ii fadhiya,

Waan gabiy doonaa, haah, waxaan kuugu gabiy doonaa ammaantayda.

<sup>2</sup> Shareerad iyo kataaradow, toosa,

Aroorta hore waan toosi doonaa.

<sup>3</sup> Rabbiyow, mahad baan kuugu naqi doonaa dadyowga dhexdooda,

Oo waxaan ammaan kuugu gabiy doonaa quruumaha dhexdooda.

<sup>4</sup> Waayo, naxariistaadu way ku weyn tahay samooyinka korkooda,

Oo runtaaduna waxay gaadhaa  
ilaa daruuraха.

<sup>5</sup> Ilaahow, samooyinka ka  
sarree,

Oo ammaantaaduna dhulka oo  
dhan ha ka sarrayso,

<sup>6</sup> Si ay kuwaad jeceshahay  
u samatabbaxaan  
aawadeed,

Gacantaada midig ku badbaadi,  
oo ii jawaab.

<sup>7</sup> Ilaah wuxuu ku hadlay  
quduusnimadiisa oo  
yidhi, Anigu waan farxi  
doonaa,

Shekem waan kala qaybin  
doonaa, oo waxaan  
qiyaasi doonaa dooxada  
Sukod,

<sup>8</sup> Gilecaad anigaa iska leh,  
Manasehna anigaa iska  
leh,

Oo weliba Efrayimna  
waa daafacaaddii  
madaxayga,

Yahuudahna waa ushaydii  
boqornimo.

<sup>9</sup> Moo'aab waa weelkaygii aan  
ku maydhan jiray,  
Edomna kabahaygaan ku dul  
tuuri doonaa,

Oo Falastiinna waan ku qaylin  
doonaa.

<sup>10</sup> Bal yaa i geeyn doona  
magaalada deyrka leh?

Yaase xagga Edom ii kaxayn  
doonaa?

<sup>11</sup> Ilaahow, sow nama aadan  
xoorin?

Ilaahow, lama soo baxdid  
ciidammadayada.

<sup>12</sup> Cadowga naga caawi,  
Waayo, binu-aadmiga  
caawimaaddisu waxtar  
ma leh.

<sup>13</sup> Ilaah caawimaaddisa  
ayaannu wax xoog leh  
ku samayn doonaa,  
Waayo, isagaa ah kan  
cadaawayashayada  
ku tuman doona.

*Kanu waa sabuur Daa'udd  
u tirihey madaxdii  
muusikaystayaasha.*

# 109

<sup>1</sup> Ilaaha  
ammaantaydow,  
ha iska aamusin,

<sup>2</sup> Waayo, waxay igu kala  
qaadeen afka kan sharka  
leh iyo kan kхиyaanada  
lehba,

Oo waxay igula hadleen carrab  
been sheega.

<sup>3</sup> Oo weliba waxay igu  
hareereeyeen erayo  
nacayb badan,

Oo sababla'aan bay igula  
dirireen.

<sup>4</sup> Anigoo jecel bay cadow ii  
yihiin,  
Laakiinse anigu Ilaah baan  
baryaa.

<sup>5</sup> Wanaag waxay iigaga  
abaalgudeen xumaan,  
Jacaylna nacayb.

<sup>6</sup> Nin shar leh ka sarraysiis isaga,

- Oo Shayddaan ha istaago  
midigtiisa.
- <sup>7</sup> Markii la xukumo, ha soo baxo  
isagoo dembi lagu helay,
- Oo tukashadiisiina dembi ha  
noqoto.
- <sup>8</sup> Cimrigiisu ha yaraado,  
Jagadiisana mid kale ha qaato.
- <sup>9</sup> Carruurtiisu ha  
agoontoobeen,  
Naagtiiisuna carmal ha noqoto.
- <sup>10</sup> Carruurtiisu kuwa  
warwareega ha noqdeen  
oo ha dawarsadeen,
- Cuntadoodana ha ka  
doondooneen  
meelahooda cidlada ah.
- <sup>11</sup> Midka korsaarta qaataa ha  
qabsado wuxuu haysto  
oo dhan,
- Oo shisheeyayaalna ha ka  
dheceen wixii uu ku  
hawshooday.
- <sup>12</sup> Yaanu jirin mid isaga u sii  
naxariistaa,
- Oo yaanu jirin mid u naxa  
carruurtiisa agoonta ah.
- <sup>13</sup> Farcankiisu ha baabba'o,  
Oo qarniga soo socda  
magacooda ha la  
tirtiro.
- <sup>14</sup> Xumaantii awowayaashiis  
Rabbigu ha soo  
xusuusto,
- Oo dembigii hooyadiisna yaan  
la tirtirin.
- <sup>15</sup> Rabbiga ha hor joogeen had  
yo goorba,

- Si uu xusuustooda uga gooyo  
dhulka.
- <sup>16</sup> Maxaa yeelay, isagu wuu  
xusuusan waayay inuu u  
naxariisto
- Miskiinka, iyo kan baahan,  
iyo kan qalbiga ka  
murugaysan,
- Laakiinse wuxuu u silciyey inuu  
iyaga laayo aawadeed.
- <sup>17</sup> Wuxuu jeclaaday  
habaaridda, markaasaa  
habaar ku soo degay,
- Ducaynta kuma farxin, ducona  
way ka sii fogaatay isaga.
- <sup>18</sup> Oo weliba isagu wuxuu sidii  
dharkiisii u huwaday  
habaaridda,
- Oo iyana waxay gashay uurkiisa  
hoose sidii biyo oo kale,
- Oo lafihiisana waxay u gashay  
sidii saliid.
- <sup>19</sup> Isaga ha u ahaato sida  
marada uu huwado,  
Iyo sida dhex-xidhka uu ku  
xidho had iyo goorba,
- <sup>20</sup> Tanu waa abaalmarinta  
cadaawayaaashaydu  
ay xagga Rabbiga ka  
helaan,
- Iyo kuwa naftayda xumaan ka  
sheegaba.
- <sup>21</sup> Laakiinse Ilaahow, Sayidow,  
magacaaga daraaddiis  
wax iigu yeel,
- Naxariistaadu waa wanaagsan  
tahay, ee sidaas  
daraaddeed ii  
samatabbixi,

- <sup>22</sup> Waayo, anigu waxaan ahay  
miskiin iyo mid baahan,  
Oo qalbigayguna wuu igu dhex  
dhaawacmay.
- <sup>23</sup> Wuxaan u dhammaaday sida  
hoos sii libdhaya,  
Wuxaan u gilgilmaa sida ayax  
oo kale.
- <sup>24</sup> Jilbahaygu soon bay la taag  
darnaadaan,  
Oo jidhkayguna  
baruurla'aanteed  
wuu la caatoobaa.
- <sup>25</sup> Oo weliba waxaan iyaga u  
noqday cay,  
Oo kolkay i arkaan ayay madaxa  
ruxruxaan.
- <sup>26</sup> Rabbiyow, Ilaahayow, i caawi,  
Oo igu badbaadi si  
naxariistaada  
waafaqsan,
- <sup>27</sup> Si ay u ogaadaan in  
tanu tahay shaqadii  
gacaantaada,  
Iyo inaad taas samaysay,  
Rabbiyow.
- <sup>28</sup> Iyagu ha habaartameen,  
adiguse i barakee,  
Kolkay kacaan, way ceeboobi  
doonaan, laakiinse  
anigoo addoonkaaga ah  
waan rayrayn doonaa.
- <sup>29</sup> Cadaawayashaaydu  
sharafdarro ha xidheen,  
Oo ceebtooda ha u huwadeen  
sida go' oo kale.
- <sup>30</sup> Afkaygaan aad ugaga  
mahadnaqi doonaa  
Rabbiga,

Haah, oo waxaan isaga ku  
ammaani doonaa dadka  
badan dhexdiisa.

- <sup>31</sup> Waayo, isagu wuxuu isa soo  
taagi doonaa miskiinka  
midigtiisa,  
Si uu uga badbaadiyo kuwa  
naftiisa xukuma.

*Kanu waa sabuur Daa'udd tiriyey.*

- 110** <sup>1</sup> Rabbigu wuxuu  
Sayidkayga ku yidhi,  
Midigtayda fadhiiso,  
Ilaa aan cadaawayashaada  
ka dhigo meeshaad  
cagahaaga saaratid.
- <sup>2</sup> Rabbigu wuxuu Siyon ka  
soo diri doonaa ushii  
xooggaaga,  
Cadaawayashaada dhexdooda  
ka tali.
- <sup>3</sup> Dadkaagu iyagoo raalli ah  
bay isbixiyaan maalintii  
xooggaaga,  
Iyagoo leh quruxda  
quduusnimada, ee  
ka timaada uurka  
waaberiga,  
Adigaa leh sayaxa  
dhallinyaranimadaada.
- <sup>4</sup> Rabbigu wuu dhaartay, kana  
soo noqon maayo, oo  
wuxuu yidhi,  
Adigu weligaaba wadaad baad  
tahay,  
Sidii derejadii Malkisadaq.
- <sup>5</sup> Sayidka midigtaada joogaa  
Wuxuu maalinta cadhadiisa  
dooxi doonaa boqorro.

<sup>6</sup> Isagu quruumaha dhexdooda  
ayuu wax ku xukumi  
doonaa,  
Oo meel walba wuxuu ka  
buuxin doonaa meydad,  
Oo waddammo badan ayuu  
madaxda ka dili doonaa.  
<sup>7</sup> Intuu jidka socdo ayuu  
durdurka ka cabbi  
doonaa,  
Oo sidaas daraaddeed ayuu  
madaxa kor u qaadi  
doonaa.

**111** <sup>1</sup> Rabbiga ammaana.  
Qalbigaya oo dhan  
ayaan Rabbiga ugaga  
mahadnaqi doonaa  
Guddiga kuwa qumman  
dhexdiisa iyo ururka  
dhexdiisaba.  
<sup>2</sup> Shuqullada Rabbigu way  
waaweyn yihiin,  
Oo waxaa doondoona kuwa ku  
faraxsan oo dhan.  
<sup>3</sup> Shuqulkiisu waa sharaf iyo  
haybad,  
Oo xaqnimadiisuna weligeedba  
way waartaa.  
<sup>4</sup> Wuxuu ka dhigay in la sii  
xusuusto shuqulladiisa  
yaabka badan,  
Rabbigu waa nimco miidhan,  
oo waxaa ka buuxda  
raxmad.  
<sup>5</sup> Wuxuu cunto siiyey kuwa  
isaga ka cabsada,

Oo weligiisna wuxuu  
xusuusnaan doonaa  
axdigiisii.  
<sup>6</sup> Wuxuu dadkiisii tusay xooggii  
shuqulladiisa,  
Markii uu iyaga siiyey  
quruumaha  
dhaxalkoodii.  
<sup>7</sup> Shuqullada gacmihiisu waa  
run iyo garsoorid,  
Oo amarradiisa oo dhammuna  
waa hubaal.  
<sup>8</sup> Way sii adag yihiin weligood  
iyo weligoodba,  
Oo waxaa lagu sameeyey run  
iyo qummanaan.  
<sup>9</sup> Wuxuu dadkiisa u soo diray  
furasho,  
Oo wuxuu amray in axdigiisu  
ahaado mid weligiisba  
waara,  
Magiciisu waa quduus, waana  
mid laga cabsado.  
<sup>10</sup> Rabbiga ka cabsashadiisu  
waa bilowga xigmadda,  
Kuwa sidaas yeela oo dhammu  
waxay leeyihiin  
waxgarasho wanaagsan,  
Ammaantiisu way waartaa  
weligeedba.

**112** <sup>1</sup> Rabbiga ammaana.  
Waxaa barakaysan  
ninkii Rabbiga ka  
cabsada,  
Oo aad ugu farxa amarradiisa.  
<sup>2</sup> Farcankiisu wuxuu ku xoog  
badnaan doonaa dhulka,

Kuwa qumman farcankooduna  
wuu barakoobi doonaa.

<sup>3</sup> Gurigiisa waxaa ku jira maal  
iyo taajirnimo,

Xaqnimadiisuna weligeedba  
way sii waartaa.

<sup>4</sup> Kuwa qumman iftiin baa  
gudcurka uga soo baxa,  
Isagu waa nimco miidhan,  
oo waxaa ka buuxda  
raxmad, waana xaq.

<sup>5</sup> Waxaa nimcaysan ninkii  
naxariis leh oo dadka  
wax amaahiya,

Kaasu danihiisuu ku wadi  
doonaa caddaalad.

<sup>6</sup> Waayo, isaga weligiis lama  
dhaqaajin doono,  
Oo kii xaq ah weligiisba waa la  
xusuusan doonaa.

<sup>7</sup> Isagu innaba kama cabsan  
doono war xun,

Qalbigaa u fadhiya, oo wuxuu  
isku halleeyaa Rabbiga.

<sup>8</sup> Qalbigaa u fadhiya, oo ma uu  
cabsan doono,

Ilaa uu wuxuu doonayay ku  
arko cadaawayaaashiisa.

<sup>9</sup> Wax buu kala qaybshay, oo  
wuxuu wax siiyey kuwii  
baahnaa,

Xaqnimadiisuna way sii  
waartaa weligeedba,

Geeskiisana waxaa lagu  
sarraysiin doonaa  
sharaf.

<sup>10</sup> Kii shar lahu wuu arki  
doonaa, wuuna cadhoon  
doonaa,

Wuu ilko jirriqsan doonaa, oo  
wuu dhalaali doonaa,

Kuwa sharka leh doonistoodu  
way baabbi'i doontaa.

## 113

<sup>1</sup> Rabbiga ammaana.  
Rabbiga  
addoommadiisow,  
ammaana.

Rabbiga magiciisa ammaana.

<sup>2</sup> Hadda intii ka bilaabata iyo  
tan iyo weligeedba

Rabbiga magiciisu mahad ha  
lahaado.

<sup>3</sup> Qorraxdu markay soo baxdo  
iyo markay dhacdo inta  
ka dhex leh

Magaca Rabbiga waa in la  
ammaano.

<sup>4</sup> Rabbigu quruumaha oo dhan  
wuu ka wada sarreyyaa,  
Ammaantiisuna samooyinka  
way ka sii sarraysa.

<sup>5</sup> Bal yaa la mid ah Rabbiga  
Ilaaheenna ah,  
Oo kursigiisa ku leh xagga sare,

<sup>6</sup> Oo hoos u eega  
Waxyaalaha samada ku jira  
iyo waxyaalaha dhulka  
yaalba?

<sup>7</sup> Wuxuu miskiinka kor uga  
qaadaa ciidda,

Oo kan baahanna wuxuu sara  
uga qaadaa meesha  
digada,

<sup>8</sup> Inuu isaga la fadhiisiyo  
amiirro,

Kuwaas oo ah amiirrada  
dadkiisa.

⁹ Oo naagtii madhalays ahna  
wuxuu ka dhigaa inay  
reer hayso,  
Iyo inay ahaato hooyo faraxsan  
oo carruur leh.  
Rabbiga ammaana.

- 114** <sup>1</sup> Markay reer binu Israa'iil Masar ka soo bexeen,  
Oo ay reerkii Yacquub dad af qalaad ka soo bexeen,  
<sup>2</sup> Ayaa Yahuudah noqday meeshiisa quduuska ah, Israa'iilna noqday meeshuu u talinayay.  
<sup>3</sup> Baddii way aragtay, wayna carartay,  
Weki Urdunna dib baa loo celiyey.  
<sup>4</sup> Buurihi waxay u boodboodeen sidii wanani,  
Kurihiina sidii baraar.  
<sup>5</sup> Baddoy, bal maxaa kugu dhacay oo Aad u cararaysaa?  
Weki Urdunow, maxaad dib ugu noqonaysaa?  
<sup>6</sup> Buurahow, bal maxaad ugu boodboodaysaan sida wanani?  
Kuraha yaryarow, bal maxaad ugu boodboodaysaan sida baraar?  
<sup>7</sup> Dhulkow, ku gariir Sayidka hortiisa,  
Ilaaha reer Yacquub hortiisa ku gariir,

⁸ Kaas oo dhagaxii u beddelay balli biyo ah,  
Oo dhagaxmadowgiina u beddelay il biyo ah.

## 115

<sup>1</sup> Rabbiyow, yaanay noo ahaan, yaanay noo ahaan,  
Laakiinse magacaaga ammaani ha u ahaato,  
Naxariistaada iyo runtaada daraaddood.  
<sup>2</sup> Bal maxay quruumuhu u odhanayaan,  
Haddaba Ilaahoodu meeh?  
<sup>3</sup> Laakiinse Ilaahayagu samooyinkuu ku jiraa,  
Oo wax alla wixii uu doonayayna wuu sameeyey.  
<sup>4</sup> Sanamyadoodu waa lacag iyo dahab,  
Oo waa wax dad gacmaha ku sameeyey.  
<sup>5</sup> Waxay leeyihiin af, laakiinse ma hadlaan,  
Indhona way leeyihiin, laakiinse waxba ma arkaan,  
<sup>6</sup> Dhegona way leeyihiin, laakiinse waxba ma maqlaan,  
Sanna way leeyihiin, laakiinse waxba ma urshaan,  
<sup>7</sup> Gacmo way leeyihiin, laakiinse waxba ma qabtaan,  
Cagona way leeyihiin, laakiinse ma socdaan,

Oo hungurigoodana hadal  
kama soo saaraan.

<sup>8</sup> Kuwa iyaga sameeyaana  
sidooda oo kale ayay  
noqon doonaan,  
Iyo xataa mid kasta oo iyaga  
isku halleeyaba.

<sup>9</sup> Reer binu Israa'iilow, Rabbiga  
isku halleeya,  
Isagu waa caawimaaddooda  
iyo gaashaankooda.

<sup>10</sup> Reer Haaruunow, Rabbiga  
isku halleeya,  
Isagu waa caawimaaddooda  
iyo gaashaankooda.

<sup>11</sup> Kuwiinna Rabbiga ka  
cabsadow, Rabbiga isku  
halleya,  
Isagu waa caawimaaddooda  
iyo gaashaankooda.

<sup>12</sup> Rabbigu aad buu inoo  
xusuusnaa, wuu ina  
barakayn doonaa,  
Reerka Israa'iilna wuu barakayn  
doonaa,

Reerka Haaruunna wuu  
barakayn doonaa.

<sup>13</sup> Wuxuuna barakayn doonaa  
kuwa Rabbiga ka  
cabsada,  
Yar iyo weynba.

<sup>14</sup> Rabbigu aad iyo aad ha idiin  
kordhiyo,  
Idinka iyo carruurtiinnaba.

<sup>15</sup> Rabbiga sameeyey samada  
iyo dhulka  
Ayaa idin barakeeyey.

<sup>16</sup> Samooyinku waa  
samooyinkii Rabbiga,

Laakiinse dhulka wuxuu siiyey  
binu-aadmiga.

<sup>17</sup> Kuwii dhintay Rabbiga ma ay  
ammaanaan,  
Kuwa hoos ugu dhaadhaca  
meesha aamusnaantana  
ma ay ammaanaan  
isaga,

<sup>18</sup> Laakiinse annagu Rabbiga  
waannu ammaani  
doonaa  
Haatan intii ka bilaabata iyo tan  
iyo weligeedba.  
Rabbiga ammaana.

**116** <sup>1</sup> Rabbiga waan  
jeclahay, maxaa yeelay,  
wuxuu maqlay  
Codkaygii iyo baryootankaygii.  
<sup>2</sup> Dhegtuu ii dhigay,  
Sidaas daraaddeed isagaan  
baryi doonaa intaan  
noolahay oo dhan.  
<sup>3</sup> Xadhkihi dhimashada ayaa i  
hareereeyey,  
Xanuunkii She'oolna waa i  
qabsaday.  
Oo waxaan la kulmay dhib iyo  
murug.  
<sup>4</sup> Markaasaan ku baryootamay  
magaca Rabbiga,  
Anigoo leh, Rabbiyow, naftayda  
samatabbixi.  
<sup>5</sup> Rabbigu waa nimco midhan,  
waana xaq,  
Haah, oo Ilaaheennu waa  
naxariis badan yahay.  
<sup>6</sup> Rabbigu kuwa garaadka daran  
wuu dhawraa,

Hoos baa la ii soo  
dejiyey, kolkaasuu i  
badbaadshay.

<sup>7</sup> Naftaydoy, nasashadaadii ku  
noqo,

Waayo, Rabbigu wax badan  
oo wanaagsan buu kuu  
sameeyey.

<sup>8</sup> Waayo, naftayda waxaad  
ka samatabbixisay  
dhimasho,

Indhahaygana ilmo,  
Cagahaygana kufid.

<sup>9</sup> Wawaan ku socon doonaa  
Rabbiga hortiisa

Anigoo dhex jooga dalka kuwa  
nool.

<sup>10</sup> Waan rumaysnaa, oo  
markaan hadlay

Aad baa la ii dhibay,

<sup>11</sup> Anigoo degdegsan baan  
waxaan idhi,

Dadka oo dhammu waa  
beenaalayaal.

<sup>12</sup> Bal maxaan Rabbiga uga  
celiyaa

Waxyaalihii uu ii taray oo dhan?

<sup>13</sup> Wawaan qaadan doonaa  
koobka badbaadada,

Oo magaca Rabbiga ayaan ku  
baryootami doonaa.

<sup>14</sup> Rabbiga ayaan u oofin  
doonaa nidarradaydii,

Oo weliba waxaan ku bixin  
doonaa dadkiisa oo  
dhan hortooda.

<sup>15</sup> Rabbiga hortiisa dhimashada  
quduusiintiisa

Ayaa qiiimo weyn ku leh.

<sup>16</sup> Rabbiyow, sida runta  
ah waxaan ahay  
addoonkaaga,

Waxaan ahay addoonkaaga, oo  
ah wiilka addoontaada,

Silsiladahaygii waad iga furtay.

<sup>17</sup> Wawaan kuu soo bixin  
doonaa allabarigii  
mahadnaqidda,

Oo magaca Rabbiga ayaan ku  
baryootami doonaa.

<sup>18</sup> Rabbiga ayaan u oofin  
doonaa nidarradaydii,

Oo weliba waxaan ku bixin  
doonaa dadkiisa oo  
dhan hortooda,

<sup>19</sup> Iyo guriga Rabbiga  
barxadihiisa,

Iyo dhexdaada, Yeruusaalemay.

Rabbiga ammaana.

## 117<sup>1</sup> Quruumaha oo dhammow, Rabbiga ammaana,

Dadyowga oo dhammow,  
ammaana isaga.

<sup>2</sup> Waayo, naxariistiisu  
xaggeenna waa ku  
weyn tahay,

Rabbiga runtisuna weligeedba  
way waartaa.

Rabbiga ammaana.

## 118<sup>1</sup> Rabbiga ku mahadnaqa, maxaa yeelay, isagu waa wanaagsan yahay,

Waayo, naxariistiisu  
    weligeedba way  
    waartaa.

<sup>2</sup> Haddaba reer binu Israa'iil ha  
    yidhaahdeen,  
Naxariistiisu weligeedba way  
    waartaa.

<sup>3</sup> Oo reerka Haaruun hadda ha  
    yidhaahdeen,  
Naxariistiisu weligeedba way  
    waartaa.

<sup>4</sup> Oo kuwa Rabbiga ka cabsadaa  
    hadda ha yidhaahdeen,  
Naxariistiisu weligeedba way  
    waartaa.

<sup>5</sup> Anigoo cidhiidhi ku jira ayaan  
    Rabbiga u qayshaday,  
Markaasaa Rabbigu ii jawaabay,  
    oo wuxuu i taagay meel  
    ballaadhan.

<sup>6</sup> Rabbigu waa ila jiraa, oo anigu  
    ma cabsan doono,  
Bal maxaa dad igu samayn  
    karaa?

<sup>7</sup> Rabbigu waa ila jiraa, oo  
    wuxuu ku dhex jiraa  
    kuwa i caawinaya,  
Haddaba waxaan kuwa i neceb  
    ku arki doonaa waxaan  
    doonayo.

<sup>8</sup> Intii dad lagu kalsoonaan  
    lahaa  
Waxaa ka wanaagsan in  
    Rabbiga laysku halleeyo.

<sup>9</sup> Intii amiirro lagu kalsoonaan  
    lahaa  
Waxaa ka wanaagsan in  
    Rabbiga laysku halleeyo.

<sup>10</sup> Quruumihii oo dhammu way  
    i wada hareereeyeen,  
Oo anna magaca Rabbiga ayaan  
    ku baabbi'in doonaa.

<sup>11</sup> Way i hareereeyeen, haah,  
    oo way i hareereeyeen,  
Oo anna magaca Rabbiga ayaan  
    ku baabbi'in doonaa.

<sup>12</sup> Waxay ii hareereeyeen sida  
    shinni oo kale, oo iyaga  
    waxaa loo demiyey sida  
    dabka qodxanta oo kale,  
Oo anna magaca Rabbiga ayaan  
    ku baabbi'in doonaa.

<sup>13</sup> Adigu aad baad igu mudday si  
    aan u dhaco aawadeed,  
Laakiinse Rabbigaa i caawiyey.

<sup>14</sup> Rabbigu waa xooggayga iyo  
    gabaygayga,  
Oo wuxuu ii noqday  
    badbaadadayda.

<sup>15</sup> Kuwa xaq ah  
    teendhooyinkooda  
    waxaa ku jira  
    codkii rayraynta iyo  
    badbaadada,  
Gacanta midig oo Rabbiguna  
    wax xoog leh bay  
    samaysaa.

<sup>16</sup> Gacanta midig oo Rabbiga  
    waa la sarraysiiyey,  
Gacanta midig oo Rabbiguna  
    wax xoog leh bay  
    samaysaa.

<sup>17</sup> Anigu ma dhiman doono,  
    laakiinse waan noolaan  
    doonaa,  
Oo waxaan sheegi doonaa  
    shuqullada Rabbiga.

- <sup>18</sup> Rabbigu aad buu ii edbiyey,  
Laakiinse dhimasho iima uu  
dhiibin.
- <sup>19</sup> Irdaha xaqnimada iga fura,  
Oo anna waan geli doonaa,  
oo Rabbigaan ku  
mahadnaqi doonaa.
- <sup>20</sup> Tanu waa iriddii Rabbiga,  
Oo waxaa geli doona kuwa  
xaqa ah.
- <sup>21</sup> Waan kugu mahadnaqi  
doonaa, waayo, waad ii  
jawaabtay,  
Oo waxaad ii noqotay  
badbaadadayda.
- <sup>22</sup> Dhagaxii kuwa wax dhisaa ay  
diideen,  
Kaasu wuxuu noqday madaxa  
rukunka.
- <sup>23</sup> Tanu xagga Rabbiga bay ka  
timid,  
Oo waa ku yaab indhahayaga.
- <sup>24</sup> Tanu waa maalinta Rabbigu  
sameeyey,  
Waannu rayrayn doonaa oo  
waannu farxi doonaa.
- <sup>25</sup> Rabbiyow, waan ku  
baryaynaaye, haatan na  
badbaadi,  
Oo waan ku baryaynaaye,  
Rabbiyow, haatan  
barwaaqo noo soo dir.
- <sup>26</sup> Waxaa barakaysan kan  
Rabbiga magiciisa ku  
imanaya,  
Waxaannu idinka ammaannay  
guriga Rabbiga.
- <sup>27</sup> Rabbigu waa Ilaah, oo wuxuu  
na siiyey iftiin,

Allabariga xadhko ku xidha tan  
iyo meesha allabariga  
geeseheeda.

<sup>28</sup> Wuxaa tahay Ilaahay,  
oo anna waan kugu  
mahadnaqi doonaa,  
Wuxaa tahay Ilaahay, oo waan  
ku sarraysiin doonaa.

<sup>29</sup> Rabbiga ku mahadnaqa,  
waayo, isagu waa  
wanaagsan yahay,  
Oo naxariistiisuna weligeedba  
way waartaa.

### ALEF

- 119** <sup>1</sup> Waxaa barakaysan  
kuwa jidka ku qumman,  
Oo sharciga Rabbiga ku socda.
- <sup>2</sup> Waxaa barakaysan  
kuwa dhawra  
markhaatifurkiisa,  
Oo Rabbiga ku doondoona  
qalbiga oo dhan.
- <sup>3</sup> Haah, oo xaqdarro ma  
sameeyaan,  
Jidadkiisase way ku socdaan.
- <sup>4</sup> Wuxaa nagu amartay  
amarradaada,  
Inaan aad u dhawrno.
- <sup>5</sup> Aad baan u jeelaan lahaa in  
jidatkayga la hagaajiyo  
Inaan qaynuunnada dhawro!
- <sup>6</sup> Markaas anigu ceeboobi  
maayo,  
Markaan dhawro amarradaada  
oo dhan.
- <sup>7</sup> Markaan barto  
xukummadaada xaqa ah

Aayaan qummanaanta qalbiga  
kuugu mahadnaqi  
doonaa.

<sup>8</sup> Waxaan dhawri doonaa  
qaynuunnadaada,  
Rabbow, ha i dayrin weligay.

**BED**

<sup>9</sup> Bal nin dhallinyaro ahu muxuu  
jidkiisa ku nadiifiyaa?  
Waa inuu aad ugu fiirsado si  
erayaaga waafaqsan.

<sup>10</sup> Waxaan kugu doondoonaay  
qalbigayga oo dhan,

Yaanan amarradaada ka leexan.

<sup>11</sup> Waxaan erayaagii  
qalbigayga ugu  
kaydsaday

Si aanan kuugu dembaabin.

<sup>12</sup> Rabbiyow, adigaa mahad leh,  
Haddaba qaynuunnadaada i  
bar.

<sup>13</sup> Waxaan bushimahayga ku  
sheegay

Xukummadii afkaaga oo dhan.

<sup>14</sup> Waxaan ku reyreeyey jidka  
markhaatifulkaaga,

Sidaan ugu rayrayn lahaa  
taajirnimada oo dhan.

<sup>15</sup> Waxaan aad ugu fiirsan  
doonaa amarradaada,  
Oo jidadkaagaan dhawri  
doonaa.

<sup>16</sup> Qaynuunnadaada waan ku  
farxi doonaa,  
Erayaagana ma illoobi doono.

**GIMEL.**

<sup>17</sup> Anoo addoonkaaga ah wax  
badan oo wanaagsan  
ii samee, si aan u  
noolaado,

Oo sidaasaan erayaaga u  
dhawri doonaa.

<sup>18</sup> Indhahayga fur  
Si aan waxyaaloo yaab badan  
sharcigaaga uga arko.

<sup>19</sup> Socotaan dhulka ku ahay,  
Haddaba amarradaada ha iga  
qarin.

<sup>20</sup> Naftaydu waxay u xiisootay  
Jacaylkay had iyo goorba u  
qabto xukummadaada.

<sup>21</sup> Waxaad canaanatay kuwa  
kibirsan oo inkaaran,

Oo amarrada ka leexda.

<sup>22</sup> Cay iyo ceeb iga fogee,  
Waayo, markhaatifulkaaga  
waan xajiyey,

<sup>23</sup> Oo weliba amiirraa fadhiistay  
oo wax iga gees ah ka  
wada hadlay,

Laakiinse anoo addoonkaaga ah  
aad baan uga fiirsaday  
qaynuunnadaada.

<sup>24</sup> Markhaatifulkaagu waa  
waxa iga farxiya,  
Waana lataliyayaashayda.

**DALED.**

<sup>25</sup> Naftaydu waxay ku dhegtaa  
ciidda,  
Haddaba ii noolee si erayaaga  
waafaqsan.

- <sup>26</sup> Waxaan kuu sheegay  
jidadkaygii, oo adna  
waad ii jawaabtay,  
Bal qaynuunnadaada i bar.
- <sup>27</sup> Jidka amarradaada i garansii,  
Oo sidaasaan aad ugu fiirsan  
doonaa shuqulladaada  
yaabka badan.
- <sup>28</sup> Naftaydu waxay la dhacdaa  
murug,  
Haddaba ii xoogee si erayaaga  
waafaqsan.
- <sup>29</sup> Jidka beenta iga fogee,  
Oo si raxmad leh sharcigaaga ii  
sii.
- <sup>30</sup> Waxaan doortay jidka  
aaminnimadaada,  
Oo waxaan hortayda dhigay  
xukummadaadii.
- <sup>31</sup> Markhaatifurkaaga waan  
xajiyaa,  
Rabbiyow, ha i ceebayn.
- <sup>32</sup> Waxaan ku ordi doonaa jidka  
amarradaada  
Markii aad qalbigayga  
ballaadhisid.

**HE.**

- <sup>33</sup> Rabbiyow, jidka  
qaynuunnadaada i  
bar,  
Waanan xajin doonaa tan iyo  
ugu dambaysta.
- <sup>34</sup> Waxgarasho i sii, oo anna  
sharcigaaga waan xajin  
doonaa,  
Haah, oo waxaan ku dhawri  
doonaa qalbigayga oo  
dhan.

- <sup>35</sup> Igu kexee waddada  
amarradaada,  
Waayo, kaasaan ku farxaan.
- <sup>36</sup> Qalbigayga u soo jeedi xagga  
markhaatifurkaaga,  
Oo ha u leexin xagga faa'iidata  
xaqdarrada ah.
- <sup>37</sup> Indhahayga inay fiiriyaan  
wax aan micne lahayn  
ka sii jeedi,  
Oo jidatkaaga igu noolee.
- <sup>38</sup> Erayaaga ii xaqiji anoo  
addoonkaaga ah  
Oo doonaya inaan kaa cabsado.
- <sup>39</sup> Caydayda aan ka cabsanayo  
iga leexi,  
Waayo, xukummadaadu waa  
wanaagsan yihiin.
- <sup>40</sup> Bal eeg, waxaan u xiisooday  
amarradaada,  
Haddaba xaqnimadaada igu  
soo noolee.

**WAW.**

- <sup>41</sup> Rabbiyow, naxariistaada iyo  
weliba badbaadintaadu  
Ha iigu yimaadeen si erayaaga  
waafaqsan.
- <sup>42</sup> Markaasaan jawaab u heli  
doonaa kan i caaya,  
Waayo, waxaan isku halleeyaa  
erayaaga.
- <sup>43</sup> Oo eraya runta ahna  
dhammaantiis afkayga  
ha ka gooyn,  
Waayo, waxaan rajo ku qabay  
xukummadaada.

44 Markaasaan had iyo  
     goorba dhawri doonaa  
     sharcigaaga  
 Weligay iyo weligayba.  
 45 Oo waxaan ku socon doonaa  
     xorriyad,  
 Waayo, waxaan doondoonaay  
     amarradaada.  
 46 Oo weliba waxaan  
     markhaatifurkaaga  
     ka sheegi doonaa  
     boqorro hortooda,  
 Mana ceeboobi doono.  
 47 Oo waxaan ku farxi doonaa  
     amarradaada  
 Aan jeclaaday.  
 48 Oo weliba waxaan gacmaha  
     u hoorsan doonaa  
     amarradaada aan  
     jeclaaday,  
 Oo aad baan ugu fiirsan doonaa  
     qaynuunnadaada.

**SAYN.**

49 Xusuuso eraygii aad anoo  
     addoonkaaga ah igula  
     hadashay,  
 Oo aad igu rajo gelisay.  
 50 Oo taasu waa i qalbi  
     qaboojisaa markii aan  
     dhibaataysnahay,  
 Waayo, erayaagaa i soo  
     nooleeyey.  
 51 Kuwa kibirsan aad bay iigu  
     qosleen,  
 Laakiinse sharcigaaga kama  
     aan leexan.

52 Rabbiyow, tan iyo mar hore  
     waxaan soo xusuusnaa  
     xukummadaada,  
 Waanan isqalbi qaboojiyey.  
 53 Aad baan u xanaaqay,  
 Waana kuwa sharka leh oo  
     sharcigaaga ka tegey  
     aawadood.  
 54 Qaynuunnadaadu waxay ii  
     ahaayeen heeso  
 Markaan ku jiray gurijii aan  
     socotada ku ahaa.  
 55 Rabbiyow, habeenkaan  
     magacaaga soo  
     xusuustay,  
 Oo sharcigaagaan dhawray.  
 56 Taasu waa ii ahaatay,  
 Maxaa yeelay, amarradaadii  
     baan xajiyey.

**KHED.**

57 Rabbigu waa qaybtayda,  
 Oo anigu waxaan idhi, Waxaan  
     dhawrayaa erayadaada.  
 58 Qalbigayga oo dhan ayaan  
     kugu baryay inaad raalli  
     iga ahaato,  
 Si erayaaga waafaqsan iigu  
     naxariiso.  
 59 Waxaan ka fikiray jidadkayga,  
 Kolkaasaan cagahayga u  
     soo duway xagga  
     markhaatifurkaaga.  
 60 Waan u degdegay, oo kama  
     aan raagin  
 Inaan amarradaada dhawro.  
 61 Waxaa isku kay duuddubay  
     xadhkihi kuwa sharka  
     leh,

Laakiinse sharcigaaga ma aan illoobin.

<sup>62</sup> Waxaan kici doonaa habeenbadhka inaan kugu mahadnaqo,

Waana xukummadaada caddaaladda ah daraaddood.

<sup>63</sup> Anigu waxaan wehel la ahay kuwa kaa cabsada oo dhan,

Iyo kuwa amarradaada dhawraba.

<sup>64</sup> Rabbiyow, dhulka waxaa ka buuxda naxariistaada, Haddaba qaynuunnadaada i bar.

### TET.

<sup>65</sup> Rabbiyow, anoo addoonkaaga ah waxaad iila macaamilootay

Si wanaagsan oo erayaaga waafaqsan.

<sup>66</sup> Haddaba i bar kaladoorasho wanaagsan iyo aqoon,

Waayo, waxaan rumaystay amarradaada.

<sup>67</sup> Intaan lay dhibin ka hor ayaan ambaday,

Laakiinse haatan erayaaga waan dhawraa.

<sup>68</sup> Waad wanaagsan tahay, oo wanaag baad samaysaa,

Haddaba qaynuunnadaada i bar.

<sup>69</sup> Kuwa kibirka lahu been bay iga sheegeen,

Aniguse amarradaada ayaan ku xajin doonaa qalbigaya oo dhan.

<sup>70</sup> Qalbigoodu wuu qallafsanaaday,

Aniguse waxaan ku farxaa sharcigaaga.

<sup>71</sup> Waa ii wanaagsanayd in lay dhibo,

Si aan qaynuunnadaada u barto.

<sup>72</sup> Sharciga afkaagu waa iiga sii fiican yahay Kumanyaal dahab iyo lacag ah.

### YOD.

<sup>73</sup> Waxaa i sameeyey oo i qabanqaabiyyey gacmaahaaga,

Haddaba i sii waxgarasho aan amarradaada ku barto.

<sup>74</sup> Kuwa kaa cabsadaa way i arki doonaan, wayna farxi doonaan,

Maxaa yeelay, waxaan rajo ku qabay erayaaga.

<sup>75</sup> Rabbiyow, waan ogahay in xukummadaadu ay xaq yihiin,

Iyo inaad aaminnimo igu dhibtay.

<sup>76</sup> Waan ku baryayaaye raxmaddaadu ha ii noqoto qalbiqaboojin

Si waafaqsan eraygii aad anoo addoonkaaga ah igula hadashay.

<sup>77</sup> Naxariistaadu ha ii timaado si aan u noolaado,

Waayo, waxaa iga farxiya  
sharcigaaga.

<sup>78</sup> Kuwa kibirka lahu ha  
ceebobbeen, waayo,  
si gardarro ah ayay igu  
afgembiyeen,

Aniguse waxaan aad uga fiirsan  
doonaa amarradaada.

<sup>79</sup> Kuwa kaa cabsadaa ha ii soo  
noqdeen,

Oo waxay ogaan doonaan  
markhaatifurkaaga.

<sup>80</sup> Qalbigaygu qaynuunnadaada  
ha ku qummanaado,  
Si aanan u ceeboobin.

**KAF.**

<sup>81</sup> Naftaydu waa u  
taag darnataa  
badbaadintaada aan u  
xiisoodo aawadeed,  
Laakiinse erayaagaan rajo ku  
qabaa.

<sup>82</sup> Sidii aan u lahaa, Goormaad i  
qalbi qaboojinaysaa?

Ayaa indhahaygu u gudheen  
erayaaga aawadiis.

<sup>83</sup> Waayo, waxaan noqday sidii  
sibraar qiiq ku dhex jiro,  
Laakiinse innaba  
qaynuunnadaada  
ma aan illoobo.

<sup>84</sup> Anoo addoonkaaga ah  
cimrigaygu waa intee?  
Oo goormaad xukun ku soo  
dejinaysaa kuwa i  
silciya?

<sup>85</sup> Kuwa kibirka leh oo  
aan sharcigaaga  
waafaqsanayn  
Ayaa ii qoday godad.

<sup>86</sup> Amarradaada oo dhammu  
waa wada daacad,  
Si gardarro ah ayay ii silciyaan,  
<sup>87</sup> Dhulka ayay iga baabbi'in  
gaadheen,

Aniguse kama aan tegin  
amarradaadii.

<sup>88</sup> Raxmaddaada igu soo  
noolee,

Oo anna waxaan dhawri  
doonaa markhaatifurka  
afkaaga.

**LAMED.**

<sup>89</sup> Rabbiyow, erayaagu  
weligiisba  
Wuxuu taagan yahay samada.

<sup>90</sup> Aaminnimadaaduna waxay  
gaadhaa tan iyo ka ab ka  
ab;

Dhulkaad dhistay, wuuna sii  
jiraya.

<sup>91</sup> Maantadan waxay u joogaan  
si qaynuunnadaada  
waafaqsan,  
Waayo, wax waluba waa  
addoommadaada.

<sup>92</sup> Haddaanu sharcigaagu iga  
farxin,

Waxaan kol hore ku halligmi  
lahaa dhibaatadii i  
haysatay.

<sup>93</sup> Weligay amarradaada ma  
aan illoobi doono,

Waayo, iyagaad igu soo  
noolaysay.

<sup>94</sup> Anigu waxaan ahay kaaga,  
haddaba i badbaadi,

Waayo, waxaan doondoonaay  
amarradaada.

<sup>95</sup> Kuwa sharka lahu way  
ii sugeen inay i  
baabbi'yaan,

Aniguse waxaan ka  
fiirisan doonaa  
markhaatifulkaaga.

<sup>96</sup> Waxaan arkay in wax kasta oo  
kaamil ah ay dhammaad  
leeyihiin,

Amarkaaguse aad buu u  
ballaadhan yahay.

### MEM.

<sup>97</sup> Aad baan sharcigaaga u  
jeclahay!

Maalinta oo dhan isagaan u  
fiirsadaa.

<sup>98</sup> Amarradaadu waxay  
iga dhigaan ku  
ka sii caqli badan  
cadaawayaaashayda.

Waayo, weligayba way ila  
jiraan.

<sup>99</sup> Waan ka sii waxgarasho  
badnahay  
macallimiintayda oo  
dhan,

Waayo, waxaan u fiirsadaa  
markhaatifulkaaga.

<sup>100</sup> Waan ka sii waxgarasho  
badnahay odayaasha,

Waayo, waxaan xajiyey  
amarradaada.

<sup>101</sup> Cagahayga waan ka joojiyey  
jid kasta oo shar leh,

Si aan erayaaga u dhawro.

<sup>102</sup> Xukummadaada gees  
ugama aan leexan,

Waayo, wax baad i bartay.

<sup>103</sup> Erayadaadu  
dhanxanaggayga u  
macaan badanaa!

Afkayga malab way uga sii  
macaan badan yihiin!

<sup>104</sup> Amarradaada ayaan  
waxgarasho ku helaa,  
Oo sidaas daraaddeed ayaan  
jid kasta oo been ah u  
necbahay.

### NUN.

<sup>105</sup> Eraygaagu wuxuu cagahayga  
u yahay laambad,  
Waddooyinkaygana iftiin.

<sup>106</sup> Waxaan ku dhaartay oo aan  
weliba xaqijiyey  
Inaan dhawrayo  
xukummadaada xaq  
ah.

<sup>107</sup> Aad iyo aad baan u  
dhibaataysnahay,  
Haddaba Rabbiyow, igu soo  
noolee si erayaaga  
waafaqsan.

<sup>108</sup> Rabbiyow, waan ku  
baryayaaye, aqbal  
qurbaannada  
ikhtiyaarka ah oo  
afkayga,

Xukummadaadana i bar.

<sup>109</sup> Naftaydu had iyo goorba  
waxay ku jirtaa khatar,

- Habase yeeshee sharcigaaga  
ma illoobo.
- <sup>110</sup> Kuwa sharka lahu waxay ii  
dhigeen dabin,  
Laakiinse amarradaada kama  
aan amban.
- <sup>111</sup> Markhaatifurkaaga waxaan  
u qaatay sida dhaxal  
weligiis waaraya,  
Waayo, kaasu wawa weeye  
waxa qalbigaygu ku  
reyreeya.
- <sup>112</sup> Qalbigayga waxaan  
u jeediye inaan  
qaynuunnadaada  
oofiyo,  
Tan iyo weligay iyo ilaa ugu  
dambaysta.

**SAMEKH.**

- <sup>113</sup> Waan necbahay kuwa  
labada qalbi leh,  
Laakiinse sharcigaaga waan  
jeclahay.
- <sup>114</sup> Wuxuu la  
gabbaadkayga iyo  
gaashaankayga,  
Oo waxaan rajo ku qabaa  
eraygaaga.
- <sup>115</sup> Kuwiinna xumaanta falow,  
iga taga,  
Si aan amarrada Ilaahayga u  
xajivo.
- <sup>116</sup> Rabbiyow, ii tiiri si eraygaaga  
waafaqsan si aan u  
noolaado,  
Oo yaanan rajadayda ku  
ceebobin.

- <sup>117</sup> Kor ii hay, oo waan badbaadi  
doonaa,  
Oo had iyo goorba waxaan  
u fiirsan doonaa  
qaynuunnadaada.
- <sup>118</sup> Kuwa qaynuunnadaada ka  
habaabay oo dhan waad  
fudaydsatay,  
Waayo, khiyaanadoodu waa  
wax been ah.
- <sup>119</sup> Kuwa sharka leh oo dhulka  
oo dhan waxaad u  
fogaysaa sida wasakh oo  
kale,  
Oo sidaas daraaddeed baan  
markhaatifurkaaga u  
jeclahay.
- <sup>120</sup> Jidhkaygu wuxuu la gariiraa  
cabsidaada,  
Oo waxaan ka baqaa  
xukummadaada.

**CAYN.**

- <sup>121</sup> Wuxuu la  
gabbaadkayga iyo  
gaashaankayga,  
Haddaba ha iiga tegin kuwa i  
dulma.
- <sup>122</sup> Anoo addoonkaaga ah  
wanaag daraaddiis ii  
dhammiino,  
Oo kuwa kibirsanu yaanay i  
dulmin.
- <sup>123</sup> Indhahaygii waxay u  
gudheen jacaylkay  
badbaadintaada u  
qabaan,  
Iyo eraygaaga xaqaa ah  
daraaddiis.

- <sup>124</sup> Anoo addoonkaaga ah  
iila macaamilow  
si naxariistaada  
waafaqsan,  
Oo qaynuunnadaada i bar.
- <sup>125</sup> Waxaan ahay addoonkaaga,  
haddaba waxgarasho i  
sii,  
Si aan markhaatifurkaaga u  
ogaado.
- <sup>126</sup> Waa wakhtiga aad shaqayn  
lahayd, Rabbiyow,  
Waayo, sharcigaaga way  
buriyeen.
- <sup>127</sup> Haddaba amarradaada  
waan ka sii jeclahay  
Dahab, haah, xataa dahab saafi  
ah.
- <sup>128</sup> Sidaas daraaddeed  
amarradaada oo  
dhammu waxay ila yihin  
wax hagaagsan,  
Oo waan necbahay jid kasta oo  
been ah.

**FE.**

- <sup>129</sup> Markhaatifurkaagu waa  
yaab badan yahay,  
Oo sidaas daraaddeed ayay  
naftaydu u xajisaa.
- <sup>130</sup> Erayadaada furniinkoodu  
wax buu iftiimiyaa,  
Oo wuxuu waxgarasho siiyaa  
kuwa garaadka daran.
- <sup>131</sup> Afka aad baan u kala qaaday,  
oo waan harraaday,  
Waayo, waxaan u xiisoday  
amarradaada.
- <sup>132</sup> Li soo jeeso, oo ii naxariiso,

- Sidaad kuwa magacaaga jecel u  
samaysid.
- <sup>133</sup> Tallaabooyinkayga ku toosi  
eraygaaga,  
Oo dembina yaanu ii talin.
- <sup>134</sup> Dadka dulmigiisa iga bixi,  
Oo anna waxaan dhawri  
doonaa amarradaada.
- <sup>135</sup> Anoo addoonkaaga ah  
wejigaaga iigu iftiimi,  
Oo qaynuunnadaada i bar.
- <sup>136</sup> Indhahayga waxaa ka  
shubma durdurro biyo  
ah,  
Maxaa yeelay, sharcigaaga  
lama dhawrin.

**SADE.**

- <sup>137</sup> Rabbiyow, xaq baad tahay,  
Oo xukummadaaduna waa  
qumman yihin.
- <sup>138</sup> Markhaatifurkaaga waxaad  
ku amartay xaqnimo  
lyo daacadnimo oo dhan.
- <sup>139</sup> Waxaa i baabba'shay qirada  
aan kuu qabo,  
Maxaa yeelay,  
cadaawayaashaydu  
waxay illoobeen  
erayadaada.
- <sup>140</sup> Erayagaagu aad buu u  
daahirsan yahay,  
Sidaas daraaddeed anoo  
addoonkaaga ah waan  
jeclahay.
- <sup>141</sup> Anigu waan yarahay, oo waa  
lay quudhsadaa,  
Laakiinse amarradaada ma  
illoobo.

<sup>142</sup> Xaqnimadaadu waa  
xaqnimo weligeed sii  
waaraysa,  
Oo sharcigaaguna waa run.  
<sup>143</sup> Dhib iyo cidhiidhi baa i  
qabsaday.  
Laakiinse amarradaadu waa  
waxa iga farxiya.  
<sup>144</sup> Markhaatifurkaagu  
weligiisba waa xaq,  
Haddaba waxgarasho i sii, oo  
anna waan sii noolaan  
doonaa.

**QOF.**

<sup>145</sup> Waxaan ku qayshaday  
qalbigayga oo dhan,  
haddaba Rabbiyow, ii  
jawaab,  
Oo anna waxaan xajin doonaa  
qaynuunnadaada.  
<sup>146</sup> Waan kuu qayshaday ee i  
badbaadi,  
Oo markhaatifurkaaga waan  
dhawri doonaa.  
<sup>147</sup> Waan ka soo hor maray  
waaga berigiisii, oo  
waan qayliyey,  
Oo waxaan rajo ku qabay  
erayadaada.  
<sup>148</sup> Indhahaygu way ka hor  
mareen wakhtiga la soo  
jeedo oo habeennimo,  
Si aan eraygaaga uga fikiro.  
<sup>149</sup> Codkayga u maqal  
si raxmaddaada  
waafaqsan,

Rabbiyow, igu soo noolee  
si xukummadaada  
waafaqsan.  
<sup>150</sup> Kuwii xumaatada raaci jiray  
way soo dhowaanayaan,  
Iyagu sharcigaaga way ka fog  
yihiiin.  
<sup>151</sup> Rabbiyow, adigu waad  
dhow dahay,  
Oo amarradaada oo  
dhammuna waa wada  
run.  
<sup>152</sup> Waxaan markhaatifurkaaga  
waa hore ka iqjin  
Inaad u aasaastay si ay  
weligood u sii waaraan.

**RESH.**

<sup>153</sup> Dhibaatadayda ka fiirso oo i  
samatabbixi,  
Waayo, anigu sharcigaaga ma  
illoobo.  
<sup>154</sup> Dacwadayda ii muddac, oo i  
soo furo,  
Igu soo noolee si eraygaaga  
waafaqsan.  
<sup>155</sup> Kuwa sharka leh  
badbaadadu waa ka  
fog tahay,  
Waayo, qaynuunnadaada ma  
ay doondoonaan.  
<sup>156</sup> Rabbiyow, naxariistaadu  
waa badan tahay,  
Igu soo noolee si  
xukummadaada  
waafaqsan.  
<sup>157</sup> Kuwa i silciya iyo  
cadaawayashaayduba  
way badan yihiiin,

- Laakiinse anigu kama  
aan leexan  
markhaatifurkaaga.
- <sup>158</sup> Waxaan arkay khaa'innada,  
kolkaasaan murugooday,  
Maxaa yeelay, iyagu eraygaaga  
ma ay dhawraan.
- <sup>159</sup> Bal ka firso sida aan  
amarradaada u jeclahay,  
Rabbiyow, igu soo noolee  
si raxmaddaada  
waafaqsan.
- <sup>160</sup> Eraygaaga dhammaantiisu  
waa run,  
Mid kasta oo xukummadaada  
xaqa ah ka mid ahu wuu  
sii waaraa weligiisba.

**SHIN.**

- <sup>161</sup> Amiirraa sababla'aan ii  
silciyey,  
Laakiinse qalbigaygu wuxuu ka  
baqaa erayadaada.
- <sup>162</sup> Waxaan eraygaaga ugu  
reyreeyaa  
Sidii mid booli badan helay.
- <sup>163</sup> Beenta waan necbahay oo  
waan karahsaday,  
Laakiinse sharcigaaga waan  
jeclahay.
- <sup>164</sup> Maalintiba toddoba jeer  
baan ku ammaanaa,  
Waana xukummadaada xaqa  
ah daraaddood.
- <sup>165</sup> Kuwa sharcigaaga jecelu  
waxay haystaan nabad  
weyn,  
Oo wax iyaga turuntureeyaa  
ma jiraan.

- <sup>166</sup> Rabbiyow, badbaadintaada  
waan u xiisooday,  
Oo amarradaadiina waan  
oofiyey.
- <sup>167</sup> Naftaydu waxay dhawrtay  
markhaatifurkaaga,  
Oo anna aad iyo aad baan u  
jeclahay.
- <sup>168</sup> Waxaan dhawray  
amarradaada iyo  
markhaatifurkaaga,  
Waayo, jihadkayga oo dhammu  
hortaaday wada yaalliiin.

**TAW.**

- <sup>169</sup> Rabbiyow, qayladaydu ha ku  
soo dhowaato hortaada,  
Oo waxgarasho ii sii si  
eraygaaga waafaqsan.
- <sup>170</sup> Baryootankaygu hortaada  
ha yimaado,  
Oo ii samatabbixi si eraygaaga  
waafaqsan.
- <sup>171</sup> Bushimahaygu ammaan ha  
ku hadleen,  
Waayo, waxaad i bartaa  
qaynuunnadaada.
- <sup>172</sup> Carrabkaygu ha ku gabyo  
eraygaaga,  
Waayo, amarradaada oo  
dhammu waa wada  
xaqnimo.
- <sup>173</sup> Gacantaadu diyaar ha u  
ahaato inay i caawiso,  
Waayo, amarradaadaan  
doortay.
- <sup>174</sup> Rabbiyow, badbaadintaada,  
waan u xiisooday,

Oo sharcigaaguna waa waxa  
iga farxiya.

<sup>175</sup> Naftaydu ha iska noolaato,  
wayna ku ammaani  
doontaa,

Oo xukummadaaduna ha i  
caawiyaan.

<sup>176</sup> Waxaan u hallaabay sidii  
lax luntay, haddaba  
anigoo addoonkaaga ah  
i doondoon,  
Waayo, amarradaada ma aan  
illoobo.

*Gabayga meelokoridda.*

## 120<sup>1</sup> Anigoo cidhiidhi ku jira ayaan Rabbiga u qayshaday,

Oo isna wuu ii jawaabay.

<sup>2</sup> Rabbiyow, naftayda ka  
samatabbixi bushimo  
been sheega,

Iyo carrab kхиyaano badan.

<sup>3</sup> Carrabka kхиyaanada  
badanow, bal maxaa  
lagu siin doonaa?

Oo maxaa kaloo laguu samayn  
doonaa?

<sup>4</sup> Adoo ah sida ku xoog  
badan oo fallaadhihiisa  
afaysan,

Kuwaas oo wata dhuxulo geed  
rotem la yidhaahdo.

<sup>5</sup> Anaa hoogay, waayo, Mesheg  
baan qariib ku noqday,

Oo waxaan dhex degay  
teendhooyinkii Qedaar!

<sup>6</sup> Naftaydu waxay wakhti dheer  
la degganayd

Mid nabadda neceb.

<sup>7</sup> Waxaan ahay mid nabad jecel,  
Laakiinse kolkii aan hadlo,  
iyagu waa kuwa dagaal  
jecel.

*Gabayga meelokoridda.*

## 121<sup>1</sup> Buurahaan indhahayga ku taagi doonaa,

Caawimaaddaydu xaggee bay  
ka iman doontaa?

<sup>2</sup> Caawimaaddaydu waxay ka  
timaadaa  
Rabbiga sameeyey samada iyo  
dhulka.

<sup>3</sup> Isagu uma oggolaan doono in  
cagtaada la dhaqaajyo,  
Kan ku dhawraa ma gam'i  
doono.

<sup>4</sup> Bal eeg, kan reer binu Israa'iil  
dhawraa  
Ma gam'i doono, mana seexan  
doono.

<sup>5</sup> Kan ku dhawraa waa Rabbiga,  
Rabbigu waa hooskaaga  
midigtaada taagan.

<sup>6</sup> Qorraxdu maalinta waxba  
kuma yeeli doonto.

Habeenkana dayaxu waxba  
kuma yeeli doono.

<sup>7</sup> Rabbiga ayaa kaa dhawri  
doona shar kasta,  
Isagu wuxuu dhawri doonaa  
naftaada.

<sup>8</sup> Hadda intii ka bilaabata iyo  
tan iyo weligeedba

Rabbigu wuxuu dhawri doonaa  
bixiddaada iyo soo  
geliddaadaba.

*Gabayga meelokoridda  
oo Daa'uud tirihey.*

## 122<sup>1</sup> Waan farxay markay igū yidhaahdeen,

Ina keena, aan guriga Rabbiga  
tagnee.

<sup>2</sup> Yeruusaalemay, cagahayagu  
Waxay taagan yihiin irdahaaga  
gudahooda,

<sup>3</sup> Yeruusaalem waxaa loo dhisay  
Sida magaalo isku wada  
dheggan,

<sup>4</sup> Halkaasay qabiilooyinka,  
oo ah qabiilooyinka  
Rabbigu kor ugu baxaan  
Inay Israa'iil u marag furaan,  
Iyo inay magaca Rabbiga ku  
mahadnaqaan.

<sup>5</sup> Waayo, waxaa yaalla carshiyο  
garsoorid loo dhigay,  
Waana carshiyadii reerka  
Daa'uud.

<sup>6</sup> Yeruusaalem nabad ugu  
duceeya.

Kuwa ku jecelu way  
barwaaqoobi doonaan.

<sup>7</sup> Nabadu ha ku jirto  
derbiyadaada  
gudahooda,

Barwaaqona ha ku jirto  
daarahaaga dhaadheer.

<sup>8</sup> Walaalahay iyo rafiqyadayda  
daraaddood

Ayaan hadda waxaan  
odhanaya, Nabadu  
gudahaaga ha ku jirto.

<sup>9</sup> Rabbiga Ilaahayaga gurigiisa  
daraaddis

Ayaan wanaaggagaaga u  
doondooni doonaa.

*Gabayga meelokoridda.*

## 123<sup>1</sup> Kaaga samooyinka dhex fadhiyow,

Adigaan indhahayga kor kuugu  
taagaa.

<sup>2</sup> Bal eeg, sida ay indhaha  
addoommadu u fiiriyaan  
gacanta sayidkooda,  
Iyo sida ay gabadh indhaheedu  
u fiiriyaan gacanta  
sayidaddeeda

Ayay indhahayagu u fiiriyaan  
Rabbiga Ilaahayaga ah,  
Ilaa uu noo naxariisto.

<sup>3</sup> Rabbiyow, noo naxariiso,  
annaga noo naxariiso,  
Waayo, waxaa aad nooga  
buuxda quudhsasho.

<sup>4</sup> Naftayadii waxaa aad uga  
batay  
Qosolka kuwa istareexsan  
Iyo quudhsashadii kuwa  
kibirsan.

*Gabayga meelokoridda  
oo Daa'uud tirihey.*

## 124<sup>1</sup> Haddaan Rabbigu inala jirin

Hadda reer binu Israa'iil ha  
yidhaahdeen,

<sup>2</sup> Haddaan Rabbigu inala jirin,

Markii dadku inagu kacay,  
<sup>3</sup> Kolkaasay innagoo noolnool  
     ina wada liqliqi  
     lahaayeen,  
 Markay aad inoogu  
     cadhoodeen,  
<sup>4</sup> Kolkaasay biyuhu ina qarqin  
     lahaayeen,  
 Durdurna nafteennuu dul mari  
     laha,  
<sup>5</sup> Oo kolkaasay biyaha kibirsanu  
     nafteenna dul mari  
     lahaayeen.  
<sup>6</sup> Waxaa mahad leh Rabbiga  
 Aan inaga dhigin ugaadh  
     ilkahoodu ay qabsadaan.  
<sup>7</sup> Nafteennu waxay u baxsatay  
     sida shimbir uga  
     baxsato dabinka  
     shimbirrodabtaha,  
 Dabinkii wuu go'ay, innaguna  
     waynu baxsannay.  
<sup>8</sup> Caawimaaddeennu waxay ku  
     jirtaa magaca Rabbiga  
 Sameeyey samada iyo  
     dhulkaba.

*Gabayga meelokoridda.*

**125** <sup>1</sup> Kuwa Rabbiga isku  
     halleeyaa  
 Waa sida Buur Siyon oo  
     aan la dhaqaajin karin,  
     laakiinse weligeedba sii  
     jirta.  
<sup>2</sup> Sida buuruuhu Yeruusaalem  
     ugu wareegsan yihiin  
 Ayuu Rabbigu dadkiisa ugu  
     wareegsan yahay,

Hadda intii ka bilaabata iyo tan  
     iyo weligeedba.  
<sup>3</sup> Waayo, usha xumaantu ku  
     dhici mayso qaybta  
     kuwa xaqa ah,  
 Si aan kuwa xaqa ahu  
     gacmahooda xumaan  
     ugu soo fidin.  
<sup>4</sup> Rabbiyow, kuwa wanaagsan  
     wanaag u samee,  
 Iyo weliba kuwa qalbigoodu  
     qumman yahay.  
<sup>5</sup> Laakiinse kuwa geesta ugu  
     leexda jihadkooda  
     qalloocan  
 Rabbigu wuxuu iyaga la  
     kaxayn doonaa  
     xumaanfalayaasha.  
 Reer binu Israa'iil korkooda  
     nabadu ha ahaato.

*Gabayga meelokoridda.*

**126** <sup>1</sup> Markii Rabbigu soo  
     celiyey maxaabiistii  
     Siyoon,  
 Waxaynu noqonnay sida kuwa  
     riyooda.  
<sup>2</sup> Markaasaa afkeenna waxaa  
     ka buuxsamay qosol,  
 Carrabkeennana gabay,  
 Kolkaasaa quruuumaha waxaa  
     laga dhex yidhi,  
 Rabbigu waxyaalo waaweyn  
     ayuu iyaga u sameeyey.  
<sup>3</sup> Rabbigu wuxuu inoo  
     sameeyey waxyaalo  
     waaweyn,  
 Oo aynu ku faraxsan nahay.

<sup>4</sup> Rabbiyow, maxaabiisnimada  
mar kale nooga soo celi  
Sida durdurrada koonfureed.

<sup>5</sup> Kuwa ilmada wax ku abuurtaa,  
farxad bay ku goosan  
doonaan.

<sup>6</sup> Kii iska taga isagoo ooyaya oo  
abuurkiisa sita,  
Wuxuu soo noqon doonaan  
isagoo faraxsan oo  
xidhmooyinkiisa sita.

*Gabayga meelokoridda oo  
Sulaymaan tiriyeey.*

**127** <sup>1</sup>Haddaan Rabbigu  
guriga dhisin,  
Kuwa dhisaya, waxtarla'aan  
bay u hawshoodaan,  
Haddaan Rabbigu magaalada  
dhawrin,  
Waardiyuhu micnela'aan buu u  
soo jeedaa.  
<sup>2</sup> Faa'iido idiinma leh inaad  
aroor hore kacdaan  
oo aad goor dambe  
seexataan,  
Oo aad kibista dhibka cuntaan,  
Waayo, wuxuu kuwuu jecel  
yahay siiyaa hurdo.  
<sup>3</sup> Bal eeg, carruurtu waa dhaxal  
xagga Rabbiga laga helo.  
Oo midhaha maxalku waa  
abaalgudkiisa.  
<sup>4</sup> Sida fallaadho ku jira nin xoog  
badan gacantiis,  
Sidaasoo kale weeye carruurta  
dhallinyaranimadu.

<sup>5</sup> Waxaa barakaysan ninkii  
gabooyihisa ka  
buuxsada iyaga,  
iyagu ma ay ceeboobi doonaan  
Markay cadaawayaaashooda  
kula hadlaan xagga  
iridda.

*Gabayga meelokoridda.*

**128** <sup>1</sup>Waxaa barakaysan  
mid kasta oo Rabbiga  
ka cabsada,

Oo jidadkiisa ku socda.  
<sup>2</sup> Waayo, waad cuni doontaa  
waxa gacmahaagu ku  
hawshooddeen,  
Waadna farxi doontaa, oo  
waad barwaqaqoobi  
doontaa.

<sup>3</sup> Naagtaadu waxay gurigaaga  
ku dhex ahaan doontaa  
sida geed canab ah oo  
midho badan dhala.  
Carruurtaaduna waxay noqon  
doonaan sida geedo  
saytuun ah oo miiskaaga  
ku wareegsan.

<sup>4</sup> Bal eeg, sidaasuu u barakoobi  
doonaa  
Ninka Rabbiga ka cabsadaa.

<sup>5</sup> Rabbigu Siyoon buu kaa  
barakayn doonaa,  
Oo cimrigaaga oo dhan waxaad  
arki doontaa wanaaggaa  
Yeruusaalem.

<sup>6</sup> Haah, oo waxaad arki  
doontaa carruurtaada  
carruurtooda.

Reer binu Israa'iil korkooda  
nabadu ha ahaato.

*Gabayga meelokoridda.*

- 129** <sup>1</sup>Tan iyo yaraantaydii marar badan bay i dhiveen,  
Reer binu Israa'iil hadda ha yidhaahdeen,  
<sup>2</sup>Tan iyo yaraantaydii marar badan bay i dhiveen,  
Laakiinse igama ay adkaan.  
<sup>3</sup>Kuwa beerta jeexaa ayaa dhabarkaya jeexay,  
Oo jeexjeexoodiina way dheereeyeen.  
<sup>4</sup>Rabbigu waa xaq,  
Oo isagu wuxuu kala gooyay xadhkihi kuwa sharka leh.  
<sup>5</sup>Inta Siyoon neceb oo dhammu,  
Ha ceeboobeen oo dib ha u noqdeen.  
<sup>6</sup>Ha noqdeen sida cawska guryaha korkooda ka baxa  
Oo engega intaanu korin,  
<sup>7</sup>Oo aan beergooyuhu gacantiisa ka buuxin,  
Kan xidhmooyinka xidhaana aanu laabtiisa ka buuxin.  
<sup>8</sup>Oo kuwa ag maraana ma yidhaahdaan,  
Barakadii Rabbigu korkiinna ha ahaato.  
Waxaan idiinku ducaynaynaa magaca Rabbiga.

*Gabayga meelokoridda.*

- 130** <sup>1</sup>Rabbiyow, waxaan kaaga qayshaday moolalka.  
<sup>2</sup>Sayidow, codkayga maqal, Oo dhegahaagu ha noqdeen kuwo u digtoon Codka baryootankayga.  
<sup>3</sup>Rabbiyow, haddaad dembiyada u fiirsatid, Bal yaa istaagi doona, Sayidow?  
<sup>4</sup>Laakiinse waxaa kula jirta dembidhaafid, In adiga lagaa cabsado daraaddeed.  
<sup>5</sup>Waxaan sugaa Rabbiga, Naftayduna way sugtaa, oo eraygiisa ayaan rajo ku qabaa.  
<sup>6</sup>Naftaydu waxay Sayidka u dhawrtaa In ka sii badan sida waardiyuhu u dhawro waaga berigiisa, Haah, in ka sii badan sida waardiyuhu u dhawro waaga berigiisa.  
<sup>7</sup>Reer binu Israa'iilow, Rabbiga rajo ku qaba, Waayo, Rabbigu wuxuu leeyahay naxariis Iyo weliba furasho aad iyo aad u badan.  
<sup>8</sup>Oo wuxuu reer binu Israa'iil ka soo furan doonaa Dembiyadooda oo dhan.

*Gabayga meelokoridda  
oo Daa'uud tirihey.*

**131** <sup>1</sup>Rabbiyow, qalbigaygu kor isuma qaado, indhahayguna ma kibirsana, Oo anna iskuma dhex tuuro axwaal waaweyn, Ama waxyaalihii igu yaab badan. <sup>2</sup>Hubaal naftaydii waan dejiyey, oo waan xasilliyyey, Sida ilmo naas laga gudhiyey oo hooyadiis la jooga, Naftaydu waxay iigu jirtaa sida ilmo naas laga gudhiyey. <sup>3</sup>Reer binu Israa'iilow, Rabbiga rajo ku qaba, Haddeer intii laga bilaabo iyo tan iyo weligiinba.

*Gabayga meelokoridda.*

**132** <sup>1</sup>Rabbiyow, bal xusuuso Daa'uud Dhibaatooyinkiisii oo dhan, <sup>2</sup>Iyo siduu Rabbiga ugu dhaartay, Oo nidar ugu galay Ilaaha Xoogga leh oo Yacquub, isagoo leh, <sup>3</sup>Hubaal anigu geli maayo teendhada gurigayga, Sariirtaydana fuuli maayo, <sup>4</sup>Indhahayga seexasho isugu qaban maayo, II iyo baalna isu keeni maayo, <sup>5</sup>Ilaa aan meel u helo Rabbiga,

Oo aan taambuug u helo Kan Xoogga leh oo Yacquub. <sup>6</sup>Bal eeg, annagu waxaan ku maqalnay Efraataah, Oo waxaan ka helnay berrinkii duurka. <sup>7</sup>Waxaan geli doonaa taambuugyadiisa, Oo waxaan ku sujuudi doonaa meeshuu cagaha saarto. <sup>8</sup>Rabbiyow, sara joogso, oo meeshaada nasashada gal, Adiga iyo sanduuqa xooggaaguba. <sup>9</sup>Wadaaddadaadu xaqnimo ha huwadeen, Quduusiintaaduna farxad ha la qayliyeen. <sup>10</sup>Addoonkaagii Daa'uud daraaddis Ha sii jeedin kaaga subkan wejigiisa. <sup>11</sup>Rabbigu run buu Daa'uud ugu dhaartay, Oo dhaartiisiina ka soo noqon maayo, Midhaha jidhkaaga midkood ayaan carshigaaga ku fadhiisin doonaa. <sup>12</sup>Carruurtaadu hadday xajiyaa axdigayga Iyo markhaatifurkayga aan iyaga bari doono, De markaas carruurtooduna weligood bay ku fadhiisan doonaan carshigaaga.

- <sup>13</sup> Waayo, Rabbigu wuu doortay  
Siyoon,  
Oo wuxuu u jeclaystay inuu  
rugtiisii ka dhigto.
- <sup>14</sup> Halkanu waa meeshaydii  
nasashada weligeedba,  
Halkanaan degganaan doonaa,  
waayo, waan jeclaystay.
- <sup>15</sup> Waxaan iyada aad iyo aad  
ugu barakayn doonaa  
quud,
- Oo masaakiinteeda waxaan ka  
dhergin doonaa cunto.
- <sup>16</sup> Wadaaddadeedana  
waxaan huwin doonaa  
badbaado,
- Quduusiinteeduna aad bay ula  
qaylin doonaan farxad.
- <sup>17</sup> Halkaas waxaan ka dhigi  
doonaa in gees Daa'uud  
u soo baxo,
- Waxaan laambad u diyaariyey  
kii aan subkaday.
- <sup>18</sup> Cadaawayaaishiisa waxaan  
huwin doonaa ceeb,  
Laakiinse taajkiisu madaxiisuu  
ku waari doonaa.

*Gabayga meelokoridda  
oo Daa'uud tiriyey.*

- 133** <sup>1</sup>Bal eeg, siday u  
wanaagsan tahay oo ay  
u wacan tahay  
Inay walaalo wadajir ku  
degganaadaan!
- <sup>2</sup> Waa sida saliidda qaaliga ah  
ee madaxa,  
Oo ku soo dareertay gadhka,

Kaasoo ahaa gadhkii Haaruun,  
Oo waxay soo gaadhadaraftii  
dharkiisa,  
<sup>3</sup> Waana sida dharabka Buur  
Xermoon,  
Oo ku soo dega buuraha  
Siyoon,  
Waayo, Rabbigu wuxuu amray  
inay halkaas ku dhacdo  
barako,  
Taasoo ah nolosha tan iyo  
weligeedba.

*Gabayga meelokoridda.*

- 134** <sup>1</sup>Bal eega, Rabbiga  
ammaana, Rabbiga  
addoommadiisa oo  
dhammow,  
Kuwiinna goor habeennimo  
ah guriga Rabbiga dhex  
taaganow.
- <sup>2</sup> Gacmaha u taaga macbudka  
xaggiisa,  
Oo Rabbiga ammaana.
- <sup>3</sup> Rabbigu Siyon ha idinka soo  
barakeeyo,  
Kaasoo ah kii sameeyey  
samada iyo dhulkaba.

- 135** <sup>1</sup>Rabbiga ammaana.  
Ammaana magaca  
Rabbiga,  
Rabbiga addoommadiisow,  
isaga ammaana,  
<sup>2</sup> Kuwiinna guriga Rabbiga  
Iyo barxadaha guriga  
Ilaaheenna dhex  
taaganow.

<sup>3</sup> Rabbiga ammaana, waayo,  
Rabbigu waa wanaagsan  
yahay,  
Magiciisa ammaan ugu gabya,  
waayo, wuu wacan  
yahay.

<sup>4</sup> Waayo, Rabbigu reer Yacquub  
nafsaddiisuu u doortay,  
Hantidiisa gaarka ah ayuu  
u doortay reer binu  
Israa'iil.

<sup>5</sup> Waayo, waan ogahay in  
Rabbigu weyn yahay,  
Iyo in Sayidkeennu ka wada  
sarreeyo ilaahyada oo  
dhan.

<sup>6</sup> Rabbigu wax alla wixii uu  
jeclaystayba wuu ku  
sameeyey  
Samada iyo dhulka, iyo badaha  
iyo moolalka oo dhan  
dhexdooda.

<sup>7</sup> Isagaa ka dhiga in dhulka  
darafyadiisa uumi ka soo  
kaco,  
Roobkana wuxuu u sameeyaa  
hillaac,  
Oo dabayshana isagaa  
khasnadihiisa ka  
soo saara.

<sup>8</sup> Isagaa laayay curadyadii  
Masar,  
Kuwii dadka iyo kuwii  
duunyadaba.

<sup>9</sup> Masaray, isagu wuxuu  
dhexdaada u soo diray  
calaaamooyin iyo yaabab,  
Oo wax buu ku soo kor  
daayay Fircoon iyo

addoommadiisii oo  
dhanba.  
<sup>10</sup> Wuxuuna laayay quruumo  
badan,  
Oo wuxuu dilay boqorro xoog  
badan, kuwaas oo ahaa  
<sup>11</sup> Siixon oo ahaa boqorkii reer  
Amor,  
Iyo Coog oo ahaa boqorkii  
Baashaan,  
Iyo boqortooyooyinkii reer  
Kancaan oo dhan,  
<sup>12</sup> Oo dalkoodiina dhaxal ahaan  
buu u bixiyey,  
Oo wuxuu dhaxal u siiyey  
dadkiisa reer binu  
Israa'iil.

<sup>13</sup> Rabbiyow, magacaagu  
weligiisba wuu waaraa,  
Rabbiyow, xusuustaadu waxay  
gaadhaa qarni kasta.

<sup>14</sup> Waayo, Rabbigu dadkiisuu u  
garsoori doonaa,  
Oo addoommadiisana wuu u  
naxariisan doonaa.

<sup>15</sup> Sanamyada quruumuhu waa  
lacag iyo dahab,  
Oo waa wax ay dad gacmaha  
ku sameeyeen.

<sup>16</sup> Afaf way leeyihiiin, laakiinse  
ma hadlaan,  
Indhona way leeyihiiin, laakiinse  
waxba ma arkaan,

<sup>17</sup> Dhegona way leeyihiiin,  
laakiinse waxba ma  
maqlaan,  
Oo afkoodana neefu kuma  
jirto.

- <sup>18</sup> Kuwa iyaga sameeyaana  
sidooda oo kale ayay  
noqon doonaan,  
Iyo xataa mid kasta oo iyaga  
isku halleeyaaba.
- <sup>19</sup> Reer binu Israa'iilow, Rabbiga  
ammaana,  
Reer Haaruunow, Rabbiga  
ammaana,
- <sup>20</sup> Reer Laawiyow, Rabbiga  
ammaana,  
Kuwiinna Rabbiga ka cabsadow,  
Rabbiga ammaana.
- <sup>21</sup> Rabbiga Yeruuusaalem deggan  
ha laga ammaano  
Siyoon.  
Rabbiga ammaana.

- 136** <sup>1</sup>Rabbiga ku  
mahadnaqa, waayo,  
isagu waa wanaagsan  
yahay,  
Waayo, naxariistiisu  
weligeedba way sii  
waartaa.
- <sup>2</sup> Ku mahadnaqa Ilaaha  
ilaahyada,  
Waayo, naxariistiisu  
weligeedba way sii  
waartaa.
- <sup>3</sup> Ku mahadnaqa Sayidka  
sayidyada,  
Waayo, naxariistiisu  
weligeedba way sii  
waartaa.
- <sup>4</sup> Kan keligiis sameeya yaabab  
waaweyn,

- Waayo, naxariistiisu  
weligeedba way sii  
waartaa.
- <sup>5</sup> Kan samada waxgarashada ku  
sameeyey,  
Waayo, naxariistiisu  
weligeedba way sii  
waartaa.
- <sup>6</sup> Kan dhulka biyaha korkooda  
ku goglay,  
Waayo, naxariistiisu  
weligeedba way sii  
waartaa.
- <sup>7</sup> Kan sameeyey iftiimmo  
waaweyn,  
Waayo, naxariistiisu  
weligeedba way sii  
waartaa.
- <sup>8</sup> Qorraxdu inay maalinta  
xukunto,  
Waayo, naxariistiisu  
weligeedba way sii  
waartaa.
- <sup>9</sup> Dayaxa iyo xiddiguhuna inay  
habeenka xukumaan,  
Waayo, naxariistiisu  
weligeedba way sii  
waartaa.
- <sup>10</sup> Kan Masar curadyadii ka  
laayay,  
Waayo, naxariistiisu  
weligeedba way sii  
waartaa.
- <sup>11</sup> Oo reer binu Israa'iilna ka  
soo dhex saaray,  
Waayo, naxariistiisu  
weligeedba way sii  
waartaa.

- <sup>12</sup> Kan kaga soo bixiyey gacan  
xoog badan iyo cudud  
fidsan,  
Waayo, naxariistiisu  
weligeedba way sii  
waartaa.
- <sup>13</sup> Kan Badda Cas kala qaybiyey,  
Waayo, naxariistiisu  
weligeedba way sii  
waartaa.
- <sup>14</sup> Oo reer binu Israa'iilna dhex  
marshay iyada,  
Waayo, naxariistiisu  
weligeedba way sii  
waartaa.
- <sup>15</sup> Laakiinse Fircoon iyo  
ciidankiisiiba wuu ku  
afgembiyey Badda Cas  
dhexdeeda,  
Waayo, naxariistiisu  
weligeedba way sii  
waartaa.
- <sup>16</sup> Kan dadkiisa cidlada dhex  
hoggaamiyey,  
Waayo, naxariistiisu  
weligeedba way sii  
waartaa.
- <sup>17</sup> Kan boqorro waaweyn wax  
ku dhuftay,  
Waayo, naxariistiisu  
weligeedba way sii  
waartaa.
- <sup>18</sup> Oo laayay boqorro caan ah,  
Waayo, naxariistiisu  
weligeedba way sii  
waartaa.
- <sup>19</sup> Kuwaas oo ahaa Siixon oo  
ahaa boqorkii reer Amor,
- Waayo, naxariistiisu  
weligeedba way sii  
waartaa.
- <sup>20</sup> Iyo Coog oo ahaa boqorkii  
Baashaan,  
Waayo, naxariistiisu  
weligeedba way sii  
waartaa.
- <sup>21</sup> Oo dalkoodiina u bixiyey  
dhaxal ahaan,  
Waayo, naxariistiisu  
weligeedba way sii  
waartaa.
- <sup>22</sup> Kaasoo ahaa dhaxalkii uu  
siiyey addoonkiisii  
Israa'iil,  
Waayo, naxariistiisu  
weligeedba way sii  
waartaa.
- <sup>23</sup> Kan ina soo xusuustay  
markaan gunta ahayn,  
Waayo, naxariistiisu  
weligeedba way sii  
waartaa.
- <sup>24</sup> Oo inaga soo samatabbixiyey  
cadaawayaaasheennii,  
Waayo, naxariistiisu  
weligeedba way sii  
waartaa.
- <sup>25</sup> Kan cunto siiya wax kastoo  
jidh leh,  
Waayo, naxariistiisu  
weligeedba way sii  
waartaa.
- <sup>26</sup> Ku mahadnaqa Ilaaha  
samada,  
Waayo, naxariistiisu  
weligeedba way sii  
waartaa.

**137** <sup>1</sup>Waxaannu ag fadhiisannay webiyaashii Baabulloon,  
 Oo waannu ooynay markii aannu Siyoon soo xusuusannay.  
<sup>2</sup> Oo waxaannu kataaradahaygii sudhannay geedaha safsaafkaa.  
<sup>3</sup> Waayo, kuwii maxaabiis ahaanta noo watay ayaa halkaas gabayo nagu weyddiistay,  
 Oo kuwii na silciyey ayaa farxad na weyddiistay, oo waxay nagu yidhaahdeen,  
 Noogu gabya gabayadii Siyoon midkood.  
<sup>4</sup> Bal sidee baannu gabaygii Rabbiga ugu gabaynaa Dal qalaad dhexdiis?  
<sup>5</sup> Yeruusaalemay, haddaan ku illoobo, Gacantayda midig ha illowdo sancadeedii.  
<sup>6</sup> Carrabkayguna ha ku dhego dhanxanagga afkayga, Haddaan ku xusuusan, Iyo haddaan Yeruusaalem ka sii jeelaan Farxaddayda ugu weyn.  
<sup>7</sup> Rabbiyow, soo xusuuso reer Edom, Kuwaasoo maalintii Yeruusaalem yidhi, Dumiya, dumiya, tan iyo aasaaskeeda.

<sup>8</sup> Gabadha Baabulloonay, waa lagu baabbi'in doonaa, Waxaa faraxsanaan doona kii kaa abaalmariya Sidii aad nagu samaysay.  
<sup>9</sup> Waxaa faraxsanaan doona kii dhallaankaaga qabsada Oo dhagaxa weyn ku dul tuura.

*Kanu waa sabuur Daa'udd tiriyey.*

**138** <sup>1</sup>Qalbigayga oo dhan ayaan kugu mahadnaqi doonaa, Oo ilaahyada hortooda ayaan ammaan kuugu gabyi doonaa,  
<sup>2</sup> Waxaan u soo tukan doonaa macbudkaaga quduuska ah xaggiisa, Oo magacaagana waxaan ugu mahadnaqi doonaa raxmaddaada iyo runtaada aawadood, Waayo, eraygaaga ayaad ka sii weynaysay magacaaga oo dhan.  
<sup>3</sup> Maalintii aan qayshaday waad ii jawaabtay, Waanad igu kalsooni gelisay xooggii aad naftayda u yeeshay.  
<sup>4</sup> Rabbiyow, boqorrada dhulka jooga oo dhammu way kugu mahadnaqi doonaan, Waayo, waxay maqlaan erayada afkaaga.  
<sup>5</sup> Haah, way ka gabyi doonaan jidadka Rabbiga,

Waayo, ammaanta Rabbigu  
waa weyn tahay.

<sup>6</sup> Waayo, in kastoo Rabbigu  
sarreeyo, haddana wuu  
fiiryaa kuwa hooseeya,  
Laakiinse kan kibra meel fog  
buu ka yaqaan.

<sup>7</sup> In kastoo aan ku dhex socdo  
dhibaato waad i soo  
noolayn doontaa,

Oo waxaad gacantaada ku soo  
fidin doontaa cadhada  
cadaawayaaashayda,

Oo gacantaada midigna way i  
badbaadin doontaa.

<sup>8</sup> Rabbigaa kaamil ka dhigi  
doona waxa igu saabsan,  
Rabbiyow, naxariistaadu  
weligeedba way sii  
waartaa,

Ha ka tegin shuqullandii  
gacmahaaga.

*Kanu waa sabuur Daa'eed  
u tirihey madaxdii  
muusikaystayaasha.*

**139** <sup>1</sup> Rabbiyow, waad i  
baadhay, oo waad i soo  
ogaatay.

<sup>2</sup> Waad og tahay  
fadhiisashadayda  
iyo sara kiciddaydaba,

Oo fikirkaygana meel fog baad  
ka garataa.

<sup>3</sup> Socodkayga iyo  
seexashadaydaba  
waad baadhaa,

Oo jihadkayga oo dhanna waad  
wada taqaan.

<sup>4</sup> Waayo, Rabbiyow, eray aanad  
aqoonu carrabkayga  
kuma jiro,

Laakiinse adigu waad wada og  
tahay.

<sup>5</sup> Adigu hor iyo dibba waad iga  
xidhay,

Oo gacantaadaad i saartay.

<sup>6</sup> Aqoontaas oo kale aad iyo  
aad bay iigu yaab badan  
tahay,

Waa wax sare, oo anigu ma aan  
gaadhi karo.

<sup>7</sup> Bal xaggee baan ruuxaaga ka  
tagaa?

Xaggee baanse wejigaaga uga  
cararaa?

<sup>8</sup> Haddaan samada koro,  
halkaasaad joogtaa,

Haddaan sariirtayda She'ool  
dhex dhigtona, bal eeg,  
halkaasna waad joogtaa.

<sup>9</sup> Haddaan qaato baalasha  
subaxda,

Iyo haddaan dego badda  
darafyadeeda ugu  
shisheeyaba,

<sup>10</sup> Xataa halkaas gacantaada  
ayaa i hoggaamin  
doonta,

Oo midigtada ayaa i soo qaban  
doonta.

<sup>11</sup> Haddaan idhaahdo, Hubaal  
gudcurkaa i qarin doona,

Oo iftiinka igu wareegsanu  
habeennimu noqon  
doonaa,

<sup>12</sup> Xataa gudcurku igama kaa  
qariyo,

Laakiinse habeenku wuxuu u iftiimaa sida maalinta oo kale,  
 Gudcurka iyo iftiinku waa isugu kaa mid.  
<sup>13</sup> Waayo, kelyahayga adigaa sameeyey,  
 Oo adigaa igu daboolay maxalkii hooyaday.  
<sup>14</sup> Waan kugu mahadnaqi doonaa, waayo, waxaa la ii sameeyey si cabsi iyo yaab badan,  
 Shuqulladaadu waa yaab badan yihiin,  
 Oo naftayduna taas aad bay u taqaan.  
<sup>15</sup> Lafahaygu kaama qarsoonayn,  
 Markii laygu sameeyey qarsoodiga,  
 Oo farsamada yaabka leh laygu sameeyey dhulka meesha ugu hoosaysa.  
<sup>16</sup> Indhahaagu way i arkeen markaan uurjiifka ahaa,  
 Oo xubnahaygu kitaabkaagay ku wada qornaayeen,  
 Kuwaas oo maalin ka maalin la qabanqaabiyye  
 Intaan midkoodna jirin ka hor.  
<sup>17</sup> Ilaahow, fikirradaadu ila qiimo badanaa!  
 Oo tiro badanaa!  
<sup>18</sup> Haddaan tiriyo, way ka sii tiro badan yihiin ciidda,  
 Oo markaan tooso weli adigaan kula joogaa.

<sup>19</sup> Ilaahow, hubaal waxaad layn doontaa kuwa sharka leh,  
 Haddaba iga taga, raggiinna dhiigycabyada ahow.  
<sup>20</sup> Waayo, iyagu si xun ayay wax kaaga sheegaan,  
 Oo cadaawayaaashaaduna micnela'aan bay magacaaga ku soo qaadqaadaan.  
<sup>21</sup> Rabbiyow, sow ma aan nebci kuwa ku neceb?  
 Oo sow kama aan murugaysni kuwa kugu kaca?  
<sup>22</sup> Nacayb dhan ayaan ku necbahay iyaga,  
 Oo waxaan iyaga u haystaa cadaawayaaashayda.  
<sup>23</sup> Ilaahow, i baadh, oo qalbigaya garo,  
 I tijaabi, oo fikirradayda ogow,  
<sup>24</sup> Oo bal fiiri inuu jid xumaan ahu igu jiro iyo in kale,  
 Oo igu hoggaami jidka weligiis ah.

*Kanu waa sabuur Daa'eed u tiriye madaxdii muusikaystayaasha.*

**140** <sup>1</sup> Rabbiyow, ninka sharka leh iga samatabbixi,  
 Oo iga ilaali ninka dulmiga badan,  
<sup>2</sup> Kuwaasoo qalbigooda kaga fikira belaayooyin,  
 Had iyo goorna dagaal bay isu soo urursadaan.

- <sup>3</sup> Waxay carrabkoodii u afaysteen sidii abeeso oo kale,
- Oo bushimahoodana waxaa ku hoos jirta waabaydii jilbiska. (Selaah)
- <sup>4</sup> Rabbiyow, gacmaha kuwa sharka leh iga dhawr,
- Oo iga ilaali ninka dulmiga badan,
- Kuwaasoo u qasdiyey inay tallaabooyinkayga dhinac u leexiyaan.
- <sup>5</sup> Kuwa kibirka badanu waxay ii qariyeen dabin iyo xadhko,
- Oo jidka dhinaciisana waxay ii gogleen shabag, oo siriq bay ii qooleen. (Selaah)
- <sup>6</sup> Waxaan Rabbiga ku idhi, Waxaad tahay Ilaahayga, Haddaba, Rabbiyow, bal dhegta u dhig codka baryootankayga.
- <sup>7</sup> Ilaahow Sayidow, xooggii badbaadadaydow, Maalintii dagaalka madaxaygaad dabooshay.
- <sup>8</sup> Rabbiyow, kuwa sharka leh ha siin waxay doonayaan, Oo horay ha u sii wadin xeeladdoda sharka ah, waaba intaasoo ay kor isu qaadaane. (Selaah)
- <sup>9</sup> Oo kuwa igu wareegsan madaxoodana

- Belaayada bushimahooda ka soo baxaysa ha dabooshoo.
- <sup>10</sup> Dhuxulo ololaya ha ku soo dul daateen,
- Oo iyaga ha lagu dhex tuuro dabka, Iyo godad aad u dhaadheer, si aanay mar dambe u soo sara kicin.
- <sup>11</sup> Ninka sharka ku hadlaa yaanu dhulka ku sii waarin, Sharku wuxuu u ugaadhsan doonaa ninka dulmiga badan inuu afgembiyo aawadeed.
- <sup>12</sup> Waan ogahay in Rabbigu kuwa dhibban dacwadooda u gar qaadi doono, Oo uu kuwa baahanna xaqooda siin doono.
- <sup>13</sup> Hubaal kuwa xaqa ahu waxay ku mahadnaqi doonaan magacaaga, Oo kuwa qummanuna waxay joogi doonaan hortaada.
- Kanu waa sabuur Daa'udd tirihey.*
- 141** <sup>1</sup> Rabbiyow, adigaan kuu qayshaday, haddaba ii soo dhaqso, Oo markaan kuu qayshado, codkayga dhegta u dhig.
- <sup>2</sup> Baryootankaygu ha noqdo sida foox hortaada la dhigay,

Oo gacma-koruqaadiddayduna  
ha noqoto sida  
allabariga fiidnimo.

<sup>3</sup> Rabbiyow, afkayga waardiye  
hor jooji,

Oo albabka bushimahaygana  
dhawr.

<sup>4</sup> Qalbigayga ha u duwin wax  
shar ah,

Yaanu falimo xumaan ah la  
gelin

Dadka xumaanta ka shaqeeya,

Oo yaanan wax ka cunin  
waxyaalahooda macaan.

<sup>5</sup> Kan xaqa ahu ha i dilo, raxmad  
bay ii ahaan doontaa,

Oo ha i canaanto, waxay ii  
noqon doontaa sida  
saliid madaxa lagu  
shubto,

Madaxayguna yaanu diidin,

Waayo, xataa intay sharkooda  
ku sii jiraan ayaan  
tukashadayda ka geesta  
ah sii wadaa.

<sup>6</sup> Xaakinnadoodii waxaa  
lagu tuuray dhagaxa  
dhinacyadiisa,

Oo iyagu waxay maqli doonaan  
erayadayda, waayo, way  
macaan yihiin.

<sup>7</sup> Sida markii beerta la qodo oo  
dhulka la jeexo

Ayaa lafahayagii ugu firidhsan  
yihiin She'ool afkiisa.

<sup>8</sup> Waayo, Ilalahow Sayidow,  
indhahaygu xaggaagay  
ku soo jeedaan,

Oo adigaan isku kaa halleeyaa,  
haddaba naftayda ha  
dayrin.

<sup>9</sup> Iga dhawr dabinka ay ii  
dhigeen,  
Iyo siriqda ay  
xumaanfalayaashu  
qooleen.

<sup>10</sup> Kuwa sharka lahu ha  
ku dhex dheceen  
shabagyadooda

Markaan anigu ka baxsado.

*Kanu waa baryootan Maskiil ah  
ee Daa'uud tirihey  
markuu godkii ku jiray.*

## 142

<sup>1</sup> Anigu codkaygaan  
Rabbiga ugu  
qayshadaa,

Oo codkaygaan Rabbiga ku  
baryaa.

<sup>2</sup> Oo hortiisaan ku cawdaa,  
Oo dhibaatadaydana hortiisaan  
ku muujiyya.

<sup>3</sup> Markii naftaydu gudahayga  
ku itaal darnaatay,  
waddadayda waad  
tiqiin,

Jidka aan ku socdona dabin bay  
iigu qariyeen.

<sup>4</sup> Bal fiiri xaggayga midig, oo bal  
arag,

Waayo, nin i yaqaan ma jiro,  
Meel aan magangalo ayaan  
waayay, ninna naftayda  
dan kama leh.

<sup>5</sup> Rabbiyow, adigaan kuu  
qayshaday,

Oo waxaan idhi, Wuxaan tahay magangalkayga,  
 Iyo qaybta aan dalka kuwa nool ku leeyahay.  
<sup>6</sup> Qayladaya dhegayso, waayo, aad baa hoos laygu dejiyey,  
 Kuwa i silciya iga samatabbixi, waayo, iyagu way iga xoog badan yihiin.  
<sup>7</sup> Naftayda xabsiga ka soo bixi, si aan magacaaga ugu mahadnaqo,  
 Kuwa xaqa ah ayaa igu hareeraysnaan doona,  
 Waayo, wax badan oo wanaagsan baad ii samayn doontaa.

*Kanu waa sabuur Daa'udd tirihey.*

**143** <sup>1</sup> Rabbiyow, tukashadayda maqal, oo baryootankayga dhegta u dhig,  
 Oo daacadnimadaada iyo xaqnimadaada iigu jawaab.  
<sup>2</sup> Anoo addoonkaaga ah xukun ha i gelin,  
 Waayo, inta nool oo dhan ma jiro nin hortaada lagu caddayn doonaa inuu xaq yahay.  
<sup>3</sup> Waayo, cadowgaa naftayda silciyey,  
 Noloshaydiina dhulkuu ku tuuray,  
 Oo wuxuu iga dhigay inaan meelo gudcur ah dego,

sidii kuwii waagii hore dhintay.  
<sup>4</sup> Sidaas daraaddeed ayaa ruuxaygu iigu dhex itaal darnaadaa,  
 Qalbigayguna gudahayguu ku cidloobay.  
<sup>5</sup> Wuxaan soo xusuustaa wakhtigii hore, Falimahaaga oo dhanna waan ka fikiraa,  
 Oo waxaan firo u yeeshaa shuqulkii gacmahaaga.  
<sup>6</sup> Gacmahaygaan kuu hoorsadaa,  
 Oo naftaydu adigay kuu harraaddaa sida dhul oommane ah. (Selaah)  
<sup>7</sup> Rabbiyow, dhaqso iigu soo jawaab, waayo, naftaydu way itaal darnaataa.  
 Wejigaaga ha iga qarin,  
 Waaba intasoo aan noqdaa sida kuwa godka ku dhaca oo kale.  
<sup>8</sup> Aroorta naxariistaada i maqashii,  
 Waayo, adigaan isku kaa halleeyaa,  
 I garansii sidii aan u socon lahaa,  
 Waayo, naftaydaan kor kuugu qaadaa.  
<sup>9</sup> Rabbiyow, cadaawayaaashayda iga samatabbixi,  
 Waayo, adaan kugu soo cararaa inaad i qariso.

- <sup>10</sup> I bar si aan doonistaada  
u sameeyo, waayo,  
waxaad tahay Ilaahayga,  
Ruuxaaga wanaagsanu ha igu  
dhex hoggaamiyo dalka  
qummanaanta.
- <sup>11</sup> Rabbiyow, ii soo noolee  
magacaaga daraaddiis,  
Oo xaqnimadaada naftayda  
kaga soo bixi dhibaato.
- <sup>12</sup> Oo raxmaddaada  
cadaawayayaashayda  
ku wada tirtir,  
Kuwa naftayda dhiba oo  
dhanna baabbi'i,  
Waayo, waxaan ahay  
addoonkaaga.

*Kanu waa sabuur Daa'udd tiriyey.*

- ## 144
- <sup>1</sup> Mahad waxaa leh  
Rabbiga dhagaxayga  
weyn ah,  
Oo gacmahayga dagaalka bara,  
Farahaygana dirirta bara,  
<sup>2</sup> Kaasoo ah raxmaddayda, iyo  
qalcaddayda,  
Munaaraddayda, iyo  
samatabbixiyahayga,  
Iyo gaashaankayga, iyo kan aan  
isku halleeyo,  
Oo dadkayga ka yeela kuwo iga  
hooseeya.
- <sup>3</sup> Rabbiyow, waa maxay dadku  
oo aad u xusuusataa  
isaga?
- Ama wiilka aadanaha oo aad ka  
fikirtaa isaga?
- <sup>4</sup> Dadku waa sida wax aan  
waxtar lahayn,

- Oo cimrigiisuna waa sida  
hooska libdha.
- <sup>5</sup> Rabbiyow, samooyinkaaga  
foorori, oo soo  
dhaadhac,  
Buuraha taabo, oo iyana way  
qiiqi doonaan.
- <sup>6</sup> Hillaac soo tuur, oo iyaga kala  
firdhi,  
Fallaadhahaaga soo gan, oo  
iyaga jebi.
- <sup>7</sup> Gacantaada kor ka soo fidi,  
Oo i badbaadi, oo iga  
samatabbixi biyaha  
badan,  
Iyo gacanta shisheeyayaasha,
- <sup>8</sup> Kuwaasoo afkoodu wax  
bilaash ah ku hadlo,  
Gacantooda midigna tahay  
midig beeneed.
- <sup>9</sup> Ilaahow, gabay cusub ayaan  
kuugu gabyi doonaa,  
Oo waxaan ammaan kuugu  
gabyi doonaa shareerad  
toban xadhig leh.
- <sup>10</sup> Waa isaga kan boqorrada  
badbaadiyya,  
Oo addoonkiisa Daa'udd ka  
badbaadiya seefta  
sharka leh.
- <sup>11</sup> I badbaadi, oo iga  
samatabbixi gacanta  
shisheeyayaasha,  
Kuwaasoo afkoodu wax bilaash  
ah ku hadlo,  
Gacantooda midigna tahay  
midig beeneed.

<sup>12</sup> Markii wiilashayadu ay  
noqdaan sidii geedo  
yaraantoodii ku koray,  
Oo gabdhahayaguna  
ay noqdaan sidii  
dhagaxyada rukunka oo  
loo qoray qaabkii guriga  
boqorka,  
<sup>13</sup> Markii maqsinnadayadu ay  
buuxsamaan iyagoo na  
siinaya alaab cayn kasta  
ah,  
Idahayaguna ay noo  
dhalaan kumanyaal  
iyo kumaankun oo  
berrimmada noo jooga,  
<sup>14</sup> Markii dibidayadu ay aad u  
xoogaystaan,  
Markaan la arag weerarid iyo  
qaxid,  
Oo aan cabasho jirin  
jidatkayaga dheddooda,  
<sup>15</sup> Waxaa faraxsan dadkii  
xaalkoodu sidaas yahay,  
Haah, oo waxaa faraxsan dadkii  
Rabbigu Ilaahooda  
yahay.

*Kanu waa sabuur ammaan ah  
oo Daa'udd tirihey.*

**145** <sup>1</sup>Ilaahayow, Boqorow,  
anigu waan ku  
sarraysiin doonaa,  
Oo magacaagana waan  
ammaani doonaa  
weligay iyo weligayba.  
<sup>2</sup> Maalin kasta mahad baan kuu  
naqi doonaa,

Oo magacaagana waan  
ammaani doonaa  
weligay iyo weligayba.  
<sup>3</sup> Rabbigu waa weyn yahay,  
oo waa in aad loo  
ammaano,  
Weynaantiisuna waa mid aan  
la baadhi karin.  
<sup>4</sup> Farcanba farcan ayuu  
shuqullandadaada u  
ammaani doonaa,  
Oo waxay ka warrami doonaan  
falimahaaga waaweyn.  
<sup>5</sup> Anigu waxaan ka fikri doonaa  
haybadda ammaanta  
leh oo sharaftaada,  
Iyo shuqullandadaada yaabka  
badan.  
<sup>6</sup> Dadku waxay ka hadli  
doonaan xooggii  
falimahaaga cabsida  
badan,  
Oo anna waxaan sheegi doonaa  
weynaantaada.  
<sup>7</sup> Waxay ku hadli doonaan  
wanaaggaaga badan  
xusuustiisa,  
Xaqnimadaadana way ka gabyi  
doonaan.  
<sup>8</sup> Rabbigu waa nimco miidhan,  
oo waxaa ka buuxda  
raxmad,  
Cadhona wuu u gaabiyyaa,  
wuuna naxariis badan  
yahay.  
<sup>9</sup> Rabbigu wax kasta wuu u  
roon yahay,

Naxariistiisuna waxay ka  
sarrayasa shuqulliadiisa  
oo dhan.

<sup>10</sup> Rabbiyow, shuqulladaada  
oo dhammu way kugu  
mahadnaqi doonaan,  
Oo quduusiintaaduna way ku  
ammaani doonaan.

<sup>11</sup> Waxay ka hadli  
doonaan sharafta  
boqortooyadaada,

Oo waxay ka sheekaysan  
doonaan xooggaaga,

<sup>12</sup> Si ay binu-aadmiga u  
ogeysiyaan Ilaah  
falimihiisa waaweyn,  
Iyo ammaanta haybadda  
boqortooyadiisa.

<sup>13</sup> Boqortooyadaadu waa  
boqortooyo daa'imis ah,

Oo dawladnimadaaduna way  
sii waartaa tan iyo ab ka  
ab.

<sup>14</sup> Rabbigu wuu tiiriya kuwa  
kufa oo dhan,  
Oo wuxuu toosiya kuwa gota  
oo dhan.

<sup>15</sup> Wax kasta indhahoodu  
adigay wax kaa  
sugayaan,

Oo quudkoodana waad siisa  
xilligiisa.

<sup>16</sup> Gacantaadaad furtaa,  
Oo waxaad dherjisaa wax kasta  
oo nool.

<sup>17</sup> Rabbigu jidadkiisa oo dhan  
wuu ku qumman yahay,

Oo shuqulliadiisa oo dhanna  
wuu ku nimco badan  
yahay.

<sup>18</sup> Rabbigu waa u dhow yahay  
inta isaga barida oo  
dhan,

Kuwaas oo ah inta runta ku  
barida oo dhan.

<sup>19</sup> Kuwa isaga ka cabsada waxay  
doonayaanba wuu siin  
doonaa,

Oo weliba qayladoodana wuu  
maqli doonaa, wuuna  
badbaadin doonaa  
iyaga.

<sup>20</sup> Rabbigu inta isaga jecel oo  
dhan wuu ilaaliyaa,  
Laakiinse kuwa sharka leh  
oo dhan wuu wada  
baabbi'in doonaa.

<sup>21</sup> Afkaygu wuxuu ku hadli  
doonaa ammaanta  
Rabbiga,

Oo inta jidh leh oo dhammaduna  
magiciisa quduuska  
ah ha ammaaneen  
weligood iyo  
weligoodba.

**146** <sup>1</sup> Rabbiga ammaana.  
Naftaydoy, Rabbiga  
ammaan.

<sup>2</sup> Intaan noolahay oo dhan  
Rabbiga waan ammaani  
doonaa,

Oo ammaan baan Ilaahay ugu  
gabyi doonaa intaan jiro  
oo dhan.

<sup>3</sup> Ha isku hallaynina amiirrada

Iyo binu-aadmiga aan waxba  
caawimi karin.

<sup>4</sup> Naftiisu way ka baxdaa,  
oo wuxuu ku noqdaa  
dhulkiisii.

Oo isla maalintaas ayaa  
fikirradiisu baabba'aan.

<sup>5</sup> Waxaa faraxsan ninkii ay  
caawimaaddiisu tahay  
Ilaaha reer Yacquub,

Oo rajadiisuna ay ku xidhan  
tahay Rabbiga Ilaahiisa  
ah,

<sup>6</sup> Oo sameeyey cirka iyo dhulka,  
Iyo badda iyo waxyaalaha ku  
jira oo dhan,

Oo runtana dhawra weligiisba,

<sup>7</sup> Oo kuwa la dulmay u garsoora,  
Oo kuwa gaajaysanna quud  
siiya.

Rabbigu maxaabiistuu furaa.

<sup>8</sup> Rabbigu indhahuu u bixiyaa  
indhoolayaasha,

Oo kuwa gotana Rabbigaa  
toosiya,

Oo kuwa xaqa ahna Rabbigu  
waa jecel yahay.

<sup>9</sup> Rabbigu waa ilaaliyaa kuwa  
qariibka ah,

Oo isagaa taageera agoonta iyo  
carmallada,

Laakiinse jidka kuwa sharka leh  
wuu qalloociyaa.

<sup>10</sup> Rabbigu xukun buu haysan  
doonaa weligiis,

Siyoonay, Ilaahaagaa boqor ah  
tan iyo ab ka ab.

Rabbiga ammaana.

**147** <sup>1</sup> Rabbiga ammaana.  
Waayo, way wanaagsan  
tahay in Ilaaheenna  
ammaan loogu gabyo,  
Waayo, taasu way wakan tahay,  
oo ammaantuna way  
habboon tahay.

<sup>2</sup> Rabbigu Yerusaalem buu  
dhisaa,

Oo wuxuu isu soo wada  
ururiyaa kuwa la naco  
oo reer binu Israa'iil ah.

<sup>3</sup> Isagaa bogsiiya kuwa qalbi  
jabay,

Oo nabrahoodana wuu duubaa.

<sup>4</sup> Wuxuu sheegaa xiddigaha  
tiradooda,

Oo kulligoodna magacyo buu u  
bixiyaa.

<sup>5</sup> Sayidkeennu waa weyn yahay,  
wuuna xoog badan  
yahay,

Waxgarashadiisuna waa mid  
aan la koobi karayn.

<sup>6</sup> Rabbigu wuu tiiriyyaa kuwa  
camalka qabow,

Oo kuwa sharka lehna dhulkuu  
ku soo tuuraa.

<sup>7</sup> Rabbiga mahadnaqid ugu  
gabya,

Oo kataaradda ammaan ugu  
gabya Ilaaheenna,

<sup>8</sup> Kaasoo samada daruuro ku  
qariya,

Oo dhulka roob u diyaarsha,  
Buurhana doog ka soo bixiya.

<sup>9</sup> Wuxuu quud siiyaa  
xayawaanka,

Iyo tukayaasha yaryar markay  
qayliyaanba.

<sup>10</sup> Isagu kuma farxo xoogga  
faraska,

Oo kuma reyreeyo lugaha  
dadka.

<sup>11</sup> Rabbigu wuxuu ku reyreeyaa  
kuwa isaga ka cabsada,  
Iyo kuwa naxariistiisa rajada ka  
qaba.

<sup>12</sup> Yeruuusaalemay, Rabbiga  
ammaan,  
Siyoonay, Ilaahaaga ammaan.

<sup>13</sup> Waayo, wuxuu xoogeeyey  
qataarrada irdahaaga,  
Carruurtaadana wuu kugu dhex  
barakeeyey.

<sup>14</sup> Soohdimahaaga nabad buu  
ka dhigaa,

Oo wuxuu kaa dhergiyaa  
sarreenka ugu  
wanaagsan.

<sup>15</sup> Amarkiisa wuxuu u soo diraa  
dhulka,  
Eraygiisuna aad buu u  
dheereeyaa.

<sup>16</sup> Baraf cad wuxuu u soo  
daadshaa sida dhogor  
oo kale,  
Sayax barafobayna wuxuu  
u kala firdhiyaa sida  
dambas oo kale.

<sup>17</sup> Barafkiisa wuxuu u soo ridaa  
sida jajab oo kale,  
Bal yaa qabowgiisa hor istaagi  
kara?

<sup>18</sup> Wuxuu soo diraa eraygiisa,  
oo wuu dhalaaliyaa  
iyaga,

Dabayshiisana wuxuu ka dhigaa  
inay dhacdo, biyuhuna  
way qulqulaan.

<sup>19</sup> Eraygiisa wuxuu tusaa reer  
Yacquub,  
Qaynuunnadiisa iyo  
xukummadiisana  
reer binu Israa'iil.

<sup>20</sup> Quruunna sidaas oo kale  
uma uu samayn.  
Xukummadiisiina ma ay  
garanaynin,  
Rabbiga ammaana.

## 148<sup>1</sup> Rabbiga ammaana.

Rabbiga samooyinka ka  
ammaana,

Meelaha sarsarena ka  
ammaana.

<sup>2</sup> Malaa'igliiisa oo dhammow,  
ammaana isaga,  
Ciidankiisa oo dhammow,  
ammaana isaga.

<sup>3</sup> Qorraxda iyo dayaxow,  
ammaana isaga,  
Xiddigaha iftiinka oo  
dhammow, ammaana  
isaga.

<sup>4</sup> Ammaana isaga, samooyinka  
samooyinkow,  
Iyo biyaha samooyinka ka  
sarreeyow.

<sup>5</sup> Iyagu magaca Rabbiga ha  
ammaaneen,  
Waayo, isagu wuu amray, oo  
iyana way abuurmeen.

<sup>6</sup> Oo weliba isagaa adkeeyey  
iyaga weligood iyo  
weligoodba,

Oo wuxuu sameeyey xad aan la  
gudbi doonayn.

<sup>7</sup> Rabbiga dhulka ka ammaana,  
Masbadeedyo iyo moolal oo  
dhammow,

<sup>8</sup> Dab iyo roobdhagaxyaaale,  
baraf cad iyo  
ceeryaamow,  
Iyo dabayl duufaan ah oo  
eraygiisa oofiyow,

<sup>9</sup> Buuro iyo kuro oo dhammow,  
Dhir midho badan iyo dhir  
keedar la yidhaahdo oo  
dhammow,

<sup>10</sup> Dugaag iyo xoolo oo  
dhammow,

Waxa gurguurta iyo haadda  
duusha oo dhammow,

<sup>11</sup> Boqorrada dhulka  
iyo dadyowga oo  
dhammow,

Amiirrada iyo xaakinnada  
dhulka oo dhammow,

<sup>12</sup> Barbaar iyo hablow,  
Odayaal iyo carruuray,

<sup>13</sup> Ha ammaaneen magaca  
Rabbiga,  
Waayo, magiciisa oo keliya  
aya la sarraysiiyaa,

Ammaantiisu dhulka iyo cirkaba  
way ka korraysaa.

<sup>14</sup> Isagu wuxuu sare u qaaday  
geeskii dadkiisa,  
Iyo ammaantii quduusiintisa  
oo dhan,

Waana reer binu Israa'iil oo ah  
dad isaga u dhow.  
Rabbiga ammaana.

**149** <sup>1</sup> Rabbiga ammaana.  
Rabbiga gabay cusub  
ugu gabya,  
Oo ammaantiisana shirka  
quduusiinta kaga dhex  
gabya.

<sup>2</sup> Reer binu Israa'iil kii  
iyaga uumay ha ku  
reyreeyeen,

Oo reer Siyoonna boqorkooda  
ha ku farxeen.

<sup>3</sup> Magiciisa cayaarta ha ku  
ammaaneen,

Oo ammaan ha ugu gabyeen  
iyagoo sita daf iyo  
kataarad.

<sup>4</sup> Waayo, Rabbigu wuxuu ku  
farxaa dadkiisa,  
Wuxuu kuwa camalka qabowna  
ku qurxin doonaa  
badbaado.

<sup>5</sup> Quduusiintu ammaan ha ku  
reyreeyeen,

Oo farxad ha ku gabyeen iyagoo  
sariirahooda jiifa.

<sup>6</sup> Ammaanta sare oo Ilaah  
afkooda ha ku jirto,  
Seef laba af lahuna gacantooda  
ha ku jirto,

<sup>7</sup> Si ay quruumaha uga  
aargutaan,  
Oo ay dadyowgana u  
ciqaabaan,

<sup>8</sup> Si ay boqorradooda silsilado  
ugu soo xidhaan,  
Oo ay raggooda gobta ahna  
jeebbooyin bir ah ugu  
soo xidhaan,

<sup>9</sup> Si ay iyaga ugu soo dejyaan  
xukunka qoran,  
Quduusiintiisa oo dhimmuna  
waxay leeyihiin  
sharaftan.  
Rabbiga ammaana.

**150** <sup>1</sup> Rabbiga ammaana.  
Ilaah ku dhex ammaana  
meeshiisa quduuska ah,  
Ku dhex ammaana samada  
xooggiisa.  
<sup>2</sup> Falimihiisa waaweyn  
aawadood u ammaana,  
U ammaana si waafaqsan  
weynaantiisa sare.

<sup>3</sup> Dhawaaqa buunka ku  
ammaana,  
Oo shareerad iyo kataarad ku  
ammaana.  
<sup>4</sup> Ku ammaana daf iyo cayaar,  
Oo ku ammaana alaab xadhko  
leh oo muusiko ah iyo  
biibiile.  
<sup>5</sup> Suxuunta laysku garaaco  
oo codka dheer ku  
ammaana,  
Ku ammaana suxuunta  
sanqadha dheer.  
<sup>6</sup> Wax kasta oo neef lahuba  
Rabbiga ha ammaaneen.  
Rabbiga ammaana.